



სპეციალური მხარე

გამოდის თვეში ორჯერ პარასკევით

ფასი 1,50 ლარი

4 ოქტომბერი 2013

№20 (202)



შინაარსი

მოგონებათა სივრძი	2	ტრიფონ ჯაფარიძე აკაკი წერეთელი
მსახრე-ინტერვიუ	7	გიორგი (კახა) კახაბრიშვილი „ჩემს ბასაკეთიჯალს სხვა ვერ გააკეთებს!“ (მოამზადა ციცინო ხუციშვილმა)
პროზა	8	ლია მოლარიშვილი სამოთხის მინდვრები
პოეზია	18	ჯემალ ინჯია შენთან ერთად
პოეზიის ერთი ლექსი	20	ნელი ბატიაშვილი სიკვდილზე ნამსვლელმა იცის
კულტურის ხიფათი	22	ეთერ მგალობლიშვილი ოსკარ უაილდი ქართულ ლიტერატურასა და თეატრში (1900-1925 წწ)
ბავი კასისა	26	ბაკურ გეგია ამერიკული გალია და მომუშაველი ნატყვიარები
დავითწერი სახელები	36	გურამ ბენაშვილი ლიტერატურული ვიტრაჟები (ივანე მაჩაბელი, კონსტანტინე გამსახურდია, გრიგოლ რობაქიძე, პავლე ინგოროყვა)
წუთები და წლები	41	როსტომ ჩხეიძე დიდი გეგურა (ბორის გაპონოვი და მისი ბიოგრაფოსი)
თეატრალური სიხლენი	46	ნინო ჩხიკვიშვილი „ბრონკოლმის მეთოდში“ ანუ დაბრუნება...
ფიქრი და განჯა	48	გივი ალხაზიშვილი დანაშაულით მკვდარი
პოეზიის მერიდიანები	58	შემას ჰინი სურვილის ხე და სხვა ლექსები
კულტურული ცხოვრება	60	თამარ მიქაძე ჩვენს სამღერალს ვინ იმღერებს...
უსხორცი ნოველა	62	ვარლამ შალამოვი ბუკინისტი
გამონათქვამი	67	ადა ნემსაძე პოეზია — „ღუმილი, რომელიც ლაპარაკობს“ (მირიან ებანოძის ახალი პოეტური რკალი)
ნაკვეთები	69	მასვილსიტყვამის ნიმუშები
მოზაიკა	71	კომუნიზმი მატყვივით გაქრებაო



ორკვირული ჟურნალი

მისამართი: თბილისი, ჩუბინაშვილის #41

რედაქცია: (995 32) 296 20 62

რეკლამა: (995 93) 65 93 68

გავრცელება: (995 92) 25 94 94

ელ-ფოსტა: info@mtserloba.ge



www.facebook.com/chveni.mtserloba

„ჩვენი მწერლობის“ მომდევნო ნომერი გამოვა 18 ოქტომბერს

დაარსებულია
ომეგა ჯგუფის მიერ
2000 წლის ივლისში

დამფუძნებელი
ზაზა ოქუაშვილი



დაბეჭდილია სტამბაში
ომაგა თეჯი

პ.სარაჯიშვილის ქუჩა 17,
თბილისი საქართველო
ტელ: 00 995 32 53 12 77
ფაქსი: 00 995 32 53 08 33
ელ-ფოსტა: orders@omegategi.ge
www.omegategi.ge

მთავარი რედაქტორი	როსტომ ჩხეიძე
პროზის რედაქტორი	ივანე ამირხანაშვილი
პოეზიის რედაქტორი	მაკა ჯოხაძე
კრიტიკისა და თარგმანის რედაქტორი	თამაზ ნატროშვილი
მხატვრული რედაქტორი	კარლო ფაჩულია
დიზაინერი	მალხაზ იაშვილი
სტილისტ-კორექტორი	ნინო დეკანოძე
კომპიუტერული უზრუნველყოფა	თენგიზ რობიტაშვილი
ოპერატორი	თამარ ჩიხლაძე
სარეკლამო მენეჯერი	ეკა ბუჯიაშვილი
გავრცელების სამსახური	ლევან კიკნაძე

გარეკანზე: ბორის გაპონოვი, მხატვარი კარლო ფაჩულია სერიიდან „ჩემი ებრაელი მეზობლები“

ტრიფონ ჯაფარიძე

აკაკი წერეთელი

ჟურნალ "მწვანეაწვენილას" 2012 წლის №4 ვიუწყებოდით, რომ ამავე წელს ქუთაისის მუზეუმს მედიცინის მეცნიერებათა დოქტორმა, ქალბატონმა ნინო ჯაფარიძემ გადავსცა მისი ბაბუის — ცნობილი ქართველი მეცნიერისა და საზოგადო მოღვაწის ტრიფონ ჯაფარიძის პირადი არქივი. არქივში დაცულ მასალათაგან ერთ-ერთი — „ტრიფონ ჯაფარიძის მოგონებები ილია ჭავჭავაძეზე“, „მწვანეაწვენილას“ იმავე ნომერში დაიბეჭდა და მეტად საინტერესო გამოხმაურებებიც მოჰყვა. ჟურნალ „ჩვენი მწერლობაში“ დაიბეჭდა რუსტომ ჩხეიძისა და ელბუჯა თაყაიშვილის სტატიები, რომლებითაც კიდევ უფრო ნათელი გახდა, თუ რაოდენ მნიშვნელოვან დოკუმენტურ ცნობებს შეიცავდა დასახელებული პუბლიკაცია.

ამჯერად გთავაზობთ ტრიფონ ჯაფარიძის მოგონებებს აკაკი წერეთელზე. შეიძლება ითქვას, რომ ქართველი მკითხველი განეზვიერებულია აკაკის თანამედროვეთაგან მისი ცხოვრებისა თუ მოღვაწეობის ამა თუ იმ პერიოდის ამსახველი მოგონებებით და, ამდენად, ტრიფონ ჯაფარიძის მეშუარეობაში შესაძლოა ზოგიერთი რამ მისთვის ცნობილი იყოს, თუმცა მასში ისეთ ნიუანსებსაც ნაანყდება, რომელთა შესახებ დღემდე არაფერია გამოქვეყნებული.

უდავოდ საინტერესო ფაქტია ისიც, რომ „მოგონებები აკაკიზე“ წარმოდგენილია ტრიფონ ჯაფარიძის არქივში დაცულ გამოსაცემად გამზადებულ წიგნში, რომლის სატიტულო გვერდზე წერია — „აკაკი წერეთელი“ /გამოქვეყნებულია ლეონტი, პოეტიკი, სურათიკი, პირადი წერილები და მოგონებები/ ვ.კაკაბაძის, მ.დუღუჩავას, ტ. ჯაფარიძის რედაქციითა და მნიშვნელობით. 1937 წელი.

წიგნში უნდა შესულიყო აკაკი წერეთლის უცნობი მასალები, რომელთა დაბეჭდვაც, როგორც ტ. ჯაფარიძე წინასიტყვაობაში აღნიშნავს, „მეტად ძნელი იყო... ორი გარემოების გამო: ერთი ის, რომ ჩვენში მთელი საუკუნე არსებობდა სასტიკი ცენზურა და ამიტომ ჩვენი მწერლების ნაწერები ან სულ არ იბეჭდებოდა, ან იბეჭდებოდა მაგრამ დროისა და გარემოების მიხედვით ათასნაირად შეკვეცილი და შესწორებული, ამიტომაც ჩვენ საშუალება არ გვქონდა მწერლის შემოქმედება ნამდვილი (სრული) სახითა და შინაარსით დაგვეჩვენებინა; მეორე ის, რომ ჩვენი მწერლები, როგორც სახელმწიფო სამსახურში მყოფი პირები, ზოგი შიშით ვერ აქვეყნებდა თავის ნაწერებს, ზოგი კი ფარული სახელით წერდა... აკაკის ნაწერების მთლიანად გამოქვეყნებას, ზემოთ აღნიშნულ გარემოების გარდა, არსებითად ხელს უშლიდა ის გარემოებაც, რომ აკაკის ჰქონდა სამწუხაროდ ერთი მავნე თავისებურება — სადაც დასწერდა ლექსს, იქ დასტოვებდა (ამიტომ ხუმრობით ამბობდნენ აკაკიზე: „ქათამივით სადაც დაჯდება, კვრახსი იქ დასდებს“), ხან თავის ნაცნობსა და მეგობარს კერძო წერილში მისწერდა ლექსს. იყო ისეთი შემთხვევებიც, რომ აკაკის ხელნაწერი (მესტიურული, შიირი) საზოგადოებაში კერძოთ ვრცელდებოდა და არ იბეჭდებოდა, ხან იმიტომ, რომ... ხუმრობით კილო იყო ნახშირი და ხან შინაარსი პირადობას ეხებოდა... ამგვარად აკაკის სამწერლო კრებულში ბევრი მისი ლექსი ჩაუნერხელი რჩებოდა, ამიტომაც აკაკის ნაწერები ბევრი დაიკარგა და ბევრი აქა-იქ მიტოვებული და გაფანტული დარჩა. ჩვენ ვიცოდით ეს გარემოება და ამიტომ მის ნაწერებს ყველგან ვეძებდით, სადაც კი მას მსგავლობა ჰქონდა და ვისთანაც კი მიწერ-მოწერაში იყო. ბევრი ვიპოვეთ და დაცული გვაქვს, მაგრამ ვინ იცის, რამდენი დაიკარგა. საერთოდ ჩვენ მოვავროვეთ და გავაცანით ისეთ მასალებს და საარქივო ნაშთებს, რომელთაც ქართული ლიტერატურის მიმოხილველი ჯერ ან სულ არ გაცნობია, ან კერძო, კონკრეტული საკითხით დაინტერესებულს ზერეულედ გადაუხედავს. ჩვენ სურვილი გვაქვს მკითხველთ გაავაცნოთ ჩვენი მუშაობის შედეგი და გამოვაქვეყნოთ“...

1937 წლის კარგესიათა მსხვერპლმა ტრიფონ ჯაფარიძემ ეს სურვილი ვერ აიხდინა. დასაბეჭდად გამზადებული წიგნი კი მის პირად არქივში დარჩა და დღემდე მკვლევარის ხელი არ შეხებია. უდავოა, რომ წიგნი /ხელნაწერი/ დიდი მნიშვნელობა აქვს აკაკის ნაწარმოებთა გამოცემის ისტორიის შესწავლისათვის და

სრულიად ახალ მასალას წარმოადგენს აკაკის შემოქმედების გამოცემის საკითხით დაინტერესებულ მკვლევართათვის.

ცნობილია, რომ აკაკი წერეთლის თხზულებათა პირველი სრული გამოცემა ოთხ ტომად განხორციელდა 1925-28 წლებში სერგი გორგაძისა და ალექსანდრე აბაშელის რედაქტორობით. ამ პერიოდისა და 1940 წლამდე, აკაკის საიუბილეო გამოცემაში, მისი თხზულებები აღარ გამოცემულა. ამდენად, ტ. ჯაფარიძის არქივში დაცულ წიგნს, რომელშიაც შეტანილია ის ნაწარმოებები და აკაკის პირადი წერილები, რომლებიც ვერ მოხვდა, ან შეკვეცილი სახით დაიბეჭდა 1925-28 წლების გამოცემაში, ცენზურის ან გამოცემელთა მოსაზრებების გამო, დიდი მნიშვნელობა ენიჭებოდა ამ ხარვეზის შესასწავლად.

წიგნის გამოცემა რომ ვერ მოხერხდა, ეს უშუალოდ უნდა უკავშირდებოდეს 1937 წელს ტრიფონ ჯაფარიძის დაპატიმრების ფაქტს. „ხალხის მტრის“ რედაქციით მომზადებული წიგნის გამოცემას, ბუნებრივია, ვერავინ იტვირთებდა. გამოსაცემი წიგნში, თვითონ ტრიფონის მოგონებების გარდა, შეტანილია მასალები ძირითადად ქუთაისის მუზეუმის ხელნაწერთა ფონდში დაცულ კირილე ლორთქიფანიძის ლიტერატურული არქივიდან, ქართული პერიოდული გამოცემებიდან და საქართველოს ცენტრალური არქივისა და მუზეუმების საცავებიდან. როგორ მოხვდა გამოსაცემი წიგნში წარმოდგენილი მასალის გარკვეული ნაწილი 1940 წლის საიუბილეო გამოცემაში, ეს ჩვენი მომავალი კვლევის საგანია.



ციცინო მუშლაკი

ჩვენი ახალი ლიტერატურის დედაბოძი, ხელოვნების უდიდესი ქურუმი და ლირიკის გიგანტი აკაკი თავისი ბუმბერაზი სახით ღრმად აღბეჭდილია ქართველი ერის შეგნებაში. მის შემოქმედებას ჩვენი ერის გათვითცნობიერებაში უდიდესი მნიშვნელობა ჰქონდა. აკაკის პიროვნება საეგზეთ განსახებულა მის შემოქმედებაში. რაც უფრო ღრმად შევისწავლით აკაკის პიროვნებას, მით უფრო ნათლად ავითვისებთ მის შემოქმედებას.

აკაკი მეტად ორიგინალური პიროვნება იყო. მისი დახასიათება მეტად ძნელია, რადგან მისი სახე მრავალფეროვანია. ზოგიერთი მისი თვისება ცხადი და აშკარაა, მაგრამ ზოგიერთი ისე მიმაღულია მისი ბუნების სიღრმეში, რომ დაკვირვების ობიექტად ვერ გადააქცევთ.

აკაკი ხან ზეცისაა, ხან მიწის, ხან არც ისაა, არც ისა. — და აი, სწორედ ამ მრავალფეროვნებაშია მისი პიროვნების საიდუმლოება. ამიტომ რაც მეტი მასალა გვექნება მის შესასწავლად მით უკეთესია. მე ჩემ მოგონებას გავუზიარებ მკითხველს და სხვის მოგონებასაც სიამოვნებით გავიზიარებ.

აკაკი დამოუკიდებელი აზროვნების ადამიანი იყო, ის არ ემორჩილებოდა სხვის გავლენას და ანგარიშს არ უწევდა საზოგადოების შეხედულებას, თუ კი ეს მას არ აკმაყოფილებდა. აკაკის არ ეპიტინაგებოდა „დიდი“ კაცები, „ბობოლეები“, ქონებით იყო ეს, ჩამომავლობით თუ სამსახურით. პირიქით ასეთ პირებს აკაკი მოურიდებლად ეცინოდა, ამხილებდა და კიცხავდა. აი რამდენიმე მაგალითი.

ქუთაისში ცხოვრობდა პრინცი ოლდენბურგსკი, რომელსაც მეფის ადგილი ეკავა და უხვი პურმარლით და ათასნაირი პროტექციებით საზოგადოება მოხიბლული ჰყავდა. პრინცს ტარიელ დადიანის ცოლი მოეწონა და ისე მოახყო საქმე, რომ ის ცოლად შეერთო. ეს ძლიერ უღამაზო საქმე იყო და იმ დრო-

ში თითქმის შეუძლებელი, მაგრამ ძალა აღმართს ხნავსო ნათქვამია და პრინციპი კანონიც გადალახა, ეთიკაც გააქარწყლა და თავისი ჟინი გაიტანა. გაბრიელ ეპისკოპოსმა არ მისცა ჯვარისწერის ნება, მაგრამ ნებაც სინოდისგან მიიღო და ქუთაისში გადმოსახლებული რუსის კერძო ეკლესიაში დაინერა ჯვარი.

საზოგადოება სიხარულით შეხვდა ამ ფაქტს, მაგრამ აკაკიმ კი აშკარად დაგმო პრინციპის უმსგავსო მოქმედება და გაცხების ლექსი გამოსთქვა:

**აგრაფინა კვისკვისაო
დადიანმა პრინცს მიგცაო...**

ბოლო ლექსის ასეთი იყო:

**ბერი დარჩა გაბუტული
პრინცი გახარებულიო.**


ეს ბერი გაბრიელი იყო.

ერთხელ ნესტორ ნერეთელს თავადაზნაურობის მარშლად ირჩევდენ. საზოგადოების აზრი უნდოდათ გაეგოთ და ნინასწარი კრება მოაწყვეს, რომელსაც აკაკიც დაესწრო. კრებაზე აკაკი ჩუმად იყო და არაფერს ამბობდა. ნესტორის უახლოესმა პირმა აკაკის სთხოვა, თქვენს სიტყვას საზოგადოებაში გავლენა აქვსო, სთქვით რამეო. აკაკიმ სთქვა:

**არ ვარგა, არ გამოდგება
ანწლის ძირი სტვირათაო,
დამიჯერეთ, არ ივარგებს,
არც ნესტორი მარშლადაო.**

1914 წელს, დეკემბერში, აკაკი ჩამოვიდა ქუთაისში და ვკითხეთ, მეფე ნიკოლოზ მეორემ თუ ისურვა თქვენი ნახვა თბილისში ყოფნის დროს, რატომ არ ნახეთთქო. აკაკიმ გაკვირვებით შემოგვხედა და გვიპასუხა — რისთვის უნდა მენახა, მამას არ ვყვარებივარ მისას და ბაბუას და იმას შევუყვარდით, რომ მენახა რა უნდა მეთქვაო? მართალს თუ ვეტყვოდი, გაჯავრდებოდა, სასიამოვნოს თუ ვეტყვოდი, სიცრუე იქნებოდაო. დიდი პირები თავიდან მძულდნენ და ახლა გაგონებაც კი მეზარებაო, ეგენი ერთი ხის ნაყოფია ყველაო, ენით გვეფერებიან და საქმით—სულით გვენამლავენო. 1888-ში მამა მაგისი საქართველოში რომ მოდიოდა, მე 3 თვით წინ გამგზავნეს აქედან და სანამ ის არ გაბრუნდა, სამშობლოში არ შემომიშვესო. ბოლოს საყვედურიც გვითხრა, არც მეგონა, თუ მაგას მკითხავდითო...

აკაკი თვითმპყრობელობის დაუძინებელი მტერი იყო. მეფის მთავრობა და მისი ჩინოვნიკები მას ძლიერ სძულდა. ეს მე ბავშვობაშივე მესმოდა ოჯახში და შემდეგ ჩემი თვალთვინით ვხედავდი. მთავრობის რეჟიმში აკაკის სულს უხუთავდა, ამიტომაც აკაკი მას ებრძოდა, მისი ბრძოლის იარაღი მახვილი ენა იყო, რომელიც მისივე სიტყვებით რომ ვსთქვათ, „ხმალზე უფრო ძლიერად სჭრიდა“. აკაკის პატრიოტული ლექსები ახალგაზრდობის გულში რევოლუციონური სულისკვეთების ჩანასახს აჩენდა. სემინარიაში რომ ვსწავლობდით, აკაკის ლექსი:



**დღეს მერცხალი შემოფრინდა,
ჭიკჭიკითა შემომძახა
გაზაფხული, გაზაფხული
გულს იმედი ჩამესახა...**

რევოლუციონურ მრწამსათ გვეკონდა გამოყენებული და უფროსი მოწაფეები უმცროსებს უთითებდნენ, რომ ეს 1881 წლის 2 მარტს არის დაწერილიო...

(მთანმინდა?)

1893 წლის აპრილში განჯიდან ნიკოლოზ ბარათაშვილის ნეშტი გადმოასვენეს. ნეშტის შესახვედრად ქართული საზოგადოება სათანადოდ მოემზადა. სემინარიის მოსწავლეთა მთელმა შემადგენლობამ დემონსტრაციულად მივატოვეთ სასწავლებელი და წავედით სადგურზე, გამოგვეყენ რუსი ამხანაგებიც. ეს ფაქტი ძლიერ მოგვიწონა აკაკიმ...

იმავე წლის დეკემბერში მის. ცხაკაიას ხელმძღვანელობით სემინარიაში მოხდა ამბოხება, რომელმაც 87 მოსწავლე იმსხვერპლა, ამასთან დაკავშირებით მთავრობამ ილ. ჭავჭავაძეს შეუჩერა გაზეთი „ივერია“, იაკობ გოგებაშვილი პასუხისგებაში მისცა და მეტი შეწუხება აკაკის მიაყენეს, თუმცა გადარჩა. იმ რიცხვებში აკაკი ხარკოვში იყო და მართლაც იაკობის (მაშინ დაითხოვეს) წინააღმდეგობა: „რას იცინი?“, სადაც „თხათ“ აშკარად ეგზარხოსი ვლადიმერი იყო გამოყვანილი, აკაკის ზეგავლენით დაწერილი იყო.

როცა შემთხვევა ეძლეოდა აკაკი, მთავრობის პირებს თავის შეხედულებას აშკარად ეუბნებოდა. 1912 წელს ქუთაისში ქალაქის საავადმყოფო ზეიმით გავხსენით. აკაკი გუბერნატორის ახლო იჯდა; როცა აკაკიმ სიტყვა წარმოსთქვა, ხაზგასმით აღნიშნა, რომ დღეს დაჩაგრული საქართველო თავის ბრწყინვალე სახეს კიდევ გამოაჩენსო... გუბერნატორს ეწყინა ეს სიტყვები და მალე ზეიმი მიატოვა. ჩვენ გვეგონა აკაკი უხერხულად იგრძნობს თავსთქო და მდგომარეობის შემსუბუქება მოვიდომეთ.

აკაკი მიხვდა და გვითხრა; — მე რასაც ვგრძნობ იმას ვამბობ, მისი სასიამოვნო რამე რომ მეთქვას, ის ჩემი არ იქნებოდაო.

აკაკიმ მეტად ორიგინალური ხუმრობა იცოდა. მისი მოსწრებული სიტყვები და ნაკვესები, მიუხედავად იმისა სად, როდის და ვისი მისამართით იყო ნათქვამი, ყოველთვის სასიამოვნო შთაბეჭდილებას ახდენდა — და აი სწორედ ამითი აიხსნებოდა ის გარემოება, რომ აკაკის ხუმრობა, ზოგჯერ მწარე და გესლიანი, არავის არ სწყინდა.

ქუთაისში გრიგოლ რობაქიძე ლექციებს კითხულობდა. სხვათა შორის წაიკითხა ლექცია აკაკის შემოქმედებაზე. ლექციას აკაკიც დაესწრო, ლექციის თემა იყო: „შეუცნობელი შემოქმედება“. ლექტორი ამტკიცებდა, რომ პოეტი უმაღლესი შემოქმედების პროცესში ისეთ მომენტს განიცდის, რომ არც იცის, რას ქმნისო. ამ სიტყვებმა მითქმა-მოთქმა გამოიწვია. აკაკის ვკითხეთ, თქვენ თვითონ გვითხარით, მართალია ლექტორის აზრი თუ არათქო. აკაკიმ ჩვეულებრივ გვერდზე გაიხედა და გვიპასუხა, — „მე რასაც ვქმნიდი, კიდევ ვიცოდი და ლექტორი ალბათ თავისთავზე ლაპარაკობსო“.

ერთ ლიტერატურულ საღამოზე, რომელსაც აკაკი დაესწრო, ახალგაზრდა მწერლებმა ლექსები წაიკითხეს. სხვათა შორის კარგათ წაიკითხეს ლექსიქემ. აკაკის ჰკითხეს, როგორ მოგეწონათ ეს ლექსიო, — ვუგდე ყური და

ბოლოს ჯიბეზე მოვიკიდე ხელი, შემეშინდა იქედანაც არაფერი წაიღოს, რადგან ყველაფერი ჩემი წაულიაო.

ქუთაისის საავადმყოფოს გახსნაზე მე, როგორც საისტორიო, საეთნოგრაფიო საზოგადოების თავმჯდომარემ, სიტყვა წარმოვთქვი და სხვათა შორის საავადმყოფოს აყვავება ვუსურვე. აკაკიმ სთქვა, ძალიან სცდება ორატორი, რომ საავადმყოფოს აყვავებას ნატრობს, პირიქით, საავადმყოფო უნდა ჩაქრეს და დაცარიელდეს, რომ მუშტარს ვერ ელირსოსო. ამ სიტყვებმა საერთო სიცილი გამოიწვია და სხვათა შორის ექიმებიც იციინდნენ. აკაკიმ იმათაც გადაკრა და სთქვა: „მესმის სხვების სიცილი, მაგრამ ექიმების სიცილი კი სიმძრის სიცილია, მართლა რომ ავადმყოფობა მოისპოს, მაგათ რა ეშველებაო“. ამაზე კიდევ უფრო სიცილი შეიქნა და ეს უცებ გამგე ექიმს როდზევიჩს გადაუთარგმნეს. როდზევიჩმა ღიმილით უპასუხა, მართალია, ჩვენ ექიმებს გვინდა ბევრი ავადმყოფი მოვიდეს, მაგრამ ისიც გვინდა, ყველა იმ კარებიდან გაბრუნდეს, საიდანაც შემოდიან და არა იქედანო, მიუთითა ეზოში პატარა შენობაზე, რომელიც მკვდართა დასასვენებლად არის აღნიშნული. აკაკის ეს პასუხი მოეწონა და სთქვა, — „ეტყობა პოლონელია, მაგათ კაცი სიტყვაში ვერ დაიჭერსო“.

წამოსვლისას ეტლში, რომ ჩაჯდა კიდევ იხუმრა, „ღმერთმა მოგახმაროთ თქვენი საავადმყოფო, ისევ თქვენთვის იყოს და მე ნურც დამაჭიროვსო“.

ქუთაისის საადგილმამულო ბანკში არჩევნებზე კიტა აბაშიძემ ერთი საკითხის შესახებ, სადაც აკაკის პოზიცია მას არ მოსწონდა, აკაკის მიაძახა: — აკაკი! მე თქვენ მაგისთვის მიწასთან გაგასწორებო.

— მე ზეცაში ვარ, მიწაზე არა ვარ და მიწასთან რანაირათ გამასწორებო, უპასუხა აკაკიმ.

სახელმწიფო სათათბიროს დეპუტატების არჩევის დროს შორაპნის მაზრაში აკაკის კანდიდატურა იყო წამოყენებული. არჩევნებზე აკაკი გააშავეს და ახალგაზრდა მასწავლებელი აირჩიეს. ამის გამო ქუთაისში აკაკის კითხეს: ვინ არის ნეტავ ის ახალგაზრდა, რომელიც აირჩიესო. — არ ვიცი, მე ვიკითხე და მითხრეს, აკაკის ლექსებს კითხულობს საუცხოვოთო და მეტი რა ღირსება უნდაო... ასეა ახლანდელი სამართალი, წამკითხველს აწინაურებენ და დამწერს ივინყებენო.

აკაკის მოხუცებულობაში გამყოლად და მომვლელად კოტე აბდუშელიშვილი მიუჩინეს. კოტე თავის მოვალეობას ასრულებდა, მაგრამ აკაკი სულ ეცინოდა პირშიდაც და ზურგს უკანაც.

ერთხელ აკაკი გვემუსაიფებოდა მთავრიშვილის გამომცემლობის ახლოს; აკაკიმ დაინახა, რომ კოტე აბდუშელიშვილი მოდიოდა ჩვენსკენ და გვითხრა: — „მოდის ჩემი მეფისტოფელიო“, ჩვენ სიცილი დავიწყეთ; კოტე მოვიდა, მიხვდა, აკაკი იტყობა ჩემზე რამესო და ეჭვის თვალით ცქერა დაუწყო. აკაკიმ უთხრა; — „შეინუხე თავი, ეტლი მოიყვანე და წავიდეთო“. კოტე ეტლზე წავიდა და აკაკიმ გვითხრა, — შეხედეთ თუ მართლა მეფისტოფელს არა ჰგავსო, გვარი თათრისა აქვს და სახე ლეკისო, რა ხეირი უნდა დამაყაროს მაგის მოვლაო.

აკაკის არ უყვარდა „პროტექცია“, მაგრამ როცა ზოგიერთი ჭირვეული ნაცნობი არ მოეშვებოდა, იძულებული შეიქნებოდა თხოვნა შეესრულებია ხოლმე. ასეთ შემთხვევაში აკაკი ძლიერ ორიგინალურად იქცეოდა და რომ იტყვიან „არც მწვადი დასწვა და არც შამფურიო“ ისე გამოდიოდა. აკაკი პროტექციას გაუწევდა შემანუხებელ ნაცნობს, მაგრამ

უხერხულ მდგომარეობაში არც იმას ჩააყენებდა, ვისთანაც სათხოვრად მივიდოდა.

ერთხელ აკაკი ქართულ გიმნაზიაში მივიდა და დირექტორს ი. ოცხელს უთხრა: „უნდა შეგანუხოთ, მაგრამ რა გაენყობა მეც შემანუხეს თორემ არ მოვიდოდიო, ჩემი პირით გთხოვენ მოსწავლე, რომელიც წინათ დაგითხოვიათ, ისევ უნდა მიიღოთო“ — რა ვქნათ, ბატონო აკაკი, ის მოსწავლე სწავლაში ზარმაცია და ყოფაცქევით უდიერიო, უპასუხა ოცხელმა. — „გლახა რომ არის, კიდევ მიტომ მანუხებენ, თორემ კარგი რომ იყოს, რაღა სათხოვარი იქნებო“. — უპასუხა აკაკიმ და განაგრძო, მე არ მიყვარს ასეთი საქმე, მაგრამ ხომ იცით იმერეთი ასეთია და გაჭირვებაო... დაიწყო ხუმრობა.

კარგი ბ-ნო, მოვილაპარაკებთ საბჭოშიო, უთხრა ოცხელმა. „ჰო, მოილაპარაკებთ და თუ ძალიან ძნელია, ნურც შეინუხებთ თავს, მე რადგან მოვედი ჩემზე გული აღარ დანყდებათ და სხვას რას დავეძებ, ის თვითონ წყეული კაცია, მისი შვილი სახიერო როგორ იქნება, მაგრამ ხომ იცით, ნათქვამია... „ავი კაცი აქე და ერიდო“, და მეც ვერიდები, რაც გამეწყობაო“.

აკაკის იუბილეზე რომ მოანყვეს ქუთაისში, ზეიმის შემდეგ ქვრივ ქალს აკაკისთვის თხოვნა მიეცა, იშუამდგომლეთ, რომ ჩემი ქალიშვილი, რომელიც კერძო სასწავლებელში იყო, საეპარქიო ქალთა სასწავლებელში თქვენ სახელზე აღიზარდოსო. აკაკიმ მთხოვა ამ საქმის შესრულება და დაუმატა: — ქალიშვილი ჩუმი არსებაა, მაგრამ დედა კი ისეთი ენის ყოფილა, რომ თვითონაც მოსულიყო თქვენთან ისე მოგინადირებდა, რომ უარს არ გათქმევინებდაო და ამიტომ მეტი გზა არა მაქვს საქმე უნდა მოაწყო... შემდეგ აკაკიმ გვითხრა — ცუდი საქმეა პროტექცია, მაგრამ იმერეთში ძალიან ემარჯვებათო. იმერეთი ყოველთვის ცდილობს შემთხვევით ისარგებლოსო, და ჩემი იუბილეს ზოგიერთმა გამოიყენაო, ასე იყო წინათაც და მოიყვანა მაგალითი. ალექსანდრე მეორე რომ მოდიოდა საქართველოში, ერთი აზნაური ჩამაცვიდა, თხოვნა დამინერე მეფესთანო. მე ვკითხე, რასა სთხოვთქო და მიპასუხა, რასაც მირჩევ იმას ვსთხოვო. მე სიცილით ვუთხარი, სათხოვარი თუ არა გაქვს, ან შენ თავს რაზე იწუხებ ან იმას რად აწუხებთქო. აზნაური გაკვირდა და მიპასუხა: „შე კაცო, მეფე მოდის და როგორ არაფერი ვსთხოვოთო, ვთხოვ, რა მენალვლება, თუ არ მომცემს, ხომ არაფერს წამართმევსო“. მე ეს აზნაური უარით გამოვისტუმრე, რადგან ასეთ თხოვნებს მე არასოდეს არა ვსწერდი, მაგრამ იმან, როგორც გავიგე, თხოვნა სხვას დაანერია და ისიც ვიცით, რომ ბევრი ასეთი თხოვნა მისცეს მაშინ მეფესო.

აკაკის მეცნიერული მომზადება არ ჰქონდა, მაგრამ მსჯელობის დროს, ბუნებრივი ნიჭის საშუალებით, საფუძვლიანად აზროვნებდა ხოლმე და მოხერხებული სხარტი სიტყვებით დიდ შთაბეჭდილებას ახდენდა. ზოგიერთი ასეთი შემთხვევა პირდაპირ საისტორიოა.

როცა „ღროების“ თანამშრომლებს დიდი კამათი ჰქონდათ ქართული ანბანის ზოგიერთი ასოს ხმარების შესახებ, გიორგი წერეთელი აკაკის უმტკიცებდა ასო „ჰ“-ს ხმარება საჭირო არ არისო. აკაკიმ მეცნიერული საბუთებით ვერ დაუმტკიცა ამ ასოს ხმარების საჭიროება და გაჩუმდა, მაგრამ ცოტა ხნის შემდეგ თავის ქაწილით ჩაილაპარაკა — გავიგე, რომ „გიორგის ჭკუა ქონიაო“.

ფილოლოგებთან კამათში აკაკი არ იყო ძლიერი, მაგრამ ფილოლოგიის მერყეობას და არა მტკიცე ნიადაგს ხშირად აღნიშნავდა ხოლმე და ამ ნიადაგზე იხუმრა, რომ ფრინველი მალაღური რომ გაიძახის და ჰგონიათ „შვილო გოგია, შვილო გოგია“-ო, ბიჭო გოგია იძახის ფილოლოლია, ფილოლოლიაო, და ამით საბრალო ფილოლოგებსა სწუხსო.

აკაკი დიდი ყურადღებით ეპყრობოდა ხალხურ შემოქმედებას: ანდაზებს, არაკებს, ზეპირგადმოცემებს და ხშირად მისი ახსნა-განმარტება ზოგიერთ მოვლენას ნათლად არკვევდა.

საგულისხმოა აკაკის ცნობები ზოგიერთი ქართული გვარების წარმოშობის შესახებ. მაგ. **წერეთლები** სოფ. წარეთიდან გადმოსახლებული წინაპარის ჩამომავლობის არიანო.

აბაშიძის გვარის შესახებ ამბობდა. ოსეთში შვილს მოეკლა მამა **აბაჟა**. მკვლელი და უმცროსი ძმა, უფროსი ძმებისაგან დევნილი, შიშით გამოქცეულიყვნენ და სოფ. ჭალაში (საჩხერის მახლობლად) დასახლებულიყვნენ. ეს **აბაჟისძეები** — ბოლოს აბაშიძეებათ იწოდებოდნენ. აგიაშვილი — **აგიაშვილი**; მამაცაშვილი — **მამაცას შვილი**, დადიშქელიანი — **დადაშ გელიანი** და სხვა.

პუბლიცისტიკაში აკაკი ძალიან მოისუსტებდა. ამ დარგში მას მომზადება არ ჰქონდა, მაგრამ აქაც ბუნებრივი ნიჭის საშუალებით ზოგიერთ საკითხს კარგად არკვევდა. აკაკის აზრი ხალხური შემოქმედების მნიშვნელობაზე, ქალთა განათლების შესახებ, ეროვნული აღზრდის საფუძვლებზე და სხვა საკვებით საღი და ჭეშმარიტი იყო. ზოგიერთ საკითხებში კი აკაკი ამკარად სცდებოდა და რაც უფრო სამწუხარო იყო, სამართლიან შენიშვნებსაც არ ლებულობდა, პირიქით კიდევ სწყინდა. ასეთი იყო აკაკის პოზიცია ფინანსურ და ეკონომიკურ საკითხებში. მაგალითად საადგილმამულო ბანკის მუშაობა ჩვენში მას დიდ-მნიშვნელოვან საქმედ არ მიაჩნდა. ბანკის გარშემო მუშაობას დასავლეთ საქართველოში აკაკიმ „ბანკობა“ უწოდა და ათეული წლებით ეს მოძრაობა მას კინკლაობათ გამოჰქონდა.

როცა ბანკის საკითხების გარშემო ტფილისში ილია ჭავჭავაძესა და ოპოზიციის მეთაურის ივ. მაჩაბელს შორის მიწინააღმდეგარობა სწარმოებდა ქართული თეატრის დარბაზში, აკაკი ლოყაში იჯდა დაახლოებულ პირებთან და დაინტერესებული მონაწილის შთაბეჭდილებას ვერ ახდენდა. მოღვაწეები კი არა მოსწავლეებიც ვაჭყობდით, რომ მას ასეთი გარეშე მაყურებლის როლში ყოფნა არ შვენიოდა.

ქუთაისში ბანკის კრებაზე რამდენჯერმე უსაყვედურეს აკაკის ყალბი პოზიციის დაჭერა და ზოგჯერ მოწინავე ინტელიგენტები გაკვირვებით შენიშნავდნენ, რომ ის სცდებოდა ბანკის ინტერესების დაცვაში, მაგრამ აკაკის ეს არ სჯეროდა და ჩვეულებრივი მახვილი ნაკვესებით პასუხობდა.

აკაკის ძლიერ უყვარდა კლუბი, ხშირად მთელ ღამეებს იქ ატარებდა და მეტად დაღლილიც ბრუნდებოდა ხოლმე. როცა აკაკის ურჩევდნენ, კლუბში სიარულს თავი დაანებო, აკაკის სწყინდა, თუმცა მრჩევლებს პირდაპირ პასუხს კი არ აძლევდა, დაინწყებდა ხუმრობას და პასუხიც ამაში იხატებოდა. 1904 წელს, აკაკიმ დიდი ავადმყოფობა გაიარა და ამის შემდეგ ექიმებმა მას გადაჭრით აუკრძალეს კლუბში სიარული, მაგრამ იმან ყურადღება არ მიაქცია, უწინდებურად განაგრძობდა კლუბში სიარულს. აკაკი კლუბზე სულ სხვა შეხედულების იყო, ვინემ საზოგადოება და თავის კლუბისადმი მისწრაფებას ის ყოველთვის ამართლებდა; თუ შემთხვევა მიეცემოდა კლუბის აუცილებლობასაც კი ამტკიცებდა.

1903 წლის გაზაფხულზე დავით ხელთუფლიშვილი ძლიერ ავით იყო. ექიმებს, თოფურისას მეთაურობით, გადაეწყვიტა 24 დღე ხმას ნუ ამოიღებსო. ეს ამბავი გვითხრეს ერთ ოჯახში, სადაც აკაკი სტუმრად იყო. აკაკიმ თავი გააქნია და სთქვა — უცნაურები არიან ეს ექიმებიო, 24 დღე რომ კაცი არ დალაპარაკო, შემდეგ ის თვითონ ველარ ამოიღებს ხმას და გინდ მკვდარი უწოდეთ, გინდ ცოცხალიო. მეც ასე მითხრეს ექიმებმა, თუ სიცოცხლე გინდა, კლუბში ფეხი არ შეადგაო, მე კი მგონია, იქ რომ დავდივარ ცოცხალიცა ვარ და თუ მოკვდები, კლუბს ნურავინ დააბრალებსო.

მასპინძელმა უთხრა აკაკის — ნეტავ თქვენ კლუბში სულ არ დადიოდეთო, დაწყველილია ეს კარტის თამაში, იმაში ფულის მოგებაც უბედურებაა და ნაგებაცო.

აკაკის ეწყინა ეს სიტყვები და უპასუხა — ბევრი სცდება ჩემში, მაგრამ თქვენ არ უნდა სცდებოდეთო. მე კარტის თამაში ოჯახებშიც შემოძლია და კლუბში მაგისტვის არ დავიარებო. კლუბი ჩემთვის ნამდვილი ცხოვრების სურათია, იქ ყველაფერს ცხადად ვხედავ, ყოველი წრის კაცი იქ ტრიალობს და მათი სახეც საგნებით იქა სჩანს. კლუბის საშუალებით მე საუკეთესოდ ვეცნობი საზოგადოებასო.

1912 წელს, „სამშობლოს“ რედაქციიდან კრების შემდეგ, გამოვიდოდა და კარებში სერგი ბახტაძის მსახური მოვიდა, უთხრა სერგის — ეს ნუთია ეტლით აკაკი მოიყვანეს ავადმყოფი და მობრუნდო. სერგიმ ექიმი ვასილი წერეთელი წამოიყვანა. ჩქარი ნაბიჯით წავედით. მივედით და აკაკიმ ღიმილით გვითხრა — კლუბში ვიყავი, გულზე მომიარა, რალაც შეეშინდათ და წამომიყვანესო. ვასილმა მაჯის სინჯვა დაუწყო და სერგიმ გაფითრებული ხმით უთხრა: — ნუღარ შედგამ ფეხს იმ დასაქცევ შენობაშიო. აკაკიმ ჩაიცინა და უპასუხა — სერგია, თეგზი რომ წყლიდან ამოიყვანო და ხმელ მიწაზე დასვა, ისე იქნება, მე რომ კლუბს მომამოროთო.

აკაკის ქალები უყვარდა, თუმცა ეს თვისება სხვა თვალსაჩინო მწერალსა და საზოგადო მოღვაწესაც ახასიათებდა, მაგრამ აკაკი აქაც განსხვავებული იყო. აკაკი თავის ნაკლს ყოველთვის მალავდა, მახვილი ენითა და მოქმედებით თავისი თავი ყოველთვის უცოდველად გამოჰყავდა და სხვას უკიჟინებდა იმას, რაშიც თვითონ უარესი იყო.

აი ერთი უცნაური შეკამათება ამის შესახებ. ერთხელ მთავრიშვილის წიგნის გამომცემლობაში შესაფერ საგნებზე მსჯელობის დროს სამსონ ყიფიანმა სთქვა, რომ ბევრი ჭკუიანი და განათლებული კაცი რჩება ცხოვრებაში უცოლშვილოთო, დაასახელა ნიკო ლოლობერიძე, კირილე ლორთქიფანიძე და კიდევ აპირებდა, მაგრამ აკაკიმ აღარ აცალა და უთხრა: — ჰო! ვისაც შენსავით ქალები არ უყვარს, ყველა ჭკუიანი და განათლებული იქნებაო.

სამსონმა უცებ მიაძახა: „ისეთმა ფურმა დამწიხლოს...“ აკაკიმ არ აცალა და დაასწრო, — შენ ვერავინ დაგწიხლავს მაგ დარგში, დიდი დამსახურება გაქვსო... სამსონმა მიაძახა, „ჩემი შენ გითხარო, გული მოგიკალიო“. აკაკიმ არ აცალა და მიაძახა — „შენიც რომ სთქვა და სხვისიც მაინც არაფერი გეშველება, ცოდვილი ხარ, გულიც ყველას მოუკალი და სულიცო...“

ამ შეკამათებამ დიდი სიცხილი გამოიწვია, რომელიც მთავრიშვილმა ჩვეულებრივი სათნო კილოთი დაასრულა: „ფერი ფერს და მადლი ღმერთსო“...

სულ სხვანაირი იყო აკაკი პრაქტიკულ ცხოვრებაში. პრაქტიკული ცხოვრება აკაკიმ არ იცოდა და გადაჭრით უნდა ვსთქვათ, ეს მას არც აინტერესებდა. ამ შემთხვევაში აკაკი, მართლაც, „ცისა“ იყო და არა „მინისა“. ყოფაცხოვრების საკითხები, ნივთიერი მდგომარეობა მას რალაც სხვათა შორის მიაჩნდა. სერიოზულად ის ამაზე არ ფიქრობდა და ცხადია უნარიც არა ჰქონდა. მისი მონოდება „აღმაფრენა“ იყო და არა ლუკმაპურზე „დაღმა ცქერა“. ის, როგორც უკვდავი, თავისი შემოქმედებით მშვიერიც — მაძლარი იყო. ისე, როგორც სხვა მომავლადვი, მაძლარიც — მშვიერია. აი მისი სიტყვებიც:

**ხან მაქვს ყველი და პური
ხან მშვიერი დავდივარ
მაგრამ რაც უნდა იყოს
მაინც ბედნიერი ვარ.**

აკაკის ოჯახი უყვარდა, მაგრამ შექმნა, მოწყობა და პატრონობა არ შეეძლო. აკაკის ერთი მუდმივი ბინაც არ ჰქონია. ის ყველგან სცხოვრობდა: სხვიტორში, ტფილისში, ქუთაისში, ხარკოვში და ერთხელ პარიზში დაბინავდა. აკაკის შემოქმედებამ ადგილი და გარემოება არ იცოდა. ის სადაც და როდისაც არ უნდა ყოფილიყო, მაინც მუშაობდა. აკაკიზე სამართლიანად ამბობდნენ: „დედალივით, სადაც დაჯდება, კვერცხს იქ დასდებს“ და მართლაც მისი ლექსები სად და რა დროს არაა დაწერილი... ეს ყველაფერი ვიცით, მაგრამ სიტყვა გაავიგორებლდება.

ძლიერ ორიგინალური იყო აკაკი ფულის საკითხში. აკაკის ბევრი აძლევდა ფულს, სულერთია რა სახითაც იყო, მაგრამ მას ფული არასოდეს არ ჰქონია. ფულის ხარჯვაში აკაკიმ ანგარიში არ იცოდა. სულ ხშირად აკაკი ხელცარიელი იყო და ეტლის ფულიც კი არ ჰქონდა.

ერთხელ კოტე აბდუშელიშვილმა უთხრა — აკაკი, გიცდიან გალმა და რატომ არ გამობრძანდითო (ბეჟ. წერეთლისას ელოდნენ თურმე), — კაცო! ფეხით ვერ წამოვედი და ეტლის ფული არ მქონდაო. კოტემ უთხრა, — „ფული ჭირივით გძულს და ჯიბეში როგორ გააჩერებო“. — მე კი არ მძულს, იმას ვძულვარ, არ ჩერდება ჩემთან და რა ვუყო, სიცილით უპასუხა აკაკიმ.

ფულის სესხებაც უყვარდა აკაკის, თუმცა გასტუმრებაზე თავს არ იწუხებდა. მას მისთანა პირების ემართა, რომლებიც თვითონ არასოდეს არ სთხოვდნენ და ის კი არ მიუტანდა. მიმართვაც ორიგინალური იცოდა, ეტყოდა; — რა ვქნა ფული მჭირდებაო, ან, განუხებთ, მაგრამ ფული უნდა მათხოვოთო.

ფულის სესხება ხშირად სიცილით თავდებოდა. აი ერთი მაგალითიც:

ერთხელ გრიგოლ გველესიანთან კაბინეტში ვმუშაობდი. კაბინეტში გრიგოლის ვაჟი შემოვიდა და მამას უთხრა, აკაკი მოვიდა, ზალაშია და გამოდო. გრიგოლი გავიდა. ცოტა ხნის შემდეგ კაბინეტში შემოვიდნენ. აკაკი დიდხანს სასიამოვნოთ გვესაუბრა, შემდეგ წამოდგა და დაგვემშვიდობა. ჩვენ გამოვეყვიეთ, კიბის თავზე გაგვაჩერა, ძირს ნუ ჩამოხვალთო და თვითონ კიბეზე რომ ჩადიოდა, გრიგოლს მიაძახა: „გრიგოლ! მამ მშვიდობითო“, „მშვიდობით, მშვიდობით“ გრიგოლმა უპასუხა. აკაკიმ ჰკითხა — მე მემშვიდობებთ თუ იმასაცო? გრიგოლს სიცილი აუტყდა, მე კი ვერაფერი გავიგე. აკაკი პასუხს უცდიდა. ბოლოს გრიგოლმა უპასუხა „როგორც გნებავსო“. აკაკიმ უთხრა — რაკი ორჯერ სთქვი მშვიდობითო, შენ ალბათ იმასაც გამოეთხოვეო. კარგი ბატონოო, გრიგოლმა უპასუხა და სიცილით კაბინეტში შევიდა. მე ჩავაცვივდი გრიგოლს, ეთქვა რა იყო. გრიგოლმა მითხრა — ზალაში რომ გავედი აკაკიმ 200 მანეთი მთხოვა სესხად, მივეცი და მერე შენთან გამოვედით ორივეო. ახლა რომ შემეკითხა; — „იმასაც ემშვიდობებთ თუ არაო?“ ეს იმას ნიშნავდა, რომ გაქვს იმედი მიღების თუ აღარ ელო?“ მე პასუხი მიტომ გამიჭირდა, რომ თუ მეთქვას: „თქვენ გემშვიდობებთ“, იფიქრებდა ფულის დაბრუნებას მთხოვსო, და თუ ვეტყვოდი „იმასაცო“, ის მეტყვოდა, ალბათ იმედი აღარა გაქვს ჩემგან ფულის მიღებისაო და ეს შეურაცხყოფა იქნებოდა. ახლა ხუმრობაში ისე მოენყო, რომ ის ფული არ უნდა დააბრუნოსო.

აკაკი თავისი მახვილი ენით და მცინარე სახით ყოველთვის მხიარულ შთაბეჭდილებას ახდენდა. მართლაც აკაკი ოჯახში ტკბილი მოსაუბრე იყო — სტუმრობაში მუდამ გამამხიარულებელი და ნაზი აღერსით ბავშვების მიმზიდველი. საერთოდ აკაკი ყველას მხიარული ბუნების ადამიანი ეგონა. ეს დიდი შეცდომა იყო.

მხიარულობა და ხალისი არ იყო აკაკის დამახასიათებელი თვისება. პირიქით აკაკი მწუხარე ბუნების ადამიანი იყო.

აკაკის სევდა ახასიათებდა. აკაკის შემოქმედება მთელი მისი ბუნების ამსახველია. აკაკის უკმაყოფილება, ნაღვლიანობა, ღრმა მწუხარება და ხან გლოვა-გოდება ნათლად სჩანს მის ნაწერებში. მთავარი კილო აკაკის შემოქმედებაში სევდა და მწუ-

ხარებაა და თუ ეს კილო პესიმოზმის ელფერს არ ატარებს ეს იმიტომ, რომ აკაკი ბრწყინვალე იმედის განსახიერებაა.

აკაკის ღრმად აწუხებს, რომ ნესტან-დარეჯანი ტყვეობაშია, ტარიელი და ფრიდონი არსადაა, მაგრამ რა გინდ მწარე და გულსაკლავი იყოს აწმყო, აკაკი მაინც ასე მღერის:

**უნდა აყვავდეს იმედი,
გულს ვერ გამიტენს ჭალარა,
გმირებს ეძებს და უყვივს,
ჩემი დაფი და ნალარა.**

აკაკი სწუხდა, რომ მასზე არ ჰქონდათ სწორი წარმოდგენა. აი, ერთი მაგალითი: ერთხელ აკაკი მოწყენილი კილოთი თავისი ამორჩეული სასაფლაოს შესახებ ლაპარაკობდა. მასპინძელმა უთხრა: „ბატონო აკაკი! მე ბედნიერი ვარ თქვენი სტუმრობით, მაგრამ მენანება, რომ თქვენ ასეთი მხიარული ადამიანი ბრძანდებით და ასეთ სამწუხარო საგანზე ლაპარაკობთო.“

აკაკიმ უპასუხა: „მე ყველას მხიარული ვგონივარ და მწუხარებას ვერაფერ მაძინებს, თუმცა გული ღრმა მწუხარებით სავსე მაქვს, რადგან ჩემ კერძო მწუხარებას საერთო - საქვეყნოც ზედ ერთვისო.“

ნაღვლიანი კილო ძალიან შეეფერებოდა აკაკის და ასეთი შინაარსის ლექსები, თვით მისგან წაკითხული, ღრმა შთაბეჭდილებას ახდენდა. ერთხელ ქუთაისში, თეატრში, საღამო იყო. აკაკიმ წაიკითხა ლექსი — „სანამ ვიყავ ყმანვილი...“ და ამით დამთავრებას აპირებდა. საზოგადოებამ თითქმის ერთხმად დაიძახა: „განთიადი“, „მთანმინდა ჩაფიქრებულა.“ აკაკი მოგვიბრუნდა სცენაზე და გვითხრა: „აი, უნდა რომ ამატირონო“. მართლაც, წაიკითხა აკაკიმ ეს ლექსი. ისეთი შთაბეჭდილება მოახდინა, რომლის აღწერა ძნელია. ძვალსა და რბილში გაიარა მისმა კილომ. არ ვფიქრობ, რომ თეატრში ვისმეს თვალში მშრალი ჰქონოდა. მოხუცებულბაში მაინც, ამ ლექსის წაკითხვა, აკაკის მართლა ტირილი იყო.

სასახელო წარსულს აკაკი გლოვობდა, მწარე აწმყოს დასტიროდა, მაგრამ ბრწყინვალე მომავალს, რევოლუციის სახით, ალტაცებით ელოდა: „აჩრდილიდა ვარ წარსულის და ლანდი მომავალისა“.

აკაკის მარტოობა უფრო შეფერის, ჯგუფში მოქმედება, წრეში მონაწილეობა არ იყო მისი მოწოდება.

აკაკი ბევრს უყვარდა, მას ყველა დიდ პატივს სცემდა და აფასებდა, მაგრამ თვითონ აკაკის ცოტა ვინმე უყვარდა, გამონაკლის პირებს სცემდა პატივს და იშვიათად ვისმე აფასებდა. ძალიან დაახლოვებული აკაკი არავისთან არ იყო. ის უმეტეს ნაწილად განცალკევებული იყო. ასე იყო ოჯახში, სტუდენტობის დროის ამხანაგებში, რედაქციის თანამშრომლებთან და თანამოკალმებთან.

გრიგოლ დიასამიძე და სერგი ბახტაძე სხვებზე უფრო დაახლოვებული იყვნენ აკაკისთან და მოსალოდნელი იყო მათ უკეთ უნდა სცოდნოდათ მისი ინტიმური ცხოვრება და თუ თვითონ არ იყვნენ მისი მესაიდუმლენი, ის მაინც უნდა სცოდნოდათ ვინ იყო, ან ყოფილა ასეთი აკაკისთვის, მაგრამ იმათივე სიტყვებით ვიცით, რომ აკაკი ძან გულჩახვეული იყო და სასვებით გულგახსნილი ის არავისთან არ ყოფილა.

P.S. ნათქვამი მცირე ნაწილია მისი, რაც ვიცით და დაგროვილი გვაქვს აკაკის პიროვნებისა და მისი შემოქმედების შესახებ. ბევრი რამ ისეთიც გვაქვს, რასაც კერძო, ინტიმური ხასიათი აქვს და ალავ პორნოგრაფიულიცაა, მაგრამ ყველაფერი გენიალური ნიჭის ბეჭედი. მისი ორი, ზემოთ მოხსენიებული უახლოესი ამხანაგების თხოვნით, რაც უკვე ანდერძად გადაიქცა, სრული მასალა საჭირო იქნება მისთვის, ვინც აკაკის სრული ბიოგრაფიისა და დახასიათების დაწერას დაივალებს.

გიორგი (კახა) კახაბრიშვილი

„ჩემს გასაკითხელს სხვა ვერ გააკითხს!“

— თქვენი აზრით, რა არის უკიდურესი გაჭირვებული მდგომარეობა?

— სულიერი სიღატაკე. მდგომარეობა, რომელშიც ამჟამად ჩვენი სამშობლო საქართველოა, როდესაც ფულია კერპი და არა კაცობა. როდესაც ქვეყანაში უამრავი მეხუთე კოლონაა!

— სად ისურვებდით ცხოვრებას?

— აუცილებლად საქართველოში.

— რა არის უდიდესი ბედნიერება?

— ჩემი ასაკიდან გამომდინარე, შემოძლია ვთქვა, რომ დიდებული შვილი გამეზარდა და ახლა ნერწყვს ვყლაპავ, ისე ველოდები შვილიშვილს, რომელიც აუცილებლად ჩვენი გორიდან იქნება.

— თქვენი საყვარელი ლიტერატურული პერსონაჟები?

— ოთარაანთ ქვრივი, ღვინჯუა, დონ კიხოტი და გრაფი მონტე კრისტო. ოთარაანთ ქვრივი ჩემთვის თავდადებული ქართველი დედის განსახიერებაა, ღვინჯუა ქართული ენისა და ადათ-წესის მოტრფიალე, დონ კიხოტი რაინდი, ხოლო გრაფი მონტე კრისტო ცოდნის, ვაჟკაცობის და ბოროტებაზე გამარჯვების სინონიმი.

— თქვენი საყვარელი ისტორიული პერსონაჟები?

— რა თქმა უნდა, დავით აღმაშენებელი, დემეტრე თავდადებული, თამარი, გიორგი ბრწყინვალე, 9 ძმა ხერხეულიძე, 300 არაგველი, 100 000 თავდადებული ქართველი და სხვა. საქართველოს, საბედნიეროდ, ბევრი გმირი ჰყავს. არ მომწონს, როდესაც ჩვენს ისტორიას ვივინყებთ. მაგალითად, არსად ისმის მარტყოფის ომის შესახებ, როდესაც ხუთი გმირი ქართველი შევიდა 30 000-იან მტრის ბანაკში და ომი წამოიწყო, მტრის მხოლოდ 3 000-მა კაცმა გაასწრო ბრძოლის ველს.

— თქვენი საყვარელი მხატვარი?

— ნიკო ფიროსმანი, ელენე ახვლედიანი, დავით კაკაბაძე, მიქელანჯელო ბუონაროტი, სანდრო ბოტიჩელი, ელ გრეკო, ლუკას კრანახი, ამაღეო მოდილიანი...

— თქვენი საყვარელი კომპოზიტორი?

— რევაზ ლალიძე, ბიძინა კვერნაძე, გოგი ცაბაძე, ლუდვიგ ვან ბეთჰოვენი, ამაღეუს მოცარტი, პეტრე ჩაიკოვსკი...

— რომელ თვისებებს აფასებთ ყველაზე მეტად კაცში?

— კაცობას!

— რომელ თვისებებს აფასებთ ყველაზე მეტად ქალში?

— ილია ჭავჭავაძის მიხედვით — დედაკაცობას.

— რომელი ადამიანური სათნოებაა თქვენთვის მომხიბლავი?

— სათნოება.

— თქვენი საყვარელი საქმიანობა?

— გადასალე მთიანეთში მსახიობთან მუშაობა... გადაღების დამთავრების შემდეგ ჩემს საყვარელ მსახიობებთან ერთად ნადიმი.

— თქვენთვის ნაცნობი რომელი ადამიანი გინდოდათ ყოფილიყავით?

— ბავშვობაში ყველა ფიქრობს, რომ დედას ჰგავდეს ან მამას და ეს ბუნებრივია... უფრო მოგვიანებით მიფიქრია, რომ ჩემს უფროს მეგობრებს ვგვანებოდი: მიხეილ თუმანიშვილს, ეროსი მანჯგალაძეს, გოგი გეგეჭკორს, ოტია იოსელიანს, პეტრე ბაგრატიონ-გრუზინსკის...

— თქვენი ხასიათის მთავარი თვისება?

— ერთგულება.

— რას აფასებთ ყველაზე მეტად მეგობრებში?

— ერთგულებას.

— თქვენი მთავარი ნაკლი?

— ზედმეტად მჯერა ადამიანების.

— თქვენი წარმოდგენა ბედნიერებაზე?

— სიკეთის ქმნა. რასაც გასცემ შენია, რაც არა, დაკარგულია.

— რა იქნებოდა თქვენთვის ყველაზე დიდი უბედურება?

— ჩემთვის ყველაზე დიდი უბედურებაა ის, რომ უამრავი ქართველი ახალგაზრდა ვაჟი და გოგონა საკუთარი სამშობლოდან ლუკმა-პურის საშოვნელად საზღვარგარეთ გარბის. მათ ქართული ოჯახები უნდა შეექმნათ, ახალი ილია ჭავჭავაძეები უნდა ეშვათ და ა.შ.

— როგორი გინდოდათ ყოფილიყავით?

— სამწუხაროდ, ხშირად ოცნებები არ მართლდება.

— თქვენი საყვარელი ფერი?

— თეთრი.

— ყვავილი, რომელიც ყველაზე მეტად გიყვართ?

— ნაზი და სათუთი ია.

— თქვენი საყვარელი ფრინველი?

— არწივი.

— თქვენი საყვარელი მწერლები?

— ილია ჭავჭავაძე, მიხეილ ჯავახიშვილი, დავით კლდიაშვილი, ოტია იოსელიანი, გურამ დონანაშვილი, პროსპერ მერიმე, ანტონ ჩეხოვი, გაბრიელ გარსია მარკესი...

— თქვენი საყვარელი პოეტები?

— შოთა რუსთაველი, დავით გურამიშვილი, ვაჟა-ფშაველა, გალაკტიონ ტაბიძე, ტერენტი გრანელი, ლადო ასათიანი, მუხრან მაჭავარიანი...

— საყვარელი ლიტერატურული გმირი ქალები?

— ოთარაანთ ქვრივი, დედა დიდებული ესპანური ნოველიდან „ვენდეტა“.

— საყვარელი გმირები რეალურ ცხოვრებაში?

— ახალგაზრდა ვაჟკაცები, რომლებიც აფხაზეთსა და სამაჩაბლოში საქართველოსთვის იბრძოდნენ.

— საყვარელი გმირი ქალი ისტორიაში?

— მაია წყნეთელი, თინა ნავისელი, ანა ბაჯი, ჟანა დ'არკი...

— საყვარელი სახელები?

— ქართული სახელებია ჩემთვის საყვარელი: ვაჟა, გელა, მზია, ია, იამზე, იათამზე, ზვიადი, ჯაბა, ციციწო, კახაბერი და ა.შ.

— რას ვერ იტანთ ყველაზე მეტად?

— ორპირობას და „ვაჟკაც“ ქალებს. ნიკოლო მაკიაველი ამბობს: ქვეყანაში, სადაც ქალები მამაკაცებზე მეტად მძლავრობენ, იმ ქვეყნის საქმე ვერ არის კარგადო.

— ისტორიული პიროვნება, რომელმაც თქვენი ზიზღი დაიმსახურა?

— ირანის შაჰი აბასი წარსულში. ამჟამად ის პოლიტიკოსები, რომლებიც საქართველოს საზიანოდ ორმაგ თამაშს ეწევიან.

— საომარი მოქმედება, თქვენი აზრით, ღირსი მეტნაკლები ალტაცებისა?

— დიდგორისა და მარტყოფის ომები.



- რეფორმა, რომელსაც თქვენ განსაკუთრებით უმაღლეს შეფასებას აძლევთ?
- ჩემთვის რეფორმა, არსებული რესურსებით, უკეთეს ცხოვრებას და საზოგადოების განვითარებას ნიშნავს. უკანასკნელი სამი ათეული წელია ასეთი რამ საქართველოში არ შემინიშნავს. ყველაფრის ნგრევა, ძარცვა და ყველფა კი ბევრი ვნახე. ასე რომ, რაც არ არსებობს ვერ შეაფასებ.
- ნიჭი, რომელსაც გინდათ ფლობდით?
- მუსიკალური.
- როგორი გინდათ გარდაიცვალოთ?
- შვილიშვილებით გარშემორტყმული და გაღიმებული.

- თქვენი სულიერი მდგომარეობა ამჟამად?
- ბუნებით ოპტიმისტი ვარ, მაგრამ იმ ატმოსფეროთი, რომელიც ამჟამად ჩვენს სამშობლოშია, დათრგუნული ვარ!
- ქმედებანი, რომლებიც თქვენს შემწყნარებლობას იმსახურებენ?
- უნებლიე შეცდომები.
- თქვენი დევიზი?
- ჩემს გასაკეთებელს სხვა ვერ გააკეთებს!
- თუკი ოდესმე შეხვდებოდით ღმერთს, რას ისურვებდით, რომ მას თქვენთვის ეთქვა?
- შვილო, გიორგი (კახა), ამაოდ არ გიცხოვრია ამ ქვეყანაზე!

ლია მოლარიშვილი

სამოთხის მინდვრები

ქალმა ატყრეცილი სახე მთარიდა გავარვარებულ ღუშულს. უხერხულად იყო ცალ მუხლზე ჩაჩოქილი და ცდილობდა, კიდევ ერთი შემის ნაჭერი შეემატებინა უამისოდაც სავესე საცეცხლურში. ბოლოს, როგორც იქნა მოახერხა და საჩქაროდ მიხურა კარი. მერე იქვე, სავარძელში მიწოლილ კაცს ახედა ქვემოდან.

— სული ისედაც მეხუთება, შენ კი ცეცხლი დამინთე ამ შუა აგვისტოში! — მაშინვე მიაგება კაცმა, თითქოს ამ შემოხედვას ელოდა.

— სადილი უნდა მოვამზადო, — ფიცხლად წამოგდა ქალი, — შუქი ისევ წავიდა. ჭამა კარგად გინდათ თავის დროზე და იმას თუ კითხულობთ, საიდან, როგორ? ჩემი ძმისშვილის მრცხვენია... თემიკოც მეცოდება. მთელი დღის ნამუშევარი, დაღლილი მოვა და არაფერი დახვდება, თორემ თქვენ... შენ და სალომე!..

კაცმა სიგარეტი მოვერცხლილ მუნდშტუკში ჩაამაგრა, ყოველმხრივ შეათვალიერა. ქვედა ტუჩი შესამჩნევად გაექცა გვერდზე, აუთრთოლდა.

— მე რომ ეს დამბლა არ დამმართნოდა, ამდენს ვერ გაბედავდი.

— მუნჯი არასდროს ვყოფილვარ! — ქალმა აივანზე გასასვლელი კარი გამოაღო.

აივანიდან ჭრელ-ჭრელი ბარაკები, საქონლის ძველი ფერმის ნაგრძელებული დაბალი შენობები და ორი სამსართულიანი, ოდესლაც წარინჯისფერი კორპუსი იდგა. მთებით შემოსაზღვრულ მთელ დაბას მზის შუქზე მოტივტივე ნისლი ასდიოდა. მარცხნივ, დამრეც ფერდობზე მეჩხრად შეფენილ საფლავებს შორის ხბოები ბალახობდნენ.

— ამომახრო გინდა ამ სიცხეში? — მოესმა ქალს.

— გადი, გაიარე გარეთ! — მიუბრუნდა გულმოსული, — სიარული კი არ მოგკლავს. უკეთესიცაა. ხომ გითხრა ექიმმა? რა ვიცი, სიგარეტს კი ახრჩოლებ წარამარა და ეგ შეიძლება?

— გინდა უსიგარეტობას მოვუკლავარ და გინდა წნევას.

— მაშინ მოკვდი და თავს ნულარ გვაზადლი, — ქალმა გასვლა დააპირა, მაგრამ კაცმა კაბის ბოლოზე სტაცა ხელი.

— კარგად ვიცი, რატომაც იღრინები, — თვალი ჩაუკრა ცოლს.

— კარგი ერთი, რეზო!..

— ნადი, გათხოვდი, გინდა? — მხიარულად განაგრძობდა კაცი. — მე ხომ ვიცი, გინდა. ვინ არ გითხოვს. ქალი სკოლის დირექტორი ხარ. დაფასებული. ყველა პატივს გცემს...

— მასხარა ხარ და მასხარად მოკვდები.

კაცმა თავი დაუქნია:

— ჰო, მოვკვდები, მაგრამ შენზე ადრე არა... — და კალთაზე დაქაჩა, — რა უნდოდა ნუხელ იმ ჭლექიან ფიზკულტურის მასწავლებელს, რატომ გეძახდა?

— კაცო, შენ მართლა ხომ არ გააფრინე. სადაცაა სასწავლო წელი დაიწყება და, აბა, არ უნდა დამიძახონ? მე უნდა ვიბარებდე აქეთ...

კაცის სახემ რაღაც უცნაური ტრაგიკული გამომეტყველება მიიღო. ვერ გაიგებდით, ბუნებრივი გრიმასა იყო თუ კომედიანტის ნიღაბი.

— სულერთია, მოვკლავ! ძველი დაშნით. და ზედ ამოვაჭრი ჩემი სახელის პირველ ასოს. აბა, ზოროს ტყუილად მეძახიან?

ქალმა მსუბუქად დაარტყა ხელზე: ნუ მასხარაობ, ერთი! — არ ვმასხარაობ. — ჭერისკენ გააბოლა კაცმა, — ოდესმე ხომ უნდა გავამართლო სახელი. ნეტა მართლა რატომ შემარქვეს? აი, ვისხენებ და ვერ მომიგონებია.

— სულელური ტრადიცია აქეთ ამ დაბაში და იმიტომ! ყველას რაღაც მეტსახელს მიაწებებენ, — ქალი ამ სიტყვებს რომ ამბობდა, უკვე აშიშხინებულ ტაფას დასტრიალებდა ლუმელთან.

— ტრადიცია სულელური არასდროს არის, ძვირფასო მერი, რას ამბობ? — კაცი სიამოვნებით ადევნებდა თვალს აქეთ-იქით მოტრიალე ცოლს.

— აბა, ის კარგია, ჩემს შვილს რომ „ძვალს“ ეძახიან? რამდენჯერ გავიგონებ, იმდენჯერ ცუდად ვხდები. — ქალი გაცეცხლებული კეპავდა ხახვს, — კი, ბატონო, გამხდარია, ნეკნებს დაუთვლი, მაგრამ ამის გამო... ძვალი?.. — დანა ხელში შეაყოვნა და ალერსი გამოეხატა სახეზე, — რამდენს წვალღობს ბიჭი. სად შეუძლია მაინც. წარმოიდგინე, იმხელა ხეებს ჭრის და ტვირთავს... — დანა ისევ სწრაფად ამუშავდა, — დედას არ დაუჯერა, არ ისწავლა და ახლა იპკის.

— ნუ გეშინია, არ მოკვდება, — თქვა კაცმა ანგარიშმიუცემლად.

— არ გიყვარს! — საშინლად აღელდა ქალი. — რომ გიყვარდეს, ასე არ ილაპარაკებდი.

— ჰო, აბა რა, ჩემი შვილი არ მიყვარს.

მაგრამ ქალის შეჩერება შეუძლებელი იყო. გააღმასებული ცრიდა სიტყვებს:

— შენ მხოლოდ სალომე გახსოვს — ალიკვალი მამა. აი! — კედლის საათზე მიანიშნა დანი, — რომელი საათია და სძინავს.



კაცმა მხოლოდ მხრები აიჩეჩა: რა მოხდა მერე? რატომ ატყებ ერთი ამბავი?

— მეცხრე კლასიდან გაიპარა და რა მოხდა? ბავშვი მთელი ზაფხული დედამთილს მიუგდო — რა მოხდა. ჩემი ძმისშვილი ოთხი წელია აქ არ ყოფილა. გოგო ჩამოვიდა და საჩუქრები ჩამოუტანა. როგორ შეხვდა? ამ დღით სოკოზე უნდა წასულიყვნენ და წაყვა? სხვები გაყვნენ და ეგ ლოგინიდან ვერ წამოაგდეს.

— როგორ არ გეცმის... ქმარზე დარდობს. — კაცის ხმაში მხოლოდ ახლა გაისმა სერიოზული ნოტი.

მერი შეპასუხებას აპირებდა, მაგრამ მეორე ოთახიდან ხრინჩინი სიმღერა გაისმა: „რა ლამაზია თუშეთიი!“

ცოლ-ქმარმა ერთმანეთს შეხედა.

— დარდობს, არა? — ნიშნისმოგებით თქვა მერიმ.

ოთახში მოკლე ღამის პერანგის ამარა, ნამძინარევი ქალიშვილი შემოვიდა მთქნარებით. გაწეწილი შავი თმა წელამდე სცემდა.

ეს მათი ნამდვილი სისხლი სისხლთაგანი იყო — ძალიან ჰგავდა მამას. იგივე მაღალი შუბლი; პატარა ფოსო ნიკაპზე, ოდნავ მუქი რკალები თვალებს ირგვლივ და არაბუნებრივად თეთრი, წვრილი კბილები... აღნაგობა და ხელების მოყვანილობა კი დედისა გამოჰყოლოდა. ლარნაკში ყველაზე დიდი ატამი ამოარჩია, მზემოკიდებული, ჩამოქნილი ფეხები ტახტზე აიკეცა და ხარბად ჩააბიჩა ხილი.

— მოგვივდა, პეპელა? — გაუღიმა მამამ.

— ჩაიცვი, გოგო, როგორ დადიხარ?! — დაუყვირა მერიმ.

სალომეს ყურადღება არ მიუქცევია დედისთვის. მხოლოდ გაკვირვებულმა მოათვალიერა სამზარეულო.

— ბელა სად არის?

— ამას მე მეკითხები?! — აღშფოთდა დედა.

სალომე კიდევ უფრო გაოცდა: რაშია საქმე?

— დაგავინყდა, სოკოზე რომ უნდა წასულიყავით?

— ააა... — ჩაეცინა სალომეს, — სოკო!.. და წავიდა?

— რა თქმა უნდა, ცხოვრება უშენოდაც გრძელდება.

— ჩაგეძინა, პეპელა? — ჰკითხა მამამ.

სალომემ მოკლედ ჩაიცინა.

— თავი მოვიმძინარე... იმ ჭკუაზე არ ვარ, დილის ექვს საათზე ტყეში ვიბორიალო. სოკო... რომანტიკა... — დაცინვით აიჩეჩა მხრები. — შენი ძმისშვილი ბავშვობიდან ვერ გამოდის, დედა.

მერიმ წვრილად დაჭრილი მწვანელი, გაჯავრებით ჩაყარა მოთუხთუხე ქვაბში და მხოლოდ მერე გაეპასუხა: თავი დაანებე ჩემს ძმისშვილს და საკუთარ ბედზე იფიქრე.

სალომემ მეორე ატამი აიღო და მამას დაუსკუპა მუხლზე.

— მე უკვე მაქვს საკუთარი ბედი, რომელიც თვითონ შეექმენი. ასე არაა, ზორო?... ჩვენი ბელა კი... როგორ ვთქვა... ექვსს, ექვსს და დღემდე ვერ პოულობს.

— რას ექვსს, სოკოს? — ვითომ გაიხუმრა რეზომ.

— ბედს, მამა, ბედს, — ცხვირზე წკიპურტი გაჰკრა ქალიშვილმა, — არ ვიცი, შეამჩნიეთ თუ არა... მიუხედავად მოდური ტანსაცმლისა, მიუხედავად ფრანგული სუნამოს სურნელისა, რომელსაც ასე დაუნანებლად აფრქვევს, ბელას აკლია ყველაზე მთავარი — საკუთარი თავის რწმენა.

მერი სიბრაზისგან გაფითრდა კიდევ.

— გშურს! გოგომ ყველაფერს მიაღწია, რაც ჩაიფიქრა. დოქტორანტურა, სამსახური... ან როგორ გამოიყურება, კინოსასახიობი გეგონება.

— კი, მართლა გალამაზებულა მას მერე, რაც ბოლოს ვნახე, — დაეთანხმა ქმარი.

სალომე გველნაკბენივით წამოხტა:

— უბრალოდ, თმა შეიჭრა და შეიღება! ისიც იმიტომ, რომ წითელთმიანია.

— ბელა მშვენიერი გოგოა, პეპელა, რა მოგივიდა? — გაცხებით უსაყვედურა მამამ.

სალომემ შუბლზე მიიკაკუნა თითი:

— რა ვიცი, მეც არ ვიცი... — ონკანი მოუშვა და წყალს დაენაფა.

სხვა დროს დედა შავ დღეს დააყრიდა: სამზარეულოს ნიჟარაში ნუ ინუნებო, მაგრამ ახლა რაღაცას ფიქრობდა დაძაბული და როცა ხმა ამოიღო, მამა-შვილი მიხვდა, რა ფასად უჯდებოდა ეს წყნარი ლაპარაკი.

— ჩემიანები გულზე დიდად არ გეხატება... რაც ამ ტყეში გადმოვსახლდით, ძმაც დავეკარგე და დაც. წლები ისე გადის, ნათესავებს ვერ ვხედავ. უნდა გიხაროდეს, რომ ბელამ წესიერ კურორტზე დასვენებას ჩვენთან ჩამოსვლა ამჯობინა.

სალომემ ხელისგულით შეიმშრალა პირი.

— დარწმუნებული ხარ, რომ დიდი არჩევანი ჰქონდა?

— ვითომ რატომ არა? ხომ გაიგონე, რამდენს უხდიან იმ ფირმაში?

სალომემ ამოიოხრა.

— არც ისეთი ფულიანია, როგორც შენ გგონია. მართლა და მართლა, თარჯიმანს რა ისეთი ხელფასი აქვს? წარამარა არბენინებენ აქეთ-იქით. წარმომიდგენია... მეცოდება კიდევ!

კაცმა ცოლს გახედა. ალბათ, ეგონა, ახლა კი ველარ შეიკავებს თავს და მეხად დაგვატყდებო, მაგრამ მერის ხმისთვის არ აუნწვია, ისე მიუგო შვილს:

— რა სჭირს შენი შესაცოდი, არ გამაგიჟო. ორ ბატს ვერ მოგაბარებს კაცი.

აქ კი სალომემ იყვირა: თავი დამანებეო, — და აივანზე გავარდა.

— შრომის გაკვეთილიც კი ვერ ჩაატარე სკოლაში, სადაც ჩემი ხატორით მიგიღეს. ერთ კვირაში მიაგდე სამსახური! — მიაძახა დედამ.

— სამსახური? — უკანვე შემობრუნდა გოგო, — მამა, ამისხენი ერთი, რა სამსახურია შრომის მასწავლებლობა?

— შრომა, შრომა და შრომა, — ფიქრიანად თქვა კაცმა, — აი, რამ გაამაიმუნა ადამიანი.

ქალიშვილს სიცილი წასკდა.

მერი ცოტა ხანს დუმდა, თითქოს ყელში ბურთი დაეცო. მერე ღრმად ჩაისუნთქა და თითქმის დაყვავებით მიმართა შვილს:

— მაინც რამ აგიცრუა გული ყველაფერზე? ქვასავით ცივი გახდი.

— ქვა მზეზე მაინც თბება. — სიტყვა გამოსტაცა გოგომ, — შენ კი წესიერად არც მომფერებხარ პატარაობისას. მასწავლებლის როლიდან სახლშიც ვერ გამოდიოდი.

— არ გინდა დაჩაგრული ბავშვის თამაში! — ხმას აუნია დედამ, — თემიკოზე რას იტყვი, განსაკუთრებით ვეფერებოდი? ნახე, როგორი თბილია.. ხელში ამიყვანს და „ჩემო დედიკო“, მეძახის. აი, ნახავ, საღამოს მოვა და ბელას დანახვაზე რა დაემართება.

— ალბათ, დამბლა. — არხეინად უპასუხა სალომემ, — ჩვენს ოჯახში ზედმეტ ნერვიულობას მხოლოდ გულისნასვლები და წნევის ანევა მოსდევს.

მერიმ ხელი, რომელშიც მაგიდის გადასანმენდი ჩვარი ეჭირა, ისე ასწია, თითქოს უნდა მოუქნისო...

— ეს ბავშვობაც აღარ არის!

რეზო სავარძელში შეინძრა:

— ბავშვზე გამახსენდა — ბავშვი არ მოგენატრათ?

ქალიშვილი გაჯავრებული მიუტრიალდა:

— გეყოფათ ახლა... შემიძლია თუ არა, ცოტა ამოვისუნთქო?

— გეგონება, ღამეებს ტეხდი შვილის გულისთვის. — გესლიანად უთხრა დედამ.

სალომემ მხოლოდ შემრიგებლურად გაუღიმა:

— კი, ბატონო, შენ უვლიდი, მაგრამ შვილიშვილია, ბოლოს და ბოლოს. — თავი გადასწია და გაზეთით დაინიავა, — ცეცხლის ასე გადარევა არ გამიგია... — მერე მსუბუქად წაჰკრა ხელი მამას, — ნამო, ეზოში ჩავიდეთ, ხალხში გავვიროთ.

— ტანზე ჩაიცვი! — სწრაფად უთხრა დედამ.
 — არა, ასე ნავალ, — სალომემ გაზეთი მიაგდო, — თვალს დაუყუენებ ზოგ-ზოგებს. — და სიმღერით გავიდა: — დეედი, დეედი!..

მერი ტაბურეტზე დაეშვა.

— არა, სულელია, შვილებს გეფიცები.

ქმარმა სერიოზულად, უღიმილოდ შეხედა.

— სულელი კი არა... ვერ ხედავ, რომ ილუპება?

— ილუპება? — სახე შეეცვალა ქალს. ვინ იცის, რა წარმოდგინა ერთ წამში: შერცხვენა, საშინელება...

— ჰო... თმასაც არ ივარცხნის. საქმელს როგორ ამზადებდა... თითებს ჩააკენტიდა. ახლა, შენს გაკეთებულს გამოიტანს და ისე მიასკდება, რომ შეიძლება ბავშვიც მშიერი დატოვოს.

ქალს გულზე მოეშვა.

— უბრალოდ, ზარმაცია, სისხლსა და ხორცში აქვს გამჯდარი სიზარმაცე.

რეზომ თავი გააქნია:

— არ იყო ზარმაცე. ის ბიჭი რომ ჩვენთან ცხოვრობდა, ყველაფერს სალომე არ აკეთებდა?

ქალმა ჩაიდანს წამოავლო ხელი, წყლით გაავსო და ლუმელზე დადგა.

— ჰო, პატარა გამონათება ჰქონდა, მაგრამ ახლა რატომ აიცრუა გული? ხომ არ მიუტოვებია ქმარს. კაცი სამუშაოდ არის წასული, ფულს უგზავნის.

რეზო სავარძლიდან წამოიწია.

— ვის რად უნდა მაგის ფული!.. ოთხი წელია, შვილი არ უნახავს. ეეე, სკოლის დირექტორი, ყინულს და ქვას სხვას ეძახი და... ნუთუ არ გესმის, ბავშვს თავისი ქმარი სჭირდება გვერდით... ნამდვილად სხვა ქალი გაიჩინა იმ ძაღლის შვილმა.

— არა, არა! — გაანყვეტიდა ქალმა, — თუ სახლის საყიდელი ფული არ შეაგროვა, აქ ისევე ჩვენ ხომ არ დაგვიჯდება? თავმოყვარე ბიჭია. თემიკოსიც როგორ ერიდებოდა, გახსოვს? ხვდებოდა, რომ თემიკოს სიძის აქ ყოფნის გამო არ მოყავდა ცოლი.

— მე კი ვეუბნები, რომ სხვა ქალი გაიჩინა! — კაცმა მუშტი დაჰკრა სავარძლის სახელურს.

მერიმ ჩუმად შეჰყვირა და ხელი დაუჭირა.

— შენთვის ნერვიულობა არ შეიძლება!

კაცი დაძაბული შესცქეროდა სახეში.

— ყველაფერი იმის ბრალია, მე რომ ინვალიდი გავხდი.

— ინვალიდი არა, ის... — გაცინება სცადა ქალმა, — ნუ იგონებ რალაცას. ხელი გაგისწორდა, სახეზეც არაფერი გემჩნევა.

— სამაგიეროდ, შენ ხომ გემჩნევა, დირექტორო? აგე, როგორი ანჩხლი გავხდი.

მერი დაიბნა. რატომღაც ჩაიდანს შეუცვალა ადგილი.

— კარგი რა, გეყოფა. ამ სიბერეში...

— რაა? — თავი ძლივს შეაბრუნა კაცმა, — ორმოცდაათი წელი სიბერეა? შენი არ ვიცი, მაგრამ მე კაცი ვარ და ასე ცოცხალ ლემად გადაქცევას ვერ შევეგუები.

ცოლმა თავი ფრთხილად დაუჭირა და კეფაზე დაუსვა თითები.

— რომ შემეძლოს, ფეხით ჩავიდოდი იტალიაში და იმ ძაღლის ლეკვს ძალით ჩამოვიყვანდი.

— გეყოფა, შენთვის ხმამაღალი ლაპარაკი არ ვარგა. უარესი არ დაგემართოს, — ხელი გაუშვა მერიმ.

— ამაზე უარესი რაღა დამემართება?

ქვემოდან ძახილი მოესმათ:

— ზორო!.. ზოროო!..

მერი აივნიდან გადაიწია:

— რა ამბავია, ბიჭო, დაიქცა ქვეყანა?

ქვევით თეთრპანამიანი ბიჭი იდგა, მზეში თვალმოჭუტუნი და უცინოდა.

— გამარჯობა, დირექტორო! ზორო სახლშია?

— სახლშია, აბა, სად იქნება?

— რა ვიცი, კაცო, ეშმაკს არ სძინავს, — გაიკრიჭა ბიჭი, — უთხარი, ჩემთან ვიკრიბებით და უმაგისოდ არ ვინყებთ.

მერი ერთხანს უყურებდა მიმავალს, ბოლოს მშრალი სარეცხი ჩამოხსნა თოკიდან, კალათში ჩაყარა და მერეღა მიუტრიალდა ქმარს:

— რას ვერ იწყებენ უშენოდ? ამ კარტის თამაშს ვერ შეეშვი, ხომ? გინდა სასმელი დაგილევია, გინდა — კარტი და ნარდი გითამაშო.

კაცი უკვე წამომდგარიყო. არცთუ მაღალი, მაგრამ კარგად მოყვანილი; ჯერ კიდევ ბიჭური ტანი ჰქონდა.

— შენ ხომ იცი, ცივი გონებით ვთამაშობ. სულ ფეხებზე არ მკიდია, მოვიგებ თუ ნავაგებ? დრო გამყავს, დრო.

— სხვა რამე მოგეფიქრებინა, კაცო.

— რა მოვიფიქრო, ფარდობითობის თეორია? — წამლებით სავსე პაკეტი მაგიდაზე მოაპირქვავა, რამდენიმე გამოაცალკევა და ერთად დაიყარა ხელისგულზე კანფეტებით ფერად-ფერადი, მრგვალი აბები. — ფიზიკურად ვეღარაფერს ვაკეთებ. ბიჭს ვერ ვეხმარები. შენ გგონია, მე არ ვნერვიულობ, თემიკო რომ ამდენს მუშაობს?

თავი უკან გადასწია და სწრაფად გადაყლაპა წამლები. მერეღა ჩამოართვა ცოლს წყალი.

სალომე ლილინ-ლილინით შემობრუნდა. თმა დაევარცხნა, თუმცა კი დაუდევრად დაემაგრებინა სარჭით. მოკლე წითელი შორტი ეცვა.

— ეგ რა გაცვია, გოგო? — შეიცხადა მერიმ.

სალომემ ტანზე დაიხედა.

— შორტი. სხვათა შორის, შენი ძმისშვილის ჩემოდნიდან ამოვაძვრინე. ბელა ისეთი კეთილია, ამას დამიტოვებს კიდევ. ხომ მიხდება?

დედა თვალს არ აშორებდა.

— ქმრიანი ქალის ამისთანა მოკლე შარვლით სიარული... სოფელია ეს. ხომ არ დაგავინყდა, სად გაიზარდე?

— სწორედაც რომ აქ გავიზარდე, — დაეთანხმა სალომე, — ჰოლანია, თუ გგონია, ვინმე სხვანაირად შემომხედავს, ძალიან ცდები. ნავედით, მა!.. — მამას ხელკავი გამოსდო და ფეხი ააჩქარებინა.

— მოიცადეთ! — გაეკიდა მერი, — სალომე, მაღაზიიდან პური და შაქარია ამოსატანი!

სალომე არც შემობრუნებულა, ისე მიაძახა:

— მე თამრიკოსთან შევივლი, ყავის დასალევად. დედა, გეხვეწები, ოღონდ მაღაზიაში ნუ გამგზავნი ამ მოკლე შარვლით, სირცხვილია! — და კარი გაიჯახუნა.

მერი შემოსასვლელში დადგმული კომოდის სარკესთან შეჩერდა.

— ოღონდ ეს არა, ოღონდ ის არა!.. — კომოდის უჯრიდან ჩანთა ამოიღო, სარკეში თმა ოდნავ შეისწორა და გავიდა. საათმა თორმეტჯერ დარეკა.

თითქმის მაშინვე დაიქუხა ცამ და უეცარი, თავსხმა წვიმა წამოვიდა.

ოთახში ქალიშვილმა შემოიბრინა. ერთიანად დასველებულიყო. თავზე თეთრი თავსაფარი ჰქონდა წაქრული, რომელიც ძლივს მოიხსნა აკანკალებული, გათოშლი თითებით. მერე სოკოთი სავსე კალათი შემოიტანა ნინკარიდან, მაგიდაზე დადო და ლუმელს მიუფიცხა ხელები. ტახტის ქვემოდან ერთი ბენო შავი კნუტი გამოძვრა და ფეხზე მიეგლასუნა...

ქალიშვილი დაიხარა, მიეაღერა.

— მარტო ხარ, კიტი? შენი შერეკილი პატრონი სად არის? — და ხმამაღლა გასძახა: — სალომე!..

კარი გამოაღო და მეორე ოთახში შეიხედა. მერე კი მხრები აიჩეჩა ისეთი ლიმილით, თითქოს საკუთარ თავს ეუბნებოდა: რა გულუბრყვილო ვარ, სალომეს სახლში რა გააჩერებდაო.

ვიდრე ტანსაცმელს იცვლიდა, ისე ძლიერ იქუხა, სახლი შეზანზარდა. ელვის გაკვესლების მერე ერთბაშად ჩამოხვრდა და ალბათ, მოსალოდნელიც იყო, ცას მთელი ძალით დაეჭყქა.

გოგო შეკრთა, ზეანუელი მკლავები წამით გაუშეშდა; მერე საჩქაროდ გადაიკვა ზედატანი და პირჯვარი გადაინერა.

— ღმერთო, როგორ მეშინია ჭექა-ქუხილის! არც მინისძვრის, არც ქარის, მარტო ჭექა-ქუხილის... მაგრამ აქ ხომ მთაა. ერთ ნუთში რომ ინვიმებს, მეორე ნუთში მზე გამოანათებს. შენც გეშინია, კიტი? — მან მკერდზე მიიხუტა კნუტი, — ახლა დამშვიდდი? მეც რომ ჩამიკრას გულში ვინმე დიდმა და ძლიერმა... მეც შენსავით ვარ, სითბო მიყვარს და ვერ ვიტან, როცა მიჯავრდებიან.

ის ფანჯარასთან მივიდა. შიშნულად იყურებოდა გარეთ და თან წყნარად ედუღუნებოდა გატრუნულ კნუტს.

— იცი, კიტი, მე ვიცნობდი შენი ბების ბებიას... მოკლედი, ვიცნობდი პირველ კატას ამ ოჯახში. ის იყო ცეცხლივით ნითური, საშინლად მხდელი და ბიძაჩემი ბელას ეძახდა. ჩემს სახელს, გესმის? ყველა იცნობდა. მეც. მაგრამ სინამდვილეში მწყინდა. იმიტომ, რომ კატა მაინც კატაა. პატარა გოგოს წყენინებას კი მეტი რა უნდა — საკმარისია ნითურ კატას მიაძგავსო.

გოგოს ჩაეცინა.

— და აი, შავთმიანი გავხდი... მაგრამ რა, ჩამოვედი და აქ დამხვდი შენ — მშიშარა შავი კნუტი. თითქოს შენც გადაგვებეს. ასე რომ, არაფერი შეცვლილა.

შემოსასვლელში კარმა გაიჯახუნა.

— შენ ხარ, სალომე? აა, მამიდა!..

მერი აჩქარებით შემოვიდა. ბელას დანახვაზე თვალები გაუბრწყინდა.

— უკვე მოხვედი? — კალათს ჩახედა, — ყოჩაღ, არ მითხრა, რომ ყველა შენ შეაგროვე.

— არაა... სხვები რასაც პოულობდნენ, ნახევარს მე მითმობდნენ.

— ასე უნდა, აბა რა. სტუმარი ხარ... ამას ახლავე დავარჩევ. შენ დაჯექი და დამელაპარაკე. გუშინ ნესიერად ვერც შემოგხედე, იმდენი მუქთამჭამელი მოგროვდა. ბელა მის პირდაპირ დაჯდა და გაუცინა.

— შეგიძლია კარგად დამაკვირდე. ძალიან შევიცვალე?

— ქუჩაში შემხვედროდი, ვერ გიცნობდი. — თავი მოწონებით გადააქნია ქალმა, — ყოჩაღ, ასე უნდა. მართალი გითხრა, არ ველოდი.

გოგოს ერთიანად გაუქრა ღიმილი.

— ჰო, შენ არასდროს მოგწონდი...

მერი წამიერად დაიბნა.

— რა?.. არ გრცხვენია?.. — საჩქაროდ წამოდგა და სამზარეულოს კარდაში რაღაცა დაუწყო ძებნას.

— მითხარი, როგორ ცხოვრობ. კმაყოფილი ხარ სამსახურით? — ჰკითხა ცოტა ხნის შემდეგ, დანა რომ მოიტანა და სოკოს დარჩევას შეუდგა.

— კი, — ბელამ როგორღაც მოიწყინა, — კმაყოფილი ვარ. მერის არ შეუმჩნევია მისი უხალისო გამომეტყველება.

— კარგია, რომ შენი მამიდაშვილივით არ აცეტდი და თხუთმეტი წლისა არ გაეკიდე უსახლკარო ბიჭს, მაგრამ მეორე მხრივ, რა ბავშვი გყავს — ნინიკო. ხომ ნახე სურათები?

— სურათი რად მინდა, ისე არ ვიცი?

— შენ ახლა უნდა ნახო... ხან ვლანძღავ სალომეს, მაგრამ მადლობა ღმერთს, ოჯახი შექმნა. ვინ იფიქრებდა... ხომ გახსოვს, ჭირიან წინილას ჰგავდა. ასთმიანი. მაგის გულისთვის გადმოუსახლდით ამ დასაქცევში.

— დასაქცევი რატოა. სამოთხეა.

— რა არის? — მერიმ გაკვირვებით გამოხედა.

— სამოთხე... დღეს ერთ ისეთ ადგილას მოვხვდი... მინდორში გავედით. უზარმაზარი მინდორი იყო. წელამდე ბალახით და ყვავილებით. თანაც, შემოლობილი. პირი დავადე.

— სათბობი მოხვედრილხარ, — გაეცინა მერის, — ეგ, რაც შენ ნახე, ძროხის ბალახია და მეტი არაფერი. იმიტომაცაა შემოლობილი. გათიბავენ და გაახმობენ.

— გათიბავენ?

— ჰო... ჰოდა, იმას გეუბნებოდი, სალომე არც ისეთი სულელი გამოდგა. გამოჯანმრთელდა კიდევ და შვილიც ჰყავს. ახლა შენ გჭირდება ერთადერთი რამ, საკუთარი ოჯახი.

ბელა მუხლებზე მოეხვია სიცილით.

— გამირიგე აქ ვინმე და დავრჩები. სუფთა ჰაერი, სათბობი... შენთან ვივლი სკოლაში და ფრანგულს შევასწავლი ბავშვებს.

მერიმ ხელებში მოიქცია მისი სახე.

— შენ რა, სერიოზულად მეუბნები?

— მთელი სერიოზულობით.

— გაგიჟდი? — ქალს ნერვულად გაეცინა, — რა სულელი ხუმრობაა. ვინმემ არ გაგიგონოს და სიმართლე არ ეგონოს. დარჩება ქალბატონი!..

— რა მოგივიდა? — გაუკვირდა ბელას.

— ის არ კმარა, მე რომ ჩავრჩი ამ ტყეში და ახლა შენ მოინდომე... ახლავე მითხარი, რომ იხუმრე!

ბელა წამოდგა და ფანჯარასთან მივიდა. ცოტა ხნის დაყოვნების მერე გაეპასუხა: ჰო, ვიხუმრე.

ქალი დამშვიდდა. სოკოს მიუბრუნდა.

— მე აქ თავი მომაქვს ჩემი ნათესავებით, გესმის? აქაური გავხდი, მაგრამ სიამაყე არ დამიკარგავს. ყველას ვაგრძნობინებდი: თქვენი მოდგმის არა ვარ-მეთქი. ეგ კი არა, არ გენყინოს და, სოკოზე ნასვლა რომ მოინდომე, არ მომენონა.

გოგო კითხვის თვალით მიაჩერდა.

— მაინც, ხომ იცი, ამ ბიჭბუჭობასთან თავის გაყადრება არ გინდა.

ბელას ახლა კი გაცემით აღმოსხდა: ბატონყმობა ხომ არ არის, რაზე მელაპარაკები?

— უბრალოდ, გარიგებ. აქაურებს შენ გამაცნობ? ლაზღანდარები!..

— კი, მაგრამ მე ხომ სრულწლოვანი ვარ, — წინ დაუდგა ბელა, — ზრდასრული ადამიანი.

— ეგ რა შუაშია?

გოგომ გაუღიმა:

— ბავშვი აღარ ვარ, მაგრამ ეს რატომღაც ვერაფერს შეიგნო. დავილაღე.

— რამ დაგვალა?

— ჭკუის დარიგებამ, მამიდა. ვერ წარმოიდგენ, რა საშინელებაა, როცა დახმარების მაგიერ, ყველა თითქოს მოწოდებულია, ჭკუა დაგარიგოს. არადა, განა შუბლზე მანერია, რომ ისეთი გულუბრყვილო ვარ?

მერიმ დანა გადადო და წელზე შემოხვია ხელი.

— არა, შენ ყოჩაღი გოგო ხარ. აი, რამდენს მიაღწიე ცხოვრებაში.

ბელა ხელიდან გაუსხლტა.

— მივალწიე კი. ძალიან ბევრს... — და ფრანგულად გაიმეორა იგივე ფრაზა.

— რა თქვი? — დაინტერესდა მამიდა.

— არაფერი, — ბელა ისევ მუხლებთან დაუჯდა, — მოდი, ახლა შენ მომიყევი რამე. თემიკოს ამბები მაინტერესებს. ისე მენატრება... უსინდისო, ერთხელაც არ ჩამოსულა ჩემს სანახავად.

— სად სცალია. აგე, სამი დღეა ტყეშია გადაბმულად, — ამოიოხრა ქალმა.

— როგორ მეცოდება... ნამდვილ ძმასავით მიყვარს, ხომ იცი.

— იმასაც შენ ურჩევნიხარ მთელ სანათესაოს.

— ჰო, — კმაყოფილი ღიმილით თქვა გოგომ. — თემიკოს იმედი მაქვს. მთელი წელიც რომ არ ვნახო, მაინც შეიმედედა.

— ცოტას მოსულელებს, — დანანებით აღნიშნა ქალმა.

— არაფერიც! — შეესიტყვა ბელა.
 — მეტისმეტად კეთილია. მამაშენს ჰგავს.
 — სიკეთე ნაკლია?
 — ნაკლია! — სიტყვა გამოსტაცა მერიმ, — ცხოვრება გამუდმებული ბრძოლაა და ბრძოლაში სიკეთე არც ფარია და არც ხმალი.
 — თემიკო იმიტომ უყვარს ყველას, რომ წარმოუდგენლად ალალია, — დაარწმუნა ბელამ.
 — ჩემი ძმაც ასეთი იყო და იმიტომ მიატოვა დედაშენმა.
 — გეხვეწები, არ გინდა ძველი ამბების გახსენება. — შეემუდარა გოგო, — მითუმეტეს, არც ერთი აღარ არის ცოცხალი.
 მერის თვალები ანთებოდა. ჩანდა, როგორ უჭირდა თავშეკავება.
 — მკვდარსაც ვერ ვაპატიებ, ვერა!.. არ შემძლია... თვითმკვლელობამდე მიიყვანო საკუთარი შვილის მამა — ეს ხომ საზიზღარი დანაშაულია.
 — გთხოვ, ნუ ჩამაშხამებ დასვენებას! — ხელები დაუჭირა გოგომ.
 ქალი გამოერკვა:
 — მართალი ხარ, შენ რას გერჩი...
 ბელაც მაგიდას მიუჯდა. დიდი, თეთრი სოკო აიღო და უანგარიშოდ ათამაშებდა.
 — სულ მეგონა, რომ არ გიყვარდი... — თქვა კარგა ხნის დუმილის მერე, — დედაჩემის გამო.
 — არ გრცხვენია? — უსაყვედურა მერიმ.
 — მე ხომ დედას ძალიან ვვავარ.
 მამიდამ გაუცინა:
 — სულ აღარ ჰგავხარ. ახლა იცი, ვის მაგონებ? რომელი-ღაც მსახიობს, ამერიკელს...
 — ჰო, ვიცი, — მხრები აიჩეჩა ბელამ, — ყველა მეუბნება. მაგრამ ვის მამსგავსებენ მაინც, ვერავინ იხსენებს. ჩემი უფროსიც კი ცდილობს ამის გამოცნობას.
 — კაცია? — ჰკითხა მერიმ.
 — ვინ, ჩემი შვი? — ახლა გოგოს გაეცინა, — კაცია, ადამიანი.
 — მოკლედ, სამსახური იშოვე. — ამოიხრა ქალმა, — სალომეს რომ ესწავლა... ნიგნი არ გადაუშლია თავის დღეში. მერე ვის? მრცხვენია პირდაპირ. ჩემს შვილს...
 — კარგი ერთი, — სცადა ნუგეშისცემა ძმისშვილმა, — მთავარია, რომ ცოცხალია და ჯანმრთელი. წუთის წინათ არ ამბობდი ამას?
 — ჰო, ღმერთო, მაპატიე. ვინ იფიქრებდა, საერთოდ თუ გადარჩებოდა.
 — ცოტა მოსუქებული მეჩვენა, — ჩაფიქრდა ბელა, — ძალიან უხდება.
 — ჭამის მეტს რას აკეთებს? გაგიჟდები. გაივლის, გამოივლის, ჭამს. მიკვირს, შენს შარვალში როგორ ჩაეკვება.
 — ჩემს შარვალში? — გაუკვირდა გოგოს.
 — ჰო, მოკლე შარვალი აიღო შენი ჩანთიდან. წითელი.
 ბელას გაეცინა.
 — რა ტიპია... თუ მოენონა, დავუტოვებ.
 — არავითარ შემთხვევაში! — ხელები გაასავსავა მერიმ, — ძალიან გამომწვევად აქვს. ან შენ სად აპირებდი იმის ჩაცმას?
 — გასარუჯად, მამიდა. აქ ხომ ტბაა.
 — გაგიჟდი? — რატომღაც ძალიან ხმადაბლა მიმართა ქალმა, — გინდა სალაპარაკო გახდეს შენი ბანაობა?
 — ღმერთო! — ბელა სწრაფად წამოდგა, — ნუთუ ცურვაც არ შეიძლება?
 — ცურვა შეიძლება, მაგრამ აქ არა. და ძალიან გთხოვ, თუ გინდა არ მანყენინო, ეგ მეორედ არ ახსენო. ჩემი ხათრით... აჰა, უკვე გამებუტე. ბავშვობამიც ასე იცოდი. უბრალო რამეზე მებუტებოდი.

— სულაც არ გებუტები, ოღონდ ყველა ნაბიჯს ნუ ამიკრძალავ პატარა გოგოსავით. მინდა ტყეშიც ვიარო, ცხენზეც შევჯდე და ტბის ნაპირზეც წამოვწვი.
 — კი, ბატონო. — უყოყმანოდ მიუგო მერიმ, — მე უბრალოდ ჩემი აზრი გითხარი, თორემ... ვინ გიშლის? როგორც გინდა, ისე მოიქეცი.
 — მაგრამ მე ასე არ შემძლია, გესმის? თავისუფლად ვერ ვიგრძნობ თავს, თუ მეცოდინება, რომ შენ ჩემი საქციელი არ მოგწონს.
 — აქ სხვა ხალხი ცხოვრობს. ქალაქი არ არის, — ახსნას შეეცადა ქალი.
 — ნამდვილად, — დაეთანხმა ბელა, — ქალაქში ცხენით არ ვსეირნობ და არც სოკოს ვკრეფ ასფალტზე.
 — მე უბრალოდ გირჩევ, თავი დაიფასო.
 — მე კი დავილაღე თავის დაფასებით, — მოუჭრა გოგომ, — აქ ბუნებისთვის ჩამოვედი და მასთან ხომ მაინც შემძლია ვიყო ბუნებრივი?
 მერიმ შეეცადა, სხვა თემაზე გადაეტანა საუბარი:
 — სალამოს თემიკო მოვა. არ გაგიჟდება, რომ დაგინახავს?
 — იმედია, არ გაგიჟდება, — სუსტად გაუღიმა გოგომ.
 — ძალიან დამეჩაგრა... თუმცა საკუთარ თავს დააბრალოს. საშუალო სკოლა ძლივს დავამთავრებინე ორივეს. არა, სწავლის ფასი არაფერია. მითუმეტეს, დღეს... ყველაზე მთავარია.
 — ყველაზე მთავარი სიმშვიდეა, — თქვა ბელამ.
 — რა სიმშვიდე? — დაიბნა ქალი.
 — სულის... ბედნიერებაც ეს არის. და სულერთია, სად იპოვი ამ ბედნიერებას — ქალაქის ქუჩებში თუ მავთულით შემოღობილ სათიბში, სწავლასა თუ შეშის ქრაში.
 — რა უცნაურად ლაპარაკობ.
 — ჰო, — ჩაეცინა გოგოს, — უბრალოდ, მიხარია, ისევე აქ რომ ვარ. ყველაფერი ბავშვობას მაგონებს.
 მერიმ უცებ ძალიან დაიძაბა. გამომცდელად შეხედა თვალებში ძმისშვილს და რაც შეიძლება, რბილად ჰკითხა:
 — ბავშვობის სიყვარულიც ხომ არ გაიხსენებ?
 გოგოს აღმურმა აჰკრა სახეზე.
 — ისიც იყო სოკოზე? — ჩააცვიდა მამიდა.
 — ვინ... ვისზე მეუბნები? — უზრუნველად გაღიებდა სცადა ბელამ, მაგრამ ტუჩები თითქოს მხოლოდ ტანჯვით აუთრთოლდა.
 — თუმცა ეგ ახლა ძალიან იფასებს თავს, — ჩაფიქრებით თქვა ქალმა, — გურამზე გეუბნები. ისე, ძალიან კარგი შესახედი შეიქნა, დავაჟუკაცდა... მთლად კარგ გზას არ ადგას, რომ იცოდე. ცოლიც გაექცა. ნარკოტიკს ეტანებოდაო, ამბობენ. ახლა მგონი კი შეეშვა, მაგრამ რაღა დროს... შენ ჭკვიანურად მოიქეცი, რომ არ დათანხმდი მაგას ერთად გაპარვასზე.
 — სად გავეყვებოდი, თექვსმეტის ვიყავი... — ძლივს გასაგონად ამოილაპარაკა გოგომ.
 — თექვსმეტისამ რომ გამოიჩინე გონიერება, ამაშია საქმე. „გონიერება... — მწარედ გაიფიქრა ბელამ, — დამალა ჩემმა გონიერებამ!“
 აბა, როგორ გაუმხელდა ქალს, რომ ახლაც კი, როცა თორმეტი წელი გავიდა იმ ამბიდან, მხოლოდ ერთს ნატრობდა ყოველ ცისმარე — დაბრუნებულიყო ის ერთი, ერთადერთი დღე მისი ცხოვრებიდან; ისევე ეხილა შებინდებისას სადარბაზოში მომლოდინე ბიჭი, იმ ღამესვე გაპარვას რომ სთავაზობდა და მოესმინა მისი ცხარე, დაბეჯითებული ჩურჩული.
 ახლა უყოყმანოდ გაუნვდიდა ხელს და გაჰყვებოდა ქვეყნის დასალიერამდე, თუნდაც ბოლო არ ჰქონოდა გზას, თავშესაფარიც ვერ ეპოვებოდა და მხოლოდ უსასრულოდ ევლოთ, ევლოთ დაქანცულებს...
 მაგრამ მამინ — უზომოდ ამაყი, თანაც შეშინებული — განურჩეველი ღიმილით (თუმცა მხოლოდ მორჩენებითი იყო

ეს განურჩევლობა და ღიმილიც, ვინ იცის, რა დაძაბვის ფასად უჯდებოდა) შეჰყურებდა სიბნელეში თვალბოკიანად ბიჭს და თავს ჯიუტად აქნევდა: არა, არასოდეს!..

გულში კი, რომელიც დაჭრილი ჩიტისვით უფროსხალედა, ფიქრობდა: „ნამიყვანოს!.. ღმერთო, რა იქნება, ხელი მომკიდოს და ნამიყვანოს... მე ვერასოდეს გამოვუტყუებდი, რომ მიყვარს!..“

— რაზე ჩაფიქრდი? — ჰკითხა მერიმ.

— ჩაფიქრდი?.. ოჰ, არაფერზე. ისე... — ბელამ ღუმელთან სულ ახლოს მისწია დაბალი სკამი. — ცოტა მაყრუოლებს. მესიამოვნა სითბო.

— რატომ მაყრუოლებს? — მოულოდნელად მკაცრად ჩაეკითხა ქალი, — უკვე გაცივდი. რა სუსტი ხარ... არ უნდა ნა-სულიყავი ასე ადრინადა...

— არა, მე სუსტი არ ვარ! — შეანწყვეტინა ბელამ, — ეგ სიტყვები მაშინ მითხარი, თუ საკუთარ ბედზე წუნუნით თავს მოგაბეზრებ.

თითქოს კიდევ სურდა რაღაც ეთქვა, მაგრამ თავი გადააქნია, წამოდგა და სამზარეულოდან გავიდა.

კარში ბიძას შეეფეთა, რომელმაც გზა დაუთმო და თან ისე კეთილგანწყობით, გეგონება მოზოდისებოთ შეჰღიმა, უნებურად თვითონაც ღიმილით შეხედა, თუმცა ატირებას არაფერი აკლდა.

სალამოს პირზე, როცა ჯერ კიდევ არ მორეოდა გარემოს ბინდი, სახლიდან ორნი გამოვიდნენ — ბელა და თემური.

ახალგაზრდა კაცი სადარბაზოსთან შედგა და სიგარეტს მოუკიდა. ნაადრევად მოტეხილი იერი ჰქონდა: შეთრთვილი საფეთქლები, ჩალამებული უპეები, მკაცრად მოკუმული თხელი პირი და ტუჩის კუთხეებში ორი ღრმა ხაზი. ბეჭებში, თუმცა ფართოს იტყოდით, მაგრამ ცოტა მოხრილიყო. კვამლი ღრმად რომ ჩაისუნთქა, კიდევ უფრო მოიხარა და ბელამ მუშტი უთავაზა მსუბუქად.

— გასწორდი!

ბიჭმა გაღიმილა სცადა საპასუხოდ.

ხათი ვერ გაუტეხა, თორემ დაღლილობა კიდევ არ გამოწვავდა. თუმცა სამუშაოდან დაბრუნებული მთელი ოთხი საათი ინვა და გათიშულს ეძინა... მაინც ერეოდა რული; მხრები, ხელის მტევნები კი თითქოს ერთიანად უკანკალებდა. ასეთი შეგრძნება ჰქონდა, მაგრამ თითებზე რომ დაიხედა, არაფერი ეტყობოდა.

— მძინარა! — ბელამ ხელი ჩაჰკიდა, — ადრე არ გეზარებოდა ჩემთან ერთად გასეირნება.

— ადრე სულაც არ ვმუშაობდი, — მოუჭრა ბიჭმა, — ნამო, ჰო, გავიაროთ...

— კარიერისკენ, — სთხოვა ბელამ.

— კარიერისკენ იყოს...

გაუქმებული ქვის კარიერი ზედ ტყის პირას, კერპივით ზვიადად წამოდგარ კლდესთან იყო, მაღალი ფიჭვების წამდვილ გვირაბს მიღმა. ფიჭვებამდე კი რკინის დიდი, სამანქანო ხიდი უნდა გაგველოთ, რომლის ქვემოთაც ჩქარი, ხმაურიანი, თუმცა კი საკმაოდ უწყინარი მდინარე მიქშოდა ტყუილი ქადილით.

ღილა-სალამოს ამ ხიდზე ასეირნებდნენ პატარა ბავშვებს აქაურებიცა და მოაგარაკებიც, რადგან სატვირთო მანქანების მისვლა-მოსვლა კარგა ხნის წინათ შეწყდა...

მაგრამ ახლა არავინ შემოხვედრიათ. თითქმის ღუმილით გაიარეს მთელი გზა. თემიკო ძუნწად პასუხობდა კითხვებზე.

ხვალ ისევ ტყეში უნდა წასულიყო. მთელი კვირით. დილის ხუთ საათზე ადგებოდა და ექვსის ნახევარზე გავიდოდნენ ბიჭები. უკვე შეგუებოდა ამ რეჟიმს, მაგრამ ხალისი კი დაეკარგა, ყველაფრით გაბეზრებული ჩანდა.

— ცოტა ტყე მაინც დატოვებ! — გულუბრყვილოდ სთხოვა ბელამ.

თემიკოს ჩაეცინა.

გოგოს ისე უნდოდა, თემიკოს ძველებურად, ცნობისმოყვარედ გამოეკითხა ამბები მისთვის, მერე კი მოფერებოდა და ხუმრობით ენუგუებინა. მაგრამ ბიჭს არაფერი უკითხავს. ისედაც ვხედავ, მშვენივრად ხარო, მიუფო საყვედურის პასუხად.

მართლა ძალიან იყო შეცვლილი. ცოტა გაუხეშებული იქნენა და იმდენად გამოფიტული, იფიქრებდით, უკვე ველარავისთვის გაიმეტებდა სითბოს.

ბელაც დადუმდა. გზა დამქანცველი გახდა. მდინარეც კი აღარ მოეჩვენა ძველებურად სუფთა და ფიჭვების კორმამაც ველარ მიიზიდა ისეთი ძალით... ხან გვერდულად გახედავდა თემიკოს. ის კი მორჩილად მიაბიჯებდა და, ცხადია, ერთი სული ჰქონდა უკან დაბრუნებამდე.

— დავბრუნდით! — უთხრა ბელამ.

იმედგაცრუებას გრძნობდა. თითქოს მოატყუეს. თუმცა გულში აბატია ბიჭს. აბატია ისე, როგორც სჩვეოდა... ესმოდა მისი; როგორც ესმოდა ყველასი, ვისაც სურდა მისთვის გაეგოთ.

ალბათ, თემიკო მაინც მიხვდა რაღაცას, რადგან მხარზე დაუთათუნა ხელი და უთხრა:

— იმ კვირას... რო დავბრუნდები, ცხენს გამოვართმევ ვინმეს და ისეირნე. ხომ გიყვარს...

მერე ღუმილით გადმოჭრეს მოკლე ბილიკი დასახლებსკენ.

მაღაზიასთან სალომე შემოხვდათ ვილაც ფეხმძიმე გოგოსთან ერთად. ბელამ შეამჩნია, რომ თემიკომ, ცოტა არ იყოს, შვეებით გადააბარა დას იმისი თავი და შინისაკენ წავიდა. ყურადღება არ მიუქცევია ბიჭებისთვის, რაღაცას რომ მისძახოდნენ; მხოლოდ ხელი აუწია მისალმების ნიშნად.

ბელამ დანანებით გააყოლა თვალი.

— მოკლედ, შენ სულ დადიხარ და დახეტილობ, — უთხრა სალომემ, — გაიცანი, შორენა, გოგოლაშვილების რძალი... ეს კი ბელაა, ჩემი ბიძაშვილი.

— ბელა? — რატომღაც გაკვირვებით თქვა გოგომ, — ჩემს დედამთილსაც ბელა ჰქვია.

— თუ მოგთხოვა, ბავშვს ჩემი სახელი დაარქვიო? — ჩაიფრუტუნა სალომემ და ბელას მიუბრუნდა, — ისე, სულ არ შეგეფერება.

— დედაჩემმა დამარქვა, — თქვა ჩუმად ბელამ, — ლერმონტოვის ერთი გმირის სახელია, რომელიც ძალიან უყვარდა.

— ლერმონტოვი? — გაეცინა სალომეს, — უჰ, რუსულის მასწავლებელი რომ გეყავდა, ის აბოდებდა მაგაზე. წამდვილი ამოჩემება სჭირდა. მიბრუნდებოდა, მიბრუნდებოდა: ლერმონტოვი!..

ვილაც მიუახლოვდათ.

— სად დაიკარგე, გურამ? — ხმამაღლა და გამონწყევით ჰკითხა სალომემ, — ხომ იცი, უშენოდ მოწყენილია უბანი.

ბელამ იგრძნო, როგორ აუვარდა აღმური. ძლივს გაბედა, ზევით აეხედა და იმ წამსვე წააწყდა გაოცებულ მზერას. ბიჭს თითქოს თვალდათვალ ეცვალა ფერი.



მხატვარი მალხაზ იაშვილი

აღარ ახსოვდა, რამდენ ხანს უყურეს ერთმანეთს თვალებში... არც ის, რა უთხრა გურამმა, ან თვითონ რა უპასუხა...

სალომემ ხელი ჩაავლო და თითქმის სირბილით წაიყვანა: ღამდება. შინ რომ არ დაებრუნდეთ, დირექტორი დაგვხოცავსო.

ვახშმად სამზარეულოში ისხდნენ. მინავლებული ღუმელის სითბო ახლა სასიამოვნოც კი იყო... სალომე ხარბად ჭამდა და წყალიც რამდენჯერმე დაისხა გრაფინიდან.

— ათასჯერ გაგიმეორე, არ ვარგა ასე, ყოველ ღუქმაზე წყლის მიყოლება! — შენიშნა დედამ, რომელიც გაღიზიანებული უყურებდა.

სალომემ მხოლოდ წარბები აძგობა არტისტიულად და მამას მიუჭახუნა ჭიქა:

— ეს ჩვენს შესმატკბილებულ ოჯახს გაუმარჯოს!

მამამ სიყვარულით შესცინა.

ბელას ღუქმა არ გადასდიოდა ყელში. ასე ეგონა, პურის მაგივრად გამლვალ თიხას ღეჭავდა, ის ეგლისებოდა პირში და გადაყლაპვას ველარ ახერხებდა...

— რა არის, ხომ არ განყინა დღევანდელმა სკოლამ? — აღელდა მამიდა, — ნაცრისფერი გადევს. საგულდაგულოდ კი გადავარჩიე, მაგრამ...

— როდის გახდა ეს სკოლა მომწამლავი? — უთხრა ქმარმა, — გუნებაზე ვერ არის ბავშვი. მოეწყინა ჩვენთან.

თემიკო უგემურად ილუკმებოდა. მამამ რომ ეს სიტყვები თქვა, გაუღიმა ბელას და ხელი მოუჭირა ხელზე. მერე მოიბოდიშა (ესეც ბელას გასაგონად იყო განკუთვნილი) და დასაძინებლად გავიდა.

— ოჰ! — თავი გადააქნია მერიმ, — როგორ იღლება! როგორ... რად მინდა ასეთი ნაშოვნი ფული. ცეცხლმა დასწვას!

— აი, სკოლა დაიწყება და დამშვიდდები, — ვითომ ანუგეშა ქმარმა.

— რა შუაშია? — ხმას აუნია მერიმ, — სკოლა და ჩემი შვილის უსამსახურობა ნეტა რა კავშირშია ერთმანეთთან? — და ბელას მიუბრუნდა, — რა დღეში ვარ, ხედავ?

ბელას არაფერი უპასუხია. შავ კნუტს დაჰყურებდა, რომელსაც სალომემ ფხვი გაჰკრა მაგიდის ქვეშ და იმანაც ბელას მიაშურა კნავილით.

— როგორ იქანცება! — ისევ თქვა მერიმ, — რა ადრე ეძინება.

— მეც გავალ, დავისვენებ. რაღაც თავი მტკივა, — წამოდგა ბელა, მაგრამ მამიდამ ხელი სტაცა.

— გულისრევას თუ გრძნობ, არ დამიმალო! ახლავე გავათბო წყალს და...

— მე მერევა გული, ოღონდ სოკოსგან კი არა!.. — შეანყვეტინა სალომემ, — აი, ცხოვრებისგან. როგორ ამბობ, მამა? ამაოებო თუ რაღაცა...

— როცა ვფილოსოფოსობ? — რეზო თევზს დანა—ჩანგლით ფრთხილად აცლიდა ფხებს.

— რა აკურატული ხარ, მამა! თავი რესტორანში მგონია... მეც წავედი. ოღონდ დასაძინებლად არა. ამაღამ თამრიკოსთან ვრჩები. მარტოა და მთხოვა. — სალომემ ხელსახოცი თეფშზე დააგდო, — გუდ ნაით!.. ფრანგულად როგორ იქნება, ბელა? — და პასუხისთვის არ დაუცდია, ისე გავიდა.

დილის შვიდი საათისთვის ბელას უსიამო შეგრძნებით გაეღვიძა. თუმცა ისედაც არ უძინია მოსვენებით. შუალამისას ადგა და კარადაში, ბიძის წამლებს შორის, დამამშვიდებელ წვეთებს ეძებდა. მერე, როგორც იქნა, ჩათვლიდა. და მაინც, ასე ადრინად გაახილა თვალი; გეგონება, კომპარული სიზმრისგან აფორიაქებულია. თუმცა არ ახსოვდა, რა დაესიზმრა. იქნებ არც არაფერი...

სალომეს სანოლზე ტანსაცმელი გროვად ეყარა.

თემიკო უკვე დიდი ხნის წასული იყო. ჩანს, მამიდაც ისევ ჩანვა ლოგინში, დანაშაულის შეგრძნებით. შვილი გაცაცია და

ახლა, ალბათ, ცრემლს ღვრიდა ბალიშზე. ან ეგებ ღრმად ეძინა, ჩამიჩუმი არ ისმოდა.

ბელას სუფთა ჰაერის ჩასუნთქვა მოსწყურდა და აივნის კარი გამოაღო... კინაღამ შეჰკვივლა მოულოდნელობისგან. ისე კი, რა იყო მოულოდნელი — კაცი საკუთარ აივანზე იდგა და ეწეოდა.

რეზომ თავი ნელა შემოაბრუნა მისკენ.

— უკვე გაგეღვიძა? დილა მშვიდობისა!

ბელამ გაუღიმა პასუხად. კაცმა სწრაფად ჩააქრო სიგარეტი.

— ნუ ეწევით ასე ადრინად! — უთხრა შეწუხებულმა გოგომ, — როგორ შეიძლება?

— ეს მამიდაშენს ჰგონია, რომ თემიკო არ მადარდება. მე კიდევ ყველაფერი მტკივა, ყველა კუნთი, ძვალი და სულიც, თუ გინდა იცოდე — ისე განვიცდი...

— მერე, ეს მოწვევა რას შევლის?

— არაფერს, — კაცმა თავზე გადაუსვა ხელი, — თვითონაც მშვენივრად ვიცი, მაგრამ ცოდნაც არ მშველის. ცოდნა ზოგჯერ არაფერს ცვლის.

— კი, ეგ მეც ზუსტად ვიცი, — ღიმილით დაეთანხმა ბელა. ბიძა გამომცდელად ჩააცქერდა.

— შენ არც არაფრის ცოდნა გჭირდება. ძალიან ღამაზი, სხვანაირად ღამაზი გოგო ხარ და უბრალოდ, ბედნიერი უნდა იყო.

ამ სიტყვებით საფეთქელზე აკოცა გოგოს და ოთახში შევიდა.

— ბედნიერი, — გაიმეორა ბელამ, — ბედნიერი...

თვალი გაუსწორა პირდაპირ მდგარ მთას, რომელსაც მწვერვალი გაჰქრობოდა. დილაობით ეს ნისლი როგორ ეკიდა აივანზე... გეგონება, დასვრეტილი ფარდა ჩამოაფარესო — ალაგ-ალაგ სულ არაფერი ჩანდა და ზოგანაც მკაფიოდ ისახებოდა რომელიმე სახლის წვეტიანი სახურავი თუ ბურუსში ჩაგლილი ადამიანის თითქოს ცალკე ამოზრდილი ხელ-ფეხი ან ბომბორა ძაღლის თავი.

ბელას არ შეეძლო თვალი მოეწყვიტა ამ გაურკვეველი, ბუნდოვანი სურათისთვის. ყოველ ჯერზე ახალი ძალით აჯადოებდა და იზიდავდა. ხელები გაიწოდა წინ. თითქოს სურდა შერწყმოდა ნისლს ან გადაებუჯებინა სადღაც მიღმა სამყაროში...

ნასადილევს (სალომე არა და არ გამოჩნდა) მერი გამწყურალი ალაგებდა სუფრას. ძმისშვილს არ დაანება მიხმარება — შენ აქ დასასვენებლად და მოსაკეთებლად ხარ ჩამოსულიო. დაურიდებლად, დამტვრეული სურვილით რეცხავდა ჭურჭელს. წყლის ჩხრიალში კი მოკლე-მოკლე წინადადებებს ისროდა (ტყვიამფრქვევით, აღნიშნა რეზომ).

ბელა სარკესთან იდგა, საძინებელ ოთახში. ასე საგულდაგულოდ, ვგონებ, არასდროს გამოწყობილა. ხვეული თმა ღამაზად შეისწორა შუბლთან და პატარა, ამეთვისტოსთვლიანი საყურე მოირგო. წვრილი ვერცხლის სამაჯურებიც აიღო, მაგრამ ისე გათხელებოდა მაჯა, ყველა გასძვრა. ახალა დააკვირდა საკუთარ გამოსახულებას ყურადღებით და მიხვდა, „მოკეთების“ მაგივრად საგრძნობლად გამხდარიყო. სულ რამდენიმე დღეში...

მაღაზიაში აპირებდა წასვლას და ნეტა რატომ ემზადებოდა ასეთი ამბით?

მთელ თავის გამბედაობას მოუხმო; თითქმის თავგანწირულ გამბედაობას (ასე ეჩვენებოდა). უნდა ენახა ის, ვის გამოც, ვისთან შეხვედრის შიშნული, ფარული იმედიტაც ჩამოვიდა აქ...

— ობოლო, — უთხრა საკუთარ თავს სარკეში, — საბრალო, საბრალო ობოლო...

სადარბაზოდან თავანუელი, ლალი ნაბიჯით გამოვიდა. ვერავინ შეატყობდა, რა ფიქრები უმძიმებდა სულს. ან ახლა, ან

არასოდეს, გადაწყვიტა. ოღონდ რა უნდა ჩაედინა, რას მიე-
სადაგებოდა ეს გადაწყვეტილება — თვითონაც არ იცოდა.

იქვე ბიჭები ისხდნენ. ხის გადანაჭერზე კარტი ჩამოერი-
გებინათ და თამაშობდნენ. ერთი იმათგანი იმ წამსვე წამოდგა
და გაცილება შესთავაზა. ის ყველაზე თავისუფლად იყო ბე-
ლასთან; სოკოზედაც ერთად იყვნენ და ბავშვობიდან მეგობ-
რობდნენ. ბიჭს ჩიკორას ეძახდნენ.

რა გაცილება მინდა, თამაშს არ მოცდეთ; მაგრამ ჩიკორა
ალარ მოშორებია.

ამ უსაქმურებთან ისედაც დღეში ოცდაშვიდი საათი
ვგდევარო, — უთხრა და გვერდით გაჰყვა.

ჩიკორა ძალიან იყო შეცვლილი. ისეთი მხიარული ახსოვ-
და... ახლა ცოლ-შვილს მოკიდებოდა და თქმაც არ იყო საჭი-
რო — ჩანდა, როგორ უჭირდა ოჯახს გაძლოლოდა. ცოლი, სა-
მი ერთმანეთზე პატარა შვილი, ავადმყოფი დედა და ეს ერთი
მარჩენალი...

სიტყვა დაძვირებოდა ჩიკორას.

მაინც ხალისით მიჰყვებოდა ბელას. სულ ახლოს, მხარ-
თან ეხებოდა ოდნავ. და ისე ცხადად იგრძნობოდა — სულს
უთბობდა ამ ყურადღებიანი, აქაურებისგან ასე განსხვავე-
ბული, უცხო ჩიტივით მომხიბვლელი ახალგაზრდა ქალის სი-
ახლოვე, ვისთანაც ოდესღაც გულითადი ამხანაგობაც აკავ-
შირებდა...

„რას გვმართებს ცხოვრება,“ — გულში გაჰკრა ბელას,
როცა ლაპარაკისას ხან ახედავდა სახეში ჩიკორას და გაუხე-
შებულ, მზით დამწვარ ნაკვთებსა და დარდიან თვალებში
უწინდელი მოუსვენარი ბიჭის ანარეკლს ეძებდა მონყურებუ-
ლი.

მაღაზიაში, გამყიდველი დახლთან თვლემდა (ესეც ახალ-
გაზრდა კაცი იყო). უსათუოდ ქეიფში გაათენა ნუხელ. აქ ხომ
დალევა იყო თითქმის ერთადერთი თავშესაქცევი. შრომა და
სასმელი... აკი ისხდნენ ამ დილითაც, მაღაზიაშივე, სახელდა-
ხელოდ გაშლილ პატარა ტაბლასთან. ოთხი თუ ხუთი ბიჭი...
ლუდს სვამდნენ. მერე, ალბათ, უფრო მაგარ სასმელზე გადა-
ვიდოდნენ.

ყველამ შეცბუნებით ამოხედა. თითქოს ეთაკილათ, რომ
ასეთ დროს შეუსწრეს. ზრდილობიანად მიესალმნენ. მერე, მი-
სი ღიმილით გათამამებულნი, წამოდგნენ და გარს შემოეხვი-
ნენ. ოღონდ ღირფად კი არა... უნდოდათ ესიამოვნებინათ
მისთვის. გამყიდველი გამოაღვიძეს და ნაყინზე დაჰატიჟეს
ბელა. თუმცა, ის ძალიან უარობდა. ერთმა შიკოლადის ფი-
ლაც ჩაუდო ხელში, როგორც პატარა ბავშვს.

არა, გურამი აქ არ შემოვიდოდა, ალბათ...

მაგრამ მოტოციკლი ხომ იდგა შემოსასვლელთან; გარეუ-
ლი მხეცივით მოხდენილი Harley Davidson — ყმანელობი-
დანვე რომ ასე ხიბლავდა გურამს.

და ბელას ზურგი შეუთოროლდა უცებ. შემობრუნდა და
მის თვალებს შეხვდა; გაბრწყინებულ, მეტყველ თვალებს. ერ-
თხანს თითქოს ლაპარაკის უნარი დაკარგა გურამმა. მაგრამ
მალე დაიბრუნა ვითომ არხეინი იერი და ბიჭები „დაიფრინა“
გეყოფათ, ე, ნუ შეაწუხებთ გოგო!

მკლავზე ფრთხილად მოჰკიდა ხელი და გამოიყვანა წრი-
დან.

ბელა ცეცხლივით დასწვა ამ შეხებამ.

გარეთ გამოვიდნენ.

მერე ისხნებდა, რომ ცა ერთ მხარეს კაშკაშა ნითელი ფე-
რით იყო განათებული, როგორც ზოგჯერ მზის ჩასვლისას
იცის.

— მინდა გნახო, დაგელაპარაკო! — უთხრა პირდაპირ და
ერთმა ღმერთმა იცოდა, რამ შეაძლებინა ამ სიტყვების წარ-
მოთქმა.

ბიჭი შეყოყმანდა.

— კარგი, — უთხრა მერე, — ხვალ დილით, რამე მიზე-
ვით, დაბაში წამოდი. მეც იქ დაგხვდები...

— სად არის წნევის აპარატი? — იკითხა მერიმ, ამოო ძებ-
ნის მერე კარადის კარი რომ მიაჯახუნა, — სად წაიღეთ? სა-
ლომე, გესმის თუ არა?

— ძალიან არ მჭირდებოდა თქვენი აპარატი? — სალომე
სავარძელში ფეხმორთხმით იჯდა და მზესუმზირას შეექცეო-
და..

— მამაშენს წნევას მაინც უკონტროლებდი, ახლა ეგეც
გეზარება. სულ მოგელო ბოლო!..

ბელამ ყურადღებით შეხედა სალომეს. იმან კი მხოლოდ
თვალი ჩაუკრა.

რეზომ ტელევიზორი ჩართო, ბელას გვერდით ჩამოჯდა
და ხელი მოხვია მხარზე:

— ხელმწიფეს ორი ქალიშვილი ჰყავდა. ერთი ანჩხლი და
ზარმაცი, მეორე — მუყაითი და სათნო... ზარმაცი მთელი
დღე მოხალულ მზესუმზირას მიერთმევედა...

— ჩამოიარა უფლისწულმა, ცოტა მზესუმზირა სთხოვა
და ცოლადაც შეირთო, — გააგრძელა სალომემ, — რას გადა-
მეკიდეთ? შენ მაინც...

წამოხტა, მაგრამ მაშინვე გაკვირვებით დახედა სავარ-
ძელს და დაუსტვინა:

— ო, აგერ ყოფილა! ზედ არ ვმჯდარვარ შენს წნევის სა-
ზომზე?

რეზო თავს შეუძლოდ გრძნობდა. ბოდიში მოიხადა და დი-
ვანზე წამოწვა. ცოლი იქვე ჩამოჯდა, მისი ხელი ეჭირა ხელში.

— „თავს უზის ცოლი ლამაზი, სანთელივითა დნებაო,“ —
ჩაილაპარაკა კაცმა, — კარგი, არც ისეთი მაღალი წნევა
მაქვს. რად გინდა ეს პულისის შემონმება და დრამატიზება?

ბელა სიბრალულით შეჰყურებდა.

სალომემ ოდნავ უჩქმიტა ხელზე.

— რაო, იმ ვაჟბატონმა? — ჩასჩურჩულა ყურში, — დაგი-
ნახეთ, ერთად რომ მოდიოდით.

— არაფერი, გამომაცილა...

— გაიხსენა ძველი დრო?

— ოჰ, ეგ ხომ ბავშვობა იყო.

უცნაურია... მთელი დღე აპირებდა, სალომესთვის გაენდო
თავისი პატარა საიდუმლო, მაგრამ ახლა რატომღაც გადაი-
ფიქრა... სალომე ძალიან ჩაკეტილი, დაძაბული და გამომცდე-
ლი ჩანდა და რაღაცით ჩასაფრებულ ნადირს მოაგონებდა.

— ძალიანაც კარგი. შენ ეგეთი გაუთლელი ბიჭი არც შე-
გეფერება. მერე რა, რომ ნახევარი მსოფლიო აქვს მოვლილი...
სამაგიეროდ, საშიში ტიპია, დამიჯერე! ნასწავლი ქალი ხარ —
როგორც მამიდაშენი იტყოდა — რაში გჭირდება ვილაც...

სალომემ სიტყვა არ დაამთავრა, მხრები აიჩეჩა და საჩქა-
როდ ყელზე აკოცა ბიძაშვილს. ტუჩები ისეთი მხურვალე
ჰქონდა, ბელას ეგონა, დაღი დამაბნევსო.

— სიტყვ ხომ არ გაქვს? — მიუბრუნდა შეწუხებული.

— ოჰ, ცხელი გეჩვენე? უბრალოდ, სისხლი მიდუღს! —
გადაიხარხარა სალომემ, — გავქროლდებოდი ახლა სადმე,
სამოგზაუროდ! ოკეანის სანაპიროზე...

დილით წვიმდა. სიგრილე, თითქმის სიცივე შემოდიოდა
პატარა, ღია სარკმლიდან. ბელა ნელა წამოდგა სანოლიდან.
შეაფრჟოლა. თუმცა მარტო სიცივისა არ იყო ეს ჟრჟოლა...

სალომეს ღრმად ეძინა. მკლავები მაგრად მოეხვია ბალი-
შისთვის. შავ, გრძელ თმას დაეფარა ბალიში.

ბელამ ფრთხილად გადაუნია თმა სახიდან და საბანიც ნა-
მოაფარა მოშიშვლებულ მხრებზე.

ათი საათისთვის უკვე დაბაში იყო. აქაურობა ცინცხალი
ატმოსფეროს საბურველში თრთოდა თითქოს; გვეგონებოდა,
ჰაერის უმცირესი ნაწილაკები გეხებოდა და წკრიალითა და
ციმციმით სკდებოდა.

საკურორტო დასახლების ცენტრი კი იყო და მანქანებიც
ბლომად ირეოდა, მაგრამ ეს მაინცდამაინც ვერაფერს აკლებ-
და საღი ბუნების ძლევამოსილებას. შარავზის მტკვერიც უკვა-

ლოდ იკარგებოდა. თუმცა ახლა მტვერიც არსად ჩანდა, ნან-ვიმარზე... მუქი, თითქმის სიშავეში გარდამავალი მაღალი ნაძვები და მათ შორის გამომზირალი სახლების წვეტიანი, კრიალა სახურავები დაუფინყარ სურათს ქმნიდა — ღია ბართზე ალბეჭდილის მსგავსს.

ბელა პატარა, მყუდრო კაფეში შევიდა და მრგვალ, შემინულ სარკმელთან მდგარი მაგიდა ამოარჩია. აქედან კარგად დაინახავდა ყველას, ვინც კი ჩაივლიდა.

გურამის მანქანა შორიდანვე შეამჩნია, მაგრამ არც უფიქრია მიახლოება...

— ისევ განვიმდა, — თქვა გურამმა, — რალაც არეული ამინდია... ჩემსავით.

ბელა ჩუმად იჯდა. ჭიქა ორივე ხელით ეჭირა და ნელა ატრიალებდა.

— შენ ისევ არაფერს მეუბნები... აღარ ვიცი, რა ვიფიქრო. ბელამ თავი ასწია და თვალბეჭდში შეხედა.

— ჩემზე რას იტყვი? — ჰკითხა პირდაპირ და განცვიფრდა, რომ ხმა ოდნავაც არ შეცვლია. — რამე, თუნდაც ნატამალი, კიდევ დაგრჩა იმ გრძობიდან? ხანდახან ისევ ფიქრობდი ჩემზე? ან ახლა რამეს ნიშნავს შენთვის ჩვენი შეხვედრა?

ბიჭი თვალს ვერ აშორებდა.

— ახლა უფრო მეტად, ვიდრე ოდესმე... — ეს სიტყვები უცნაურად, ბურანში წასულივით უთხრა.

ბელას გული შეუქანდა. ბედნიერების, მღელვარების ტალღებმა წაღებდა და ამ თრობის მდგომარეობიდან გამოუტყდა — რომ უყვარს; რომ ერთი დღითაც ვერ დაივიწყა და საერთოდ... არაფერი გააჩნია ამ სიყვარულის გარდა. ეჩვენება, რომ ცხოვრებამ სადღაც მიღმა ჩაიარა... ვერაფერი მოიპოვა; საოცრად მარტოა და ამ მარტოობას ვერავინ უვსებს.

გაჩუმდა და სასიკვდილო განაჩენის მომლოდინესავით შეაჩერდა ბიჭს.

იმას კი უცებ სახე შეეცვალა. გეგონება, კბილის ტკივილმა დაუღრიჯაო და თავი ხელებში ჩარგო.

— რალა ახლა, რალა ახლა! — თქვა ბოლოს.

ბელა გაფითრდა. გაღიმებას შეეცადა.

გურამმა მისი ხელი დაიჭირა ხელში. სახეზე ცრემლები ჩამოსდიოდა.

— სულ ცოტა ხნის წინათ რომ მცოდნოდა ის, რაც ახლა მითხარი... სულ რალაც ორი-სამი თვის წინ... ამაზე ვერც ვიოცნებებდი. ახლა კი, აღარ შემიძლია. აღარაფერი. ყველაფერი გვიანაა. მაპატიე!

სამი ივლისი სალომეს დაბადების დღე იყო.

მერი გამთენიიდან ტრიალებდა სამზარეულოში. საუზმი-სას საყვედურებით აავსო ქმარი — მათ ქალიშვილს თორმეტ საათამდე ეძინა...

სეირნობიდან დაბრუნებულმა ბელამ ფრთხილად შეაღო საძინებლის კარი. სალომე პიჟამისამარა იდგა შუა ოთახში და თავს აქეთ-იქით ატრიალებდა. კისერი თუ გაუშეშდა...

ბელამ საჩუქარი გაუნოდა.

— ეს სუნამო შენთვის მქონდა, მაგრამ მგონი უკვე გაგიხსნია...

— აა, ეგ გუშინ ვნახე შენს ჩანთაში და დავისხი კიდევ.

— ჰო, ისე გულდაგულ შევაფუთინე, მაგრამ...

სალომემ გადაინახარა:

— გაბანტული იყო და რალაც მძივებით ეყარა ქალაქის პარკში...

სუნამო ჩამოართვა და მთელ ტანზე შეიფრქვია ნერვულად.

— მოგწონს მაინც? — ჰკითხა ბელამ.

სალომემ სუნამო კომოდზე დადო, სულ ახლოს მივიდა ბიძაშვილთან და ხელი მოუჭირა მაჯაზე.

— შენგან მხოლოდ ერთი საჩუქარი მინდა — რაც შეიძლება, მალე ნახვიდე აქედან!..

ბელამ ხელი ძლივს გაითავისუფლა.

— რა ხდება? ასეთი რა დაგიშავე? — ჰკითხა ნყნარად. ერთი წამითაც არ შეჰპარვია ეჭვი ასე მოულოდნელად ნათქვამი მკვახე სიტყვების სერიოზულობაში, — რამე დაგიშავე? ისე კი, იცოდე, მამიდაჩემთან ვარ ჩამოსული, თემიკოსთან, ბიძაჩემთან... თუ შენ ვერ მიტან.

ცივად შებრუნდა. მაგრამ მომუშტა ხელები. იგრძნო, საცაა, წონასწორობას დაკარგავდა.

სალომეს ხმამალალი ტირილი აუტყდა. ეს იმდენად მოულოდნელი იყო, რომ ბელა სწრაფად მოტრიალდა მისკენ, მთლად შეძრული. არასდროს ენახა სალომეს ცრემლი.

— ნადი! — ქვითინებდა სალომე, — შენ ყველაფერი გაქვს. ქალაქში ცხოვრობ... სამსახური, ბინა... ისეთ კაცს იშოვი... რად გინდა ეს ცოლგანაშევი, თავგზააბნეული ბიჭი? რაში გჭირდება?..

ბელამ ისლა მოახერხა, რომ ირონიით ეკითხა:

— შენ რა, ჩემზე ასე დარდობ?

— საკუთარ თავზე ვდარდობ! — სალომე მუხლებზე მოეხვია და ცრემლებით სველი სახით მიეხუტა. — ხომ იცი, ერთად ვართ გაზრდილები... უფროსი კია, მაგრამ მე ხომ ყველა აქაურ ბიჭთან ვმეგობრობ. ბურთსაც კი ვთამაშობდით ერთად... გამიგე, გამიგე!

ბელამ სუსტად სცადა მოეშორებინა, მაგრამ სალომე უფრო მაგრად მიეკრა, დაჩოქილი ამოჰყურებდა და გამშრალი ტუჩებით ნაწყვეტ-ნაწყვეტ ისროდა სიტყვებს:

— ისე მოხდა, რომ მორიგი ქეიფის მერე გამომაცილა და მასთან აღმოვჩნდი, სახლში ამოსვლის მაგიერ... მერეც ვხვდებოდი. ეს რომ გამჟღავნდეს, თავი უნდა მოვიკლა. არადა, გამჟღავნდება. ბავშვი მეყოლება. ჰო, მგონი ორსულად ვარ... ასეც რომ არ იყოს... ცოლად რომ არ შემირთოს, ჩემი სიცოცხლე დამთავრდება, გესმის? რეზოც მოკვდება, მერიკოც... თემიკო მკვლელობას ჩაიდენს. შენ კიდევ ჩამოხვედი და რალაც ძველი სიყვარულის გახსენება მოინდომე. ბავშვობა... არაფერი არ ყოფილა თქვენში. ის რა სიყვარულია? რა იცი შენ, რა არის ნამდვილი სიახლოვე. ნუ დამლუპავ, ბელა, გეხვეწები! — ამ სიტყვებზე გიჟურად, კოცნით დაუფარა ფეხები, — შენ ქმარსაც იპოვი და ვისაც გინდა, იმას მოაწონებ თავს. ხომ ხედავ, აქაური ბიჭები დადებობილებული მოგჩერებიან. ნადი, თორემ თავს მოვიკლავ!..

ბელამ სახეზე მოავლო ათრთოლებული თითები.

— ის შენი ღირსი არ არის! არც მე ვარ მეტის ღირსი... არც ის არის უკეთესის ღირსი... მხოლოდ ჩემნაირი უნამუსო ქალი შეეფერება, თავზეხელაღებული, უთავმოყვარეო, სულელი!.. შენ სხვა ხარ, სულ სხვა!..

ბელამ ჩაიჩოქა და გულში ჩაიკრა. მაგრამ მოეჩვენა, რომ ყინულივით გაუხდა ხელებიც და სახეც გაუშეშდა.

— მეც რომ ვიბრძოლო? — ჰკითხა ჩურჩულით, — მეც რომ შენსავით ვიბრძოლო ჩემი წილი ადგილისთვის ამ ცისქვეშ?

ეს უთხრა და მაშინვე იგრძნო, როგორ მოიღვენთა სალომე. დაინახა, რა საშინლად შეეცვალა სახე, დაუშნოვდა და ჩამოქცნა...

— მაგრამ არ მინდა... არ მეგონა, ასე უბედური თუ იყავი...

— ძალიან მიყვარხარ, — საცოდავად, შვებით ამოიოხრა სალომემ.

— არა, არ გიყვარვარ! — მოუჭრა ბელამ, — არც მოგინდომებია გავეგო, მე რას განვიცდი. ის, რაც თქვენს შორის იყო, რა სიყვარულია... რა იცი შენ, რა არის ნამდვილი სიახლოვე... — და შეხედა რა სალომეს თვალბეჭდს, დაუმატა, — დამშვიდდი, ხვალვე ნავალ აქედან...

ადრინი დილის ბინდებუნდში ლანდებვიით ჩაიარეს ბოს-
ლებისკენ გაჩქარებულმა ქალებმა, სათლებით ხელში. დრო
იყო — მოწველიდნენ ძროხებს, მერე კი მწყემსი გაირეკავდა
საქონელს ტყისპირა საძოვრებისკენ.

ბელამ აივნიდან პურის ნატეხი გადაუგდო უპატრონო,
ჭრელ ძაღლს, ხან ერთ სადარბაზოსთან რომ აიტუზებოდა,
ხან მეორესთან. კუდს გამალეებით ურტყამდა მინაზე და თავი
გამუდმებით ალერილი ჰქონდა ზევით, გამასპინძლების მო-
ლოდინში. ეს ძალი ყველას საკუთრება იყო და იმავდროუ-
ლად — არავისი...

ახლა პირი დაავლო პურის ნატეხს და კიბის ქვეშ მიიძალა.
ბელა ცოტა ხანს დაჰყურებდა ქვევით ჩავლილ მეზობლის ქა-
ლებს, მერე ოთახში შებრუნდა.

ბარგი უკვე ჩალაგებული ჰქონდა. სულ ერთი ჩანთა იყო...
შევიდა და ბიძის თვალებს ნაანყდა. გამომცდელ, კითხ-
ვით სახვე მზერას.

— შენ არაფერი მიპასუხე... — უთხრა მან სწრაფად, — სა-
ლომე განყენინა, ხომ? აპატიე, გთხოვ!

ბელა ფეხის წვერებზე აინია და ლოყაზე აკოცა.

— არავისაც არ უწყენინებია. ხომ აგისხენით უკვე.

მერის არაფერი უკითხავს. უცნაურად დადუმებული მი-
მოდიოდა. სუფრა გაანყო საუზმისთვის, რომელსაც არავინ
გაკარებია...

— გარინდება მეხთატეხის წინ, — ჩაილაპარაკა რეზომ.
ცოლმა საყვედურით შეხედა.

— მგონი, უკვე დროა, — თქვა ბელამ, — რვისთვის შევი-
თანხმე ჩიკორა. სადგურამდე გამიყვანს.

ნამოდგა და ნაბორძიკდა — კნუტი გაებლანდა ფეხებში.
მამიდამ ხელი სტაცა მაჯაში:

— როცა მას დასჭირდები, როცა ქალაქში ჩამოგაკითხავს,
ცხვირწინ მიუკეტე კარი. ამის ნებას მე გრთავ!

— აბა, რას ამბობ? — დაყვავებით მიუგო ბელამ, — ორი-
ვეს აგისხენით უკვე... სალომე რა შუაშია, სამსახურიდან თუ
დამირეკეს... კარგი ვარიანტია, მივლინებით მგზავნიან.

— კუთვნილი შევბუღებიდან?

— კი, შევბუღებიდანაც იხახებენ ზოგჯერ. ასეთია ჩემი
სამუშაოს თავისებურება.

— თუ ასეა... — ჩანდა გულზე მოეშვა ქალს, — თუ მართ-
ლა ასეა, მაშინ... მაგრამ რალა დასვენება გამოგივიდა. ვერც
ტბაზე ნახვედი, ვერც...

— კუს ტბაზე ვივლი, — გაუღიმა ბელამ, — ისიც ხომ
ტბაა.

— თუ მართლა ასეა... — გაიმეორა მერემ შევბით.

ბელამ ბიძას გადახედა. მიხვდა, ის არ მოტყუვდა. დალო-
ნებული, შეწუხებული თვალს ველარ უსწორებდა გოგოს...

გამოთხოვებისას ესლა უთხრა:

— თემიკოს მაინც დაელოდე. გული დაწყდება... თანაც,
გაგაცილებდა.

— არ შემძლია. აი, ჩიკორა ნამიყვანს, ხომ გითხარით...

სალომე გასაცილებლად არ გამოსულა. როცა დაბლა ჩა-
ვიდნენ, ბელამ ფანჯარას ახედა და თვალი მოჰკრა პერანგი-
სამარა სილუეტს. სალომემ ოდნავ გადასწია ფარდა. იდგა და
ტურნებს მაგრად იკვნეტდა. სახე ჩატეტკოდა...

ავტობუსის გასვლამდე ათიოდე წუთი რჩებოდა. ბელას
გვერდით არავინ იჯდა. ავტობუსი სანახევროდ ცარიელი იყო
და ეს სიხალვათე ძალიან უხაროდა ყველა მგზავრს.

ჩიკორამ მინაზე მიუკაკუნა და ხელი დაუქნია. ეს მერამ-
დენედ — დამშვიდობების ნიშნად. მაგრამ არ მიდიოდა მაინც.
ახლა, როგორც იქნა, ჰაეროვანი კოცნა გამოუგზავნა და ნა-
ვიდა. ბელამაც იგივე შესტით უპასუხა. ახლა მარტო ყოფნა
უნდოდა. დაფიქრება. რამდენიმე საათის მგზავრობა დაამშ-
ვიდებდა, ალბათ. აქამდე ყოველთვის შეელოდა ხანგრძლივი
გასეირნება...

სარკმელი გამოაღო და სახე შეუშვირა ნიავს. უცებ დაინა-
ხა, რომ გაჩერებასთან გიჟივით მოვარდა გურამი, რალაც
ჰკითხა ჩიკორას და მერე პირდაპირ მისკენ გამოემშურა.

ბელა ერთიანად მოიკუნტა თავის სავარძელში. უნდოდა
ჩამალულიყო, გამქრალიყო... მაგრამ იმავე წამს გასწორდა,
უფრო გაიმართა მხრებში და საზურგეს მიეყრდნო.

გურამი ამოვიდა და გვერდით დაუჯდა. მისკენ არ გაუხე-
დავს, თავი არ მიუბრუნებია, ისე ჰკითხა:

— შეგიძლია მაპატიო, რაც მაშინ გითხარი?
ბელა დუმდა.

— რომ დაგინახე, თავი დავეკარგე, — გააგრძელა გურამ-
მა ისე, რომ კვლავ პირდაპირ იყურებოდა, — მე მეგონა, იქ,
ქალაქში, იმისთანა კაცები გეხვია, ჩემზე არც იფიქრებდი...
სულ დაგავინყდი და შენთვის არაფერს წარმოვადგენდი. ეს
რომ მცოდნოდა... ამის იმედი რომ მქონოდა, აქამდე ასჯერ
ჩამოვიდოდი. ფეხით ჩამოვიდოდი... გუშინ იმდენი ვიფიქრე...
მთელი ღამე ვფიქრობდი და მივხვდი — მხოლოდ შენთან ვიქ-
ნები ბედნიერი.

ბელა მიუბრუნდა და აიძულა, თვალეში შემოეხედა მის-
თვის.

— ჯერ კიდევ გუშინ რომ გეთქვა... — უთხრა ნელა, და-
მარცვლით, — ყველაფერი სხვანაირად იქნებოდა.

გურამი გაფითრდა.

— სამაგიეროს მიხდი?

— შენც კარგად იცი, რომ არა.

— უკვე გითხრა? — ძლივს გასაგონად ჰკითხა ვაჟმა,
მაგრამ მაშინვე ცხარედ ალაპარაკდა, — ჰო, ასე მოხდა. არა-
კაცურად მოვიქეცი. მაგრამ მეც არ ვიცი, რა მომივიდა, ნას-
ვამიც ვიყავი... არა, ეგ არ მამართლებს. სხვას ვარიგებდი
ჭკუას და ვსჯიდი ამისთანა ამბის გამო... ჰო, საშინელი კაცი
ვარ. რა კაცი — არაკაცი! მაგრამ ვხვდები, შენ უნდა აღმად-
გინო, მკვდარი გამაცოცხლო!.. ერთადერთმა შენ... ისევ აღა-
მინანდ მაქციო. ყველაფერს გამოვასწორებ, თუ ერთად ვიქ-
ნებით.

გურამმა ხელისცეცებით მოძებნა მისი თხელი თითები და
ტურნებთან მიიტანა.

— თუ ახლა არა, იქნებ...

— არასოდეს... — თქვა ბელამ. გაყინული ხელი გამოსტა-
ცა ბიჭს და ფანჯრისკენ მიაბრუნა თავი.

მალალი, მუქი ლურჯი მთებით შემორკალული, სპირალი-
ვით დახვეული გზა დასრულდა და ნელ-ნელა გაივარდა ავტო-
ბუსმა.

პეიზაჟს სინათლე მოემატა, მაგრამ სიდიადე და იდუმა-
ლებეა გაიცრინა...

ბელა თვალს ვერ ამორებდა შორეთს. უკანასკნელად კი-
დევე მიჰხვდა მთებს. თითქოს ემშვიდობებოდა. არ ტიროდა.
უშფოთველი სახით იჯდა და როგორღაც თავისით ჩამოსდიო-
და ცრემლები. ხანდახან ლოყაზე ხელს მოისვამდა, უანგარი-
შოდ.

ვილაც კაცს პატარა ბიჭი ეჯდა მუხლებზე. ასე, ორი წლი-
სა. ჯერ ძალიან ცქმუტავდა, ვერ ისვენებდა. მერე ბელას და-
უნყო თვალიერება და გაყურდა. ახალგაზრდა ქალმაც იგრძნო
ეს და თვითონაც შეხედა. უკეთ, ახლალა შეამჩნია...

ბავშვი უზომოდ სერიოზულად, დასვედიანებული შესც-
ქეროდა.

ბელამ ორივე ხელისგული მაგრად გაისვა თვალეზე და
კიდევ ერთხელ გადახედა ბავშვს — ვითომდა, აი, ნახე, სუ-
ლაც არ ვტირო.

ბიჭმა უცებ შესცინა. ისე ბედნიერად, თითქოს უხვად და-
ასაჩუქრესო. და ასეც იყო, ალბათ — დარდის მძიმე, უჩვევი
ლოდი მოსწყდა პატარა გულიდან.

წარმოუდგენელი ძალა ჰქონდა ამ ღიმილს.
და პასუხად ბელამაც გაუღიმა...



სონეტების გვირგვინი. აქ სამმაგი კანონია: ლექსწყობის კანონი, სონეტის კანონი და გვირგვინის ანუ გირლანდის კანონი. სამი რკალი უნდა გაიაროს პოეტმა, სამი ბენვის ხიდი, რომ სამშვიდობოს გააღწიოს. ადვილი არ არის, მაგრამ ღირს გარისკვად, ბრძოლად, გამოცდად. თუმცა პოეზია სხვა რა არის, თუ არა ცდა, სახიფათო მდგომარეობასთან შეხება. ჯემალ ინჯიას ეს არ ესწავლება. მას გავლილი აქვს საშიშარი გზები და, შეიძლება ითქვას, ოსტატია ამ რთული ფორმისა, ერთ-ერთი პირველია მათ შორის, ვინც შეძებდა ამ ნახევრად ჯადოსნურ და ნახევრად ჟონგლიორულ სალექსო მართონს.

„შენთან ერთად“ — ჯემალ ინჯიას მორიგი სიურპრიზი, სონეტების გვირგვინი სიყვარულის, ტკივილისა და ნოსტალგიის თემებით, გიორგი ლეონიძესთან შეხმიანებით. ზურგის ქარი — ბედნიერი შტილით.

ჯემალ ინჯია შენთან ერთად

არა გჭირდება მკლავში ქაფური,
კახურო დევო, შვიდძარღვიანო.
გიორგი ლეონიძე

1. მენადა, შენთან ერთად ჩემი სამშობლო მეგრძნო, ორთავე ფილტვი გამეჟღინთა შენი სურნელით, შენით, მგოსნისთვის ვინც ნიადაგ ხარ სასურველი, ვინც შემომფიცე, რომ გულ-მკერდზე უქრობლად მეგზნო.

საიდან გაჩნდი უცნაური არსება ეგზომ — ჩემს სასუნთქ გზებზე, ჩემს პლევრაზე სათნოდ მზრუნველი? მერე რა — თუ ვერ მოგიძღვნიან „ტუშს“ მეზურნენი თუ ვერ დაგიკრა „რაფსოდია“ თორაძე ლექსომ.

სამაგიეროდ შენს სახებას შევმატებ მე ფერს, მსურდა, ამაზეც ყოფილიყავ ჩემი ყაბული. მსურდა, ყოველი დაგვინყნოდა — სად როგორ გყეფეს,

რომელმა ძაღლმა გააკეთა შენკენ ნაბული. მსურდა, მაგ შუბლის გვირგვინისთვის ყვავილთა მკრეფელს, ალპურ ზონაში გამგებოდა ფეხქვეშ აბული.

2. ალპურ ზონაში გამგებოდა ფეხქვეშ აბული, გველს დავეკბინე ანდა ეკლის ხინვს გავეკანრე, შხამს ამომწოვდი... დაიხვედი კაბას ეკალზე, შენც ფეხშიშველა, კოჭებამდე ამოლაფული.

აუტყდებოდა ფარფატი თხელ კაბას აფრული (ნეტავი ამ დროს ნალდი მხატვრის ფუნჯს მოეკაზმე) და შენს თვალეში სახარებად ასარეკლავ მზეს წამოსცდებოდა: თქვენთვის ახლო არსო ზაფხული!

მეტყევე მეტყვის — გაბრაზებულ გულზე დადის აქ, ნაკრძალში, კრემლის ბობოლისთვის დათვი დაბმული. აბა, თქვენ იცით, გაუგორდით, მხეცნო, ფადიშაჰს,

ეს წარაფი ხომ თქვენთვის არის გამოკაფული... შენ კი მიჩვედი, მომეძებნა ხე ცნობადისა ან დამელაშქრა ხვამლის ბნელი გამოქვაბული.

3. ან დამელაშქრა ხვამლის ბნელი გამოქვაბული, კაცს რომ აგონებს უფლისციხის მრუმე დარბაზებს, ან ჯერ საშენო ჰიმინი მეთხზა ქარის არფაზე, მერე დამელრღნა გუდის ყველთან ერთად ქვა-პური.

კვლავ მეძალება სიამაყე მამაბაპური, თვალს თვალში ვუყერი კედლებიდან მზირალ ანფასებს. მე წინაპართა ღვანლს ისეთი ადლით ვაფასებ, ხელთ არასოდეს რომ სჭერიათ პუტინ-ბაბურინს.

ჩვენს ერს გაუქრა ბევრი მტერი, ბევრი სუსლოვი... განვედი ჩემგან, ავო ფიქრო, ეშმაკის კერძო. ვერ შეეხება ჩემს სიყვარულს ცუნამ-მუსონი.

ვინ გამიბედავს შენზე მლოცველს, რომ „ჭკუა მელრძო“?! დონკიხოტსავით შემიმუსრავს უნამუსონი მთელი სიცოცხლის განძისათვის ამაოდ მებრძოლს.

4. მთელი სიცოცხლე განძისათვის ამაოდ მებრძოლს არა მქონია უსაშველო მადა ნიანგის. ვუდასტურებდი სიმამაცეს ადამიან გმირს, არაგმირთათვის არ ვყოფილვარ არასდროს მე ღრძო.

მგოსნის საათის სასიცოცხლო გულო და ღერძო, მე ვანუგეშებ მიტოვებულს, გაყრილს, ქმრიან ქვრივს, ბედდამძვირებულს, — ზურგის ქარი ხშირად გვიან ქრის. თუ შენივე ბედს ვერ შეკერავ, რალასთვის თერძობ?!

არ დაემონო, ო, უბედოვ, სიკვდილის აჩრდილს, თავი ანებე თავშიცემას, ლერწამის ლერწო: „ამ ქვეყანაზე ერთადერთი უილბლო გავჩნდი,

რად მინდა მკერდში რძე თუ ჩემი პატარა ვერ წოვს?!..“ შენ მშვიდად მისმენ, საყვარელო. ჩრდილოეთ ქართლში, გინდა, ნავიდეთ, თვალი კიდევ მოვავლოთ ერწოს?

5. გინდა, ნავიდეთ, თვალი კიდევ მოვავლოთ ერწოს? ამოზბენ, რომ წელს დოლის პური მოსულა უხვად. სხვა ხალხი თურმე იქა ხარშავს ტბის თევზის უხას, რითაც ვერ მოშვგრის ჭამის მადას ვერც ქართველს, ვერც ოსს.

„სხვა ხალხის ისმის ჟრიაშული“. სხვა ენა, კერძოდ, რუსული ისმის და ოსები არაფერს ნუხან. რუსულით გულის იბერტყავენ კიდევაც ბუხარს და ამტიციებენ, თითქოს ერთად ქართლ-ოსი ვერ ძოვს.

ნათელ-მირონის დანგრევისთვის რამდენს წვალობდენ და ერთობ იყო ეს წვალება მიზანსწრაფული. სულო, ნავიდეთ ბოშურისკენ, პაკას წყარომდე,

ან ლაშარობა ვიზეიმოთ, სევდით ნაბური, სადაც ჭარმაგი ხევისბერი დაგვამწყალობნებს ან რინა ვნახოთ ლურჯთვალა და სულგანაბული.

6. ან რინა ვნახოთ ლურჯთვალა და სულგანაბული, მშობლიური ცის ხატებას რომ ირეკლავს მიწყვი,

ბზების ხეობას მოგატარებ უკანა რიცხვით, სოხუმის მთაზე შეგახვედრებ ცულლუტ ბაბუინს.

სამეგრელოში წყალს შეგასმევ მოსე ბაბუის გათხრილი ჭიდან, ატანილი მტრისადმი რისხვით. მერე ვენვევით სერგეთის მარჩენალ წისქვილს, კაცი მინდევით ჩამოგვართმევს ხელს, გაბამბული

და მოგვიყვება მენისქვილე, ვგონებ, იონა, (შენ გაგაკვირვებს არქაული სულხან-საბური) გადაიარა რომ მკალივით აქ მხედროინმა...

გადავინაცვლოთ თიანეთში (ლექის ფაბულით, რა დავიშავა, რომ არ ვნახოთ, თუნდაც, იორმა?) — ხომ არ დასჭირდა იორს, ვკითხოთ, მკლავში ქაფური.

7.
ხომ არ დასჭირდა იორს, ვკითხოთ, მკლავში ქაფური? ირემი ისე ხომ არ გაჰქრა, მთასა მყვირალი, რომ აქეთ დარჩა ფირალეების ნასაკირალი, ურეკის ქვიშა და ევქისინის პონტის დგაფუნი?

ბუნებისაკენ ლტოლვა გენით გვაქვს განაფული, მაგრამ ის ღრუბლებს ეჯახება, როგორც მყინვარი. რამ დაუამოს ნამდვილ ქართულ სულს სატიკივარი — ჩვენი მინები ვიდარდოთ თუ სადღაც ქაბული?

თითქოს აღზევანს მივდიოდეთ ისევ მარილზე, ურმულსაც ვმღერით, ურემზე კი გვერღვევა ფერსო. ნუ აცრემლდები, შენ ხარ ჩემი ნანვიმარი მზე,

ჩვენზე იტყვიან — მაღლი ღმერთსო და ფერი ფერსო. რომ შევაერთებთ მზერას ნინოს ფრესკის არილზე, ალგეთს ძუ მგელი შეველვიძოთ — რას შვრები, ბერნო?!

8.
ალგეთს ძუ მგელი შეველვიძოთ — რას შვრები, ბერნო?! საქართველოს ცა დაუთალხავთ ფრთაშავ ყვავ-ყორნებს. ქვეყნის სამსჯავრო სამართლის ქმნას რატომ აყოვნებს?! სად გავაცოცხლოთ მხარგრძელი, რომ მტერს სილა ლენოს?!

ჩვენ ჩვენი კალო, საყვარელო, ისევე ვლენოთ, როგორც აქამდე გვიღენია სულით ახოვნებს. დროებითია ეს ღრუბელი, ნუ დაგალონებს, პოეტის თვალში ჩავარდნილო სალბუნის ბენვო.

მე და შენ ხარის წელიწადი გვაერთიანებს, წინ გველოდება სასწაული მომავალ დღეთა, ჩვენი ფილტვების საკმარ ჟანგბადს წავგვრით თრიალეთს

და შორს ჩავვივლის დავინწყების მდინარე ლეთა. როცა დავტოვებთ ქაცანაანთ ივრის თიანეთს, ალაზნის ველის გვირილებით შეგიმკობ მე თავს.

9.
ალაზნის ველის გვირილებით შეგიმკობ მე თავს, არც იქ დაგვხვდება ტყე-გორანი უჟანგბადონი. „ყოფნა, არყოფნა?!“ — თრთის ეთერში უშანგ-ბატონი, რადიოს „ოქროს ფონდიდან“ რომ იღვრება კვეთად.

მის ხმაში ნათლისმცემლის თავის იგრძნობა კვეთა, ჭიხვინი მერნის, ტრფობის გზნება, სითბო სათონის,

ჩხეიძე უშანგს ოსტატობა ჰქონდა სხვა დონის და მას ავლენდა ერთნაირად — გამირთან და მკვლელთან.

მაგრამ შენ, ვიცი, არ გჭირდება ეს ლაპარაკი — დიდი არტისტის დამხატველი ან მოკლედ ან ვრცლად, სჯობს, დაგახარჯო გზა-სავალზე ბევრი არაკი,

რაც სულხან-საბამ მიაბო და მეზღაპრე შვარცმა. წმინდა ქეთევანს გადავუხდით გრემში პარაკლისს, ალავერდში კი თაფლის სანთელს დავუწებებ ჯვარცმას.

10.
ალავერდში კი თაფლის სანთელს დავუწებებ ჯვარცმას. იმ სანთლის შუქზე ვიგუმანებ, რომ შენც ანთიხარ. ჩემს ხელოვნებას არ უჯერებს ფუნჯი ან თიხა და შენს თბილ სახელს მარტოოდენ სტრიქონში ვმარცვლავ.

მე ვინაიდან წყალნალებულს მიმიგავს არც-რა, ჩავჭიდავებარ შენს მშვიდ სახელს, როგორც ანტიხავსს, რადგანაც, სულო, იმ გვირგვინის ბრილიანტი ხარ, რომელიც სისხლის გამოშვებით იქმნება მკაცრად.

ის ვისთვის სრული აბსურდია, ვისთვის — ქვესკნელი. შენი მგოსანი კი მის მოწვენას თამამად ბედავს და ზოგჯერ, ვფიქრობ, გვირგვინით ხომ არ გესკვნები,

როცა ვილვეი ცხედრის თავთან დანთებულ ზეთად. არ მოიღრუბლო, ვინახულოთ ჩვენ ის ფრესკები, სადაც მაცხოვრის საცრემლედან შენდობა წვეთავს.

11.
სადაც მაცხოვრის საცრემლედან შენდობა წვეთავს, იქ გადავინერთ მოწინებით ღვთისადმი პირჯვარს. გულის მხარეზე იმ მეუფეს ვემთხვევი დინჯად, მიმიჩნევია ვინც ჩემს გზაზე მისანდო მწედა.

ჩემსავით ისიც ალალ ლექსებს სიყრმიდან წერდა, ხშირად ატანდა ჩაით სავსე უშაქრო ფინჯანს. დღეს არ შიმშილობს, მაღლობა ღმერთს. არული იმ ჯავრს და ეშმას ხილვით გამოწვეულ სუყველა ელდას!

ლხინად დამატყდი და ამ ლხინში მე თამადა ვარ. მნამს, რომ წაიღო ჩვენი ჭირი ბალღამის ვარცლმა და ედემივით ველ-მინდორი გვერგო ნადავლად.

გვირილის ველზე ფეხბურთმა თუ სხეულში გამცრა, მე ვაპატიებ ცელქ ბიჭუნებს ველზე გადავლას, შენც ხომ შეუნდობ გვირილების გვირგვინის ნაცვლად?

12.
შენც ხომ შეუნდობ გვირილების გვირგვინის ნაცვლად მომავალ ჩოხელს, პაიჭაძეს ან მიხეილ მესხს? ტყავის ბურთის იმ ჯადოქრებმა რა იხეირეს? — კარის დაცვაზე ძნელი იყო სახელის დაცვა.

მაგრამ გემსავით უცილობელ ტვირთივით ანვათ ჯიში, მეტოქეს რითაც ბევრჯერ დაახევინეს უკან ისე, რომ ბადე სულ არ დაახევინეს, მათ ხომ ბოლომდე მოახერხეს დახარჯვაც და წვაც.

გზა გავაგრძელოთ (მესხი ისევე რჩება მესხადვე), გაგახსენებ დღეს, გამითენდა რომელიც ბედად. არ მაგონდება ცხოვრებაში ასე მე სხვა დღე —

(ხან ანა გერქვა, ხან ლუდმილა, ხან კიდევ სვეტა) გვრძნობდი და იმ ერთ მშვენიერ დღეს გამომეცხადე დაუჭკნობელი სიყვარულის სხივნათელ სვეტად.

13. დაუჭკნობელი სიყვარულის სხივნათელ სვეტად რომ დამადექი, თვალთა მზერით ვიდრე დამჭრიდი, მეშვიდე ცაზე უნებლიედ ვიდრე ამჭრიდი, რა გიზიდავდა, მითხარ, ჩემი სულისკენ მეტად?

ნალდი მწერალი იბადება მილეთში მეტრად. რომ განმესაჯა, ჩემს ქვეყანას მისთვის დაეჭირდი, ზნეობასა და უზნეობას შორის მკლავჭიდი, როგორ განვსაჯე, იცის მხოლოდ მაღალმა ღმერთმა.

გლლი ბუნებაში სიარულით. ბოდიშს იმაზეც გიხდი, რომ მამრის უღვირო აპლომბით გქნცავ, მაგრამ მე მაინც ვერ გადავალ უკრაინაზე,

დავეგლეჯინო, მიჯობს, ჯავის აჯაგრულ ქაცვანარს. პროვინციელი ლაბაზივით ნუ გაინაზებ თუ თავს დაგადგა სონეტების გვირგვინი კაცმა.

14. თუ თავს დაგადგა სონეტების გვირგვინი კაცმა, ნუ გეწყინება რომ არ არის იგი პეტრარკა. არ მოგქცევივარ, სიყვარულო ჩემო, მე ტლანქად, რადგან დროულად მჩვეოდა ტანთ ლაბადის ჩაცმა.

მე ახლაც ვჩქარობ, რომ ტაეპი ტაეპში ჩავწნა და ბენვის ხიდი ჯამბაზივით განვვლო. ღმერთმა ქნას. მინდა, უქებდე ლექსს ხელთუქმნელს და ლექსს ხელთაქნარს კაცს საქართველოს სიყვარულის კოცონში ჩამწვარს.

ოსიც გიქიათ, ლიტველიცა და ებრაელიც გორის ციხის ჯიჯგვ ქონგურებთან ნამობო ლექსნო. არავინ იცის თქვენს შემოქმედს გზაზე რა ელის,

რას შეახვედრებს დღეს ბოლნისი, ხვალ წრომი, ზეგ სნო. ვიდრე ჩემს შთანთქმად დააღებდეს პირს სათაელი, მენადა, შენთან ერთად ჩემი სამშობლო მეგრძნო.

15. მენადა, შენთან ერთად ჩემი სამშობლო მეგრძნო, ალპურ ზონაში გამგებოდა ფეხქვეშ აბული ან დამელაშქრა ხვამლის ბნელი გამოქვაბული მთელი სიცოცხლე განძისათვის ამაოდ მეგრძოლს.

გინდა, ნავიდეთ, თვალი კიდევ მოვაგლოთ ერნოს ან რინა ვნახოთ, ლურჯთვალა და სულგანაბული? ხომ არ დასჭირდა იორს, ვკითხოთ, მკლავში ქაფური? ალგეთს ძუ მგელი შეეუღლიოთ — რას შვრები, ბერნო?!

ალაზნის ველის გვირილებით შეგიმკობ მე თავს, ალავერდში კი თაფლის სანთელს დაუწუნებთ ჯვარცმას, სადაც მაცხოვრის საცრემლედან შენდობა წვეთავს.

შენც ხომ შეუნდობ, გვირილების გვირგვინის ნაცვლად, დაუჭკნობელი სიყვარულის სხივნათელ სვეტად თუ თავს დაგადგა სონეტების გვირგვინი კაცმა.



ძველი თემა — გზა, როგორც შინაგანი ცხოვრების დინამიკა. ოლონდ უნდა ითქვას, „ძველი“ არ ნიშნავს გაცვეთილს, არასაჭიროს, ყავლგასულს. პირიქით, თემა თუ ძველია, ეს იმას ნიშნავს, რომ ის აქტუალურია, საჭიროა, მნიშვნელოვანია, როგორც ტრადიცია, როგორც შემონახული, ნაცადი საშუალება აზრების, იდეებისა და ფიქრების გადმოსაცემად.

ნელი ბატიაშვილი თავის პოეტურ საზრისს გზის მეტაფორიზაციის მეშვეობით აყალიბებს და გადმოსცემს. უფრო გასაგებად რომ ითქვას, გზა მისი მთავარი მოტივია.

მამ იყოს გზა, თუ არის გზა. ეგზისტენციური შიშის დაძლევის ან დავინწყების საშუალებაა გზა, ხოლო საგნები და სიტყვები ის სასიცოცხლო ორიენტირებია, რომლებიც შეიძლება მეგზურებად გამოდგეს, მაგრამ საით და როგორ ნახვალ, სად და რასთან მიხვალ, არ იცი.

მიხვალ — ინანებ, არ მიხვალ და მაინც ინანებ... ასეთია ღვთაებათა განკარგულება.

ნერს პოეტი, რომელიც არც ფილოსოფოსია, არც მოგზაური, მაგრამ ორივე საწყისი ისეა მასში განვითარებული, როგორც ნაგერალის ფესვები — თითქოს უცნაური, თითქოს მოულოდნელი, თითქოს უადგილოც, მაგრამ თავისთავად ბუნებრივი, უბრალო, მინასავით ჩუმი და თბილი.

გზა სიტყვიდან სიტყვამდე: მშფოთვარე ვიზიონერის მოგზაურობა. შიშის მელოდია — იმედის ნიშანი.

მაგრამ ნუთუ შეიძლება, სადაც შიშია, იქ იმედი იყოს? ისიც საკითხავია, შიში დასასრულია თუ დასაწყისი. კაცმა რომ ითქვას, ერთიც არის და მეორეც, შიში ყველაფერია, თვით სიცოცხლეა, არსებობაა, საფუძველია ყოფნისა. ნელი ბატიაშვილის ლექსის საზრისი: რთული ეგზისტენციური ფორმულა.

ნელი ბატიაშვილი

სიკვდილზე ნამსვლელმა იცის

სიტყვა არასოდეს გინდობს ტკივილი კი გაშიშვლებას ითხოვს სიტყვის ნინაშე...

ასევე გამიტყუნა როცა, თუმც გული გიძგერდა ლოცვად, სხეული, უმსგავსობით სავსე მიექანება საით...

ქარი თუ ქარიშხალი, ყველაფერს ნაგვად აქცევს, ვიცი,

ეს ცოდნა მწარე მიმიყვანს მორევამდე. მორევს,

უძირო მორევს, უფსკრულს, რომელიც ასე

საფუძვლიანად მარყევს, რა ვუთხრა იმაზე მეტი, სახლი გახდება ჩემი.

შესანიშნავად ვიცი, შულს როგორ თესავს იგი, ყოველი ჩიხი მისი,

ყოველი კარი მისი, მოსასხამს ატარებს მსუსხხავს, თავს ვერ დააღწევ, გგუდავს,

ქუფრში გამოკრულ იმედს, ადამიანთა მწკრივებს, ბნელში ჩაძირულ მიღეთს რა დამავინწყებს...

გულში ამინდია დარდის, დარდი კი ბნელში ჰყვავის, ნინათგრძნობა მაქვს ავის,

ვერ გამიგია, რა გზით, როგორ დავუძვრე გვამის ჩონჩხსმოკიდებულ ძველმანს...

სჯერა სხვას, ყველას, ყველას, ხეს გამობმული ჩვარით

ოცნებამ, სურვილმა, ვნებამ,

იცის ახდენა... გამჭოლ ქარაშოტს ანდეს ზმანება,

მოლოდინით სავსე და იგლიჯება ნდომე მტვრიანი ქარების არეში,

მკვდარ ფრინველებად ჰკიდებს ღამის დაგებულ მახეში. ჩვენ კი მდუმარედ ვდგავართ,

ცივლის კაცუნებს ვგავართ, თვალს გადაკრული ლიბრით მივშტერებივართ ნკვარამს,

ველით, ველით

და ველით
შემოტრიალებას ბედის,
გავზავდით მოლოდინის
ჩახლართულ ლაბირინთში...
გვახსოვს კი ოცნება ჩვენი,
ვიცდით,
ვიცდით
და ვიცდით,
ისე მივეჩვიეთ ლოდინს,
სიცოცხლის ფესვადაც კი ვთვლით,
დღითიდღე ვიკარგებთ,
დღითიდღე ვინრიტებით...

სიცარიელე მტკივა,
ფუტურო, უნაყოფო,
ნეტავ შემოელნია
ჩემში ფოთოლთა შრიალს,
ჩიტების ალიაქოთს,
წვიმის წვეთების წკრიალს,
გულში ჩამვარდნოდა კენჭი,
მჭკნარი ბალახის ღერი,
სხივს ჩამოელნია ჩემში,
ქარს შემოეყარა მტვერი,
ვინ მომცა ამისი ბედი
ცხრაკლიტურს გამოკეტილს...
მესიზმრება ზეცის ქმნილება,
ვარსკვლავეთის ყვავილებივით აციმციმება,
მზეთა ნათელი მდინარეებად მოედინება,
გალაქტიკები დაბნეულან სივრცეთა ველზე
გულსაბნევებად,
სამხრეებად,
სამაჯურებად...
მართლა ასეა?
ნამდვილად ვხედავ?
სხივი როგორ იქსოვება
გვირგვინებად,
უფლისა მიმართ საბრძანებლად,
აღწევს ჩემამდე?
ვარსკვლავეთის თვინიერება,
შარავანდედი,
ვითომ, მართლა დავაბიჯებ
ზეცის ბალებში,
ქრიზანთემების
და ზამბახების
ჩანაკეცთა სიმხურვალეში...
ნამდვილად ვიქეც ვარსკვლავის სხივად?
სხივის ბრწყინვადაც?
სხივად, ჩამქრალად?
სხვა გზაც არსებობს?
ვინძლო შენში შემოაღწიოს სამყარომ...
გამოიღვიძე,
გამოიღვიძე,
ბორგავს სურვილი,
ჯადოსნურ სწრაფვად გადაქცეული,
რისხვა, წყეული,
სწორედ საჩემო,
სწორედ საჩემო...
უიმისოდ არაფრად მიღირს ბოგანო გული,
უდაბნოს ქვიშას დამგვანებული...
საით მიძვრები,
საით მიძვრები,
როცა არ იცი, შეძლებ კია
ცისა და მიწის

შემხვედრი ჩიხის
კლანჭებისაგან თავის დაღწევას,
მინიერებით აღსავსე გულით
ეპოტინები განავარდებას...
გარიყული ხარ
და როგორ გინდა მოულო ბოლო
სიგიჟეს ასეთს,
თუ არ შეავსე შენი ფუტურო გული
ყელამდე,
არ შეახე ხელი მონყალე
მინვდები რასაც,
მინვდები რასაც,
არ მიიღებ საკუთარ თავად,
ხოლო მის სავალს
შენს გზად და კვალად,
ხოლო მის ტკივილს
შენი სხეულის სისხლიან დამლად.
არა და არა,
არასოდეს გეცოდინება, — რაა გიყვარდეს...
მივაგნებ კია გასაყარს გზათა, —
ალმაცერების სიცრუეში,
ციცაბობებში,
ფლატეებში,
ფრიალოებში...
იპოვი კია მიმართულებას
ხვალის სივრცის გადასარჩენად,
როცა გაბნევეს
მნათის ნათებაც
მრუდე სარკეთი,
ხოლო ქარეთი,
აი, ქარეთი,
გწენავს და გფანტავს და განიავებს....
გზამკვლევი არა,
მეგზური არა,
არა სითჰართჰა,
ან ბოთჰითჰარმა,
არა იესო...
ვერვინ გასწავლის მალულზე მალულს,
არავის ძალუძს,
გზას შენ თვითონ უნდა მიაგნო,
მარტომ...
რა მელოდება,
მდუმარება
და მუქარა მარადიული გაურკვევლობის,
სიმხდალეა,
საკუთარი თავის წინაშე
გულმონყალეება,
საკუთარი სიმახინჯის მიჩუმათება,
როცა გული გახეთქვაზეა,
სულისკვეთების ნიაღვარი
როცა კარს გიმტვრევს
და როცა სრული გელოდება განადგურება.
როცა მიზანი არც სიმშვიდეა,
არც მენყვილესთან განმარტოება,
არამედ შენი მარადიული შევსებადობა,
მარადიული სიკამკამე იდუმალების...
თუ ვერ მიაღწევ ზღვარს მოქმედების,
სადაც არყოფნა ჩასაფრებულა,
ალარაფერს არა აქვს აზრი,
ალარაფერს არა აქვს ფასი...
მიხვალ — ინანებ,
არ მიხვალ და მაინც ინანებ...
ასეთია ღვთაებათა განკარგულება...

სხვა ვერაფერი შევძელ,
საჭირო სიტყვას ვეძებ,
რათა უნმინდესი ნექტრით
ჩამოვიბანო სახე,
არ წავიბილნო დარდი,
გამოკვებილი ცრემლით...
იქნებ ამიხსნას არსი,
მითხრას, როგორ და რა გზით
უნდა ვიარო აწი.
არა და ღმუთის მეთი
ალარაფერი მელის.

ვეძებ,
ვეძებ
და ვეძებ
მე სიტყვას ხელჩასაჭიდს.
იქნება მოხდეს ესეც, —
გავიდე ცალდირეზე...

მორვეი ათრევს ყველას,
ესაა მისი ალი,
ჯერ ატრიალებს ერთად,
მერე კი აყრის მიწას,
მე მაინც ვეძებ სიტყვას,
სიტყვას,
სიტყვას....

ის კი იელვებს, მერე
ნისლეულს იქით ქრება,
სათუთად, გულითადად
გითვლის მოკითხვის ღიმილს,
დაგცინის,
ხედავ ცხადად,
იქნებ ტყუილიც იცის,
ლოდინიც,
მოთმინებაც
გილიოტინის...
შეძრწუნებული ვდგავარ,
მასწავლებს უსახურება ჩემი,
ხაფანგში გაბმულს ვგავარ.
ვიცოდო,
კარგად ვიცოდო
როგორ შლის ფრთებს
და როგორ ვრცელდება
მშვენიერების სასიკვდილო გამოსხივება.

და უფრო მეტად
მისი სიბრძნის
სამინელი გამოვლინება.
მაინც ვეძებდი,
მაინც ვეძებდი,
სიბნელეში ხელის ცეცებით,
თავისუფალ სივრცეთა ბგერას,
მაგიური სიტყვების ჟღერას,
სისავსეში გადაბიჯებას...

სიკვდილზე ნამსვლელმა იცის,
სიტყვა არასოდეს გინდობს,
ტკივილი კი გაშიშვლებას ითხოვს
სიტყვის წინაშე.
ალბათ, გავშიშვლდი კიდევც,
მეყო სიმამაცე.
მაინც ვერ მიველ სიტყვამდე,
ესაა სიმართლე...

ეთერ მაგალობლიშვილი

ოსკარ უაილდი ქართულ ლიტერატურასა და თეატრში (1900-1925 წწ)

მეოცე საუკუნის დასაწყისში, იმხანად, როდესაც სამწერლო ასპარეზზე გამოსული ახალი ლიტერატურული თაობა მოდერნისტული სტილის შექმნის პროცესში „უცხო პოეტების ოდესსაც ინვევენდენ“, ხშირად გაისმის ინგლისელი მწერლისა და ესთეტიკოსის ოსკარ უაილდის (1854-1900) სახელი. „ქუთაისის დუქნები უცხად გადაიქცა პარიზის სალიტერატურო კაფეებად, სადაც არღნის ხმასთან და აუცილებელ „მრავალფამიერთან“ ერთად გაისმის საყვარელი სახელებიც: ედგარ პო და შარლ ბოდლერი, ფრიდრიხ ნიცშე და ოსკარ უაილდი, პოლ ვერლენი და სტეფან მალარმე, ხოზე მარია ერედია და ემილ ვერჰარნი“ — გვამცნობს „ცისფერი ყანები“-ს ლიტერატურული ჯგუფის ერთ-ერთი წარმომადგენელი, „პირველი მოციქული სიმბოლიზმისა“ გრიგოლ რობაქიძე, რომლის სახელსაც უშუალოდ უკავშირდება უაილდის პოპულარობა საქართველოში.

მეოცე საუკუნის 10-იანი წლებიდან გრიგოლ რობაქიძე ქუთაისსა და თბილისში იწყებს ლექციების ციკლს — „რელიგია მშვენიერებისა“, სადაც მიმოიხილავს ოსკარ უაილდის ლიტერატურულ მემკვიდრეობას და მალალ შეფასებას აძლევს მას. რობაქიძის აზრით, უაილდი „თანამედროვე სულიერი კულტურის სიმბოლური მოვლენაა“. ამ პერიოდის პრესაში ხშირად ვხვდებით წერილებს, სადაც გამოხატულია საზოგადოების დიდი ინტერესი და დადებითი შეფასებები უაილდის შემოქმედებისადმი მიძღვნილი ლექციების ციკლისადმი, თუმცა, ისიც უნდა ითქვას, რომ „მოდერნიზმის სახარების მქადაგებლის“ „ალმაფრენი ფანტაზია“, „თვალისმჭრელი სახეები“, „აქაფებული სიტყვა“ მხოლოდ რჩეულთ წვდვით გულში, ზოგისთვის კი რობაქიძის გატაცება ინგლისელი მწერლის ესთეტიკური პრინციპებით და მისი უკრიტიკოდ გაზიარება მიუღებელია: „შეხედულვება რობაქიძის უაილდის ესთეტიკურ ინდივიდუალიზმზე დოგმატურია. ის უკრიტიკოდ ლებულობს მის თეორიას“. ასე ეხმაურება ვლ. ბაქრაძე გრ. რობაქიძის ლექციებს. თუ „ცისფერყანწილებისთვის“ ინგლისელი ესთეტიკოსის შემოქმედება, მისი თეორიული პრინციპები მისაღებია, ვლ. ბაქრაძისათვის, მიუღებელია უაილდის შეხედულება ხელოვნებაზე. კრიტიკოსი განსაკუთრებულ ყურადღებას ამახვილებს ნაწარმოებზე — „დორიან გრეის პორტრეტი“, სადაც ინგლისელმა ესთეტიკოსმა მისი მოსაზრებით ყველაზე მკაფიოდ გამოხატა თავისი თეორიული ნააზრევი, აჩვენა, რომ სიცრუეს ჭეშმარიტებაზე მალა აყენებს, სიტყვას მტკიცად სცემს, ვიდრე საქმეს, ფანტაზიას მეტად აფასებს, ვიდრე ჭეშმარიტებას. „ცხოვრებაში ეძებს სიცრუეს, მას სძულს რეალიზმი, სინამდვილე“. სინამდვილისადმი ასეთ დამოკიდებულებას, განსხვავებით ქართველი სიმბოლისტებისაგან, რომელთა მიზანსწრაფვას, მოთხოვნილებებსა და ცხოვრების წესს იგი სავსებით ესადაგებოდა, ვლ. ბაქრაძე „ბურჟუაზიული ფსიხიკის“ ნაყოფად მიიჩნევს.

ოსკარ უაილდის თეორიული პრინციპების მწვავე კრიტიკული შეფასებების პარალელურად, პროლეტარიატის მეხოტბე მიიჩნევს, რომ უაილდმა მაინც „დიდი ხელოვნებით გამოხატა გზააბნეული ბურჟუაზიის ლტოლვილებანი და მისი შემოქმედება საინტერესოა არა მარტო თავისი კლასისათვის, არამედ პროლეტარიატისათვისაც“. სიმბოლისტი მწერლის ლექციებს კი ვლ. ბაქრაძე მიიჩნევს უბრალო რიტორიკად, რომელშიც აზრს და ლოგიკას ვერ ხედავს. იგი წერილის ბოლოს დაასკვნის, რომ „თუ მსმენელი არ გაიტაცა გრ. რობაქიძის მუსიკამ, მეტაფორებმა, მაშინ ის ჭეშმარიტების სრულ წინააღმდეგობას ან ცარიელ ადგილს დაინახავს“.

ოსკარ უაილდის ლიტერატურული მემკვიდრეობისადმი ქართველი ინტელიგენციის არაერთგვაროვანი დამოკიდებულების კიდევ ერთი დასტურია კრიტიკოსისა და ლიტერატურათმცოდნის იპოლიტე ვართაგავას თვალსაზრისი ინგლისელი მწერლის შემოქმედებაზე. განსხვავებით „ცის-

ფერყანნელებსაგან“, რომლებიც უაილდის შემოქმედებისა და მისი ბოჰემური ცხოვრების აპოლოგეტებად გვევლინებიან, იმ ვართაგანა ინგლისელი ესთეტიკის ცხოვრების წესს, ისევე როგორც სხვა სიმბოლისტებისა, არათუ მისაბაძად, არამედ სამარცხვინოდ, უზნებოდ და ანომალიად მიიჩნევენ.

უნდა აღინიშნოს, რომ რუსეთშიც ოსკარ უაილდის პოპულარობა უკავშირდება ცნობილი სიმბოლისტი პოეტის კონსტანტინე ბალმონტის ლექციებს, რომელიც მან 1904 წლის გაზაფხულზე მოსკოვის „მხატვრულ წრეებში“ წაიკითხა. კ. ბალმონტი „სალომე“-ს ფრანგული ორიგინალიდან თარგმანის წინასიტყვაობაში აღნიშნავს, რომ ოსკარ უაილდი, მისი ცალკეული ნაწარმოებები, ასე თუ ისე, ცნობილი გახლდათ პეტერბურგისა და მოსკოვის ლიტერატურულ წრეებში, მაგრამ ფართო საზოგადოებისათვის არ ყოფილა ცნობილი „საშინელი ორქიდეა“, „მშვენიერების მესობტე“ უაილდი.

კ. ბალმონტის ლექციებს რუსეთში, ისევე როგორც გრ. რობაქიძის ლექციებს საქართველოში, საზოგადოების დიდ ნაწილში განსაკუთრებული მოწონება ხვდა წილად, მაგრამ ზოგჯერ ლექციების შემდეგ იყო ხმაურიანი განხილვებიც, აზრთა სხვადასხვაობა. კ. ბალმონტის ერთ-ერთ ლექციას ლიტერატურულ წრეებში მოჰყოლია ცხარე კამათი, რომელშიც მონაწილეობა მიუღია ქართული წარმოშობის დრამატურგსა და მსახიობს, რსფსრ სახალხო არტისტს ალექსანდრე სუმბათაშვილ-იუჟინს. „ჩემს ლექციებს ჰქონდა წარმატებები. ამავდროულად, მოსკოვის ლიტერატურულ წრეებში, გაზეთებში მან გამოიწვია აურზაური. უაილდზე მშვიდად ვერ ისაუბრებდი, ლექციების შემდეგ იმართებოდა ცხარე კამათი, იყვნენ უაილდის დამცველები. საზრიანად საუბრობდა ს. სოკოლოვი (რომელმაც შემდგომ დააარსა ფირმა „გრიფი“), განსაკუთრებით გამოირჩეოდა ორი ახალგაზრდა პოეტი: ა. კოირანსკი და მაქსიმოლიან შიკი, რომლებიც იმ დროს სტუდენტები იყვნენ. ფილისტროვის, უხამსოვის ტემპერამენტისა და წარმომადგენელი იყო არც ისე უცნობი ა. იუჟინ-სუმბათოვი. ეს ლექცია და შემდგომ იქ განვითარებული დისკუსია ბევრ მოსკოველს ახსოვს“ — იხსენებს „ცისფერყანნელების“ მეგობარი რუსი პოეტი კ. ბალმონტი.

საქართველოში ოსკარ უაილდის მხატვრულ-ესთეტიკური პრინციპების პოპულარიზაციას ემსახურება პეტრე დადვადის წერილიც — „ოსკარ უაილდი და ხელოვნება“, რომელიც კ. კოგანის დასავლეთევროპული ლიტერატურის ისტორიის ნარკვევების შერჩევით თარგმანს წარმოადგენს. სტატიამი განხილულია ოსკარ უაილდის თვალსაზრისი ბუნებასა და ხელოვნებაზე, ცხოვრებასა და სილამაზეზე. განსაკუთრებული ყურადღება ექცევა უაილდის შეხედულებას ხელოვნებაზე, რომელსაც იგი ბუნების შემოქმედებაზე მაღლა აყენებს.

ოსკარ უაილდის შემოქმედებისადმი მიძღვნილი ლექციების ციკლისა და წერილების პარალელურად ინტენსიურად ითარგმნება უაილდის ზღაპრები: „ბუღბუღი და ვარდი“, „ჭაბუკი მეფის სიზმარი“, „მოდღვარი“, „სამსჯავრო სახლი“, „მო-

ქანდაკე“ და სხვ. თარგმანები ეკუთვნით გ. მუმლაძეს, გ. ნამორაძეს, ი. მაჭავარიანს, ან. წერეთელს, ელ. ანტონოვსკაიას.

ამავე პერიოდში დიდია ინტერესი უაილდის ერთშემოქმედებანი დრამისადმი — „სალომე“, რომელიც 1893 წელს ფრანგულ ენაზე დაიწერა ცნობილი ფრანგი მსახიობი ქალის სარა ბერნარისათვის და წარმატებულად იდგმებოდა ევროპის თითქმის ყველა ქვეყნის თეატრებში.

„სალომე“-ს ერთ-ერთი ქართული თარგმანი, რომელიც ცნობილი საზოგადო მოღვაწისა და მწერლის ალექსანდრე სარაჯიშვილის მიერ 1909 წელს არის შესრულებული, ხელნაწერთა ინსტიტუტში ინახება. „სალომე“-ს პ. დადვადისეული თარგმანი კი 1909 წელს „დროების“ (№219) სურათებთან დამატებაში (№39) დაიბეჭდა. „სალომე“ თარგმნა გრ. რობაქიძემაც და ჟურნალში „შვიდი მნათობი“ (1919 წ., №2) გამოაქვეყნა. უნდა აღინიშნოს, რომ ამ თარგმანს მოჰყვა კრიტიკული შეფასება, რომელიც მარუთა შუამდინარელის (იოსებ გრიშაშვილი) სახელით 1920 წელს გახ. „სახალხო საქმე“-ში (№996) დაიბეჭდა.

შუამდინარელი თარგმანს ინტერესს, ის მიიჩნევს. რომ რობაქიძე თავისი სურვილისამებრ ცვლის ცალკეულ ფრაზებს, სიტყვებს.

უაილდის „სალომე“-ს თარგმანით დაინტერესდა „ცისფერყანნელების“ ერთ-ერთი თვალსაჩინო წარმომადგენელი პაოლო იაშვილიც.

მეოცე საუკუნის დასაწყისში, ახალი ფორმისა და შინაარსის ძიების პროცესში, „სალომე“-სადმი განსაკუთრებული ინტერესი აიხსენება დეკადენტური ლიტერატურისათვის დამახასიათებელი „ბოროტების ესთეტიკურობით“, რომელიც ქართველ სიმბოლისტთა მიზანსწრაფვებსაც ესადაგებოდა. საქართველოში სიმბოლიზმის მამათავარი გრიგოლ რობაქიძე „სა-

ლომე“-ს მსოფლიო ლიტერატურაში ერთ-ერთ საუკეთესო ქმნილებად მიიჩნევს, როგორც ფორმით, ისე შინაარსით: „სალომე“ ყოვლად სრული და უნაკლოა, აქ შინაარსი ისე სხმულა ფორმასი და ფორმას ისე უსხეულდება შინაარსი, რომ მათი გამოყოფა ერთი-მეორისაგან შეუძლებელია. ჰკითხულობთ ან უსმენთ „სალომე“-ს წარმოდგენას და თქვენ წინ იშლება მრავალფეროვანი მარმარილო, რომლითგანაც უკეთესი და უკეთესი ნაკვეთი იჭრება. მარმარილო ცივია, მაგრამ აქ იგი ვნებით ღვივის“. ასეთ შეფასებას ვკითხულობთ 1913 წლის (№921) „სახალხო გაზეთში“ გრ. რობაქიძის მიერ უაილდის „სალომე“-ს განხილვისას.

მეოცე საუკუნის დასაწყისში ქართველი საზოგადოების დაინტერესება ოსკარ უაილდის შემოქმედებით გამოიხატა არამარტო მის ნაწარმოებთა თარგმანით, არამედ ქართველი მწერლების, განსაკუთრებით კი „ცისფერყანნელები“-ს მიერ უაილდის ესთეტიკური პრინციპების ფაზიარებითა და ორიგინალურ მხატვრულ შემოქმედებაში მათი ასახვით.

ოსკარ უაილდის ესთეტიკური თეორიების უშუალო გავლენა ემჩნევა გიორგი ლეონიძის ადრეული პერიოდის შემოქმედებას. გ. ლეონიძე 1915 წელს ჟურნალში „თეატრი და ცხოვრება“ ბეჭდაც წერილს, სადაც ამკარად ჩანს ახალგაზ-



ოსკარ უაილდი

რდა პოეტის დიდი სიყვარული უაილდისადმი და თავდა-
 ვინყებულის გატაცება მისი პარადოქსებით: „ის, რომელიც
 ჩემი სულის სიყვარულს შეადგენს, — ლამის მეტეორი იყო.
 ეს იყო ხაზი ელვისა წყვილიადით მოცულ ოკეანეზე. ჰო, და
 მან გაიელვა და გაჰქარა უცხად. სად წავიდა? — ო, ნუღარ მე-
 კითხებით... არ ვიცი, არა. მას ვერ გავიმეტებ სამუდამო და-
 ვინყებად, რადგან იგი მიყვარს და ჯერ არას ისე არ გაუტაც-
 ნივარ, როგორც მის სხვიოსან პარადოქსებს“. ინგლისელი
 ესთეტიკის სილამაზისა და ოცნების სამყაროთი გატაცებულ
 ახალგაზრდა პოეტს მუდამ თვალწინ უდგას უაილდის სახე
 და ესმის მისი ხმა: „სახე მისი მიდგება თვალწინ მაშინ, რო-
 დესაც განთიადის იერი გაიხაზება ვარდისფერ ცაზე, ხოლო
 მისი ძახილი მესმის, როცა ლამის სიღრმეში შეირხვევა თეთ-
 რი მეტეორი“. ქართველი პოეტის აზრით, უაილდი ბედნიე-
 რია, რადგან ის „უზიარა მშვენიერების ბარძიშში“. პოეტს იმ-
 დენად უყვარს იგი, რამდენადაც უაილდს ესმის და უყვარს
 ხელოვნება. გ. ლეონიძეს უაილდის მიერ წარმოსახული ყოვ-
 ლისშემძლე ხელოვნება იტაცებს, ისეთი ხელოვნება, რომე-
 ლსაც შეუძლია შუა ზამთარშიაც კი ააყვავოს ნუშის ხე. სინა-
 ზით უაილდს ის თიბათვის ყვავილს ამსგავსებს, მაგრამ
 აგონებს ამირანსაც, რომელიც კავკასიონის მთებზე კი არ
 არის მიჯაჭვული, არამედ უფრო საშინელ „ერთფეროვან
 ცხოვრების მკერდზე“.

გიორგი ლეონიძე სრულად იზიარებს ინგლისელი მწერ-
 ლის ლიტერატურულ-ესთეტიკურ პრინციპებს. მას, ისევე
 როგორც უაილდს, სწამს ხელოვნების თავისუფლება: „ხე-
 ლოვნება თავისუფალია, ვით ნიავე ჩემ სამშობლოში, — ნუ
 მიანდობთ მას ქვეყნის სამსახურს... ხელოვნება ის ულამა-
 ზესი ქალწულია, რომელსაც ვერ ნაბაძავს ვერც ერთი ბანო-
 ვანი. ამოდ ბაძავს ბუნება მას და ამოდ იძახით თქვენ: ხე-
 ლოვნება სარკეა ცხოვრებისაო. ცხოვრება არა ქმნის ხე-
 ლოვნებას, ხელოვნებაა შემოქმედი ცხოვრებისა“.

მოტანილი ციტატებიდან ნათლად ჩანს ოსკარ უაილდის
 დეკადენტური პრინციპების არა მხოლოდ გაზიარება, არა-
 მედ მისი გავლენა ახალგაზრდა ქართველი პოეტის ესთეტი-
 კური მრწამსის ჩამოყალიბებაზე.

უაილდის სულის თანაზიარობა შეინიშნება გ. ლეონიძის
 ლექსში — „უაილდს“, რომელიც მას გარდაცვალებიდან 15
 წლისთავზე მიუძღვნა:

**შენც გლოცულობ... და შენსავით კაცთა შორის
 დავალ ობლად,
 სული შენი თავს მევლება უკვდავების მახარობლად...
 ჰე, თვისტომო, სანატრელო, გიხსენიებ მუდამ ქებით,
 მსურს შევამკო მშვენივრება, მსურს გიმღერო
 დავინყებით.**

ინგლისელი მწერლის გახსენება სევდიან ფიქრებს აღძ-
 რავს პოეტში. უსაზღვრო გულისტკივილითა და უაილდი-
 სადმი თანაგრძნობით არის გამსჭვალული ლექსი „სალამოს
 სანთლებში“:

**მე თვალს მიღებავს ცრემლის ფერად კვნესა მართალი,
 ჭლექიან სანთლის ელვარება ოქროსეული —
 მომაგონდება სინანულის ცრემლად ქცეული
 ოსკარ-უაილდი გულზვიადი მთავარ-სარდალი
 დაყრილი ფარი და ლონდონის ქვა სამართალი
 შემწილ მეფესთან ბრბო სიცილით შემოსეული...**

ინგლისელი ესთეტიკის პერსონაჟის სახელი სალომე, რო-
 მელიც სიგიჟის, სიმთვრალისა და თვითმკვლელობის აპო-
 ლოგეტ „ყანწელებს“ დეზიდემონას ავიწყებენ, როგორც სა-
 ხე-სიმბოლო გვხვდება გ. ლეონიძის ლირიკაშიც. ამის დას-

ტურია ლექსი „სონეტი ქართველ ჰუსარებს“, სადაც თეიმუ-
 რაზისა და სააკაძის სახელებთან ერთად პოეტი სალომესაც
 უხმობს:

**ათამაშებთ სისხლიან სულს ნარინჯის მთებში
 მთვრალი სალომე დაიჟინებს თქვენს თავებს თეფშით
 როცა თვალები გაგესხნებათ მთვარის ყალიბად!..**

სალომეს სახელი კვლავ გაიჟღერებს სიმბოლიზმის და-
 მახასიათებელი ბუნდოვანებით გაჯერებულ ახალგაზრდა
 პოეტის ერთ-ერთ უსათაურო ლექსშიც:

**დღეს სიხარული — ვით ცეკვაში მთვრალი სალომე
 როგორც თეირის სარეცელზე ახესალომი!
 ქართლოსის ლანდი ბრწყინვალეობით გამეთარემა —
 არმაზისაკენ!
 ნულარ წავალთ ლევა ზამთარში.**

„ცისფერყანწელები“-ს ყველაზე უფრო „ორთოდოქსი“
 სიმბოლისტი პოეტის ვალერიან გაფრინდაშვილის შემოქმედე-
 ბაში, სადაც ის ხელოვნურად ამკვიდრებს ქართველი და უცხო-
 ელი მწერლებისა და მათ ნაწარმოებთა პერსონაჟების სახე-
 ლებს, რათა შექმნას სიმბოლოები, მითები, ლირიკული სახეე-
 ბი, ხშირად ვხვდებით უაილდის სალომეს, როგორც სახე-სიმ-
 ბოლოს. ამის ერთ-ერთი ნიმუშია ლექსი, „ქუთაისი ქარში“...

**ნაცრისფერ ცეცხლში ბუმბერაზობს, იწვის ქალაქი,
 ვით სალომე, საფირონი მოცეკვავს ქარი.
 გაჩნდება ცაზე სამართლებით თეთრი დალაქი —
 დაედევნება რუხ ჰამლეტებს ავი მუქარით.**

გრიგოლ რობაქიძე, რომელიც უარყოფს მეშჩანურ ყო-
 ფას, ხოტბას ასხამს ბოჰემას, პარიზს, ბაძავს „ლოთ ძმებს“,
 უკრიტიკოდ იზიარებს უაილდის ესთეტიკურ შეხედულებებს,
 ლექციების ციკლით ეწევა ინგლისელი ესთეტიკის პოპულარი-
 ზაციას საქართველოში, ყველა „ყანწელთა“ მსგავსად, ცდი-
 ლობს არსებულ და გამოგონილ სახელებთან ერთად პოეზია-
 ში დაამკვიდროს უაილდის სახელი, როგორც ბოჰემის სახე-
 სიმბოლო. ამის ნათელი დადასტურებაა ლექსი „უაილდი პა-
 რიზში“, რომელიც 1919 წელს „მეოცნებე ნიამორებში“ გამოქ-
 ვეყნდა, შემდგომ კი, ვფიქრობთ, მწერლის არცერთ კრებულ-
 ში არ გამოქვეყნებულა და ფართო საზოგადოებისათვის ნაკ-
 ლებად არის ცნობილი, ამიტომაც მოგვაქვს სრულად:

**პარიზის სალამო. სოველი სმარაგდი.
 თქორიან ნისლში ელექტროს მარმაში.
 ნაორთქლი მინები. სეირი მარადი.
 ლამაზი ფეხის თეთრული გამაში.
 ტაძარის აჩრდილი ტორტმანობს განზე;
 ქვების ლოცვებით ეტრფის ქერუბიმს.
 „ნოტრ-დამის“ პირქუშა თუჯურა ტანზე —
 მთქნარება ერევათ მოლიმარ ქიმერებს.
 კაფეში: ხმაური, სიცილი. ხალისი.
 კისკასი ჰკაზმავს ლამაზ ჰეტერებს.
 იხრჩობა ქეიფით სირუხე ხვალისა.
 მოჟღალო თვალი სიგიჟეს ატარებს.
 ყოფით შემოდის უცხო მთავარი.
 ტრფილით ეკვრის გულზე ნარგისი.
 ორჭოლი ღიმილით ლხენის მთოვარე —
 არავის მოხედავს: ამაყი. გარისი.
 სინელით უჯდება მეგობრის მაგდას.
 მზერაში უბრწყინავს ახალი რასასა.
 ეტყობა უდარდელს: არას დაგიდევს:**

ზოგი თუ რას იტყვის და ზოგი რასა.
მაიას ჰმოსავს ქებათა ქებით.
ისვრის სიუხვით ახალ სახელებს.
აფორიზმს აბნევს ინდოელ ქვებით.
გენიის ჟინით ქვეყანას ახელებს.
ჰკიაფობს კაფე: უყვივის მთვარეთ.
ნერვებით უხმობს: ვის რა უაღდეს.
და... მეგაზეთე ქუჩაში გარეთ —
სმამალა ყვირის: ლანდი უაილდის.

პოეზიაში ქართველ და უცხოელ მწერალთა სახელებისა და პერსონაჟთა ხელოვნურად დამკვიდრების ტრადიციას არც „ცისფერყანწელები“-ს ერთ-ერთი ყველაზე ახალგაზრდა წარმომადგენელი, „რიტმის კავალერი“ შალვა კარმელი (გოგიაშვილი) ლალატობს. „ცისფერყანწელთა“ მანიფესტში გაცხადებული ერთ-ერთი თეზის — „გიყვარდეთ ქალი ვნებიანად და დაუზოგავად“ — პირდაპირი გამოძახილია ლექსი „ხავერდის ქალი“, სადაც უაილდის სალომე ვნებიანი სიყვარულის სახე-სიმბოლოა:

**ხავერდის ქალი, საკრამანგით ოქრომქონები,
ჩაივლის ხალხში, თან ღიმილი შვენიის ლაურის,
მიჰყვივის ქუჩა ვნებიანი ქათინაურით,
ყვითელ სახლების შესცქერიან მას პატრონები.
თითქოს არისო სალომეა იროდიადის,
განკვართულ ტანით დამდაფნელი გრძნობის ზვიადის,
შვიდზე წრულ ცეკვით რომ ატკობდა ტეტრარქ იროდის.
მანთებდა ლაზო სიყვარულის სხივთა თარეშით.
არ ვიცი, სული სონეტებში სანამ სტიროდა, —
ღამაზ ბანოვანს კი ჰკოცნიდა ღამე კაფეში.**

უაილდის სალომე ზოგჯერ შალვა კარმელის პოეტური შთაგონების უშუალო წყაროა. ამის ერთ-ერთი ნათელი დადასტურებაა სონეტი „ჩვენება იუდეის ასულის“.

თანამგზავრ სახე-სიმბოლოებს შორის უაილდის სახელიც, როგორც სევდისა და მწუხარების სიმბოლო, გარკვეულ ადგილს იმკვიდრებს გალაკტიონ ტაბიძის ადრეული პერიოდის ლირიკაშიც. ამის ნიმუშია ლექსი — „მგლოვიარე სერაფიმები“, სადაც მწუხარების მორევში ჩაძირული ახალგაზრდა პოეტისათვის უაილდი უიღბლობისა და იმედგაცრუების სიმბოლოა:

**ყოველი წუთი სავსე იყო უმძაფრეს შხამით;
ლურჯა ცხენებით თუ გაფრენდა გრძნობათ სინაზე,
იყავ საოცრად მოხიბლული ასეთი ღამით
და უაილდის ყვავილივით დაეცი გზაზე.**

სალომეს სახელი, როგორც ვნების სიმბოლო, გაიღვავებს იოსებ გრიშაშვილის პოეზიაშიც:

**რიტმებს ვსრუტავდი ხარბად და მკაცრად,
ვით იოჰანეს ტუჩებს სალომე
და ძველ ღმერთების ხმის გასაკანრად,
ვიყავ თამამი... ნაზი... ძალუმი...**

„ყანწელებისგან“ განსხვავებით ვ. გოქსაძეს სალომე არ ეზმანება ვნების აღმძვრელ ქალად, პოეტს სურს მხოლოდ მასზე ოცნებით დატკბეს:

**ო, სალომეა, უნაზესო ქალწულთა შორის!
ღრმა მონინებით გვედრები ურჩი თავნება.
მე არ მსურს შენი მოფერება და არც ამბორი —
მხოლოდ ოცნებით ვიყო შენთან მომეცი ნება.**

XX საუკუნის პირველ მეოთხედში, როგორც ლიტერატურაში, ასევე ეროვნულ თეატრში, ახალი ფორმების ძიების პროცესმა განაპირობა დასავლეთ ევროპის მწერალთა პიესებისადმი დიდი ინტერესი. ამ პერიოდში ქართული თეატრის რეპერტუარი, ორიგინალური დრამატურგიის ნაკლებობის გამო ძირითადად ნათარგმნი ლიტერატურით იყო დაკომპლექტებული, ვინაიდან ორიგინალური ლიტერატურა „იმდენად ჩამორჩა თეატრალურ ცხოვრებას“, რომ „გზის მარცვლებად“ ვერ გამოდგებოდა. მაშინდელ პრესაში ხშირად ვხვდებით გულსტიკივლით აღსავსე წერილებს, სადაც ქართული თეატრის გულშემატკივრები თეატრის დაცემის მიზეზებსა და მისი განახლების გზებს ეძებენ: „ქართულ თეატრში ჩვენ გვინდა ვნახოთ ქართული, რასიული ტემპერამენტის ნიჭის და ევროპული კულტურის სინთეზი. საქართველო არ არის ამერიკა, ამიტომ მარტო სანახაობას ჩვენ ვერ შევგუებით, ეხლანდელი საქართველო არ არის არც გიორგი ერისთავის, ცაგარელისა და ანტონოვის საქართველო და მარტო „გაყრა“, „ხანუმა“ და ასეთები ვერავის დააკმაყოფილებს. თეატრი ანარეკლია ცხოვრების, ის ფეხდაფეხ უნდა მისდევდეს ცხოვრებას“. ასე ესახება XX საუკუნის დასაწყისის ქართული თეატრის როლი და მნიშვნელობა „ცისფერყანწელების“ ერთ-ერთ თვალსაჩინო წარმომადგენელს გრიგოლ რობაქიძეს.

ამ დროისათვის, როგორც უკვე აღვნიშნეთ, უკვე არსებობდა ოსკარ უაილდის „სალომე“-ს ოთხი ქართული თარგმანი შესრულებული ალ. სარაჯიშვილის, პ. დადვადის, გრ. რობაქიძის და პ. იაშვილის მიერ. ორიგინალური რეპერტუარის ნაკლებობის, ქართული თეატრის განახლების გზების ძიების პროცესში სავსებით ბუნებრივი იყო ქართველი რეჟისორის სანდრო ახმეტელის დაინტერესება უაილდის ერთმოქმედებიანი დრამით. ალ. ახმეტელმა პ. იაშვილის თარგმანის მიხედვით 1923 წლის 18 თებერვალს რუსთაველის თეატრში დადგა „სალომე“, რომლის შესახებაც გაზეთი „კომუნისტი“ ასე იტყობინება: „ქართული თეატრი აღარ საჭიროებს კითხვის ნიშანს, ის უკვე ხერხემალგამაგრებულია. მსახიობებიც ასულნი არიან მოწოდების სიმალღებუე... პიესაში ზოლგავლებულია ორი ნებისყოფა, ცის (იოქანაან) და მიწის (სალომე), ამ ორ ინდივიდზე იშლება მთელი პროცესი. პიესა ტემპით, ფორმით და განსაკუთრებით სტილით ჭეშმარიტად პოეტურია... პიესას კიდევ უფრო ფეერიულს ხდის მთვარესთან კავშირი, რომელიც არის მისტიური საშო ნინაგრძნობის და მენამულობის“. აქვე კრიტიკოსი გამოთქვამს მოსაზრებას, რომ უაილდის „სალომე“ წრედავასული და არაბუნებრივია, რასაც იმით ხსნის, რომ „მის ირგვლივ ღვინით და ისტერიული ვნებით იყო ჰაერი მოხუთული“.

ამავე წერილში დახასიათებულია უაილდის დრამის მთავარი როლების შემსრულებლები. რეცენზიიდან ირკვევა, რომ სალომეს როლი თამარ ჭავჭავაძეს თავისი გარეგნობის, ხმის, ენერჯის წყალობით კარგად შეუსრულებია. თუმცა კრიტიკოსი იქვე შენიშნავს, რომ ცეკვის დროს მეტი „აღვირახსნილი პათოსი“, „ნაკვეთების სიმძაფრე“ იყო საჭირო. წერილის ავტორი მცირეოდენი შენიშვნების მიუხედავად, დაასკვნის, რომ თამარ ჭავჭავაძეს სალომეს როლი შემოქმედებითად გაუცოცხლებია.

იოქანაანის როლი სასცენო ასპარეზზე ახალგაზრდას დასახიბდა — აკაკი ხორავას საუკეთესოდ შეუსრულებია. აკაკი ვასაძეს კი ტეტრარქის როლის სრულყოფილი შესრულებით მაყურებელი მოუხიბლავს. სალომეს დედის — ჰეროდისას — როლი ნინო დავითაშვილს, ცალკეული ხარვეზების მიუხედავად, დამაკმაყოფილებლად შეუსრულებია. გიორგი დავითაშვილს კარგად განუხაზიერებია ახალგაზრდა სირიელის როლი. მიომხიბლველის შეფასებით, მეომრების როლებში უ. ჩხეიძე და კ. მიქაბერიძე გამოჩნეულნი ყოფილან. მიუხედავად იმისა, რომ რეცენზენტის გე-

ბაკურ გვგია

ამერიკული გალია და მოშუშეხული ნატყპიარები

მოვწებებს არ აკმაყოფილებს მსახიობთა ცეკვა, კოსტიუმები და განათება, მთლიანობაში „სალომე“-ს დადებითად აფასებს და სპექტაკლს რეჟისორის ნიჭიერების აშკარა გამოვლენად მიიჩნევს.

სანდრო ახმეტელის მიერ ოსკარ უაილდის „სალომე“-ს ქართული თეატრის სცენაზე დადგმას არაერთგვაროვანი გამოხმაურება მოჰყვა. თუ საზოგადოების ნაწილისათვის, ორიგინალური დრამატურგიის ნაკლებობის გამო, მისაღებია ქართველ რეჟისორთა დანტერესება ნათარგმნი ლიტერატურით, „ექსპრესიონისტული დრამატურგიით“, ზოგისთვის სავსებით მიუღებელია უაილდის „ბურჟუაზიული ესთეტიზმი“, რომელიც „პორნოგრაფიის ისეთი შიშველი ფორმებით აქვს ავტორს მოტანილი, რომ მიუხედავად ყოველგვარი ცდისა, რეჟისორმა ალ. ახმეტელმა ვერ შეძლო ამ ფორმების შერბილება“.

„სალომე“-ს ქართული თეატრის სცენაზე დადგმას რუსულენოვანი გაზეთიც „Заря Востока“ გამოეხმაურა. ინკოგნიტო კრიტიკოსი, რომელიც მოკლედ მიმოიხილავს ქართული თეატრის ისტორიას, ასევე აღნიშნავს „სალომე“-ს მნიშვნელობას მოსკოვის კამერული თეატრის განვითარებაში, მეტისმეტად კრიტიკულადაა განწყობილი ალ. ახმეტელის მიერ რუსთაველის თეატრის სცენაზე დადგმული „სალომე“-სადმი. წერილის ავტორი მიიჩნევს, რომ თუკი უაილდის „მთვარის სიმფონია“-ს წილად ხვდა ქართული თეატრის სცენაზე აჟღერება, მაშინ ის დიდ დარბაზში, დიდ სცენაზე, მაყურებლის გემოვნების გათვალისწინებით უნდა დაედგათ, რაც თავის მხრივ უმთავრესი ფაქტორი იქნებოდა სპექტაკლის წარმატებისა. წერილში ხაზგასმულია ის გარემოება, რომ უაილდის პიესა ყოველთვის რეჟისორთა ყურადღების ცენტრში იყო, მხატვრული შემოქმედების ფართო ასპარეზს წარმოადგენდა. ამდენად, კრიტიკოსი სავსებით ბუნებრივად მიიჩნევს საზოგადოების იმ დიდ ინტერესს, რაც „სალომე“-ს ქართული თეატრის სცენაზე პირველად დადგმამ გამოიწვია. რეცენზენტის მოწონებას იმსახურებს მუსიკა, განათება, დეკორაციები. თამარ ჭავჭავაძემ კი, კრიტიკოსის მოსაზრებით, ახალგაზრდობისა და გამოუცდლობის გამო, ვერ შეძლო სალომეს ტრაგიკული როლის სრულყოფილად განსახიერება. კრიტიკოსმა მოიწონა ჰეროდეს როლის შემსრულებელი აკაკი ვასაძე, თუმცა მიიჩნევს, რომ მას უფრო მეტად უნდა გაესვა ხაზი ჰეროდეს ვენებიან სურვილებზე, მინიერი სიამოვნებით მიღებულ კმაყოფილებაზე. იოქანანის როლის შემსრულებელი აკაკი ხორავა კი თავისი სცენური მონაცემებით, გარეგნობით, ხმის ტემპრით, პლასტიკურობით ყველაზე მეტად მოიწონა.

ამგვარად, XX საუკუნის დასაწყისში, ინგლისელი მწერლის ოსკარ უაილდის ლიტერატურულმა მემკვიდრეობამ ასახვა ჰპოვა ქართულ ლიტერატურასა და თეატრში. მან გარკვეული გავლენა იქონია ქართველი მწერლების, განსაკუთრებით, „ცისფერყანწელები“-ს ესთეტიკურ პრინციპთა ჩამოყალიბებასა და მხატვრულ პრაქტიკაზე. ასევე, უაილდის „სალომე“-მ სხვა უცხოელი მწერლების პიესებთან ერთად მნიშვნელოვნად გაამდიდრა ქართული თეატრის რეპერტუარი, დანერგა თეატრალური ხელოვნების ევროპული სტილი. როგორც ირკვევა, ოსკარ უაილდმა XX საუკუნის დასაწყისში, გარკვეულწილად, ხელი შეუწყო ქართული ლიტერატურისა და თეატრის განახლების პროცესებს.

ამ წელს სევას დედა გარდაეცვალა. ახლობლის დაკარგვას პატიმარი მძიმედ განიცდის. აქ არის ყველაფერი: სინდისის ქენჯნაც, დარდი დანაკლისის გამო, დაკრძალვაზე ვერდასწრებით გამოწვეული უნუგეშო მწუხარება, ანუ ღრმა დეპრესიის ყველა ნიშანი. მეგობრები ვცდილობდით ნუგეში გვეცა, მაგრამ ეს ვერ ამსუბუქებდა მის მდგომარეობას. ზედამხედველებმაც კი შეარბილეს მასთან საუბრის ტონი, მაგრამ არაფერმა არ გაჭრა. დეპრესიასთან ბრძოლა ცალკე თემაა და ადამიანის ფსიქიკა თვითონ ანესრიგებს ამ პროცესს. ერთი ჩემი უახლოესი გარდაცვლილი მეგობრის დედამ, მასზე გულგადაკულმდა, დანანებით მითხრა, გახსოვდეს, ვინც კვდება, თავის თავს უკვდება. მთელი დღეები იმას ვიხსენებ, როდის რა მანყენინაო. ასეა, სიცოცხლის ინსტინქტი დიდი გაიძვერა ვინმეა და როცა სჭირდება, ყველაფერს გვაგვიწყებს.

ზონაზე ერთ ფაშისტს დაფუხლოვდი, ჯიმი ედკინს. სასჯელს იხდიდა 1977 წელს ზანგების გეტოს უსასტიკესი დარბევის მეთაურობისათვის. 78-ში მის კვალს მიაკვლიეს, მაგრამ გაიქცა და ორი წელი იმალებოდა. ბოლოს მაინც მიაგნეს, გაასამართლეს და 50 წელი მიუსაჯეს. მე რომ გავიცანი, უკვე 33 წელი ჰქონდა მოხეული. ჩემსავით უყვარდა ისტორია და გეოგრაფია. ერთად განვიხილავდით მნიშვნელოვან ისტორიულ და გეოგრაფიულ ფაქტებს. განვიხილეთ სპარტაკის აჯანყების პერიპეტეიები, ჰანიბალის თავდასხვა რომზე, ვესტგოთების ისტორია, ინკვიზიციის ქმედებანი. ყველაზე დიდი ადგილი, ბუნებრივია, მეორე მსოფლიო ომის დრამებს ეჭირა. ვუთარგმნე ნაწყვეტები სუფოროვის ნიგნიდან „ლედოკოლი“. ერთად განვიხილეთ ევროპაზე თავდასხმის სტალინისეული ვერაგული გეგმა. ეს მისთვის აღმოჩენა იყო. ძალიან მაღლიერი დამრჩა.

ჩემი და ჯიმის დიდ ინტერესებს ინვევდა მსოფლიოს გეოგრაფიული მონყობის საკითხებიც. რა თქმა უნდა, მინების მიტაცება მსოფლიო ისტორიის ძირითადი მამოძრავებელია, მაგრამ ისიც ხომ უნდა გავითვალისწინოთ, ამ მინების დაკანონება როგორ ხდებოდა. ორივენი შევთანხმდით, რომ მინების გამო დავა მეფეების პრესტიჟის საქმე უფრო იყო, ვიდრე რეალური სარგებელი.

ამავე წელს ჯიმი გაათავისუფლეს და მე დაკარგე ძალიან საინტერესო მოსაუბრე. ციხეში შექენა და დაკარგვა – გვერდივერდ არიან. თუმცა რა, ციხის გარეთაც ხომ იგივე ხდება. გასვლის წინ ჯიმმა დარდი გამიზიარა. კოლუმბუსი ისეა შეცვლილი, იქ რა უნდა ვაკეთო, წარმოადგენა არა მაქვსო. ასეთი ხანგრძლივი ვადის მოხდის შემდეგ, პატიმარი ციხეს ერვევა და ჩვეულგვრივ საზოგადოებასთან სრული გაუცხოება უყალიბდება. ახალ, თავისუფალ სამყაროში გადანაცვლების შიში ვრცელდება ისეთ პატიმრებზეც კი, რომელთა გულადობაში ეჭვი არავის არასოდეს შეპარვია. სწორი თქვა კრისმა „ბრწყინვალე შვიდეულში“, ჭეშმარიტი გმირები ცხოვრებასთან შეჭიდებულნი არიან და არა ისინი, ვისაც ყველაფერზე ხელი აქვს აღებული და ყველა ცხოვრებისეულ მოვალეობას გაურბის. 33 კი არა, არასრული 12 წელი ვიჯექი და როცა გავთავისუფლდი, მეც კი გამიჭირდა ახალ რეალობასთან შეგუება.

2004-ში თავს დაგვატყდა ახალი უბედურება, ზონაზე ტუბერკულოზის ეპიდემია წარმოიშვა. როგორც ცნობილია, ინფექციური დაავადებები ასეთ ადგილებში ელვისებურად ვრცელდება. ერთი რომ ცხვირს დააცემინებს, მეორე დღეს მთელი ზონა ცხვირის ცემინებაშია. ციხის ადმინისტრაციამ სასწრაფო ზომებს მიმართა,

* დასასრული. იხ. „ჩვენი მხარე“ №17,18,19

გაგვიკეთეს აცრები, დაგვირიგეს ინსტრუქციები. უნდა ითქვას, რომ ჩემზე ეს ეპიდემიები არ ვრცელდებოდა იმ მარტივი მიზეზის გამო, რომ ახლოს არ ვიკარებდი არც ალკოჰოლს, არც თამბაქოს და არც ნარკოტიკს. ბევრს ვვარჯიშობდი და სხეული გაკაჟებული მქონდა.

ზონაზე ადგილი ჰქონდა დეზინფორმაციებსაც. ამავე წელს იყო ასეთი შემთხვევა: იტალიური დაჯგუფების წევრი, სწორედ ის, ვინაც საშხაპეში ზანგი კინალამ მიასიკვდილა, დაიბარეს და უთხრეს, მოკვლას გიპირებენ და ხელი მოაწერე უსაფრთხოების მიზნით კარცერში შენს გადაყვანასო. იტალიელმა, ცხადია, უარი უთხრა. შიშის ასეთი გამხელა ზონაზე ლაჩრობად ითვლება. მაგრამ დაძაბულობამ ამით კი არ იკლო, პირიქით, იმატა. იტალიელებმა შეადგინეს დელეგაცია და დაიწყეს ზანგებთან მოლაპარაკება. იმ ფაქტიდან ერთ წელზე მეტია გასული და ასეთი დაგვიანებული ვენდეტა რას უნდა ნიშნავდესო. ზანგებმა იუარეს, ასეთი ჩანაფიქრი არავის აქვსო. მიუხედავად ამისა, მიღებულ იქნა სიფრთხილის ყველა ზომა. როცა მას შემდეგ თვეზე მეტი გავიდა, ყველას გადაავიწყდა ეს სამიშროება, მაგრამ კვლავაც გაურკვეველი დარჩა მისი წარმოშობის მიზეზები. ხშირად ისეც ხდებოდა, რომ ზედამხედველებთან შეკრული პატიმრები, თავიანთი საქმიანობის მტკიცების მიზნით, თხზავდნენ ასეთ სიმართლესთან მიახლოებულ სიცრუეს. ჭორისა არ იყოს, შეუძლებელი იყო მათი სიმართლისგან გარჩევა. ასე რომ, ჭორები მარტო თავისუფალი საზოგადოების ფუფუნება როდია...



მხატვარი აივანგო ჭელიძე

პატიმრები ხშირად ერთი შეხედვით უცნაურ საქციელსაც სჩადიან. ერთმა ირლანდიელმა, სახელად დენიმ, რომელიც სასჯელს იხდიდა შეიარაღებული ძარცვის გამო, ჯვარიც კი დაიწერა ერთ გოგოზე, რომელიც სკოლის ასაკიდან უყვარდა. არადა, 16 წელი ჰქონდა მისჯილი და აქედან სულ რაღაც ოთხი წელი ჰქონდა მოხდილი. ძალიან უყვარდათ ერთმანეთი. ეს გოგო კვირაში ერთხელ აკითხავდა და მთელ დღეს ერთად ატარებდნენ. ოღონდ ესაა, ინტიმური კავშირი აკრძალული ჰქონდათ, რასაც ყველანი საშინლად განვიციდით და ქვეყნად არსებულ ყველაზე დიდ უსამართლობად მივიჩნევით.

ზონაზე სხვა სიახლეც მოხდა, აქ სამუშაოდ მოვიდა რუსი მღვდელი ალექსანდრე კოსტენკო. ბაბუა რევოლუციის დროს გაქცეულა საფრანგეთში, მამა ბრაზილიელი მისიონერი გამხდარა, საიდანაც მერე ამერიკაში გადმოსულა საცხოვრებლად. ალექსანდრეც მამის კვალს გაჰყოლია და უფრო მისიონერი იყო, ვიდრე მღვდელმსახური. სიამოვნებით ვესაუბრებოდით რელიგიურ საკითხებზე. ყურადღებით გვისმენდა და საპასუხო არგუმენტებსაც დინჯად გვიზიარებდა. ოღონდ ეს იყო, რაიმე მკრეხელურს რომ გაიგონებდა, პირჯვარს იწერდა და ასეთი საუბრებისთვის ღმერთს პატივებს სთხოვდა.

ამ წელს მეხუთედ აღვნიშნე ჩემი და სტალინის დაბადების დღე. ძველ შემადგენლობას ჩემი ხათრით დაემატნენ უკრაინელებიც. მოვიდა ჯიმი ედკინსი, რომელსაც განთავისუფლებამდე 5 დღე რჩებოდა. ქართულად გაეუმასპინძლდი. სუფრას არაფერი აკლდა, ხორცეული, თევზეული, კარტოფილის კერძები. ალკოჰოლზე უარი ვთქვით. სამაგიეროდ მრავლად იყო წვენები და გაზიანი სასმელები.

სულ რამდენიმე დღეში ციხეში შემოაბიჯა 2005-მა წელმა. ძველებური სისარულით შევხვდით. ახალი წელი ხომ ერთა-

დერთი დღესასწაულია, რომელსაც არ აინტერესებს რასა, ეთნიკური კუთვნილება და რელიგიური მრწამსი.

ამ წელს ზონაზე არსებითი ცვლილებები მოხდა. გაიზარდა სეირნობის დრო, აშენდა ახალი შენობა, რომელიც დაექვემდებარა ფსიქიატრიულ დეპარტამენტს. დაგვირიგეს განსხვავებული ფეხსაცმელები, შარვლები, პერანგები. თასმიანი ფეხსაცმლის ნაცვლად — ელვიანი, ქამრიანის ნაცვლად — რეზინიანი შარვლები, ლილვების ნაცვლად — ულილო პერანგები. ასეთ ცვლილებას ერთადერთი ახსნა დავუძებნეთ — მასალების ეკონომია.

დაგვინიშნეს ახალი ციხის უფროსი. მისი მოსვლით ვითარება ოდნავ გაუმჯობესდა. თუკი წინათ ნისლის ჩამონროლისთანავე საკენებში გვეკეტავდნენ, ახალმოსულმა ეს შეზღუდვა გააუქმა. გაუზღობესდა კინოფილმების ხარისხი, სასადილოში გაიზარდა კვების ასორტიმენტი. მაღაზიაშიც გაიზარდა პროდუქტების რაოდენობა და არჩევანის საშუალება. ის ზედამხედველები, რომლებსაც უჭირდათ პატიმრებთან საერთო ენის გამონახვა, გადაიყვანეს ისეთ სამსახურში, სადაც არ ჰქონდათ პატიმრებთან პირდაპირი შეხება.

2005-ში ოჰაიოს შტატში კიდევ ერთი ციხე დაიხურა. ეს იმის ნიშანი იყო, რომ შტატის ფინანსური მდგომარეობა კიდევ უფრო უარესდებოდა. ამ წელს ოჰაიოს ზონებზე 16 თვითმკვლელობა მოხდა. ამათგან ჩვენ ზონაზე — 3. იმ სამიდან ორს ვიცნობდი. ერთი მათგანი სასჯელს იხდიდა 13 წლის გოგონასთან სექსუალური კავშირის დამყარების გამო. მე რომ გავიცანი, 30 წლის იყო და უკვე მესამედ იხდიდა სასჯელს სექსუალური ურთიერთობისთვის. თავი მოიკლა საძილე არტერიის გადასერვით.

მეორე შეიარაღებული ძარცვის გამო იხდიდა სასჯელს. მერე გაირკვა, რომ თვითმკვლელობა უცდია ჯერ კიდევ 12 წლის ასაკში. კამერის გისოსებს თოკი გამოაბა და თავი ისე ჩამოიხრჩო.

მესამე გეი იყო და არასოდეს გამოვლანაპარაკებია. დადიოდა ხმედი, რომ ბოიფრენდმა აწყენინა და ეს გახდა თვითმკვლელობის მიზეზი. მანაც თავის ჩამოხრჩობით დაასრულა სიცოცხლე.

ზონაზე ერთი თვითმკვლელობაც კი სკანდალად ითვლებოდა, სამი კი უკვე მეტისმეტი იყო. რაც შეეხება ჯამში 16 თვითმკვლელობას, ასეთი რამ არ ახსოვდა ოჰაიოს ციხეებს ალბათ მთელი თავისი არსებობის მანძილზე.

ადმინისტრაციები შეფუცხუნდნენ. ფართოდ გაშალეს ფსიქოლოგიური სამსახურის საქმიანობა, აღრიცხვაზე აიყვანეს ყველა, ვინაც მსგავსი მიდრეკილება ადრეც გამოამჟღავნა. ნიუ-იორკ ტაიმსში დაიბეჭდა ვრცელი სტატია სუიციდის მიზეზების შესახებ. ძირითად მიზეზად სახელდებოდა ცხოვრებისგან დაღლა, რასაც ყველანი დავეთანხმეთ. თვითმკვლელობის მიზეზად სახელდებოდა ცხოვრებისეული სტიმულების დაკარგვაც, პერსპექტივის უქონლობის განცდა, ხანგრძლივი, სულიერად მომქანცველი დეპრესია. მთლიანად უარყოფილი იყო ვერსია, რომ ვითომცდა თვითმკვლელობას სჩადიან ყურადღების მიქცევის მიზნით. ასეთი შემთხვევების რიცხვი, ამ სტატისის მიხედვით, 0,1% არ აღემატებოდა. აქვე აღნიშნული იყო, რომ ქალებს მამაკაცებთან შედარებით ოთხჯერ უფრო ხშირად აქვთ თვითმკვლელობის მცდელობა, მაგ-

რამ მცდელობის აღსრულების თვალსაზრისით, მამაკაცები ორჯერ უსწრებდნენ ქალებს.

ეს საკითხები განვიხილეთ და ჩვენი მოსაზრებები გამოვთქვით. მეც გამოვთქვი ჩემი აზრი, რომლის მიხედვით თვითმკვლელობა ხშირად მოსდევს ცხოვრების წესის რადიკალურ შეცვლას. გავიხსენე მაგალითი მამარჯიშის კრიმინალური რომანიდან „მსაჯული“, სადაც საუბარია თვითმკვლელობის საშუალებებზე, რომ ისინი დამოკიდებულია ადამიანის საქმიანობაზე. რომ ძალოვანი იარაღით იკლავენ თავს, ქალები სანამლავეთ, ფსიქიკური პრობლემების მქონენი – სიმალიდან ხტებიან, შეყვარებულები წყალში დახრჩობას ამჯობინებენ. ყველანი დამეთანხმნენ.

ამასთან დაკავშირებით გამოითქვა გაკვირვებაც, რომ შექსპირთან რომეო სანამლავეს სვამს, ხოლო ჯულიეტა დანით იკლავს თავს.

სამამ ხარაკირის ტრადიცია გაიხსენა. იაპონელი სამურაეები იაპონურ ხანჯალს მუცლის ქვემოთ ირტყამენ, მერე ზემოთ აატარებენ და მერე მარცხნივ გადააქვთ. საშინელი ტანჯვით იღუპებიან. საინტერესო ის არის, რომ ამ სახით თავის მოკვლის უფლება მხოლოდ მათ ჰქონდათ.

გავიხსენეთ ჰიტლერის და მისი გარემოცვის თვითმკვლელობის ამბავიც. განსაკუთრებით შევიბრალებ გებელს, რომელმაც თვითმკვლელობამდე ჯერ ცოლი, მერე კი რვა შვილი გამოასალმებინა სიცოცხლეს. საბოლოო დასკვნა მაინც ასეთი იყო – თავს იკლავენ სიცოცხლეზე ბრანზორეული, ხელმოცარული ადამიანები, და რომ თვითმკვლელობა დეზერტირობის ერთ-ერთი ფორმაა თავად.

წამოიჭრა ადამიანური ღირსების საკითხიც. ამის მაგალითად დასახელდა გერინგის თვითმკვლელობა. როცა სიკვდილი მიუსაჯეს ჩამოხრჩობის გზით, სასამართლოს სთხოვა, ნუ ჩამოხრჩობთ, დამხვრიტეთო, როგორც ეს სამხედროს ეკადრებაო. ამაზე უარი უთხრეს. ცოლს გმირობად ჩაუთვალეთ კალიუმციანიდის კოცნის გზით გერინგისთვის გადაცემა. ყველანი შევთანხმდით, რომ ღირსება თვით სიცოცხლეზეც მაღლა დგას.

2005 წელს ციხეში ყოფნის 5 წელი შემისრულდა. არსებობს მორალური აზრი, რომ ყველაზე მძიმე ტყვეობის ხუთი წელია. შემძლია ორი ხელის აწევით დავადასტურო ეს მოსაზრება. ამ დროის გასვლის შემდეგ დღე შეუდარებლად უფრო შემოკლდა. სიმხნევე იმატა. ურთიერთობები სტაბილური გახდა. სამშობლოს მიმართ ნოსტალგიამაც იკლო, თავისუფლების ინსტიქტიც მოჩლუნგდა. და რაც მთავარია, მყარად დამიბრუნდა იუმორის გრძობა, რაც დეპრესიიდან განთავისუფლების უპირველესი ნიშანია. წიგნსაც მივუბრუნდი და ჭადრაკსაც, ანუ საკუთარ ფიქრებთან დარჩენა ტკივილს აღარ მგვირდა.

ზონაზე ახალი პატიმარი შემოგვიერთდა, რიჩარდ ვესლი. დაპატიმრებული იყო იარაღით ვაჭრობისათვის. უბრალო ბარიგა კი არა, საერთაშორისო დონის მიმწოდებელი ყოფილა და არცთუ იშვიათად რამდენიმე მილიონიან გარიგებებს აწარმოებდა. ხმებს თუ დავუჯერებთ, ამბობდნენ, რომ პოლიციამ მისი მოხელეობა ვერ შეძლო და ჩხრეკის დროს იარაღი ჩაუდგო. აქ საკვირველი არაფერია, ასეთი დონის მოვაჭრეობა ნივთმტკიცების მოპოვება თითქმის შეუძლებელია, თუკი ახლობელმა ან სულაც მენყვილემ არ დააბეზლა და პოლიციას არ მიუთითა, ეს კრიმინალი სად ინახავს იარაღს. მისჯილი ჰქონდა 16 წელი. სიმდიდრითაც გამოირჩეოდა. ორი სახლი ოჰაიოში, ბინა ნიუ-იორკში, პლიაჟის სახლი ბაჰამის კუნძულებზე. საკუთარი თვითმფრინავი, რითაც გადაჰქონდა იარაღი. მთელი ამ ქონების კონფისკაცია დაუპირეს, მაგრამ რაკი იარაღით ვაჭრობა ვერ დაუმტკიცეს, მის ქონებას თითქმის ვერ დააკარეს.

რიჩარდი სპორტდარბაზში გავიცანი. ჩემსავით უყვარდა ვარჯიში. მასთან საუბარი ერთ რამედ ღირდა. ბავშვობიდან მიყვარდა იარაღი და მას შეეძლო უამრავ ჩემთვის საინტერესო

შეკითხვაზე გაცეცხა პასუხი. ასეთი საკითხები იყო იარაღის ფაქტები საერთაშორისო ბაზრებზე, სად რომელი იარაღით არიან დაინტერესებული. აშკარა იყო, ასეთი მსხვილი მოვაჭრე ვერაფრით ვერ დარჩებოდა სპეცსამსახურების ყურადღების მიღმა. პოლიტიკური კონიუნქტურიდან გამომდინარე, მთავრობა თვალს ხუჭავს ხოლმე მსგავს ქმედებაზე. მაგრამ საკმარისია მისი ქმედება მათ ინტერესებს დაუპირისპირდეს, იარაღით მოვაჭრეს ციხე არ ასცდება. ვფიქრობ, რიჩარდი სწორედ ასეთი დაპირისპირების გამო მოიშორეს თავიდან. რიჩარდს, ანუ რიკს, როგორც შემოკლებით ვეძახდით, ძალიან გაუკვირდა როცა ვუთხარი, სტალინი გასაოცარი სნაიპერი იყო და ტყვიას ტყვიაში აჯენდა-მეთქი. ისიც ვუამბე, სტალინმა როგორ აჯობა სროლაში შულენბურგს, გერმანიის ელჩს საბჭოთა კავშირში, რომელიც ისროდა ვალტერით პი 38, სტალინი კი ნაგანით. ესეც ძალიან გაუკვირდა. საათობით შეგვეძლო გველაპარაკა ამა თუ იმ იარაღზე, მათ ღირსებებზე და ნაკლოვანებებზე, მათ ბალისტიკურ მონაცემებზე. ორთავეს საუკეთესო იარაღად კალაშნიკოვის ავტომატი მიგვანდა. თემცა ამასთანავე ორივე ვიზიარებდით იმ აზრს, რომ კალაშნიკოვის რაოდენობის ზრდას შესაძლო იყო მისი ხარისხის დაკნინება გამოენვია, როგორც ეს დაემართა იაპონურ ხმლებს.

ახლოვდებოდა 20 აპრილი, ჰიტლერის დაბადების დღე. ჩვენს დაჯგუფებაში დაძაბულობამ იმატა. დასავლეთ უკრაინელები კვლავ დაუპირისპირდნენ რუსებსა და ებრაელებს. ნეიტრალეები კვლავ ჩავერიეთ მათ ურთიერთობაში. ცოტა ისტორიული ფაქტების ახსნა-განმარტება, ცოტა იუმორი და ორივე მხარე, როგორც იქნა, დაეაშოშინეთ. ამ თარიღის გასვლის შემდეგაც უბღვერდნენ ერთმანეთს, თუმცა დრომ თავისი ქნა და ცოტა ხანში ყველაფერი დაივიწყეს. და ჩვენი დაჯგუფების მონოლითი კვლავ აღდგა.

ჩვენს ზონაზე ძალიან გახშირდა გაძლიერებული რეჟიმის კოლონიიდან პატიმრების ჩვენთან გადმოყვანა. როგორც ჩანდა, ეს იმით აიხსნებოდა, რომ ციხის ადმინისტრაციებს სულ უფრო უჭირდათ პატიმრების მართვა. ამას ემატებოდა ციხეების მეტისმეტი გადატვირთულობა, რის გამოც ციხის ადმინისტრაცია საკმარისად ვეღარ აკონტროლებდა შიდა პროცესებს.

ოჰაიოს კანონმდებლობის მიხედვით, შვიდ პატიმარზე ერთი ზედამხედველია გამოყოფილი. მაგრამ როცა პატიმრების რაოდენობა მეტისმეტად იზრდება, ეს პროპორცია ირღვევა და პატიმრების გაკონტროლება შეუძლებელი ხდება. ისინიც სარგებლობენ ასეთი თავისუფლებით და სწადიან იმას, რასაც ჩვეულებრივ სიტუაციაში არ, ან ვერ ჩაიდენდნენ. სავარაუდოა, რომ სწორედ ამ პრობლემის მოსაგვარებლად ოჰაიოს გუბერნატორს წარუდგინეს კანონპროექტი, რომლის მიხედვით პატიმრებს კარგი ყოფაცხვისთვის ეძლეოდათ კრედიტები, რაც მათთვის მისჯილ პატიმრობის ვადას საგრძნობლად ამოკლებდა. მართალია, კრედიტი თვეში მაქსიმუმ თორმეტ დღეს გულისხმობდა, მაგრამ ესეც საგრძნობი შეღავათი იყო და კარგად მოქცევის სტიმულს წარმოშობდა. მეორეს მხრივ, ასეთი კრედიტის გაცემა არ იყო სავალდებულო და მხოლოდ ოჰაიოს შტატის პატიმართა საქმეების სპეცკომიტეტის კეთილ ნებაზე იყო დამოკიდებული, რაც ასევე საგრძნობლად ასუსტებდა კანონის მიმდევლობას.

დიდხანს ვიდავით იმაზე, დამატკიცებდნენ თუ არა ამ კანონპროექტს. ოჰაიოს შტატი განათქმუნდა იყო თავისი სიმკაცრით. მაგრამ ბევრი ჩვენგანის ვარაუდის საწინააღმდეგოდ, გუბერნატორმა სამი თვის შემდეგ დაამტკიცა ეს კანონი, რასაც საყოველთაო სიხარული მოჰყვა. ყველას მოუწინა რაღაც დადებით აქტივობაში მონაწილეობის მიღება, რაც ზრდიდა ვადაზე აღდგ განთავისუფლების შანსს.

ზონაზე იყო უამრავი სასწავლო პროგრამები, საზოგადოებრივ-პოლიტიკური სასწავლო კლასები. ციხეში ექვსი წელი ისე გავატარე, ამ კლასების მხარეს არც კი გამიხედია, მაგრამ

კრედიტების შემოღების შემდეგ, იცოცხლე, მაგრად დაფეხ-
ცურდი. და მე, რალა თქმა უნდა, სულაც არ ვიყავი გამონაკ-
ლისი. ჯერ იყო და სადურგლო კურსებზე ჩავეწერე. მართა-
ლია ამ წელს გრძელი რიგის გამო ჩემი განეწიანება საექვო
იყო, მაგრამ მომდევნო წელს კი იქ სწავლა გარანტირებული
მქონდა. ამას გარდა, ჩავეწერე როგორც ისტორიის, ისე ჭად-
რაკის კლუბში. აქ მსურველები საგრძობლად ნაკლებნი ვი-
ყავით და რაიმე დაბრკოლება არ შემხვედრია.

ისტორიის კლუბში ჩემი მისვლა დაემთხვა საუბრებს ამე-
რიკის სამოქალაქო ომის შესახებ. განიხილვოდა საკითხი,
ჰქონდა თუ არა სამხრეთს შანსი, გაემარჯვა ამ ომში. მე გა-
მოვთქვი მოსაზრება, რომ იმის გათვალისწინებით, რომ სამხ-
რეთი აგრარული იყო, ხოლო ჩრდილოეთი — მწარმოებლური,
ჩრდილოეთს შეეძლო იარაღის საკუთარი ძალებით დამზადე-
ბა, მაშინ როცა სამხრეთი იძულებული იყო იარაღი შეესყიდა.
ამას გარდა, ჩრდილოეთი რკინიგზის მეშვეობით ადვილად ახ-
დენდა ძალების კონცენტრაციას და იარაღის და ცოცხალი
ძალის სწრაფ გადაადგილებას. თუკი სამხრეთი შეძლებდა
რკინიგზის პარალიზებას, სასწორი უეჭველად სამხრეთისკენ
გადაიხრებოდა. მაგალითისთვის მოვიყვანე რუსეთ-გერმანი-
ის ომი. 1943 წელს კურსკთან ბრძოლის დაწყების წინ, სტა-
ლინმა ბრძანება გასცა მწყობრიდან გამოეყვანათ კურსკის
შემოგარენში არსებული რკინიგზის ყველა ობიექტი, რაც
ხელს შეუშლიდა გერმანელებს სწრაფ გადაადგილებაში. ბევ-
რნი დამეთანხმნენ, ზოგის აზრით კი სამხრეთელებისთვის ეს
საკმარისი ვერ იქნებოდა იმიტომ, რომ ჩრდილოელებს შეიარ-
აღებაში გადაამწყვეტი უპირატესობა ჰქონდათ. გამოითქვა
ის მოსაზრებაც, რომ ეს სუთნლიანი ომი ასეთი დიდი მსხვერ-
პლით სრულიად ზედმეტი იყო, რამეთუ სამხრეთში მონობის
ინსტიტუტი, ადრე თუ გვიან, მაინც გაუქმდებოდა.

კლუბში ვიკრიბებოდით თვეში სამჯერ და განვიხილავ-
დით ისტორიის სხვადასხვა საკამათო საკითხებს. განვიხი-
ლეთ ინგლისში თეთრი და ნიეთელი ვარდების, ანუ იორკების
და ლანკასტერების ომის საკითხები, ჟანა დარკის პიროვნება
და ინგლის-საფრანგეთის ომი, ვილჰელმ დამპყრობლის ლაშ-
ქრობები, იულიუს კეისრის მოღვაწეობა, სპარტაკის აჯანყე-
ბა, ამერიკის მონანლიეობა მეორე მსოფლიო ომში, მარათო-
ნის ბრძოლა, ბიზანტიის დაცემა და სხვა ამდაგვარი.

რალა ბევრი გავაგრძელო, რეფორმამ პატიმართა არნა-
ხული გააქტიურება გამოიწვია.

ამ წელს ფიზიკური დაპირისპირება მომივიდა ფაშისტუ-
რი დაჯგუფების ერთ-ერთ წევრთან, სახელად დენისთან. ნა-
სამართლევი იყო ადამიანის გატაცებაზე. ყველაფერი კამა-
თით ვანიწყო იმასთან დაკავშირებით, ვის ეკუთვნოდა შტან-
გაზე ვარჯიშის რიგი. შეკამათება გართულდა და შევეთანხმ-
დით, რომ ჩხუბით გავგვრკევია ურთიერთობა. ზონაზე იყო ად-
გილები, სადაც შესაძლებელი იყო განმარტოება. ასეთი ადგი-
ლები იყო კლუბებში, სასადილოს მიმდებარე ტერიტორიაზე.
მთავარი იყო სურვილი, ადგილი ყოველთვის გამოინახებოდა.

იმავე დღეს მოგვიანებით შევხვდით დანიშნულ ადგილას
და ჩხუბიც გაჩაღდა. თავიდანვე უპირატესობა მოვიპოვე და
რამდენიმე მძიმე დარტყმა მივაყენე. უნდა აღვნიშნო, რომ
წონითაც მეტი ვიყავი და სიმაღლითაც. ტექნიკითაც აშკარად
ვჯანბნიდი. ეტყობა ეს ნაწინასწარმეტყველები ჰქონდა და ამი-
ტომ შეიარაღებული მოსულა. მოულოდნელად სადგისი დაძა-
რო და კისერში ჩარტყმა დამიპირა. ხელი დავუჭირე, მაგრამ
ჩემი ზურგის გაკანრვა მაინც შეძლო. ერთმანეთს ჩაბლაუჭე-
ბული ვიყავით, როცა თბილისური თავური ვატაკე. ეტყობა
დარტყმა მეტისმეტად ძლიერი გამომივიდა, რადგან ცხვირი-
დან სისხლი წასკდა, ჩაიკეცა და ხელიდან სადგისიც გაუვარ-
და. დავიხარე და სადგისი ავიღე. ნაქცევულს გავხედე. ისეთი
საბრალო შესახედავი იყო, რომ შურისძიების სურვილი გამიქ-
რა. ჭკუის სასწავლებლად ერთი მსუბუქი ნიხლიც ვუთავაზე
და ჩხუბიც ამით დამთავრდა.

ზონაზე ეს ამბავი მალე გავრცელდა. ჩემი დაჯგუფების
წევრები ლელავდნენ. ჩვეულებრივ ჩხუბში სადგისის მოშვე-
ლიება რა კაცობააო. გართულების თავიდან ასაცილებლად,
ყველანი დავაშოშმინე, დავარწმუნე, რომ ამ სისულელის გამო
არ ღირდა რაიმე დაპირისპირება. დენიც შემოვირიგე და ამით
დამთავრდა ყველაფერი.

ამავე ხანებში ზონაზე პიცების და საბსენდვიჩების გა-
ყიდვა დაიწყო. ეს ჩვენთვის სასიხარულო სიახლე იყო. ერ-
თად ვიკრიბებოდით, საჭმელს ვათობლავებდით და თან საინ-
ტერესო თემებზე ვბაასობდით.

ზონაზე იყო ძალების სანვრთნელი პროგრამაც. ჩვენი
დაჯგუფების ზოგიერთი წევრი ჩაერთო ამ პროგრამაშიც. ერ-
თი სიტყვით, ამ წელს ზონა მთლიანად შეიცვალა და როგორც
სტალინი იტყოდა, ცხოვრება უფრო მხიარული გახდა.

არ ვიცი რა მიზეზით, პატიმრებს შორის საგრძობლად
იმატა ნარკომანთა რიცხვმა. ლოთობა და ნარკომანია ეპიდე-
მისავით არის, ერთი დაიწყებს და თუ არავინ შეაჩერა, სხვებ-
საც გადასდებს. ხშირად ეს დაკავშირებულია ზონაზე ნარკო-
ტიკების დიდი პარტიის შემოტანასთან.

ზედამხედველებს შორისაც მრავლად იყვნენ ნარკომანე-
ბი. ერთ-ერთი მათგანი ზედმეტი დოზის მიღებისგან გარდა-
იცვალა კიდეც. გამოცდილები ვინც იყვნენ, ამტიკიცებდნენ,
რომ ზონაზე ნარკოტიკის შოვნა უფრო ადვილია, ვიდრე გა-
რეთო. არ არის გამორიცხული, რომ ნარკომან ზედამხედვე-
ლებსაც აქ უფრო უადვილდებოდათ ნარკოტიკების შოვნა.
ფაქტი ისაა, რომ ნარკომანისთან ბრძოლა ამერიკაში აშკარა
ფიასკოს განიცდის და ხელისუფალნი ამოოდ ცდილობენ რაიმე
მოუხერხონ ამ პრობლემას.

სევას ტელეფონით შეატყობინეს მამის გარდაცვალების
შესახებ. მოძღვარმა უშუამდგომლა და სევას მამის დაკრძალ-
ვაზე დასწრების ნება დართეს. ვისაც ციხე გამოუცვლია, მხო-
ლოდ იმან იცის რამდენიმე ყლუში თავისუფლების ფასი. სევა
სასჯელის უკვე მეათე წელს ითვლიდა. თავისუფლება თითქ-
მის მივიწყებული ჰქონდა. და აი, შეახსენეს. და თუმცა მღელ-
ვარებას საგულდაგულოდ მალავდა, მაგრამ აჩქარებაში მა-
ინც ეტყობოდა, როგორ ენატრებოდა ეს ერთი ყლუში თავი-
სუფლება. ასეთ დროს იმაზე ნაკლებად ფიქრობ, რაოდენ მძი-
მე იქნება უკან დაბრუნება. მართლაც, უკან დაბრუნებული
სევა დეპრესიამ მოიცვა. ყველანი საგულდაგულოდ ვცდი-
ლობდით ამ მდგომარეობიდან მის გამოყვანას.

სპორტდარბაზში ახალი დანადგარები დააყენეს, რამაც ძა-
ლიან გაახალისა ჩვენი განწყობილება. იყო სხვა სიახლეც. თუ-
კი წინათ ისეთ ფილმებს გვიჩვენებდნენ, სადაც ეროტიკა თით-
ქმის არ ფიგურირებდა, ახლა ასეთი ფილმებიც შემოიტანეს.

საჭადრაკო კლუბსაც ხშირად ვსტუმრობდი. უნდა ვაღიარ-
ო, რომ ჭადრაკს მაინცდამაინც ვაღს ვერ ვუდებდი, მაგრამ
კრედიტების ხათრით ხან ტალს ვაძავედი, ხან კი — ფიშერს.

მოახლოვდა მარტინ ლუთერ კინგის რალაც მრგვალი თა-
რილი. ამერიკაში და ბუნებრივია, ზონაზეც ეს დღე დღესასწა-
ულად გამოცხადდა. ყველას გაგვიხარდა, რადგან ამ დღეს
უამრავი შეღავათები გვეძლეოდა. კინგი ერთ-ერთი პირველი
პაციფისტი და გლობალისტი იყო. რა უნდა გვექონოდა მისი
საწინააღმდეგო. მაგრამ ასე არ ფიქრობდნენ ფაშისტების
დაჯგუფების წევრები და პროტესტის ნიშნად დღესასწაულს
ბოიკოტი გამოუცხადეს. ჩვენიც გადასაკვირად, მათ პროტესტს
შეუერთდნენ სამყაროს შავი მბრძანებლების ფერადკანიანი
წარმომადგენლებიც. როგორც გაირკვა, ზანგების მხრიდან
კინგის ასეთი უარყოფა გამოწვეული ყოფილა იმით, რომ კინ-
გი ფერადკანიანებისა და თეთრკანიანების თანასწორობას
ითხოვდა და სხვას არაფერს. ასეთი თანასწორობა არ აწყობ-
დათ არც თეთრკანიან და არც შავკანიან ექსტრემისტებს. ყო-
ველგვარი დაპირისპირების მოწმე ვყოფილვარ, რელიგიუ-
რის, ნაციონალურის, ტერიტორიულის, ეკონომიკურის. მე-
ტოქეობა ხომ ჩვენი ერთადერთი გასართობია, თუ არ ჩავთვ-

ლით გამაბრუებელ საშუალებებს. საქართველოში წინათ ესეც მტოქეობის საგანი იყო. სუფრაზე ერთმანეთს ეჯიბრებოდნენ იმაში, ვინ მეტს დაღვებდა და არ დათვრებოდა. მტოქეობა როგორ უნდა გაიკვირო. მაგრამ რასიულ დაპირისპირებაზე უფრო სასტიკი და ამავე დროს უფრო აბსურდული რამის წარმოდგენაც კი ძნელია. არადა, ამერიკა უკვე საუკუნეებია ცხოვრობს რასიული დაპირისპირების წნეხის ქვეშ. ფერადკანიანების ფაშისტური ეპატაჟიც ხომ პასუხია თეთრკანიანების გამოწვევაზე.

სხვა დროს ციხის ადმინისტრაცია საკადრის პასუხს გაცემდა ფაშისტების ასეთ გამოსვლებს. მაგრამ ციხის გადატვირთულობის გამო, ამჯერად მხოლოდ მსუბუქი სანქციებით და მოლაპარაკებებით დაკმაყოფილდნენ.

ასე მიიღია 2005-ც და თავი გადავყავით 2006-ში.

ახალი წელი დაიწყო პატიმრების ფსიქოლოგიური გამოკვლევებით. ეს იყო რეაქცია წინა წლის მასობრივ თვითმკვლელობებზე. ზონაზე გამოჩნდნენ ოპიუმის შტატის ფსიქოლოგთა ასოციაციის წევრები, რომლებიც ატარებდნენ გასაუბრებებს, წინასწარ ადგენდნენ და პატიმრებს ურიგებდნენ ფსიქოლოგიურ ტესტებს. ამ გამოკვლევების მიზანი იყო იმის გარკვევა, არის თუ არა პატიმარი მიდრეკილი სუიციდისკენ. პატიმარს უფლება ჰქონდა უარი ეთქვა ასეთ გამოკვლევაში მონაწილეობაზე. ასეთ შემთხვევაში გასაუბრების გზით ცდილობდნენ იმის გარკვევას, რა იყო უარის მიზეზი.

ჩემდა თავად, ასეთ გამოკვლევაში ასე წელი არ მივიღებდი მონაწილეობას, მაგრამ კრედიტების ხათრით ამახმეც დავთანხმდი.

ფსიქოლოგის ჩემთან გასაუბრება დაიწყო ჩემი ბიოგრაფიული მონაცემების შემომხებით. ჩემი ცხოვრების ისტორიის საფუძველზე ფსიქოლოგმა დაასკვნა, რომ ძნელად აღსაზრდელთა რიცხვს განეკუთვნებოდი და რომ ჩემი შველა შესაძლებელი იყო მხოლოდ ინდივიდუალური მიდგომით. ამას ყველაფერს მშვიდად მეუბნებოდა და მეც მშვიდად ვუხატავდი ჩემი ცხოვრების პერიპეტეებს. ამას მოჰყვა შეკითხვები როგორც პოლიტიკურ, ისე საყოფაცხოვრებო თემებზე. გამოკითხვა, რას ვფიქრობდი საბჭოთა კავშირის დაშლის თაობაზე, რას ვფიქრობდი სტალინზე, ჰიტლერზე, ჩერჩილზე და რუსველტზე. მერე საუბარი წარიმართა ისეთ საკითხებზე, როგორცაა ოჯახი, შვილები, საერთოდ ნათესაური კავშირები. საუბრის ბოლოს ფსიქოლოგმა დაასკვნა, რომ ჩემი პასუხები ზომაზე მეტად ცინიკურია.

მერე გადმომცა ფურცელი, რომელზეც ჩამოწერილი იყო შემდეგი შეკითხვები: რა არის შენთვის ქალში ყველაზე მნიშვნელოვანი — ა. გარეგნობა, ბ. პროფესია, გ. ოჯახისშივლობა, დ. რელიგიური მრწამსი, ე. ეროვნება, ვ. ხასიათი, ზ. კომუნიკაბელობა და ასე შემდეგ. საკმაოდ ვრცელი სია იყო.

მე დაუფიქრებლად შემოვხაზე – გარეგნობა.

მას შემდეგ, რაც ყველაზე მნიშვნელოვანი გამოვკვეთე, ახლა საქმე მიდგა იმაზე, ეს ყველაზე მნიშვნელოვანი, ანუ გარეგნობა, რასთან ერთად შექმნიდა ჩემს იდეალს. მე შემოვხაზე – რელიგიური მრწამსი და მეორე გრაფაზე გადავედი.

მეორე ფურცელზე იყო შეკითხვა: გჯერა თუ არა იმისა, რაზეც ლენონი ოცნებობს თავის სიმღერაში, ანუ რომ ადრე თუ გვიან, დედამიწაზე საყოველთაო მშვიდობა და ადამიანებს შორის სრული ჰარმონია დამყარდებ. პასუხები იყოფოდა სამ ვარიანტად: 1. მჯერა, 2. მიჭირს პასუხის გაცემა, 3. არ მჯერა.

დაუფიქრებლად შემოვხაზე – არ მჯერა.

მესამე შეკითხვა: მიგაჩნია თუ არა, რომ სახელმწიფოებს შორის შესაძლებელია პრობლემების მოგვარება მშვიდობიანი მოლაპარაკების გზით, ყოველგვარი ძალადობის გარეშე.

შემოვხაზე – არ მჯერა.

მეოთხე შეკითხვა: რაში ხედავთ ადამიანის ბედნიერებას. პასუხების ვარიანტები: 1. ფული, 2. კარიერა, 3. ოჯახი.

შემოვხაზე – ოჯახი.

მეხუთე შეკითხვა: მოელება თუ არა ბოლო შიმშილს დედამიწაზე.

შემოვხაზე – არა.

მექვსე შეკითხვა: თქვენი ბუნებით რომელ ცხოველთან ხედავთ მსგავსებას. ჩამონათვალში იყო – ლომი, ვეფხვი, ჯიქი, მგელი, მელია, სპილო, ზებრა, გველი, ნიანგი, ჯიერანი და ა.შ.

შემოვხაზე – მგელი

ტესტირების დამთავრების შემდეგ ყოველ ჩვენგანს დაუსვეს დიაგნოზი. როგორც ჩანს ეს დიაგნოზები იყო პატიმრებთან ურთიერთობის ერთგვარი გზამკვლევი და ბუნებრივია, ბევრმა პატიმარმა დამალა თავისი შეხედულებები. უნდა აღვნიშნო, რომ მე ასე არ მოვქცეულვარ, ვპასუხობდი იმას, რასაც ვფიქრობდი. არ მიზრუნია იმაზე, ჩემს პასუხებს რა გამოძახილი ექნებოდა ციხის ადმინისტრაციაში. შედეგად, დიაგნოზი მძიმე გამოდგა – სოციოპატი.

მეგობრებმა მისაყვედურეს, რა გულწრფელობა აგიტყდაო. დღესაც არ ვიცი რატომ, მაგრამ ყალბი პასუხების გაცემა არაფერსკაცური მეჩვენა, იქნებ უზნეობადაც, ან იქნებ ალსალების გუნებაზე დავდექი. ფაქტია, არ ვიცრუე. და ამას დღესაც არ ვნანობ.

სულ მალე ჩემი რიგიც მოვიდა და დავიწყე სწავლა სადურგლო სასწავლებელში. დურგლობა არასოდეს მხიბლავდა, მაგრამ საჭიროება მოითხოვდა და მეც შევუდექი საქმეს. ამ სასწავლებელში ყველაზე მეტად ის მომწონდა, რომ წითელ ბერეტიანებად წოდებულ საბჭოელი სპეცნაზების მსგავსად, მეც შემეძლო ფიცარში ხელით ლურსმნის ჩარჭობა. მართალია, აუცილებელი იყო ხელზე ნაჭერი შემომეხვია, მაგრამ ამით სპეცნაზებს სულაც არ ჩამოუვარდებოდი, რადგან ისინიც ამ ოპერაციას ასრულებდნენ სპეციალური ხელთათმანებით.

სადურგლოში ერთ დღეს ატივიორტკა, ჩვენებურად სახრანისი სადღაც გაიბნა. არადა, სამუშაო იარაღები ექვემდებარებოდა მკაცრ კონტროლს და ამის გამო განგაშიც გამოცხადდა. დედიშობილა დაგვაყენეს და ჩხრეკა მოგვინყვეს. ბოლოს გაირკვა, რომ ეს ინსტრუმენტი სადურგლოს ერთ-ერთ თანამშრომელს გაუტანია და უკან მოტანა დავიწყებია. ამერიკის ციხეებში ყოფნის დროს სამჯერ მომიხდა ამ დამცირების გადატანა.

მეორე შემთხვევა. სასადილოში დანა გაქრა და სანამ არ იპოვნეს, დედიშობილა გვაყურყუტეს.

მესამედ კი ჩვენი სტრიპტიზი მოხდა სპორტდარბაზში, პლასკაგუბცის, ჩვენებურად ბრტყელტუჩას გაბნევის გამო. სამივე შემთხვევა გამოწვეული იყო თანამშრომელთა დაუდევრობით. როცა ყველაფერი ირკვეოდა, ადვილი წარმოსადგენია, იმ დროს რას ვფიქრობდით იმ თანამშრომლებზე.

ამავე წელს დიდი ზაფრა გადავიტანე. სპორტდარბაზის ჰოლში ვვარჯიშობდი, როცა მოულოდნელად საკნების ყველა კარი დაკეტეს. ეს ჩხრეკის დაწყების ნიშანი იყო. არადა, საკანში ორი მტკაველის სიგრძის დანა მედო, რომელსაც თუკი მიპოვნიდნენ, 6 თვე კარცერი არ ამცდებოდა და კრედიტებსაც უნდა გამოემშვიდობებოდი.

სწრაფი ნაბიჯით მივედი ჩემს საკანთან და ზედამხედველს ვთხოვე კარი გაეღო. წარმოდგენა არ მქონდა, საკანში ჩაკეტვის შემდეგ, ის დანა სად უნდა წამელო. და მოხდა სასწაული. ან იქნებ ეს სულაც არ იყო სასწაული. ფაქტია, რომ ზედამხედველმა საკანში შესულს კარი არ ჩამიკეტა.

ტილო დავასველე, დანას ჩემი თითების ანაბეჭდები ჩამოვამორე, მერე საკუჭნაოში გავიტანე და იქვე, კუთხეში მივაგდე. სასწრაფოდ დავბრუნდი უკან და კარიც მოვიკეტე. დღემდე არ ვიცი, ზედამხედველმა კარი ღიად შეგნებულად დამიტოვა თუ ჩაკეტვა დაავინყდა. უფრო იქით ვიხრები, რომ ეს კონკრეტული განზრახვით გააკეთა. ამას მაფიქრებინებს ორი გარემოება. პირველი ის, რომ ზედამხედველებთან ნორმალური ურთიერთობა მქონდა და ჩემი ასეთი დასჯის სურვილი რატომ უნდა ჰქონოდა? და მეორეც ის, რომ დანის პოვნის

შემთხვევაში, იმ ზედამხედველს, სულ ცოტა, ოფიციალური საყვედური ან იქნებ მკაცრი გაფრთხილებაც კი არ ასცდებოდა. ციხეში მომუშავეებმა ზუსტად იციან, რომელ პატიმარს შეიძლება ჰქონდეს ცივი იარაღი და რომელს – არა. ისინი ამაზე თვალს ხუჭავენ იმ მარტივი მიზეზის გამო, რომ ასეთი შეიარაღება კონფლიქტების შემთხვევებში ფაქტორია. ასეა თუ ისე, სერიოზულმა საფრთხემ გვერდით ჩამიქროლა და სრულიად მოულოდნელად, სამინელ ხიფათს გადაამარჩინა.

უნდა აღინიშნოს, რომ მქონდა ზედამხედველებთან დაპირისპირების მომენტებიც. ერთმა მათგანმა დაჩაგვრა დამიპირა. განაყოფი ყოფნის დროს თავზე დამადგა და აბანოს დასუფთავება მიბრძანა. არ ვიცი რატომ, იქ მყოფ ოცდაათამდე პატიმარს შორის, მაინცდამაინც მე შემარჩია ამ საქმის შესასრულებლად. საკმაოდ თავდაჭერილად, მაგრამ მტკიცედ ვუპასუხე: ეგ მე არ მევალება და ვისაც ევალება, იმას მიმართეთ-მეთქი. იმას ვერ მივმართავ იმიტომ, რომ სახლში წავიდაო, ეს საქმე კი აუცილებლად შესასრულებელი არისო. ეგ ნაკლებად მაინტერესებს, ვინ სად წავიდა-მეთქი, რაც არ მევალება, იმას ვერავინ გამაკეთებინებს-მეთქი – იყო ჩემი კვლავაც თავდაჭერილი, მაგრამ მტკიცე პასუხი. თუ ასეა, კარცერში ჩავსვამო. სადაც გინდა, იქ ჩამსვი-მეთქი, ვუპასუხე. მართლაც, იმ საღამოს კარცერში გადამიყვანეს. იქ ორი დღე დავყავი. როცა ადმინისტრაცია ჩემს საქმეს გაეცნო, უდანაშაულოდ მცნო, ხოლო ზედამხედველი გამმტყუნა – რაც არ ევალება, იმის გაკეთება არ უნდა გეგრძანებინაო. ასე რომ, ამ ინციდენტის შემდეგაც ჩემს მიმართ ზედამხედველების დამოკიდებულება უარესობისკენ არ შეცვლილა.

მიუხედავად ჩემი მცდელობისა, ამ ნელს კრედიტები ვერ დავიმსახურე.

2006 წელს ოჰაიოს შტატის ზონებზე საბოლოოდ და კატეგორიულად აკრძალეს სხეულის ტატუირება. ეს გადაწყვეტილება დაასაბუთეს იმით, რომ კუსტარულად გაკეთებული ტატუირება შეიცავს ინფექციის შეჭრის საშიშროებას. ჩემთვის ამით არაფერი შეცვლილა, რადგან მკაცრი რეჟიმის კოლონიაში ისედაც შეუძლებელი იყო სხეულის მოხატვა.

2007 წელს სამი მნიშვნელოვანი რამ მოხდა ჩემს როგორც პატიმრის და როგორც ადამიანის ცხოვრებაში. ყველაფერი იმით დაიწყო, რომ ისტორიის კლუბში უნდა განხილულიყო რეფორმაცია კათოლიკურ ეკლესიაში და ლუთერანიზმი. საკითხმა დამაინტერესა და მასალებს შესასწავლად ჩავუჯექი. წავიკითხე ლუთერის ნაშრომი „95 თეზისი ინდულგენციის წინააღმდეგ“. გარდა ამისა გავეცანი ლუთერანიზმს როგორც რელიგიურ მიმდინარეობას. მომხიბლა ლუთერის მოწოდებამ, რომ არ არს უზენაესი ღმერთის გარდა და იესოა მისი მთავარსარდალი. ლუთერანიზმი უარყოფს საეკლესიო იერარქიას და მიიჩნევს, რომ ნებისმიერი მამაკაცი, რომელიც ცხოვრობს ქრისტიანული წესით, არის პაპიც და პატრიარქიც. ლუთერანიზმი არ უარყოფს მოძღვრის, როგორც მათგანის ზეზელი პირის საჭიროებას, მაგრამ ყოველგვარი იერარქიული უპირატესობის გარეშე.

ამ ნელს პირველად მომცეს კრედიტები კარგი ყოფაქცევით. მართალია, სულ რაღაც 58 დღე ამინდს ვერ შეცვლიდა, მაგრამ ეს იმის ნიშანი იყო, რომ ადმინისტრაცია კარგი თვალთ მიყურებდა.

მესამე მნიშვნელოვანი ის მოხდა, რომ კოლუმბუსში ციხეების ცენტრალურმა სამმართველომ მეორედ განიხილა ჩემი საქმე და დაადგინა, რომ რეაბილიტაციის გზაზე ვდგავარ და აღარ ვითვლები ძალიან საშიშ დამნაშავედ და რომ ჩემი ყოფნა მკაცრი რეჟიმის კოლონიაში აუცილებლობას აღარ წარმოადგენს.

როცა ბიჭებმა ეს ამბავი შეიტყვეს, ყველას ძალიან გაუხარდა, თუმცა დაშორების პერსპექტივა ჩემთვისაც და მათთვისაც საკმაოდ სევდის მომგვრელი იყო. გაძლიერებული რეჟიმის კოლონიას მკაცრთან შედარებით უამრავი უპირატესო-

ბა ჰქონდა, რომლის შესახებ ქვემოთ გვექნება საუბარი. აქ კი მოკლედ ვიტყვი – ასეთი გადაყვანა თუ ნახევრად არა, მეოთხედად მაინც განთავისუფლების ტოლფარდი იყო.

გაძლიერებული რეჟიმის კოლონია, სადაც გადაყვანას მიპირებდნენ, მდებარეობდა ქალაქ მენსფილდში.

2007 წელს კიდევ ერთხელ ვიზეიმე ჩემი და სტალინის დაბადების დღე მკაცრი რეჟიმის კოლონიაში. ახალი წლის ზეიმი ჩემთან გამოთხოვების დღედ გადაიქცა. ბიჭებმა დიდი და გულთბილი გაცილება მომიწვეს. ზოგ მათგანს სამუდამო პატიმრობა ჰქონდა მისჯილი და კარგად ესმოდა, რომ შესაძლოა საბოლოოდ მხედავდა. სუფრას ამშვენებდა განსაკუთრებული საჭმელები, ზოგი ნაყიდი, ზოგიც ამ შემთხვევისთვის მომზადებული.

2008 წლის 12 იანვარს დავტოვე ლივისბურგის ციხე და მენსფილდში გადავბარე. უკან დარჩა გატარებული 8 წელი და არსებობისათვის ბრძოლის ტკბილ-მწარე მოგონებები.

ბორკილდადებულ მდგომარეობაში სამსაათიანი მგზავრობის შემდეგ, მენსფილდში ჩავდიო. ზონაზე შესვლისთანავე ჩემი ყურადღება მიიპყრო შოუქშენის გაუქმებულმა ციხემ. მაშინვე გამახსენდა ფილმი „გაქცევა შოუქშენიდან“ ტიმ რობინსისა და მორგან ფრიმენის მონაწილეობით.

მისვლისთანავე მისაღებ განაყოფში გავგამნესეს. ორი კვირა იქ გავატარე და მერე საერთო განაყოფში გადამიყვანეს.

გაძლიერებული რეჟიმის კოლონიაში გადაბარებისთანავე, პირველ რიგში, დანა შევიძინე. ასევე შევისრულე დიდი ხნის სურვილი და მკლავზე სტალინის პორტრეტი დავისვირინე.

მკაცრი რეჟიმის კოლონიისგან განსხვავებით აქ არ არის საკნები, არის მხოლოდ კუბრიკები, ანუ 80 კაცზე გათვლილი ორი დიდი ოთახი ორსართულიანი საწოლებით. 160 კაცზე გამოყოფილი იყო სულ 7 ტუალეტი და 14 პირსაბანი. ამის გამო ტუალეტთან და პირსაბანთან მუდმივად რიგი იდგა. მკაცრი რეჟიმის კოლონიისგან განსხვავებით, აქ შეგეძლო დიდიდან დაღამებამდე გარეთ ყოფილიყავი. ბიბლიოთეკაში იყო წიგნების შეუდარებლად უფრო ფართე არჩევანი. სპორტდარბაზში შეგეძლო ყოველდღე გვეარჯიშა. პაემანი ახლობლებთან უფრო ხანგრძლივიც იყო და უფრო შეუზღუდავიც. აქ არ იყო კრიმინალური დაჯგუფებები. ქურდზე და მასურებელზე ხომ სადღაა ლაპარაკი. მცირეოდენი ამხანაგური წრე, რა თქმა უნდა, მხედველობაში მისაღები არაა, რადგან ეს წრეები იქმნებოდა მეზობლობის, პროფესიული, ან კი სხვა რაღაც უმნიშვნელო ნიშნით. აქ იყვნენ ისეთებიც, რომლებსაც მისჯილი ჰქონდათ სულ რაღაც სამი თვე. ბუნებრივია, ისინი უფრო ციხიდან მოახლოებულ გასვლაზე ფიქრობდნენ, ვიდრე რაიმე ადგილის დამკვიდრებაზე. ყოველივე ამის გამო ზონაზე სრულე ქოსი სუფთედა. მკაცრი რეჟიმის კოლონიასთან შედარებით, აქ ფართოდ იყო გავრცელებული „მკოლანკობა“, ანუ ერთმანეთის ნივთების პარვა. ქურდობა ხდებოდა ყოველ ფეხის ნაბიჯზე, რასაც თან სდევდა ჩხუბი და აყალმყალი.

მკაცრი რეჟიმიდან გადმოსულებს ჩვეულებრივი პატიმრები ფრთხილად გვექცეოდნენ. პირადად ჩემთვის არაფერი მოუპარავთ. მაგრამ ჩვენ ცოტანი ვიყავით და ბუნებრივია, ამინდს ვერ ვქმნიდით.

ჩემთან ერთად მოსულ პატიმარს, ჯერის, რომელიც დაპატიმრებული იყო სასრული იარაღის უკანონო ტარებისთვის, თიმბერლენგებდა წოდებული მაღალყელიანი ზამთრის ფეხსაცმელები მოპარეს.

ჯერის დასახმარებლად შვიდნი შევიკრიბეთ და განაყოფში ჩხრეკა მოვანყვეთ. ბოლოს ეს ფეხსაცმელები ტუალეტში ვიპოვეთ. აშკარა იყო, მომპარავმა მოასწრო და თავიდან მოიშორა ნაქურდალი.

ზოგიერთი განაყოფი გეტოს ჩამოჰგავდა. იქ ძირითადად წვრილფეხა და ქურდბაცაცა პატიმრები ისხდნენ. ნარკოტიკები ისე იყო მოდებული, რომ თვით ზედამხედველების ოთახების წინაც კი არ ერიდებოდნენ მარისუანას მოწევას. ნარ-

კომანიის წინააღმდეგ გატარებული სანქციები შემოიფარგლებოდა იმით, რომ პატიმრებს ბალიშებს არ აძლევდნენ, აქაოდა შიგნით ნარკოტიკები არ დამალონო. ზონა სავესტო იყო ახალგაზრდებით, რომლებმაც არ იცოდნენ სად წაელოთ თავისი ტემპერამენტი. ათასგვარ თამაშობებს იგონებდნენ, დაწყებული დაჭირობანადან, კამათლებით დამთავრებული. ჩხუბებიც გაცილებით ხშირად ხდებოდა, თუმცა შეუდარებლად მსუბუქ ფორმებში. წვეტიანი იარაღის გამოყენებასაც ძალიან იშვიათად ჰქონდა ადგილი. თუმცა კი იყო შემთხვევები, როცა ყოველგვარი იარაღის გარეშეც სასიკვდილოდ იმეტებდნენ ერთმანეთს. ერთხელ ასეთი რაღაც მოხდა. ვიღაც წასვამი ახალგაზრდები ტიპს აუხიროდნენ და ისე სცემეს, რომ სიკვდილის პირამდე მიიყვანეს. ამ ახალგაზრდებს ზოგს სამი თვე ჰქონდა დარჩენილი, ზოგს ექვსი და ზოგს კი, ერთი წელიწადი. ამ ფაქტის გამო კი შარში გაეხვნენ და კარგა დიდი სასჯელები აიკიდეს. მაგრამ ასეთი შემთხვევები უთუოდ გამოწვევის იყო.

ხშირი იყო რიგთან დაკავშირებული კონფლიქტებიც. ჩვენ ნაკლებად გვიხედავდნენ, ერთმანეთს კი გამუდმებით თავზე ასტებოდნენ.

ერთხელ, მაღაზიის რიგში დგომის დროს, ვიღაც ახალგაზრდა წინ ჩამიხტა და ურიგოდ დააპირა რაღაცის აღება. მე მშვიდად მივუთითე მის ადგილზე, რაზეც უკმეხი პასუხი მივიღე. იძულებული გავხდი ჭკუა მესწავლებინა. ერთი-ორი რომ მივცხე, ნაიქცა და სახეზე ხელები აიფარა. ისე, ზრდილობისთვის, ერთი მსუბუქი ნიხლიც ვუთავაზე და ამით დამთავრდა ყველაფერი. შემდგომში მსგავსი უმსგავსობა აღარ გამეორებულა.

გამლიერებული რეჟიმის კოლონიაში ფიზიკური ვარჯიშების დრო გავაორმაგე. ახლა ორის ნაცვლად, ოთხ საათს ვვარჯიშობდი. ადრე, მკაცრი რეჟიმის კოლონიაში, ვარჯიშის რეჟიმი ასე გამოიყურებოდა: ერთი საათი სიმძიმეების აწევა, ნახევარი საათი სირბილი, ერთი საათი ბოქსი. აქ — ორი საათი სიმძიმეების აწევა, 50 წუთი სირბილი და საათნახევარი ბოქსი.

ბოქსიორები ძირითადად ზანგები იყვნენ, საკმაოდ მაღალი დონის. იყო ერთი თეთრკანიანი ბოქსიორიც, სახელად ბრაიანი. სასჯელს იხდიდა ცოლისძმის ცემის გამო. ორი წელი ჰქონდა მისჯილი. მკაცრი რეჟიმის კოლონიაში ასე იყო, თუკი ბოქსი გაცხარდებოდა, ზედამხედველი მაშინვე აჩერებდა მეტოქეებს. აქ შედარებით მეტი თავისუფლება გვეძლეოდა, თუმცა კი აქაც გვეკეთა მუზარადები და გვეცვა ჟილეტები. ერთი-ორჯერ ბოქსის ტურნირებიც ჩატარდა. მეც მივიღე მონაწილეობა და ნახევარფინალში ზანგთან ქულებით წავაგე.

სამაგიეროდ სირბილის შეჯიბრში ავიღე რევანში. სამიწლიან დისტანციაზე ცხრა კაცმა მივიღეთ მონაწილეობა, ხუთმა ზანგმა და ოთხმა თეთრმა. ფინიშთან პირველი მოვედი, რასაც მოვანდომე 21 წუთი და 47 წამი.

ჩატარდა ტურნირები კალათბურთსა და ფეხბურთში. მათში მონაწილეობა არ მიმიღია, რადგან სპორტის ეს სახეობები არასოდეს მიზიდავდა.

ჯერ კიდევ მკაცრი რეჟიმის კოლონიაში მარილის დიდი რაოდენობით ჭამას დავეჩვიე. აქაც ვაგრძელებდი იგივეს. ერთ დილას გავიღვიძე საშინელი თავის ტკივილით. მაშინვე წნევაზე მივიტანე ეჭვი.

ციხის ექიმმა წნევა გამისინჯა და სახტად დარჩა — წნევა 220 უკაკუნებდა. სასწრაფოდ დამალევიანა წნევის დამწვევი ნამლები და მირჩია, რომ წოლით რეჟიმზე გადავსულიყავი. ეს რჩევაც გავითვალისწინე და მარილის მიღებასაც საგრძნობლად მოვუკელი. სამ დღეში ყველაფერმა გაიარა და მეც ჩვეულ კალაპოტს დავუბრუნდი.

ცოტაც და ახალი სადარდებელი დამატყდა თავს. აგვისტოს თვეში საქართველოში სიტუაცია დაიძაბა. ტელევიზორში მოვისმინე ეი-ბი-სის ინფორმაცია, სადაც გვამცნეს, რომ სამხრეთ ოსეთის გამო რუსეთისა და საქართველოს სამხედ-

რო ძალები მოყვანილია სრულ საბრძოლო მზადყოფნაში. აუ, მართლა ძალიან შევშოვთდი.

მსმენელთაგან ალბათ მარტო მე ვიცოდი, რა შეიძლებოდა მოჰყოლოდა ასეთ დაპირისპირებას. საქართველო რომ რუსეთს ომს ვერ მოუგებდა, ეს დღესავით ნათელი იყო, მაგრამ არსებობდა საშიშროება, რომ რუსები თბილისის ასაღებად წამოვიდოდნენ და როგორც სჩვევიათ, არც დიდს დაინდობდნენ და არც პატარას.

იმავე დღეებში ჩემიანებს დაუჟკავშირდი ტელეფონით და რაკი შევიტყვე, რომ ომი დამთავრდა და თბილისს არაფერი ემუქრებოდა, როგორც იქნა, დავმშვიდდი.

ერთადერთი ის ვინაა, რომ ამ ომში მონაწილეობა ვერ მივიღე. რა ვქნა, ომში მონაწილეობის ავადმყოფობა მჭირდა და მგონი ახლაც არ ვარ ბოლომდე განკურნებული.

2008 წელს ზანგებს დიდი სიხარული ეწვიათ. პირველად ამერიკის ისტორიაში პრეზიდენტად არჩეულ იქნა შაკანიაანი. ეს ფაქტი ეწინააღმდეგებოდა ყველა ადრე არსებულ ვარაუდებს ამერიკაში რასიული სიძულვილისა და ზანგების ჩაგრული მდგომარეობის შესახებ. ასევე შეირყა მითი მასონების მხრიდან ფერადკანიანების სიძულვილის შესახებ და საიდუმლო მსოფლიო მთავრობის გეგმებიც კიდევ უფრო ბუნდოვანი გახდა. მართალია, აქვე გამოითქვა ვარაუდი, რომ ობამაც მასონია და ის დასჭირდათ მსოფლიოში არსებული მითქმამოთქმის მოსასპობად. ღმერთმა უწყის, ვინ იყო მტყუანი ან მართალი. ფაქტი კი ფაქტად რჩებოდა და ზანგების სიხარულს საზღვარი არ ჰქონდა.

აქვე უნდა აღვნიშნო, რომ ფერადკანიანის გაპრეზიდენტებამ ზონის საერთო ატმოსფეროზე უაღრესად დადებითი როლი ითამაშა. ზანგებს მოეხსნათ კინობითი კომპლექსი და შეუდარებლად უფრო დინჯები და გონივრულები გახდნენ. ამან კიდევ უფრო განამტკიცა ჩემი შეხედულება, რომ ამერიკელი ზანგების გადამეტებული აგრესია თავდაცვითი რეაქცია იყო და სხვა არაფერი.

კვლავ მტკივნეულად განვიცდიდი უმეგობროდ დარჩენას. ზონაზე იყვნენ რუსებიც, უკრაინელებიც, ერთი-ორი სომეხიც შემხვდა, მაგრამ იმდენად მცირე ვადა ჰქონდათ მისჯილი, რომ მყარი ურთიერთობისათვის დრო არ რჩებოდა.

ხშირი მიმონერა მქონდა რუსული დაჯგუფების წევრებთან, რომლებიც ლივისბურგის ციხეში დარჩნენ. მე აქაურ ამბებს ვწერდი, ისინი იქაურს მიაბობდნენ.

მკაცრი რეჟიმის კოლონიისგან განსხვავებით, აქ არაფერი არ ექვემდებარებოდა წინასწარ გათვლას. ყოველი დღე სიურპრიზებით იყო სავსე. ერთმა ტიპმა გამოღვიძებულზე დანას დასტაცა ხელი და მჩაგვრელებზე შურისძიება განიზრახა. ორ ტიპს პირისპირ მიეჭრა და დაჩეხვა მოუნდომა. მაგრამ ჩანს, დანის ხმარებაში გამოუცდელი იყო. ის დანაც წაართვეს და მაგრადაც მიბერტყეს. ნახევარდამკვიდარი გადაიყვანეს სავადმყოფოს განყოფილებაში. ცხადია, ასეთი რამ მკაცრი რეჟიმის კოლონიაში ვერ მოხდებოდა. იქ ემოციებზე დაყრდნობით არავინ მოქმედებდა. თუკი ვინმე შურისძიებას განიზრახავდა, კარგად აწონ-დანონიდა განზრახვის სისრულეში მოყვანის გზებს. იქ პირისპირ არავინ არავის მიეჭრებოდა, მით უფრო, ორს ერთად. და თუ მაინც მიეჭრებოდა, ეცოლინებოდა, როგორ ეხმარა დანა და როგორ გამოსულიყო გამარჯვებული. ამით იმის თქმა მინდა, რომ გაძლიერებული რეჟიმის კოლონიაში ყველაფერი სტიქიურად ხდებოდა და ეს კიდევ უფრო დაძაბულს ხდიდა არსებულ გარემოს.

როგორც უკვე ვთქვი, მკაცრი რეჟიმიდან გადმოსულეებს პატიმრები სხვა თვალთ გვიყურებდნენ, ჩვენთან კონფლიქტს ერიდებოდნენ. ანდა, რა გვექონდა საკონფლიქტო? ურთიერთობის წესები განსაზღვრული იყო და მისი შესრულება არავითარ სიძნელეს არ წარმოადგენდა. რაც შეეხება დაჩაგრულის სურვილს, ასეთი სურვილი ჩვენს მიმართ არავის უჩნდებოდა, რამეთუ თავზეხელაღებულიებს რეპუტაცია გვექონდა.

აქაც დავინწყე მუშაობა, ამჯერად სანყობის ნაცვლად, სასადლოში. საქმელების ლანგარზე განთავსება მევალებოდა. ასეთი საქმის შესრულება აუცილებელი იყო ზედამხედველების გულის მოსაგებად, რომლებსაც ყველაზე მეტად ყოყორი და ამპარტავანი პატიმრები ეზიზღებოდათ და სულ ეძებდნენ და პოულობდნენ კიდევ საბაბს, რომ ისინი კარცერში გამოეკეტათ.

აქ შეუდარებლად უფრო მდიდარი ბიბლიოთეკა იყო და მეც სიხარულით დავენაფე ჩემთვის საინტერესო ლიტერატურას. კინოფილმების არჩევანიც საგრძნობლად გაიზარდა. აქ აღარ ერიდებოდნენ ეროტიკული სცენების ჩვენებას, აქა-იქ კრიმინალების ცხოვრებასაც გვიჩვენებდნენ. აქ გვიჩვენებდნენ ისეთ სატელევიზიო შოუებსაც, რაზეც მკაცრი რეჟიმის კოლონიაში დაწესებული იყო მკაცრი ცენზურა. სწორედ აქ ვნახე სატელევიზიო შოუები „სოპრანოს კლანი“ და „ბანგი“.

მკაცრი რეჟიმის კოლონიაში გავიცანი ერთი უკრაინელი, სახელად საშა, სასჯელს იხდიდა ნაქურდალი ნივთების შემსყიდველის ბრალდებით. ორი წელი ჰქონდა მიხჯილი. უნდა ითქვას, რომ ასეთი პატიმრები ზონაზე დიდ იშვიათობას წარმოადგენდნენ, რამეთუ მათ ძალიან ძნელად უყენებდნენ ბრალდებას. ვილაცხმე ნივთი შემომამძლია, მე შევიძინე, საიდან უნდა მცოდნოდა, ნაქურდალია თუ მისი პირადი ქონება? ასეთია ხოლმე მათი არგუმენტები. დავინტერესდი, როგორ გაეზა მახეში. იმის გამო, რომ მისი საქმიანობა პოლიციისთვის ცნობილი გამხდარა, თურმე დიდხანს უტრიალებდნენ. მერე ისეთი ნივთი შეუძღვევიათ, რომლის მოპარვა მთელ ოპაიოს შტატში ყოფილა ცნობილი. თვითონ კი ამტკიცებდა თურმე, არც ტელევიზორში მინახავს და ამ ნივთის მოპარვის შესახებ არაფერი ვიცოდიო. მაგრამ აქ ამოქმედდა ეგრეთწოდებული „შერიათის კანონი“, რომლის მიხედვით მოსამართლეს ერთპიროვნულად შეუძლია გადაწყვეტილების მიღება. სწორედ ამ გზით საშამ ციხეში ამოყო თავი. ისე კი იგრძნობოდა, რომ დიდად არ იყო დადარდინებული და გარეთ გასვლის შემთხვევაშიც საკმაო რესურსები ჰქონდა თავისი საქმიანობის გასაგრძელებლად.

მართის დადგომისთანავე, უკვე საღამოობითაც გვიშვებდნენ სასაეროდ. რვა წელი გადიოდა, რაც მოკლებული ვიყავი ამ სიამოვნებას. ამრიგად, თავისუფლების ერთი ყლოუპიც მომემატა და მეც ხარბად დავენაფე ამ ყლოუპს. საღამოხანს განმარტოებული დავსაეირნობდი იქით-აქეთ და „ნაუშნიკებით“, ჩვენებურად ყურსასმენით, საყურისით, ყურსაცმელით და რა ვიცი კიდევ რით ვისმენდი ჩემთვის სასიამოვნო მუსიკას.

ყველა როდი ტკბებოდა საღამოს გასაეირნებით. ან უფრო სწორი იქნებოდა, თუ ვიტყვოდი, რომ ბევრი ამას იყენებდა სულ სხვა მიზნებისთვის. კერძოდ, ძალიან იმატა ჩხუბების და სისხლიანი გარჩევების რიცხვმა. ადამიანში ჩადებულია დრამატული მომენტებისკენ ლტოლვა. ბევრი ვერ ძლებს სისხლში ადრენალინის გარეშე. ჰოდა, ასე ირთობდნენ თავს. ცხადია, ამას მოყვებოდა ხოლმე ზედამხედველების რეაგირებაც, რაც ძალიან ძაბავდა სიტუაციას. ჩვენ, „მკაცრებს“, ეს არ გვეხებოდა, თუმცა კი ხშირად გუნებას გვიფუჭებდა.

აქაც ისევე, როგორც მკაცრი რეჟიმის კოლონიაში, თვეში ერთხელ ჩემიანებს ტელეფონით ველაპარაკებოდი. ახლობლებზე რომ არაფერი ვთქვა, დედაენა მონატრებული მქონდა და ეს საუბრები მალამოდ ედებოდა ჩემ სულს. ძალიან გაუხარდათ როცა გაიგეს, რომ 58 დღიანი კრედიტი მივიღე კარგი ყოფაქცევისათვის. რა არის 58 დღე, როცა 22 წელი გაქვს მიხჯილი, მაგრამ ასეთი წვრილმანი წინსვლაც კი პატიმარს იმედებს უსახავს და სწორედ ამით არის დასაფასებელი. მეც სიმხნევე მომემატა და კვლავაც ვცდილობდი ღირსების შეუღაზავად დამეცვა წონასწორობა ზედამხედველებთან ურთიერთობაში. ამ საქმეში საკმაოდ განაფული ვიყავი და შედეგიც არ იგვიანებდა.

გაზაფხულის დადგომას ერთი მეტად სასაერო ამბავი მოჰყვა. ერთმანეთში ჩხუბი ატეხეს კლიველდელებმა და აკრონელებმა. მოჩხუბრები იმდენად მრავალრიცხოვანი იყვნენ, რომ ადმინისტრაცია საკუთარი ძალებით ვერ გაუმკლავდა მათ და დამხმარე რაზმები გამოიძახა. გამოიყენეს ტუმბოები წყლის შესასხმელად, იხმარეს ცრემლსადენი გაზიც, ერთი სიტყვით, რაღა აღარ ილონეს მოჩხუბრების დასაშოშმინებლად. ჯაჭუფური რეაქცია კი გრძელდებოდა. ორივე მხარეს უნდოდა, რომ საბოლოო დარტყმა მას დარჩენოდა, ამიტომ ცოცხალი თავით არ იშლებოდნენ. ბოლოს და ბოლოს, როცა კარგა გვარიანად დასველდნენ და თვალებიც ზომავზე მეტად აენვათ, იძულებულნი გახდნენ დაშლილიყვნენ. ისე ძალიან სასაერო სანახაობა იყო და დღესაც ვერ ვიხსენებ ამ ამბავს იუმორის გარეშე.

როგორც უკვე აღვნიშნე, გაძლიერებული რეჟიმის კოლონიაში ძირითადად მცირე ვადიანი მსჯავრდებულები იხდიდნენ სასჯელს. მაგრამ იყვნენ ისეთებიც, ვისაც ჩემზე ბევრად მეტი წლები ჰქონდა მოსახდელი. ამერიკის ციხეებში პატიმრების კლასიფიკაცია სულაც არ არის დამოკიდებული სასჯელის ვადაზე. კი, დასაწყისში პატიმრის დახარისხება ხდება დანაშაულის სიმძიმის მიხედვით, მაგრამ რა შეატყობენ, რომ მისგან არ არის მოსალოდნელი რაიმე განსაკუთრებული საშიშროება, პატიმრობის ადგილს უმსუბუქებენ. გასაოცარი ფაქტია, რომ საერთო რეჟიმის კოლონიაში არიან პატიმრები, რომლებსაც მიხჯილი აქვთ სამუდამო პატიმრობა.

გაძლიერებული რეჟიმის კოლონიაში არსებობას ამძიმებდა ის ვითარებაც, რომ დღეში ზონას ტოვებდა თხუთმეტიდან ოცამდე პატიმარი. ვერ ვიტყვი, შური მიპყრობდა-მეთქი, მაგრამ სხვისი თავისუფლების შემყურეს სევდა უფრო მიძლიერდებოდა.

ამავე წელს ადმინისტრაციას სხვა ზონაზე გადაყვანის თხოვნით მივმართე. 2009 წლის თებერვალში ჩემი თხოვნა შესმენილ იქნა. ასე აღმოვჩნდი ნორს-ცენტრალის გაძლიერებული რეჟიმის კოლონიაში. ვერ ვიტყვი, თავი სამოთხეში ამოვყავი-მეთქი, მაგრამ სხვა თუ არაფერი, ბალიში მაინც მქონდა თავის დასადავებად. აქ სასადილოც უკეთესი იყო და სპორტული დარბაზიც. ქაოსიც ნაკლებად იგრძნობოდა.

როგორც ყოველთვის, ზონაზე მისვლისთანავე დანა შევიძინე. აქაც ხშირი იყო ჩხუბი და აყალმყალი, თუმცა „ძველებზე“ ეს არ ვრცელდებოდა. აქაც ყველა შეიარაღებული იყო და დიდი გაუფრთხილებლობა იქნებოდა უიარალოდ ყოფნა. აქ ძველ ნაცნობებსაც შევხვდი, რომლებსაც ზოგს მკაცრი, ზოგს გაძლიერებული რეჟიმის კოლონიიდან ვიცნობდი. გავაგრძელე სადურგლო სკოლაში სწავლაც და ამავე წელს დავასრულე სწავლების მთელი კურსი. კვალიფიციური დურგლის სერტიფიკატიც მომცეს. მივიღე ასევე კრედიტები კარგი ყოფაქცევისათვის, ამჯერად 87 დღე. ასეთი სვლით მოსალოდნელი იყო ჩემი პატიმრობის ვადის 4 წლით შემცირება, რაც სულაც არ იყო ცოტა. კრედიტების გაორმაგება იმასაც ნიშნავდა, რომ ადმინისტრაციაც და ცენტრალური ოფისიც კიდევ უფრო კარგი თვალთ მიყურებდნენ.

როგორც კი გამოზაფხულდა, ზონაზე სიტუაცია აიჭრა. გახშირდა თავპირისმტვრევები. ჩხუბი იმართებოდა ნებისმიერი საბაბით. ტიპს ფეხსაცმელები მოპარეს და ეჭვი ერთ-ერთ პატიმარზე მიიტანა. შეხვედრის ადგილი დათქვეს. ორივემ თავისიანებს სთხოვა დახმარება. მოლაპარაკება დიდხანს არ გაგრძელებულა, დენტის კასრისა არ იყოს, აქაც მცირეოდენი ნაპერწკალი საკმარისი აღმოჩნდა აფეთქების გამოსანგევად. შეტაკება იმდენად მასშტაბიანი გამოდგა, რომ აქაც გამოუძახეს დამხმარე ძალებს, აქაც გამოიყენეს წყლის ჭავლები და ცრემლსადენი გაზები. ჯგუფური ჩხუბი ზონაზე, ყველაფერთან ერთად, ფსიქიკური განტვირთვის ხერხიც არის. ასეთი ჩხუბი პირადი დაპირისპირებისაგან იმით განსხვავდება, რომ მოჩხუბრები ერთმანეთს საკმარისად არც კი იცნობენ და მომავალში რაიმე ვენდებთა ნაკლებად არის მოსალოდნელი.

აგრეთვე მოხდა ერთი მეტად საინტერესო ფაქტი. ერთმა-ნეთს დაუპირისპირდა ზანგების და თეთრების პოლიტიკური დაჯგუფება. ზანგების დაჯგუფებას ერქვა უკვე ნახსენები „ბლად“ – ანუ სამყაროს შავი მბრძანებლები, თეთრების ასევე ნახსენები „ეი ბი“ – ანუ არიელთა საქმო. შემდგომში ამ ფაქტს გამოეხმაურა მთელი ოპოზიციის პრესა და მასმედია. საერთოდ, პოლიტიკური დაპირისპირებანი რასიულ ნიადაგზე დიდი ხიფათის შემცველია და ხშირად ტრაგიკული ფინალი აქვს.

მიუხედავად იმისა, რომ ზანგები რიცხობრივად შეუდარებლად მეტნი იყვნენ, თეთრები ფიზიკურად და ტაქტიკურად უკეთ მომზადებულები აღმოჩნდნენ და გამარჯვებაც მათ დარჩათ. ათი დღის განმავლობაში ჩვენი ზონა მკაცრი რეჟიმის კოლონიას დაემსგავსა. შეზღუდვები ვრცელდებოდა ყველაფერზე, გადაადგილებაზე რომ არაფერი ვთქვათ, საშხაპეში და სპორტულ დარბაზშიც კი შესვლა-გამოსვლაზე დაწესებული იყო მკაცრი კონტროლი. მხოლოდ ათი დღის შემდეგ ადმინისტრაციამ მოახერხა სიტუაციაზე კონტროლის აღდგენა და ჩვენც შვებით ამოვისუნთქეთ.

ისევე როგორც წინათ, ახლაც თვეში ერთხელ ჩემიანებს თბილისში ტელეფონით ვუკავშირდებოდი. ერთ-ერთი ასეთი საუბრის დროს ბიძაჩემმა მირჩია გუბერნატორისთვის მიმემართა შეწყალების თხოვნით. ეს რჩევა ჭკუაში დამიჯდა, თუმცა წარმატების იმედი ნაკლებად მქონდა. მაგრამ რას ვკარგავდი და მეც მივმართე გუბერნატორს.

აქვე უნდა ითქვას, რომ დადებითი პასუხის იმედი ჩემთან ერთად არ ჰქონდათ სხვა გამოცდილ პატიმრებსაც. 1982 წლიდან მოყოლებული, ოპოზიციის შტაბში გუბერნატორებად ირჩეოდნენ რესპუბლიკური პარტიის კანდიდატურები. მხოლოდ 2008 წელს შეიცვალა ეს ვითარება და გუბერნატორად აირჩიეს კანდიდატი დემოკრატიული პარტიიდან. ამ ხნის მანძილზე, წერილმანი ქურდობისთვისაც კი შეწყნარებული არავინ უნახავთ და ვინ დაიჯერებდა, რომ ყაჩაღობის და პოლიციელზე თავდასხმის მუხლით გასამართლებულს ვინმე შეწყნარებდა.

ამ და სხვა არგუმენტების მიუხედავად, გუბერნატორს მაინც მივწერე და შეწყალება ვთხოვე.

ამ წელს ჩემი კრედიტების ოდენობამ შეადგინა 124 დღე. ეს იყო მაქსიმუმი, რასაც კრედიტების სახით იძლეოდნენ და ამაში არცთუ უკანასკნელი როლი მიუძღოდა სადურგლოში ჩემს მოღვაწეობას.

წლის მიწურულს უსიამოვნო რამ შემემთხვა. ვარჯიშის დროს ფეხი ვიტკინე. სარბენი ბილიკი ერთ ადგილას მოყინული ყოფილა. ფეხი დამიცდა და გადამიბრუნდა. ტკივილი იმდენად ძლიერი იყო, რომ სიარული ვეღარ შევძელი. ფეხიც კოჭთან სამიწლად დამისივდა. ვითარება იმდენად მძიმე აღმოჩნდა, რომ სასწრაფოდ გადამიყვანეს ჰოსპიტალში, რომელიც მდებარეობდა ქალაქ კოლუმბუსში.

პალატაში შვიდნი ვიყავით, სხვადასხვა დაავადებით და სატიკვარით. ერთ დილას გავიღვიძე და რას ვხედავ, ამ შვიდი პატიმრიდან ხუთი ერთ ლამეში გარდაცვლილა. ეს იმდენად დაუჯერებელი იყო, რომ პირველხანად თავი სიზმარში მეგონა. დღემდე ვერ ამიხსნია, როგორ შეიძლებოდა სხვადასხვა დაავადების მქონე ადამიანი ასე ერთდროულად გარდაცვლილიყო. ეჭვიც კი გამიჩნდა, იქნებ ციხის ადმინისტრაციამ ისინი თავიდან მოიშორა-მეთქი. ლაზარეთში სულ რაღაც ორი დღის მისული ვიყავი და გარდაცვლილების გაცნობა ვერც კი მოვასწარი. ამიტომ არ ვიცი, ეს ხუთეული რისთვის იხდიდა სასჯელს.

მეორეს მხრივ, აქ დიდად გასაკვირი იქნებ არაფერი იყო, რადგან ჰოსპიტალში პატიმრები მხოლოდ მაშინ გადააწყვდათ, როცა შეატყობდნენ, რომ სიკვდილის პირას არიან მისულები.

ასეა თუ ისე, ასეთი შემზარავი ფაქტის მონმე ვაგხდი და ომის ეპიზოდებს თუ არ ჩავთვლით, ამდაგვარი მისტიკური განცდა არასოდეს მქონია.

ჰოსპიტალში ერთი თვე დავყავი. შობა-ახალ წელს აქ შევხვდი. 2010 წლის დასაწყისში, როგორც კი ფეხი ოდნავ ჩამიცხრა, ისევ ზონაზე დამაბრუნეს. ფეხის საბოლოო მორჩენას მთლიანობაში ორ თვეზე მეტი დასჭირდა და უნდა ვთქვა, რომ ჩემთვის ეს იყო ციხეში გატარებული ყველაზე უსიამოვნო ორი თვე.

როგორც კი ფეხი მომირჩა, ვარჯიშს დაუბრუნდი. სირბილი კი ცოტა მიჭირდა, მაგრამ არ ვეპუებოდი და ვარჯიშის მთელ კომპლექსს პედანტურად ვასრულებდი.

ჩემი ციხეში ყოფნის მეთერთმეტე წელი დაიწყო. მეცნიერულად შესწავლილი ფაქტია, რომ ციხეში 10 წლის გატარების შემდეგ, თავის ტვინში ცვლილებები იწყება და პატიმარი აგრესიისკენ ხდება მიდრეკილი. მეც ვატყობდი ჩემს თავს, რომ ისეთი რაღაცეები მაღიზიანებდა, რასაც წინათ ყურადღებას არც კი ვაქცევდი. ჩემთვის აუტანელი ხდებოდა ნებისმიერი ლოღინი, რიგში დგომა, საკვების მოლოდინი, სხვადასხვა შეზღუდვები. თუკი წინათ ჩხრეკის მიმართ გულგრილი ვიყავი, ახლა როგორც პირად მტრებს, ისე ვუყურებდი ზედამხედველებს. გუბერნატორისგან პასუხი იგვიანებდა. ესეც მოლოდინი იყო და შეიძლება ითქვას, რომ ყველაზე აუტანელი ვითარებას ამსუბუქებდა ჩემი რწმენა, რომ ამ საქმიდან არაფერი გამოვიდოდა. მაგრამ იმედი, რომელიც ყველაზე ბოლოს კვდება ადამიანში, მოსვენებას არ მაძლევდა და ისევ მოლოდინის რეჟიმში მაბრუნებდა.

გაზრდილ აგრესიას მაშინაც ვგრძნობდი, როცა რინგზე ვინმეს ვებოქსავებოდი.

ზონას ერთი რუსის ბიჭი შემომემატა, სახელად ვლადიკა. ამერიკელი ცოლის ცემისთვის იხდიდა სასჯელს. 19 წლის ყოფილა კურსკიდან რომ ჩამოსულა, ბიძის მიპატიუებით. ამერიკაში ადრეც გაუსამართლებიათ წვრილმანი ქურდობისათვის. ამჯერად მისჯილი ჰქონდა ხუთი თვე. ძალიან გაუხარდა რუსულად რომ გამოველაპარაკე. საოცარი რამაა დედაენა. მეც საოცრად მოწყურებული ვიყავი დედაენაზე ლაპარაკს და თავს იმით ვიმშვიდებდი, რომ თვეში ერთხელ ჩემიანებს ველაპარაკებოდი.

2010 წელს კვლავ სრულმასშტაბიანი კრედიტები მივიღე, რაც ჯამში იმას ნიშნავდა, რომ პატიმრობის ვადა ერთი წლით შემიმცირდა. კრედიტების მონიჭების დროს მაფრთხილებდნენ, რომ თუკი რაიმეს დავაშავებდი, კრედიტებს გამიუქმებდნენ. ასე რომ, გარკვეულწილად ამ კრედიტების მძევალი ვაგხდი.

ხშირად მიფიქრია იმაზე, როგორ ხდებოდა ადამიანები საკუთარი მიღწევების მძევლები. ოლიგარქები თავისი მილიარდების კარნახით მოქმედებენ, საკუთარი „მე“ მთლიანად დაკარგული აქვთ. თუკი ასე არ მოიქცევიან, მილიარდებს ვინ ჩივის, შეიძლება სიცოცხლესაც გამოეთხოვონ.

ისიხლიანი დიქტატორები საკუთარი სავარძლის მძევლები არიან, რამეთუ თუკი ფეხი დაუცდათ, პოლიტიკური ანგარიშსწორება წამითაც არ იგვიანებს.

საკუთარი იმიჯის მძევლობა აიძულებს ადამიანებს, ნიღბები ატარონ. ნიღბი თავისუფლების შეზღუდვასთან არის დაკავშირებული. რომელი ჭკუათმყოფელი დათმობს თავისუფლებას, ეს რომ მისთვის სასიცოცხლოდ მნიშვნელოვანი არ იყოს.

ამავე წელს ტანზე ორი ტატუ დავიხატე. წელის მარჯვენა მხარეს კალამნიკოვის ავტომატი მომისვირინგეს, მარცხენა მხარეს კი წარწერა „ომერტა“, რაც დუმბილის ფიცია და ნიშნავს: არ ვხედავ დანაშაულს, არაფერი მსმენია დანაშაულის შესახებ, არ ვლაპარაკობ რაიმეს დანაშაულის შესახებ.

ოპოზიციის შტაბში 2010 წლის ზაფხული განსაკუთრებით ცხელი გამოდგა. ჩემმა აგრესიამაც იმატა. როგორც უკვე ვთქვი, სიცხეს ძნელად ვიტან. ხშირად ვიკეტებოდი ჩემს თავში და ადამიანებთან ურთიერთობებს ვაფურბოდი.

მოხდა ჩემთვის კიდევ ერთი უსიამოვნო ფაქტი. შემოდგომაზე დემოკრატმა გუბერნატორმა არჩევნები წააგო და

სულ მალე ოპიუმის შტატის გუბერნატორად კვლავ რესპუბლიკელი მოგვევლინებოდა. დემოკრატ გუბერნატორს ვადა 20 იანვარს გასდოდა. ჩემმა იმედმაც შეწყალების თაობაზე კიდევ უფრო იკლო და შეიძლება ითქვას, რომ ამაზე ფიქრს თავი ვანებე.

18 დეკემბერს კვლავაც ერთდროულად ვიხეიმი სტალინის და ჩემი დაბადების დღე, ამჯერად სრულ მარტოობაში, რადგან საბჭოეთიდან აღარც ერთი პატიმარი აღარ შემოიწია ჩვენს ზონას.

დადგა 2011 წელი. 19 იანვარს, ახალგაზოგადობის, თავზე ზედამხედველი წამომადგა და მაუწყა, რომ მიბარებდნენ ზონის ცენტრალურ ოფისში. ამ ამბავმა ძალიან შემაშფოთა. 11 წელი და 7 თვე ისე გავიდა, ჩემით არავინ დაინტერესებულა. არც ერთ დანაშაულებრივ საქმიანობაში ირიბად ეჭვმიტანილიც კი არ ვყოფილვარ. წერილმანი შეცოდებისთვის კარცერში გატარებული დღეები სათვალავში მისაღები არაა. სრულიად გაუგებარი იყო, რას მოასწავებდა ცენტრალურ ოფისში ჩემი გამოძახება.

ბუნებრივია, პირველ რიგში დანას მივხედე, თითების ანაბეჭდები წავშალე და ჩემთან ყველაზე დაახლოებულ პატიმარს, ჯერის გადავეცი. თან ვუთხარი, თუკი ორ საათში არ დავბრუნდები, ეს დანა გადააგდე-მეთქი.

ოფისისკენ მიმავალმა ჩემს თავს შევფიცე, რომ ყოველგვარ ტანჯვას გადავიტანდი და ვინმეს დანაშაულზე კრინტს ვერ დამაცდენინებდნენ.

ორი-სამი გამომძიებლის მიძიმე მოლოდინით შევდივარ ოფისში და რას ვხედავ, ვიღაც ახალგაზრდა ქალბატონი მაკვიდრებს ზის და რაღაც საბუთებს ჩაჰკირკიტებს. გუნებაში გავიფიქრე, ამან რა უნდა გამოიძიოს-მეთქი.

დავჯექი, მეუბნება. ბუნებრივია, დავჯექი. მეუბნება, თქვენს მიერ გაგზავნილი მოთხოვნა შეწყალების თაობაზე დაკმაყოფილებულია და დღეიდან პატიმრად აღარ ითვლებითო.

კიდევ კარგი, ვიჯექი, თორემ არ გამოვრიცხავ, იატაკზე ზღართანს მოვადენდი და შევრცხვებოდი ეს ვაჟკაცი კაცი. ყურებს არ დაუფუჯერე. რამდენჯერმე ჩავეკითხე, რამე ხომ არ მემლება, კიდევ ერთხელ განმიმარტეთ, ჩემს თავს რა ხდება-მეთქი.

სანამ დოკუმენტი ჩემი თვალით არ ვნახე, არ იქნა და ვერ დავიჯერე რასაც მეუბნებოდნენ. მაგრამ როცა ტექსტი წავიკითხე და იქვე დასმული ბეჭედი და გუბერნატორის ხელმოწერაც დავინახე, უკვე ვირწმუნე ნათქვამი. ასეთი სიხარული ცხოვრებაში არ განმიცდია. მთელი სხეული მიცახცახებდა და თუმცა ცვდილობდი ემოციები დამემალა, აშკარად მეტყობოდა, რომ შოკირებული ვიყავი.

ზონაზე ეს ამბავი მზიან ამინდში მეხის გავარდნასავით მიიღეს. ვერავინ იჯერებდა, რომ პოლიციელის მოსაკლავად გამმეტებელ კაცს ინდივიდუალური ამნისტია გამომიცხადეს.

მღელვარება კარგა ხანს გრძელდებოდა. მოსალოცად და ჩემთან სალაპარაკოდ ისეთებიც მოდიოდნენ, ვისაც მხოლოდ საღმთო ვიცნობდი. ამჯერად შევძელი ემოციების მოთოკვა და თავი ისე მეჭირა, თითქოს განსაკუთრებული არაფერი მომხდარიყო.

როგორც გაირკვა, ამნისტია მოსულა 7 იანვარს, მე კი ეს ამბავი მაცნობეს 19 იანვარს. ანუ, ჩემთვის ამ სასიხარულო ცნობის გადმოცემა ადმინისტრაციას კარგა გვარიანად დაენანა.

ისე დაემთხვა, რომ მეორე დღეს ტელეფონით ჩემებს უნდა დავლაპარაკებოდი. როცა ვაუწყე ეს ამბავი, ტელეფონში სიხარულის გამოხატველი ჯგუფური ყვირილი და კივილი ჩამესმა. თვალზე მომადგა ეგრეთწოდებული მამაკაცური ძუნწი ცრემლები. რა დასამალა, დიდი იმედი არ მქონდა, რომ უკვე ასაკოვან ჩემს მშობლებს პატიმრობის მთელი ვადის მოხდის შემთხვევაში ცოცხლებს ვნახავდი.

ემოციური ალტკინების შემდეგ, საქმეზე გადავედი. მაშინვე გავაფრთხილე, ისე არ მოხდეს, რომ დეპორტაციის დროს თბილისის აეროპორტში არავინ დამხვდეს. თუკი მე ხმას ვერ მოგანვდენთ, ადგილობრივ ხელისუფლებას დაუკავშირდით და ისინი გაცნობებენ ჩემი ჩამოსვლის თარიღს-მეთქი.

იმ რაჭველივით გამომდიოდა, ომში რომ იყო წასული და ცოლს წერილი მისწერა, ქვე ომი რომ დამთავრდება, შემატყობინე და ჩამოვალო.

ჩემს დას ეკატერინეს ვთხოვე, თავისი იმედი გამდმოგზავნა, რომ მე ზონის კომპიუტერით მეცნობებინა ჩემი ჩამოსვლის თარიღი.

ოპიუმის შტატის კანონების მიხედვით, შეწყალებიდან სულ ცოტა ორი თვე სჭირდება პატიმრის განთავისუფლების დამატარებელი საბუთების შეგროვებას.

სამი კვირის განმავლობაში კომპიუტერული მიმონერა მქონდა ჩემს დასთან. სამი კვირის თავზე ვაცნობე, რომ მომდევნო დღეს ფედერალური ციხისკენ გავემართებოდი უკვე არა როგორც პატიმრის, არამედ დაკავებულის სტატუსით.

ფედერალურ ციხეში სამი კვირა დავყავი. იქ მყოფნი ზოგი დეპორტაციას ელოდებოდა, ზოგს სულ მალე სხვა ფედერალურ ციხეში გადაიყვანდნენ.

ერთმა უცნაურობამ მიიპყრო ჩემი ყურადღება. დაკავებულნი მექსიკელები თავისიანების გარდა არავის ელაპარაკებოდნენ, თვით ამერიკელ მექსიკელებსაც კი. დღემდე ვერ ამიხსნია ეს ფაქტი. ერთადერთი ვარაუდი ისაა მაქვს, რომ „დუმის ფიც“ გამონეული იყო იმის შიშით, ჩემიანებმა არ იფიქრონ, მათ წინააღმდეგ რაიმე ინფორმაციას ვავრცელებო.

კენედის აეროპორტიდან ჯერ კიევში ჩავფრინდით, ორი ფედერალური მარშლის თანხლებით, ასე ჰქვია გამცილებელ ზედამხედველებს. თბილისამდე ჩამომაცილეს და გადამცეს საქართველოს ხელისუფლების წარმომადგენლებს, რომლებმაც საბუთები შემომიწმეს, ჩემი თითის ანაბეჭდები აიღეს და...

დამათრობელია თავისუფლების პირველივე ამოსუნთქვა. ეს ადრეც მქონდა გამოცდილი, მაგრამ სულ სხვაა, როცა სამშობლოდან ათასობით კილომეტრებით დაშორებული და თანაც გისოსებს მიღმა გატარებული 11 წლის და შვიდი თვის შემდეგ, სამშობლოს მიწას დაადგამ ფეხს და მშობლიური ქვეყნის ჰაერს ჩაისუნთქავ. მართლა გასაოცარი გრძობაა... ჩემი სხეული დედამიწას მონყდა და ცის რომელიღაც განაყოფში ინყო ფარფატი.

აგერ თბილისის აეროპორტის მოსაცდელი დარბაზი. მთავრულივით გავდივარ შეზღუდვის უკანასკნელ ბარიერს. უცნობმა ხმამ მთელი დარბაზის გასაგონად წამოიძახა: ბაკური!

წამოძახილს სიხარულით ურიაშული მოჰყვა და... მრავალყამიერი. დედაჩემის მსახიობებმა „მიშველი თეატრიდან“, მართლაც ბედაურმა მომღერლებმა, მშობლიური მრავალყამიერით აღნიშნეს ჩემი გამოჩენა. აქა-იქ ფოტოაპარატების ჩხაკუნის გაისმა, ორი ვიდეოკამერა ჩემკენ იყო მოშვერილი. ხვევნა-კოცნას ბოლო არ უჩანდა. მრავლად იყო სიხარულის ცრემლები...

მამაჩემს კითხვით მიმართა ვიღაც უცნობმა ასაკოვანმა კაცმა, რომელსაც უკან ადამიანების ჯგუფი მოჰყვებოდა, ხომ არ იცი, ვინ ჩამოვიდა? მამაჩემი არ დაბნეულა და რიხით, თუმცა კი კითხვითვე უპასუხია: ბაკურ გეგია, კაპიტო ტუტი კაპი, ყველა დროის აღიარებული მაფიოზი, ნუთუ არ გასმენიათ მისი სახელიო?

მაფიოზობისა რა მოგახსენოთ, მაგრამ ამერიკულმა გალიამ იმდენი რამ მასწავლა, გრაფ მონტე-კრისტოსავით ცოდნით დახუნძლული ჩამოვდიოდი. ოღონდ ესაა, მისი სიმდიდრე მაკლდა.

თუმცა რა სიმდიდრეზეა ლაპარაკი? თუ თავი შენი თან გახლავს, ღარიბად არ იწოდები...

გურამ ბენაშვილი

ლიტერატურული ვიტრაჟები



დღეს ინდივიდუალიზმს, ტოტალური ეკონომიკური თუ ლინგვისტური დეტერმინაციის გამო, თითქოს წაერთვა სრულფასოვანი არსებობის უფლება...

მიუხედავად ამისა, ის მაინც ჯიუტად იხანგრძლივებს სიცოცხლეს...

ცალკეული სუბიექტი ყოველი ეპოქის აღმოჩენა და ჯილდოა, რადგან ის თითქმის არასოდეს არის მხოლოდ ენისა და სოციალურ-ეკონომიკური ურთიერთობების მხოლოდ რეფლექსი...

სრული ნონსენსია სუბიექტისა და მისი ინტენციების გარეშე, დინამიური დრო-სივრცის წარმოდგენაც კი...

ერთობ საგულისხმოა, რომ არსებითად, სწორედ ფრანგი პოსტსტრუქტურალისტები იყვნენ „სუბიექტისადმი“ რადიკალურად არაკეთილგანწყობილინი...

მათგან უპირობოდ იყო უარყოფილი „სუბიექტის ფილოსოფიის“ უნივერსალური პოტენცია, მხატვრულ-ფილოსოფიური აზროვნების მორალური საფუძვლები თუ ეთიკური იმპლიკაციები...

მათი ფუძემდებლური პარადიგმა ითვალისწინებდა „სუბიექტის ფილოსოფიის“ დემონტაჟსა და უსუბიექტო პერმენენტუალური ფილოსოფიის დამკვიდრებას, ანუ იმ სააზროვნო დისკურსს, რომლითაც უარყოფილი იქნებოდა საგნობრივ სამყაროსთან, ენასთან და ისტორიასთან ტრადიციული დიალოგი...

ისიც საგულისხმოა, რომ პოსტმოდერნიზმმა, როგორც ამ კონცეპტუალური პარადიგმის ადეპტმა, ან უკვე უნივერსალური მასშტაბები შესძინა მას და იგი ეპოქის ყოფიერების ქვაკუთხედად გამოაცხადა...

და კიდევ: უპირველეს ყოვლისა, ენობრივი ტრადიციამ არსებითი და მნიშვნელოვანი...

ენა — როგორც სამყარო, როგორც ერის კულტურის პროტაგონისტი, რომელიც აცოცხლებს დრო-სივრცულ დინამიკას... ჩვენში თუ ირგვლივ არსებულ მოვლენათა და ნიშანთა სემანტიკას... და განუზომლად უფრო მეტია, ვიდრე საგანთა მხოლოდ ვერბალური კორელატი...

ნიადაგ ცვალებადია ენობრივი ტრადიციის გამოვლინებანი, მისი კომუნიკაციური დინამიკა... ჩვენ განუწყვეტლივ ვარსებობთ მასში, და იმავ დროს, თუნდაც ერთი თაობის ფარგლებში, მას ვტოვებთ არა ისეთს, როგორც ის იყო, ან არის, არამედ რაღაცით სახეცვლილსა და „განახლებულს“...

გავკადნიერდები და ვიტყვი, რომ ენა, ალბათ სხვა არაფერია, თუ არა უფალავ სასაუბრო აქტთა ჯადოსნური ერთობლიობა... ისიც ნიშანდობლივია, რომ გრამატიკა, ანუ ენის სისტემური წყობა, არასოდეს ყოფილა ცოცხალი მეტყველების წინამორბედი... უფრო პირიქით, ის მის ანალიტიკურ შედეგს წარმოადგენდა ყოველთვის... გრამატიკოსები „პირში შესცქეროდნენ“ მოლაპარაკე ხალხს და მათი ენობრივი წესების აბსტრაქტირებით ქმნიდნენ სისტემას...

გრამატიკას ცოცხალი სიტყვის მეშვეობით ეუფლებოდნენ, თუმც, გარეგნული შთაბეჭდილებით, ცოცხალი სიტყვა თითქოს სწორედ გრამატიკით გენერირდებოდა... ამ მაცდური ილუზიით იბრუნებდნენ ლაბათ გრამატიკოსები დამქანცავი შტუდიებით გადაღლილ სულებს...

ასე რომ, „ენა თვითონ კი არ იცვლიდა „სამოსელსა“ და „სამკაულებს“, როგორც ამას მისი ონტოლოგირებით გატაცებულნი ფიქრობენ, არამედ მას ინდივიდები სცვლიდნენ... ინდივიდები, რომელნიც იმინაგნებდნენ რა „საერთოს“, საკუთარი მენტალობის პრიზმაში გატარებულსა და სახეცვლილს უბრუნებდნენ საზოგადოებას... ერთეულ და გამორჩეულთა „განსაწმენდელში“ გავლილი მნიშვნელობები მოდიფიცირდებოდნენ და არსებობის უფლების მოსაპოვებლად თავის რიგს ელოდნენ... აქედანვე ჩნდებოდა სოციალური მიერ მათი მიღება-არმიღების „საბედისწერო“ ალტერნატივა...

ცხადია, ინდივიდები, რომელნიც ენის საკუთარ „ვერსიებს“ ქმნიდნენ, ცოტანი არ იყვნენ... მათი ძალთახმევით ჩნდებოდა

„შანსი“ ენობრივი მოდიფიკაციებისა, მისი თვალსაჩინო ცვლილებებისა... თვით ენობრივი წესების გადახალისების სახითაც კი...

თუმც, იმისათვის, რომ შესაძლებელი გამხდარიყო ამგვარი უნიკალური ცვლილებები, აუცილებელი იყო არსებულები ინდივიდები, კოლოსალური ფანტაზიით აღბეჭდილი ავტონომიებით...

და კიდევ ის, რომ ხელოვნება, უფრო კი მხატვრული ლიტერატურა იყო ენის უპირველესი პანაცეა... რომ მასში „ციმციმებდნენ“ მომავალ კომუნიკაციათა უნატიფესი „ათინათები“... ენის განახლებისა და სიცოცხლის ეს მისტიური „გამოცხადებანი“...

სიმპტომურია კლასიკური წარმოდგენა ლიტერატურაზე, როგორც მწერლისა და მკითხველის თავისუფალ ურთიერთობაზე, ანუ როგორც ადამიანური კომუნიკაციის უმაღლეს ფორმაზე...

ლიტერატურა — როგორც ვირტუალური სცენა, რომლის სივრცეშიც პირისპირ მდგარი მხარეები დიალოგის კონტექსტში აღიარებენ ერთმანეთის სრულ თავისუფლებას... იგი ყოველთვის განიხილებოდა, როგორც იდეალური ნიმუში წარმატებული სოციალური და ინტელექტუალური ურთიერთგამჭვავლისა, სულთა უსაზღოვანი, გამჭვირვალე და უანგარო ერთობისა...

ლიტერატურული ტექსტი ისევე ითხოვდა მკითხველის თავისუფლებას, როგორც მწერლისას...

იგი წარმოადგენდა თავისუფალი სამყაროს ერთგვარ პირველსახეს, რამდენადაც, სწორედ მისი ძალისხმევით ვლინდებოდა ადამიანურ სიკეთათა საკრალური ძალა... ავტორისა და მკითხველის ურთიერთობათა უპრეცედენტო დიდსულოვნება...

კიდევ უფრო სხვა კრიტიკოსის როლი და ფუნქცია... ის ერთდროულად ვალდებულია იყოს მწერალიც, ფილოსოფოსიც და ინტელექტუალური შუამავალიც...

სიმპტომურია, რომ პროფესიონალი მკითხველის რანგში, იგი ნიადაგ რეაგირებს და „მსუბუქი“ ანალიტიკით გამოხატავს საკუთარ მოსაზრებას ნაკითხულ მასალაზე...

პროფესიონალი კრიტიკოსის რანგში, ის უფრო თეორეტიკოსია, ტექნიკური ფორმულირებებით „აღჭურვილი“ და „საოპერაციოდ“ მზადყოფილი...

მწერალ-ფილოსოფოსის რანგში კი ის ჭეშმარიტი შემოქმედი, რომელიც საანალიზო ობიექტის ზღვრულ სიღრმესა და სიმალდეს „ზომავს“ და იმინაგნებს...

აქ, ამ შემთხვევაში, ღრმა ანალიტიკოსად გარდასახული მოაზროვნე წარმოდგენილი ტექსტის სრულ ინტერპრეტაციას გვთავაზობს... „შლის“ და „ანანევრებს“ რა ტექსტის ფაქიზ ქსოვილს, გამოაქვს ის იმპერატიული დასკვნები, რომელნიც მისივე ფარული სააზროვნო შრეებიდან იზადებიან...

ასე და ამგვარად, ნათელი ეფივნება იმ „იმპლიციტურ“ ფილოსოფიას, რომელზეც „დგას“ მხატვრული ქმნილება...

ცხადი ხდება იმ მსოფლხედვისა და მსოფლმეგრძნების ტიპოლოგია, რომელიც მის უნიკალურ „სხეულშია“ გამოჯდარი თუ ნაგულისხმევი...

მთლიანის ინტუიტიური აღქმა, რომელიც მხატვრული ტექსტის სინთეზშია აკუმულირებული და პიროვნული ჩართვა იმ „უცხო“ რეფლექსიებში, რომელთაც მაქსიმალური სიცხადე უნდა მიენიჭათ — ესეც მწერალ-ფილოსოფოსად ქცეული კრიტიკოსის „მოვალეობაა“...

ეს ყოველივე წარმოადგენს ინტელექტუალურ „ჭიდილს“ და ორი სულისა და გონების ურთიერთმენაცვლებას...

მნიშვნელობა კი ამ „მეტოქეობისა“ იმაშია, რომ მხოლოდ მისგან იშვება შესაძლებლობა ვერბალურ სიტყვად იქცეს ის იდეალური და „უთქმელი“, რითაც შინაგანად სუნთქავს და მეტყველებს ტექსტის „სხეული“...

და თუ მართალია, რომ „ლიტერატურა ოდენ დუმილის პერმენეტიკაა“ (ყან-ფრანსუა ლიოტარი), მაშინ კრიტიკოსის ამოცანა ყოფილა, რაც შეიძლება მეტად მიუახლოვდეს ლიტერატურული ქმნილების იმ ენობრივ პლასტს, იმ ურთიერთმონაცვლე სიტყვათა მაგიურ ვიბრაციას, რომელიც ყველაზე უკეთ ავლენს მის იდუმალ მშვენიერებას...



ივანე მაჩაბელი

ივანე მაჩაბლის იდუმალი გაუჩინარება ილიას საუკუნის კიდევ ერთი ეკზისტენციური აბსურდია...

„გუშინწინ, 26 ივნისს, დილით ადრე, თითქმის ოთხ საათზე თ. ივ. მაჩაბელი გამოვიდა სახლიდან და აღარსად ჩანს“ — იუწყებოდა „ცნობის ფურცელი“ 1898 წლის 28 ივნისს...

ერთი მაჩაბლის გვამს მტკვარში „პოულობდნენ“, მეორენი ხელისუფალთაგან

დევენლ კანადისაკენ მიმავალ „დუბობორებში“, სხვანი არხანგელსკის ახლოს, რომელიღაც მონასტერში... კიდევ სხვაგან და სხვაგან...

სამწუხაროდ, არც ერთი ცნობა-ვარაუდი არ გამართლდა... ქართული პრესა კიდევ დიდხანს „ბორგავდა“ და ვერაფრით ივიწყებდა მომხდარს, რადგან, როგორც „კვალი“ მოგვიანებით წერდა — „ივ. მაჩაბელი პატარა კაცი არ ყოფილა, რომ მისი დაკლება არაფრად ჩაეგდო საზოგადოებას“...

იშვიათია, მწერალს კლასიკოსის გვირგვინი მხოლოდ თარგმანებით მოეპოვებინოს... ივანე მაჩაბელი ამ თვალსაზრისითაც უნიკალურია...

მწიგნობრობა და ინტელექტუალიზმი მემკვიდრეობით გადმოსულა მასზე... პაპის „მადლიან“ ბიბლიოთეკაში აღმოუჩენია და წაუკითხავს ყოველივე ის, რამაც დასაბამი მისცა მის სულიერსა და გონებრივ ამაღლებას...

საღვთო წერილის კითხვა-შემეცნებაში კიდევ უფრო ადრე განაფულა...

„ცხრა თუ ათი წლისა ვიქნებოდი, როდესაც პირველად ვნახე ვანო მაჩაბელი — იგონებდა ეკატერინე გაბაშვილი — გ. ერისთავის ეკლესიაში წირვა იდგა... უცებ ხმა გავარდა სამოციქულოს სულ პანანინა ბავშვი კითხულობსო და ხალხი უფრო აჩოქოლდა, ეკლესიის შესავალს მიანყდა. მამაჩემმა ფეხი აუჩქარა და რამდენიმე წამის შემდეგ ეკლესიაში შემეყვანა.“

ხატების წინ მრავალი სანთელი ენთო, მაგრამ ეკლესიაში მაინც ბნელოდა, ბინდში მკაფიოდ მოჩანდა ხელში აყვანილი რვა წლის ბავშვი, რომელსაც მარჯვენა ხელში დიდი კელაპტარი ეჭირა და წინ გადაშლილ უშველებელ წიგნს კითხულობდა...

სიზმარით ჩამრჩა სინათლის შუქით განათებული მშვენიერი ბავშვის გაფითრებული სახე. დიდრონი მომწვანო თვალებით შემეკული და ქერა ხუჭუჭა თმით გადაფენილი სპეტაკი შუბლი...

ის არაბავშვური სახის გამომეტყველებით დაშტერებოდა წიგნს და მაღალი ხმით გარკვევით კითხულობდა სწორედ იმ კილოთი და ტონით, რომლითაც ჩვეულებრივ სამოციქულოს კითხულობენ... ხალხი გაკვირვებული უცქერდა და უსმენდა... ეს წორჩი, ეკლესიური ბავშვი დაიდგამს მოგვიანებით ქართული დიდი მოღვაწისა და შემოქმედის ეკლესია გვირგვინს და ამასოფლად სასოებით დასტოვებს განძს, რაც აღარავის მისცემს მისი დავიწყების უფლებას...

ინგლისური ენის შესწავლისა და შექსპირის თარგმნის ოცნება მონაფეოზისას ასდევნებია... ამ სანუკვარი მისწრაფების აღსრულებაში გიმნაზიის პედაგოგს — პეტრე უმიკაშვილს შეუსრულებია განსაკუთრებული როლი...

ინგლისურის სერიოზულ შტუდირებას პეტერბურგის უნივერსიტეტში შესვლისთანავე შესდგომია და მალევე საკმაოდ განაფულა...

პეტერბურგშივე, ბანკის საქმეებზე ჩასულ ილია ჭავჭავაძისათვის წარუდგენია ვანო მაჩაბელი მის ძმას ვასილ მაჩაბელს... იქვე გადაწყვეტილა ილიასა და ვანოს ერთად დაესრულებინათ „მეფე ლირის“ თარგმნა...

სოფრომ მგალობლიშვილის მოგონებებიდან: „ილია რომ პეტერბურგიდან დაბრუნდა, მის ქებასა და აღტაცებას საზღვარი აღარ ჰქონდა — ვანო ისეთი განვითარებულია, ქართული ენა, ლიტერატურა მშვენივრად აქვს შეთვისებული, შესანიშნავად იცის ევროპული ენები, განსაკუთრებით ფრანგული და ინგლისური“...

საქართველოში დაბრუნებისთანავე, ილიამ მას „ივერიის“ მეორე რედაქტორობა ჩააბარა და ამით საზოგადოებას კიდევ ერთი ინტელექტუალური „ვარსკვლავის“ დაბადება ამცნო... ამ უნივერსალური პიროვნების გამოჩენა სულიერი განახლების სიმბოლოდ წარმოედგინა ერის მოძღვარს...

დროება დაბეჯითებით მოითხოვდა სულიერსა თუ ინტელექტუალურ პრაგმატიკას და ერთგვარ დეკონსტრუქტივიზმსაც კი... ყველაფერი მზად იყო გენერალური შეტევისათვის...

საზოგადო მოღვაწენი დიდ ენციკლოპედიკებად გარდაისახნენ და ერთდროულად იქცნენ ფინანსისტებად და ჟურნალისტებად, პედაგოგებად და მეურნეებად, პუბლიცისტებად, თეატრმცოდნეებად და თვით მსახიობ-რეჟისორებადაც კი...

ეს იყო ჭეშმარიტად „კულტურტრეგერული“ მოძრაობა, რომლის სტრატეგია ეფუძნებოდა ეროვნული და სოციალური ცნობიერების აქტუალიზაციას, არაცნობიერი კონტექსტებიდან გამოსვლას და მოტივაციათა კონკრეტიზაციას... ხალხში განმანათლებლური იდეების რეალიზაციას და ერის კონსოლიდაციას...

1880 წელს შექმნილმა „ვეფხისტყაოსნის“ ავტორიტეტულმა კომისიამ, პოემის გამოცემის რედაქტორობა ივანე მაჩაბელს მიანდო...

როგორც მირიან ჭყონია იგონებს, კომისიის შექმნა და გიორგი ქართველიშვილის მიერ გამოცემის დაფინანსება, სწორედ ივანე მაჩაბლის ინიციატივით განხორციელებულა...

ერთობ პიკანტურია ამ ისტორიული ინიციატივის იმპულსი და მისი განვითარების პერიპეტეიები...

კვლავ მირიან ჭყონიას მოგონებებიდან: „ერთ დღეს „დროების“ რედაქციაში ივანე მაჩაბელს ეწვია გ. ქართველიშვილი და უთხრა — „ვანო, ერთი მილიონი მანეთი დამიგროვდა, საქმე ვერ მომიძებნია, აბა ერთი მწერალს და ბანკირს თუ გაქვს ნიჭი, მოსაგები რამ მირჩიო.“

— სწორედ დღეს მომივიდა კორესპონდენცია ქართლიდან, პურის მოსავალი კარგია, მაგრამ მყიდველი არ ჩანსო, იყიდე მან ფულებით და მოუგებლობა არ იქნებაო, — მიუგო მაჩაბელმა...

გ. ქართველიშვილმაც დაუჯერა და სულ ცოტა ხანში მართლაც მოიგო კაი ძალი ფული. გახარებულმა ქართველიშვილმა მაშინ უთხრა მაჩაბელს: ათი ათასი მანეთი გადამიდია შენს განკარგულებაში, რა საქმესაც მეტყვი, იმას დავახარჯებო. მაჩაბელმა ურჩია „ვეფხისტყაოსნის“ მდიდრულად გამოცემა, ისიც დათანხმდა და საქმე გაიჩარხა“...

ივანე მაჩაბელი, მთელი თავისი არსებით, დიდი თეატრალური მოღვაწის ტიპს ანსახიერებდა... თარგმნილი ქმნილებებით იგი ბრწყინვალედ პასუხობდა ახალაღორძინებული თეატრალური ცხოვრების მაღალ მოთხოვნილებებს...

მისი დიდი საზოგადოებრივი მოღვაწეობის კიდევ ერთი უმნიშვნელოვანესი სფერო ქართული სათავადაზნაურო ბანკი იყო...

ილიამ და მან კოლოსალური ძალა და ენერჯია შეაღიეს ამ საქმეს...

სამწუხარო ის იყო რომ სწორედ იგი გახდა მათ შორის ჩამოვარდნილი საბედისწერო უთანხმოების მიზეზი... იმ შემზარავი უფსკრულის მიზეზი, რომლის გაჩენამაც ჯერ განამარტოვა, შემდეგ კი შეინირა კიდევ ერთი მათგანი...

თავიდან კი ყველაფერი ერთსულოვნებითა და კეთილგანწყობით დაიწყო...

სიბეჯითის, ტალანტისა და კრისტალური მორალის გამო მოიწვია ილიამ ივანე მაჩაბელი ბანკში — ჯერ მოლარედ, ხოლო მოგვიანებით — დამფასებლად...

ილიამვე წამოაყენა მისი კანდიდატურა ბანკის ერთ-ერთი დირექტორის თანამდებობაზე...

და, მაინც, რა იყო ამ ორი დიდი ერისკაცის ურთიერთდაპირისპირების რეალური მიზეზი... რა კონცეპტუალური იდეოლოგია გახდა საუკუნის ამ კონცეპტის მაპროვოცირებელი...

რა ფინანსური სტრატეგიით უნდა წარმართულიყო ბანკის მოღვაწეობა, რა პრიორიტეტებს უნდა მინიჭებოდა უპირატესობა და როგორი უნდა ყოფილიყო ამ ეროვნული საფინანსო ცენტრის ტაქტიკა და იდეოლოგია — აი, პრობლემათა ის წრე, რომლის განხორციელებაზეც ბევრად იყო დამოკიდებული კოლონიადქცეული ქვეყნის შიდა პრობლემები, სასიცოცხლოდ აუცილებელნიცა და მომავალზე ორიენტირებულნიც...

ამ დამქანცველ და ნერვიულ ატმოსფეროში ამოიზარდა პრობლემები, რომელთაც აზრთა სხვადასხვაობა გამოიწვიეს... ეს უთანხმოებანი შეურიგებელ ოპოზიციად გარდაიქმნა და გაგრძელდა...

ამ ისტორიული კონფლიქტის „სურეალისტურ“ მოტივაციაში განდობილ მირიან ჭყონიას ვარაუდით: „ერთადერთი ქართული გაზეთის („დროების“) რედაქტორობამ დიდი გონებრივი და ზნეობრივი გავლენა მოუპოვა მაჩაბელს მთელს საქართველოში. ის ახლა უკვე ზედმინევენით მცოდნე იყო ბანკის და საბანკო საქმეების, ბევრ რამეებში უკვე აღარ ეთანხმებოდა ილია ჭავჭავაძის, რომელიც არ იყო ჩვეული სიტყვის შებრუნებას დირექტორთაგან და როცა ივანე მაჩაბელმა მას დაუწყო ჯერ სიტყვიერი შეკამათება გამგეობის სხდომაზე და მერე გაზეთში შეუდგა საბანკო საქმეების პრინციპულად განხილვას წინააღმდეგ ილია ჭავჭავაძის აზრებისა, ეს არ ეამა უკანასკნელსა“...

ბანკის დირექტორის თანამდებობიდან გადაყენების შემდეგ ივანე მაჩაბელმა ახალ საქმეებს მოჰკიდა ხელი... ქართული მეურნეობის აღორძინების თადარიგს შეუდგა...

მას, როგორც გამოცდილმა სტრატეგმა მოიმხრო სოფლის ინტელიგენცია და მათი დახმარებით დააფუძნა სასოფლო-სამეურნეო სინდიკატი, რომელმაც დიდი სიკეთე მოუტანა ქართლს... თუ მანამდე უმეტესი წილი ქართლის ჭირნახული-სა ჩალის ფასად გადადიოდა მომრავლებული ჩარჩების ხელში, ახლა უკვე სინდიკატის მაღალი ორგანიზაციის წყალობით, მილიონები ეკარგებოდა ჩარჩთა უძირო ჯიბეებს...

ორმოცდაათი წლის ივანე მაჩაბელი, ძალზედ საიდუმლო ვითარებაში გაუჩინარდა... გაქრა და ერთგვარ ტრანსპერსონალურ „ფანტომად“ იქცა... ესეც, ალბათ ერთ დროს ეკლესიის წიაღში სამოციქულო კითხვით შთაგონებულ „გაფითრებული ბავშვის“ ბედისწერა იყო...

გავკადნიერდები და მის გაუჩინარებასთან დაკავშირებით, კიდევ ერთ, ჩემთვის უფრო მისაღებ ვარაუდს მივაპყრობ „მზერას“...

გავიმეორებ, რომ ივანე მაჩაბლის მიერ ორგანიზებულმა სინდიკატმა დიდი სიკეთე მოუტანა ქართლს... საკმაოდ ძლიერ, მდიდარ და გავლენიან „ჩარჩობას“ პირდაპირ მესად დაატყდა მისი ძალისხმევა... სინდიკატის აშკარად მოსალოდნელი აღორძინება მათთვის ფინანსურ-ეკონომიკური კოლაფსის ტოლფასი იყო... და როცა ივანე მაჩაბლის სინდიკატის გამგეობის თავმჯდომარედ არჩევის ამბავი გაიგეს, ელდა ეცათ თურმე... დაფაცურდნენ, გადასარჩენი გზებისა თუ ბილიკების ძიება დაიწყეს... საიდუმლოების სრული დაცვით ამოქმედდა ყოველი მზაკვრული განაჩენისათვის კარგად აპრობირებული სისხლიანი სადამსჯელო „მანქანა“...

1898 წლის თიბათვის 26-ს ივანე მაჩაბელმა კიდევ ერთი, შესაძლოა მისთვის საბედისწერო ნაბიჯი გადადგა, შეიძინა

რა სამეურნეო იარაღები სინდიკატისათვის... მეორე დღეს იყო განზრახული მათი ადგილებზე მიტანა...

ის მეორე დღე, ოჯახისა და ქვეყნისათვის უმისოდ გათენდა... „ღამით საწოლ ოთახში შესული დასაძინებლად, მეორე დღეს ის ველარსად ნახეს, ველარც ცოცხალი და ველარც მკვდარი“...

მრავალი რამ ჩვენი ერის საზოგადოებრივი ცხოვრების წარსულიდან ბურუსითაა მოცული... მომავალი კულტურის ფილოსოფია ალბათ უფრო „განწმენდილი“ რეფლექსიებით გააანალიზებს „ტრანსცენდენტური ილუზიებით“ გაზღაპრებულ მოვლენებს და თუნდაც ისტორიის ამ ტრაგიკულ ეპიზოდს ობიექტური სახით წარუდგენს საზოგადოებას...

კონსტანტინე გამსახურდია



კონსტანტინე გამსახურდიას სახელთან ორგანულად ასოცირდება ევროპული კულტურის პარადიგმული ორიენტაციები თუ სტრუქტურული კონფიგურაციები...

დასავლეთიდან ინკორპორირებული და კლასიკად აღიარებული ქართული მოდერნის ერთი იდეოლოგიაგან, უფართოეს ჰუმანიტარულ ცოდნას მიუხედავად, ბერლინის, ლონდონისა და სორბონის უნივერსიტეტებში დაეუფლა...

1910-იანი წლებიდან ბრწყინვალე ესეებით „რეკლამირებას“ უწყევდა ექსპრესიონიზმსა და ნიცშეს ელინიზმს, ვაგნერის მითოპროიკასა თუ უაილდისა და გეორგეს ესთეტიზმს...

ანალიტიკოსის სიმძაფრით აღიქვამდა ევროპული მხატვრულ-ფილოსოფიური ცნობიერების პულსაციას, განიცდიდა და ცოცხლობდა ამ შთამბეჭდავი ნოვაციებით...

საგულისხმოა, რომ მისი მენცალური ვექტორი გერმანული სულიერი გამოცდილებისაკენ იხრებოდა... შეიძლება ითქვას, რომ „გოეტეს ცხოვრების რომანი“-ს ავტორი, ქართველ მწერალთა შორის (გრ. რობაქიძესთან ერთად), სრულიად გამორჩეული გერმანოფილი იყო...

გოეთესა და კანტის, ნოვალისისა და ჰელდერლინის, ნიცშესა და ვაგნერის ქვეყანა მას, ალბათ სამართლიანად „ევროპის ინტელექტუალურ დირიჟორად“ მიაჩნდა...

ხანგრძლივი ევროპული „პოლიგრიმიზმა“ მასში ამნიფებდა არა მხოლოდ მხატვრული სიტყვის ხელოვანსა და მოაზროვნეს, არამედ სამშობლოს პატრიოტსა და მისი დამოუკიდებლობისათვის მებრძოლს...

გერმანიაშივე გახდა იგი „საქართველოს გამათავისუფლებელი კომიტეტის“ წევრი... სამშობლოს ეფემერული დამოუკიდებლობის ჟამს კი საქართველოს საელჩოს ატაშე...

ისტორიული მნიშვნელობის დოკუმენტად იქნა აღიარებული მისი „ღია წერილი ულიანოვ-ლენინს“, რომელშიც დეკლარირებულია მწერლის რადიკალური ეროვნული სულისკვეთება...

ინვინა შორეულ გადასახლებათა ტანჯვა-წამება და თვით ლეგენდარული „სოლოვკის კუნძულების“ ჯოჯოხეთიც...

სამშობლოში დაბრუნებული იწყებს ინტენსიურ ლიტერატურულ მოღვაწეობას...

მისი პირველი დიდი ქმნილებაა — „დიონისოს ღიმილი“... რომანი, რომელიც იდეოლოგიურად ანგაჟირებული დრო-ჟამის სრულ კონტრასტად წარმოიდგინება...

მასში თავი იჩინა ახლადფეხადგმული ეროვნული მოდერნის სპეციფიკამ... ახალი ყოფიერების დრამატიზმი და მასთან შეუ-

თავსებელი ინდივიდის ეკზისტენციური მარტოობის ფილოსოფიური პრობლემატიკაა მწერლის მიერ აქ წარმოდგენილი...

მისი პროტაგონისტის — ინტელექტუალისა და არისტოკრატიის მითოლოზობრივი წარმოდგენებით აღქმული რეალობანი, არსებითად ვიზიონერის „თეორიული“ თუ „აქსიოლოგიური“ პოლემიკაა ნეგატიური დროის დომინანტიურ პარადიგმატან... თავის განრიდება და გაქცევა პიროვნების დამორგუნველი ლაბირინთებიდან...

რომანის საგანგებოდ აქცენტირებულ პრობლემათა იერარქია მკითხველს „სთავაზობს“ მენტალურ სივრცეში მიმდინარე ისტორიული ტრანსფორმაციის დინამიკასა და ეპოქის სტრატეგიას...

XX საუკუნის ევროპის ინტელექტუალური თუ მორალური ინსტინქტებითა და ეროვნული სულიერების რომანტიკული კონოტაციებით გაჯერებული ნარატივი, როგორც ერის ცხოვრების ისტორიის მხატვრული ვერსია, თანამედროვეთა მიერ, ბუნებრივია სრულიად ახალ მოვლენად აღიქმებოდა...

მიუხედავად დისტანციირებისა, რომანის პროტაგონისტი კონსტანტინე სავარსამიძე ავტორის alter ego-დ იაზრება და სამართლიანადაც...

ინდივიდუალური ბიოგრაფიის, ანუ „ბუდის კრიზისის“ იდენტურობა და მსოფლმხედველობრივი ვიზიონების თვალშისაცემი სიახლოვე, ცხადად წარმოგვადგენინებს ამ ქმნილების „ლირიკული გმირის“ ვინაობას...

ამავე პერიოდის ნაყოფია მწერლის თარგმანები — დანტეს, გოეთეს, უიტმენის, რემარკის ქმნილებებისა...

ვასილი საუკუნის 30-იან წლებში „ნარსდგა“ მკითხველის წინაშე რომანი „მთვარის მოტაცება“... მწერლის კიდევ ერთი მხატვრული შედეგია...

შთამბეჭდავი მოტივაციებით აღბეჭდილ მხატვრულ ტექსტში მძაფრი ობერტონებით წარმოისახა უმძიმესი ჟამის ტრაგიკული გრიმასები და სოციუმის შემადრწუნებელი კონფუსიები... ერის ისტორიული განვითარების ბუნებრივ პროცესთა დამახინჯებისა და მსხვერვის ბრუტალური გამოვლინებები...

წარმართული და ქრისტიანული მითოლოგიებით „პროვოცირებული“ მწერლის ცნობიერება, ეროვნული თვითშეგნების იმ გრადაციებს ათვალსაჩინოებს, რომელთაც კიდევ უფრო მეტად უნდა გაემძაფრებინათ დრო-ჟამის დემონიზაციის ხარისხი...

საგულისხმოა, რომ ოფიციალური კრიტიკა მხურვალედ მისალმებია „ძველის“ მსხვერვისა და „ახლის“ მაუწყებელ ამ რომანს... თუმცა, ენიგმური სტილისტიკით მოდელირებული ეს მხატვრული ტექსტი, უფრო რეკვიემი იყო ქართულ წარმართულ ღვთაებაში — მთვარეში სუბლიმირებული ეროვნული სულისა... გამოტირება იყო წარსულისა და მისი განუყოფლებელი თავისთავადობისა...

ისტორიული წარსულის მონუმენტური აღქმითაა აღბეჭდილი რომანი „დიდოსტატის მარჯვენა“...

მისი ფილოსოფიური კონტექსტი და ემბლემატიკა ქრისტიანული სასწაულის — სვეტიცხოვლის აღმართვა და მისი თანმდევი სულიერება, მითოსური იდეალების სემანტიზაცია და საკრალიზაციაა...

ტაძარი, როგორც დრო-სივრცის საზრისი და მაცხოვრის სიმბოლო, როგორც ქრისტიანული სახისმეტყველების მაღალმხატვრული ხატი, მწერლის სულიერ წარმოსახვებთანაა წილნაყარი...

ქრისტიანული ენობრივი მსოფლხედვისათვის ჩვეული მოდულაციები ესთეტიკურ რეალობებზე და სახიერებებზე და ავტორის შინაგანი სულიერი გამოცდილების უნივერსალიზმზე მეტყველებენ...

ამ სულიერებით გაჯერებული სამყაროს წიაღში ცხოვრობენ რომანის პერსონაჟები, მათში რეალიზდება ინდივიდუალური ყოფიერების დროსთან შესაბამისი გამოვლინებები, მათი მაღალი არისტოკრატიზმიცა და უბრალოებაც, კეთილშობილებაცა და სატანიზმიც...

XI საუკუნის ფეოდალური საქართველო, მწერლის მხატვრულმა წარმოსახვამ, თავისუფლებასა და აჩვენებულ თანამედროვეთა ცხოველი ინტერესის საგნად აქცია... პროვოცირება მოახდინა რა მათი დაჩლუნგებული ცნობისწადილისა — გავლო პარალელი წარსულსა და აწმყოს, ბუნებრივსა და სიმულაციურ ყოფიერებას, ერისა და ადამიანთა ტრაგიკულ ბედისწერათა შორის...

ღრმა და წმინდაა აქ ავტორისეული პიეტეტი თვით სამეფო ღირსებებზე ზეალმატებულ ქრისტიანულ სათნოებათა მიმართ... კდემით, თანალმობითა და მდუმარე რწმენით აღბეჭდილ დრო-ჟამთა მიმართ...

ფრიად ორიგინალური რაკურსითაა წარმოჩენილი ისტორიული თემატიკა მწერლის რომანში „დავით აღმაშენებელი“... ამ ტეტრალოგიის უფართოესმა სივრცემ მთელი სისაგისით აირეკლა XI-XII საუკუნეების აღორძინებული საქართველოს უნივერსალური არტიკულაციები...

ალარაფერს ვიტყვი მისი მცირე პროზაული ჟანრის ქმნილებებზე... მათ გრაციოზულ ესთეტიკასა თუ ფსიქო-ფილოსოფიურ აქცენტებზე... წარმოსახვითი რეალობების მშვენიერებასა და სააზროვნო სტიქიაზე...

ჩემი წარსულის დაუვიწყარ ხილვათა შორის, არის ერთი „სურეალისტური“ კადრი საუკუნის ამ „ფენომენის“ მიმწერლისა და მასთან ერთად ეპოქის დაისის მოახლოებისა: ლეგენდარული „კოლხური კოშკის“ იდუმალი, ჩამუქებული სივრცე და მასში აბრეშუმის გრძელ ხალათსა და სპარსულ ქოშებში „მორიალ“ ლანდი მოხუცისა... ფირფიტასავით თხელი, უმწეო სილუეტისა იმისა, ვინაც თავისი ძლევამოსილი მხრებით ატარა XX საუკუნის ქართველი მწერლისა და ერისკაცის კოლოსალური ღირსება...

ან მხოლოდ დაღლილი და მაინც ამაყი თვალებიდა რომ ავლენდნენ ერთ დროს ბოპოქარი ცხოვრების წყურვილს...

ბრიგოლ რობაქიძე

ქართველი საზოგადოებისათვის იგი დიდხანს წარმოადგენდა ემიგრაციამდელი მხატვრული ქმნილებების ავტორს... რომელთა შორის იყო ცნობილი „გველის პერანგი“ — მითოპოეტური აზროვნების ეს კლასიკური ნიმუში...

მასში გაცხადდა მწერლის უნიკალური ხატი... ხატი კულტურულ სიმბოლოთა უკიდევანო სივრცეებში „მოხეტიალე პილიგრიმისა“, ევროპული ტრანსცენდენტალიზმისა და აღმოსავლური საკრალური სიბრძნის თავყვანისმცემლისა, ეროვნული სულიერების ფანატიკური ჭირისუფლისა...

აბსოლუტური ქართველის სუბსტანცია მასთან საკუთარ პერსონაჟში იდენტიფიცირდება, მისივე ეკზისტენციის პრიზმაში გავივლის და მისივე ხმით მეტყველებს...

ის არ იყო თვითკმარ, თავისთავში დასრულებულ ჭეშმარიტებათა „ინტერპრეტატორი“, მათი ესთეტიზაციითა და ონტოლოგიზირებით გატაცებული...

მისი სტიქია ადამიანის სულისა და სხეულის ჰეროიზაციაა, ნატურალიზმზე სტილის გამარჯვებაა, ზემოციურ კომპოზიციათა ქმნაა, ხილულისა და ირეალურის ზღვარზე ბალანსირება... ისტორიისა და რასის უწყვეტელობის საკრალიზაციაა...

მას, როგორც ლიტერატურულსა და ინტელექტუალურ მოვლენას თავყვანს სცემდნენ არა მხოლოდ საქართველოში...

მისი გონის დიაპაზონი გაცხადდა არა მხოლოდ მხატვრულ ოპუსებში, არამედ მის ბრწყინვალე კულტუროლოგიურ ფრაგმენტებში, ფილოსოფიურ ესეებსა თუ ქარიზმატულ პერსონალიათა ფსიქოანალიტიკურ პორტრეტებში...

რომანტიკული პოეზიის გამოცდილება მან პროზის ორგანულ „სამკაულად“ აქცია და ამით მეტი ფერადოვნება და არტისტიზმი შესძინა მას... აქედანაა მისი ეზოთერული გასხივონებებისა და ჩვეულებრივში მისტიკურის აღქმის გამოვლინებები...



„გველის პერანგის“ შემოქმედმა დიდხანს იცოცხლა, იღვანა და აღესრულა უცხოეთში... სამშობლოსთან ერთად გერმანია იყო მისი კიდევ ერთი შთაგონების წყარო... დიდი ლიტერატურითა და ფილოსოფიით განებივრებულ გერმანელთათვისაც კი, შთამბეჭდავ და მოულოდნელ აღმოჩენად იქცა ქართველი მწერლის მხატვრული ქმნილებები, განსაკუთრებით რომანი — „ჩაკლული სული“...

შუა ევროპის ინტელექტუალური ელიტა აღაფრთოვანა გრიგოლ რობაქიძის ტალანტმა, მისმა გერმანული ენის მხატვრულმა სტიქიამ...

ისიც საგულისხმოა, რომ გერმანული კულტურის მეგობარად იგმა — „ფაუსტიანობამაც“ კი (რაც ასე ახლობელი იყო მწერლის მსოფლგანცდისათვის) ვერ დაჩრდილა მასში შორეული სამშობლოს ცხოველი განცდა... ეროვნული ფესვების ძიებისა და განახლების პათოსი...

ვაჟა-ფშაველას შემდეგ გრიგოლ რობაქიძე XX საუკუნის ქართველ მწერალთა შორის ერთი პირველთაგანია, ვინც შეიცნო მითის შთამაგონებელი არსი, მისი სახისმეტყველება და უნივერსალიზმი...

მითოლოგიური რემინისცენციებით იმპულსირებული სახე-სიმბოლოები, მწერლის მხატვრულ ტექსტებს უფართოესი განფენილობის „უფლებას“ ანიჭებენ და თავისში აერთიანებენ პირადულსა და ზოგადს, ლირიკულსა და ეპიკურს, ეროვნულსა და სამყაროულს...

ასე რომ, მითი მასთან სცილდება ოდენ მაპროვოცირებელი დისკურსის საზღვრებს და სამყაროს ლირიკული აღქმითა და მისი სემანტიკური წიაღის წვდომითა განპირობებული...

მწერლის წარმოსახვებში ასე და ამგვარად რესტავირდებიან დრო-სივრცის მიერ სახედაკარგულ და ამორფულ „ცივილიზაციათა“ ნანგრევები...

ქართული სულიერი კულტურისა და ეროვნული ცნობიერების ბედი და მის გადარჩენაზე ფიქრი იყო მისთვის მთავარზე მთავარი...

ამ წმინდა ოცნებით შეუერთდა ჩვენს დიდ წინაპართა დამწუხრებულ პანთონს, ქართული სიმბოლიზმის ეს პირველი „მოციქული“ და მისი თაობის ინტელექტუალური „სარკმელი“...

პავლე ინგოროყვა


ნათელმხილველის წვდომით, კოლოსალური ერუდიციითა და აზროვნების განსაკუთრებული კულტურით იყო აღბეჭდილი პავლე ინგოროყვა...

მისი ინტელექტუალური და საზოგადოებრივი ღვწა ორიენტირებული იყო ეროვნული სულიერი კულტურის სისტემატიზაციასა და ანალიტიკურ განზოგადებაზე...

იგი საზოგადოებას სთავაზობდა ონტოლოგიურ მოდუსებს ეროვნული სულიერი გამოცდილების იმ პრობლემატიზაციათა შესამეცნებლად, რომელნიც არსებითად განაპირობებდნენ მის კულტურულსა და მორალურ იერსახეს...

მისი ხანგრძლივი ცხოვრების ყოველი პრობლემატიკა, თითქოს იმიტომ ჩნდებოდა, რომ ეპისტემოლოგიური მოდალობების ერთ მთლიან საგანძურად ქცეულიყო და საფუძვლად დასდებოდა მის გრანდიოზულ ნაფიქრ-ნააზრებს...

მისი ყოველი ქმნილება მომავალზე ორიენტირებული ინტელექტუალური „გზავნილია“... ამიტომაც იძერწებოდა მეცნიერის ფილოლოგიური ტექსტები დიდი ესთეტის ხელრთ-



ვით, რათა აზროვნების ელვანტური ფორმაც ყოფილიყო გარანტი საუკუნეებში მათი „განფენისა“...

ლიტერატურა, მუსიკა, პოეზია, ისტორიოგრაფია... ფიქრისა და აზროვნების განუხაზღვრელი ჰორიზონტები და წარმოსახვები, კონცეპტები და ინტერპრეტაციები... სწავლული, რომელიც ქმნიდა მონუმენტურ ჰიპოთეზებს, ჭვრეტდა და ამკვიდრებდა კონცეფციებს — ესაც პავლე ინგოროყვას ინტელექტუალური ყოფიერების „რეგულაციებია“...

პოლიტიკური ფორმაციების ცვალებადობანი მასში, როგორც „ქრონიკულ“ ერისკაცში, ვერ ანელდნენ მაღალი ეროვნული იდეალებით ცხოვრების სურვილს...

მის თვალწინ ინგრეოდა და იშრიტებოდა მომავლის ქართველთა რომანტიკული ოცნებები... ცხადი ხდებოდა ეროვნული სულისა და ენერჯის ტრაგიკული ხვედრი... საყოველთაო ნიპილიზმის ტრიუმფალური სვლისა და ადამიანთა სრული სუბლიმაციის, ანუ უმოქმედობაში ქრობის სიმპტომები...

თუმც იყვნენ რჩეულნიც, დროის საბედისწერო „კაპრიზებისადმი“ არაადეკვატური, კულტურტრეგერთა კლასიკური იდეალების ერთგულნი...

ისინი მაგიური ძალმოსილებით ახორციელებდნენ ეროვნული მხატვრულ-ინტელექტუალური პოტენციის რეანიმაციას...

პავლე ინგოროყვა საუკუნის ამ დიდ „რეანიმატორთა“ შორის წარმოიდგინება...

XX საუკუნის ამ წმინდანის სახებაა აღბეჭდილი ერთ საყოველთაოდ ცნობილ ფოტოზე... მასთან ერთად „ასვეტილან“ ჯერ კიდევ ახალგაზრდანი: კონსტანტინე გამსახურდია, ვახტანგ კოტეტიშვილი და ალექსანდრე აბაშელი...

„შაფროხოსანთა“ ბრწყინვალე ოთხეულის სულიერი ოპტიმიზმს აქ ჯერ კიდევ არ დასტყობია ინფერნალური ჟამის თანმდევ იმედგაცრუებათა სევდა... საქვეყნო გარჯისა და დაქანცულობის იმ უმძიმეს წელთა სისასტიკე, რაც აწ უკე ღრმად მოხუცებული პავლე ინგოროყვას ტანჯვით დაუნჯებულ მზერაშია გაცხადებული, მის ერთ უკანასკნელ ფოტოზე...

ეპოქის თვალსაჩინო „კარდიოგრაფია“ თითქოს ამ ღვთაებრივი სახით წარმოდგენილი... მასზე აღბეჭდილი მისი და მთელი მისი თაობის ტკივილებიცა და დიდსულოვანი სტიციზმიც... ეს ის ქართული ჰაბიტუსია, მხოლოდ წმინდანებს რომ უწყალობებს უფალი, რათა მათი „არადამეული ნათელი“ მოეფინოს „მამულისა ჩვეულებისამებრ სლვას“...

„ლიტერატურულ გარჯასთან დაკავშირებული ერთადერთი დიდი სიხარული მხოლოდ იმ წუთებში გვეძლევა, როცა შთაგონებას ვეძლევი და ვწერთ“ — აღფრედ დე-ვინის ამ აღიარებით დავამთავრებდი დიდი ლიტერატორისადმი მიძღვნილ მცირე ეტიუდს...

ფრანგი რომანტიკოსის ამ ჩანაწერიდან გამომდინარე, მინდა ვიფიქრო, რომ ეგზისტენციურ ნეგაციებთან ერთად პავლე ინგოროყვას ცხოვრება, მისი ლიტერატურული შედეგების სიმრავლიდან გამომდინარე, ბევრზე ბევრი სიხარულებითაც იყო აღსავსე... ამით მაინც იყო იგი უსაზღვროდ ბედნიერი... ბედნიერი იმით, რომ იყო მერჩულეს, რუსთაველის, ბარათაშვილის, ილიასა და სხვა მრავალ ბრწყინვალე ქართველთა „თანამედროვე“... და ამ საწუკვარ ნეტარებაში პოვებდა მორალურ საყრდენს სულიერი ჰარმონიის დასამკვიდრებლად.

დასასრული შემდეგ ნომერში

როსტომ ჩხეიძე

დიდი გეგმვა

□

ბორის გაპონოვი და მისი გიგანტური

ამგვარ სინანულს ბევრი ადამიანი შეუწუხებია და ამჯერად მიხეილ ფიზიკიკი გაამჟღავნებდა წუხილს იმის გამო, რომ თავის დროზე არ ეყო მიხვედრილობის უნარი, რათა წამოეწყო დღიური, ჩანაწერები, და გამხდარიყო თავისი მეგობრის ცხოვრებისა და შემოქმედების ერთადერთი მემკვიდრე.

ეს მეგობარი კი ბორის გაპონოვი გახლდათ, ვის მიერ ივრითზე ამეტყველებული „ვეფხისტყაოსანი“ მთარგმნელობითი ხელოვნების იშვიათ მიღწევებს შორის შეირაცხებოდა, გამირობადაც კი მოინათლებოდა და მისი მნიშვნელობაც გაიზომებოდა არა მხოლოდ ქართული თუ ებრაული, არამედ მსოფლიო მასშტაბით.

სხვა არაერთი დამსახურებითაც დამშვენებულია მისი ხანმოკლე სიცოცხლე, მაგრამ ეს მაინც სხვა რიგის მოვლენა აღმოჩნდებოდა, ერთი ყველაზე თვალსაჩინო დამადასტურებელი, თუ რას გულისხმობს თარგმანის კონგენიალურობა და სრულყოფილება.

და ეს მიღწევა უნდა დაკავშირებოდა ერთი უაღრესად თავმდაბალი და მოკრძალებული კაცის სახელსა და ყოვლად უჩინარ ყოფას.

თითო-ორი ადამიანი თუ გრძნობდა ბორის გაპონოვის იშვიათ სულიერ სიმადლესა და რჩეულობას.

და მათ შორის მიხეილ ფიზიკიკი, ვინც ვერასოდეს აპატიებდა საკუთარ თავს, რომ მაშინვე არ ინიშნავდა უამრავ დეტალსა თუ სურათს, ფრაზასა თუ შთაბეჭდილებას, მოსაზრებასა თუ შინაგანი ჭიდილის გამომხატველ ნიუანსს, რომელთაც ვეღარ შეინარჩუნებდა მეხსიერება. ზოგი პირნიშნადად გაქრებოდა, ზოგიც ბუნდოვნადაა აირეკლავდა იმჟამინდელ რეალობას და ზოგიც საგონებელში ჩააგდებდა — ნეტა მართლა ასე იყო თუ უნებურად მივანერ ან ვასხვავდებო.

სამსუხაროდ, ადამიანური ბუნებაა ასეთი — გგონია, რომ დრო გაჩერდება და სიკვდილი სადღაც შენს მიღმა იარსებებს ყოველთვის, და ცნობიერება კი მუდამ ისე ცინცხლად და გაუხუნრად შემოინახავს ჩაველილს, თითქოს აგერაგერ შეჰყურებო. და მამ რილასთვის უნდა ჩაინიშნო რაიმე, თუკი იოლად აღიდგენ, როგორც კი მოინადინებ... მაგრამ დრო დაუნდობელია და მეხსიერება კიდევ უფრო დაუნდობელი, ნაფშხვენებსლა რომ შეგატოვებს ხელთ, იმათაც მიმოლავებულთ და ნისლში ჩაძირულთ, და ლამის ხელი აგაღებინოს გარდასული სურათების გამოხმობა-შეკონინებაზე.

კიდევ კარგი ამ დაბრკოლებას აღარ შეეპუებოდა მიხეილ ფიზიკიკი და გულმოდგინედ მოჰკიდებდა ხელს იმ ნაფშხვენთა მოძიებასა და შევსებას, გამართლებასა და სულის შთაბერვას, და კიდევ აქცევდა ჩინებულ წიგნად, რომელსაც მოკრძალებულ სათაურს შეურჩევდა — „სიტყვა ბორის გაპონოვზე“, და სამზეოს კი წარუდგენდა ნიუ იორკის ქართული გამომცემლობის — „მამული“ — წყალობით.

ამგვარად მცირე სტატიებს ასათაურებენ, უფრო საიუბილეო ან ნეკროლოგიური ყაიდის ჩანაწერს, მონოგრაფიუ-

ლი აღნაგობის თხზულებას კი ასე არავინ „იმეტებს“, მაგრამ ავტორი შეგნებულად ავიწროებს თავისი თხზულების ფარგალს და ამითაც მიგვანიშნებს, რომ ვრცელი ნაშრომი ამ პიროვნებასა და მის ღვანლზე ჯერაც შესაქმნელია, თავის ნაწარმოებს კი გულისხმობს იმ ნაშრომის წინამორბედად, ერთგვარ ბიძკად, საამისოდ მომზადებულ მწერალს აუცილებლად რომ აიყოლიებს და შესაძლოა ბიოგრაფიული რომანიც დაანერინოს ბორის გაპონოვის სულიერ გაქანებასა და სიბობოქრეზე, თორემ მისი ყოფითი ცხოვრება ბევრს არაფერს მიანდის მასალად სიუჟეტისათვის, რათა თხრობა გაფრეგულადაც ელვარე ეპიზოდებით დაამშვენოს.

ეს ნაშრომი მხოლოდ ლიტერატურულ-კრიტიკული ნარკვევი არ არისო, — მკითხველს შესავალშივე ამცნობს ავტორი, — არამედ ყოველი ჩვენი შეხვედრისა და გულახდილი სჯავბაასის გახსენება, ჩემი მრავალ წლის ნაფიქრალი, რუდუნებით ნაგოგმანები და ნაზად ნაფერები მოგონებებიცააო.

— მინდა მკითხველი შევახედო შემოქმედი ადამიანის იმ უნიკალურ „ლაბორატორიაში“, სადაც ერთპიროვნულად და სრულიად დამოუკიდებლად ყალიბდებოდა ქართულიდან ებრაულად თარგმნის სრულყოფილი მეთოდი-ფენომენი, რომლის მნიშვნელობაც გასცდა ორი უძველესი, თვითმყოფი ერის ენებს, ლიტერატურას და მსოფლიო კულტურის შენაძენად იქცა.

ამ მოსაზრების სრული დაბეჭდვითი გაცხადების უფლებას მას მისცემდა ზურაბ კიკნაძის პროფესიული შედარება-ანალიზის გზით გამოტანილი დასკვნა, ჯერ კიდევ 1975 წელს, სამეცნიერო ჟურნალის „მაცნე (ენისა და ლიტერატურის სერია)“ პირველ ნომერში გამოქვეყნებული, შეფასება პიროვნებისა, ვინც სრულყოფილად ფლობდა ორივე ენას, მათ შრეებსა და ნიუანსებს, არ გამოეპარებოდა მთარგმნელის დიდებული ხელოვნების დამადასტურებელი რეალიები და შესაფერისადაც წარმოაჩენდა და განაზოგადებდა:

— ეს თარგმანი ორიგინალურ მოვლენად არის შერაცხილი, ისეთ ნაწარმოებად, რომელიც თავისთავად არსებობასა და მნიშვნელობას იძოვებს, ვითარცა დიდი სახლე თანადროულ ებრაულ პოეზიაში. იგი მართლაც საკვირველი ენობრივი მოვლენაა.

ან კიდევ:

— ებრაული ტექსტი ორიგინალის დამოუკიდებლივ თავისთავადი მოვლენაა თანადროულ ებრაულ პოეზიაში... მშობლიური პოეზიის ამომწურავი ცოდნა ამ თარგმანს დედნის კონგენიალურს ხდის.

მიხეილ ფიზიკიკის განსაკუთრებით ეს სიტყვათმეთანხმება მოხიბლავდა და აღიტაცებდა: დედნის კონგენიალური.

და მონიღომებდა პოეტის შემოქმედებითი ღვანლის კიდევ ერთი ასპექტის გამორჩევას.

აგერ პოეტურ-მთარგმნელობითი მიღწევა და მისი შესაფერისი აღიარება უკუაგდებდა — რაოდენ ძალდაუტანებლად — ლიტერატურის თეორიაში გაბატონებულ სტერეოტიპს, თითქოს პოეზიის მიმოქცევის სფერო შემოიფარგლებოდა ორიგინალის ენის საზღვრებით. ისე ვისთვის სტერეოტიპს და ვისთვის კიდევ — პოსტულატს, ვთქვათ, ბორის სლუცკისათვის, პოეტისა და ნაყოფიერი მთარგმნელისათვის, ვინც ამ გზას მიჰყვებოდა და თეორიულადაც ირწმუნებოდა: პოეზია არ ითარგმნება, ის ერთგულია მშობლიური ენისაო.

მაგრამ თურმე შესაძლებელი გახლდათ შექმნილიყო ახალი შემოქმედებითი მეთოდი თარგმნის ხელოვნების შემდგომი სრულყოფისა და განვითარებისათვის.

თანაც განსაკუთრებით საგულისხმო ის გახლდათ, რომ ეს შეძლო კაცმა, ვინც ცხოვრობდა არავიერთულ გარემოში, ებრაული სულისკვეთების მიღმა.

და მიხეილ ფიზიკიკისათვის არსებითი და ქრესტომათიული მნიშვნელობა ენიჭება იმ გარემოებას, რომ თვით ასეთ

სინამდვილეშიც შესაძლოა შენარჩუნება ებრაული მსოფლ-შეგრძნებისა და სულისკვეთებისა.

და აპა ასერიგად თვალსაჩინო მაგალითი ბორის გაპონოვისა, ვინც:

— სრულიად დამოუკიდებლად, ერთპიროვნულად გაი-აზრა მონუმენტური ქმნილების არსი, ფილოსოფია, მხატვრული განსაკუთრებულობანი და ორგანულად, ნარნარად „ჩაასახლა“ ორიგინალი მთელი თავისი აქსესუარებითა და ნიუანსებით თითქოს უცხო, მაგრამ ნოყიერ ივრითულენოვან გარემოში.

მიყრუებულა ჩვენი მკითხველისათვის ბორის გაპონოვის სახელი და ღვაწლი და სრულიად არაფერს ამცნობს სახელი მიხეილ ფიზიკისა, და ისე გამოდის, რომ ერთი უცნობი მოგვითხრობს მეორე უცნობზე.

მაგრამ ეს ჩვენი მოშლილი კულტურული და საზოგადოებრივი ცხოვრების ბრაღია, და ყოველივე აუცილებლად რომ ჩადგება ბუნებრივ კალაპოტში, ერთი პიროვნების დამფასებელიც შევიქნებით, თორემ მეორისა ხომ გამოჩნდებოდა.

მიხეილ ფიზიკი ოდესღაც „კუტიანისკაია პრავდას“ რედაქციაში მსახურობდა ლიტერატურულ მუშაკად, შემდგომ სოხუმში განაგრძობდა მოღვაწეობას საქართველოს სუბტროპიკული მეურნეობის სახელმწიფო ინსტიტუტში ენების კათედრაზე, საბოლოოდ პროფესორობასაც რომ მიადგინდა და კათედრის გამგეობასაც. პედაგოგიურ საქმიანობასთან ერთად სამეცნიერო-კვლევით ძიებებშიც ჩაფლულიყო, კონფერენციებშიც მონაწილეობდა და სამეცნიერო ნაშრომებსაც აქვეყნებდა და საგაზეთო სტატიებსაც უხვად ბეჭდავდა. ემიგრაციაშიც მოუწევდა გამგზავრება და ნიუ იორკში დამკვიდრდებოდა.

პატიოსნად, ღირსეულად გამოვლილ გზას ჯერჯერობით თითქოს რაღაც აკლდა, ის, რისთვისაც მთელი ცხოვრება ემზადებოდა და... კიდევ წარმოსახავდა სასახელო მეგობრის ისეთ პორტრეტს, რომელსაც ყოველთვის დაისაჭიროებს ბორის გაპონოვის პიროვნებითა და ღვაწლით დაინტერესებული მკითხველიც და მკვლევარიც.

ამ მხატვრულ-დოკუმენტური თხზულების გეოგრაფიულ გარემოსაც და სულისკვეთებასაც განსაზღვრავს ქუთაისი ანუ ბორის გაპონოვის სიცოცხლის ქუთაისური ხანა, რადგანაც ყველაფერი, რაც დღესდღეობით მისი ლიტერატურული მემკვიდრეობაა — „ვეფხისტყაოსნის“ თარგმანის გარდა, ქართველ და რუს კლასიკოსთა ნიმუშების ებრაული ვერსიები, ივრითის ფრაზეოლოგიური ლექსიკონი, არაერთი სამეცნიერო სტატია — ამ ქალაქში შეიქმნებოდა და ისრაელში აქედან მოხვედებოდა და გამომზეურდებოდა, რადგანაც ისტორიულ სამშობლოში ბორის გაპონოვს უკვე პარალიზებულსა და მეტყველებდაკარგულს ჩაიყვანდნენ.

ქუთაისში კი ევპატორიიდან (ყირიმი) აღმოჩნდებოდა, საიდანაც ევაკუირებული იყო მისი ოჯახი მეორე მსოფლიო ომის დასაწყისში, და ჯერ საქართველოს რამდენიმე კუთხეს აფარებდნენ თავს, ვიდრე დამკვიდრდებოდნენ ქალაქში, რომელიც თურმე ბორის გაპონოვის სულიერი ცხოვრების აკვნად უნდა ქცეულიყო, მიუხედავად ყოფის ყოვლად არასახარბიელო პირობებისა — დედასა და მოხუც და ავადმყოფ დადიანა-პაპასთან ერთად დაქირავებულ ნახევრად სარდაფის ორ ოთახში რომ უწევდა არსებობა.

— ოჯახში მუდამ წესრიგი, სისუფთავე და სიმშვიდე სუფევდა. ვერ გაიგონებდით ვერც ხმამაღალ და ვერც ავ სიტყვას. ლაპარაკობდნენ ძირითადად იდიშზე. თუ ვინმე არ მოეწონებოდათ, იტყოდნენ: „ის ჩვენი კაცი არ არის“, ანდა „ის ჩვენი მეგობარი ვერ იქნება“.

გარეგნული წესრიგი და სისუფთავე შინაგანი წესრიგითა და სისუფთავითაც განმსჭვალულიყო.

ბორის განათლება და ლიტერატურული ინტერესებიც პაპისაგან, სამუელ მაზოსაგან, მოსდგამდა, მრავალმხრივ განსწავლული ბრძენკაცისაგან, სოფერობის (მწერალი, წმიდა ტექსტების გადაწერი) ჭეშმარიტ ოსტატად და კალიგრაფად რომ აღიარებულიყო და ზედმინენით იცნობდა ივრითსა და იდიშს, იუდაიზმისა და ჰერაისტიკის ფუძემდებლურ წყაროებს.

შინიდან იშვიათად გადიოდა ბერიკაცი — ჯერ ერთი, საწოლს მიჯაჭვული მეუღლე ჰყავდა მოსავლელი, და მეორეც... როგორც მიხეილ ფიზიკის დარჩებოდა შთაბეჭდილება, კიდევ რაღაც ამძიმებდა, შიშს ჰყავდა შეპყრობილი და გამუდმებულ ზემოქმედებას განიცდიდა. და კიდევ გამოარკვევდა მიზეზს ასეთი ჩაკეტილობისა და სიფრთხილისა — მას არ დაკლებოდა რეპრესიები და, მათ შორის, მაგადანის ლაგერი, და მხოლოდ იმისათვის, რომ ებრაელი გახლდათ, რაბი, სიონისტი, ასწავლიდა ივრითსა და იუდაიზმის საფუძვლებს და მოუწოდებდა თვისტომთ, გადასახლებულიყვნენ ისრაელში.

სხვათა შორის, მისი ძმაც — რაბი იაკობ მაზო — თავგამოდებული მოღვაწე ყოფილიყო და სახელგანთქმულიც რუსეთის იმპერიის ებრაულ თემებში თავისი შეუპოვრობითა და დაუმცხვარი სულით. ჯერ მარტო 1913 წელს კიევიში გამართულ ანტიებრაულ სასამართლო პროცესში მონაწილეობა რად ღირდა, ექსპერტად რომ მიიწვევდნენ იუდაიზმის საკითხებში და ბრალდებულის დამცველად, და იაკობ მაზოს ჩარევა წარმატებით დაასრულებდა ამ პროცესს.

1919 წელს კი მისი მეთაურობით მიადგებოდა მრავალრიცხოვანი დელეგაცია პროტესტით ანატოლი ლუნაჩარსკის, საბჭოთა კავშირის განათლების მინისტრს, რადგანაც მას ივრითისათვის „რეაქციული“ და „კონტრევოლუციური“ ენა ეწოდებინა.

ბიოგრაფოსის აღნიშვნისა არ იყოს, ლუნაჩარსკი, როგორც ღრმად განსწავლული პიროვნება — პროზაიკოსი, დრამატურგი, მთარგმნელი, კრიტიკოსი და პოლიგლოტი — ასეთ აბსურდს თავისით არ იტყობდა, მაგრამ ამას ავალდებულებდა ბოლშევიკურ-კომუნისტური აზროვნება და მორალური, მარქსისტული თვალთახედვა, საბჭოური მოთხოვნილებანი... და დიდი გაბედულება იყო საჭირო, რომ ამ „მოსაზრებას“ გამოკამათებოდი. რაბი უკან არ დაიხვედა და განუცხადებდა: რევოლუციას ახდენენ ტროცკები, ხოლო ისჯებიან ბრონშტეინები.

— ეს გამოთქმა მეტად პოპულარული იყო, ახლაც გვხვდება პოლიტიკურ დისკუსიებში.

და დაიგულებდა ოთახს თავშესაფრად სემუელ მაზო, და კიდევ — დიდი სულიერი მღელვარებების ასპარეზად. მისთვის ეს აღმოჩნდებოდა არამარტო შეგრძნება, არამედ უკვე მსოფლხედვაც — ოთახი, როგორც სულიერი სამყაროსაკენ გაჭრილი ფანჯარაც და გზასავალიც.

და ეს შეგრძნებაც და უფრო მეტად კი მსოფლხედვაც გადმოეცემოდა ბორის გაპონოვსაც, ოთახი რომ გადაექცეოდა უკიდურესი გაქანებისა და შინაგან ვნებათაღელვათა ყველაზე სანდო და, ამასთან, უგრცეს საყრდენად და ასპარეზად.

თანაკლასელებს გლობუსა შეერქმიათ მისთვის დიდი, მრგვალი თავისა და სავეს, ლაჟღაჟა ლოყების გამო, მაგრამ ბორისი არათუ არ იმჩნევდა ამ მეტსახელს, მისი მომავალი ბიოგრაფოსის შეტყობით, ეგებ სადღაც მოსწონდა კიდევ, რადგანაც შინაგანად ჭვრეტდა, რომ მისი სახელი და ნაღვანი გადალახავდა პარალელებსა და მერიდიანებს და დიდ აღიარებასაც ჰპოვებდა.

მოსკოვის აღმოსავლეთმცოდნეობის ინსტიტუტში სპარსული ენის განყოფილებაზე ჩაბარება უიღბლო გამოდგებოდა, რადგანაც ეს ინსტიტუტი დაიშლებოდა და სტუდენტებს სხვადასხვა უმაღლეს სასწავლებელში გადაანაწილებდნენ.

ბორისს უცხო ენათა პედაგოგიკაში გამწესებდნენ, მაგრამ იგი ვერ შეეგუებოდა ამ იდეოლოგიურ-კონიუნქტურულ განსაზღვრას მისი ბედისა და მოსკოვში წასვლაზე უარს განაცხადებდა.

ბიოგრაფიის დაამახსოვრებოდა მის სარკასტული ფრაზა:

— ეტყობა, გაითვალისწინეს ჩემი ინტერესი ენებისადმი.

და გახსენებისთანავე დასძენდა: იმჟამად ბორისი სრულყოფილად ფლობდა ივრითს, იდიშს, რუსულს, ძველ და ახალ ქართულს, კარგად — გერმანულს, ინგლისურს, სპარსულს, და იწყებდა ესპანურის შესწავლას.

მოსკოვში გამგზავრებას კი აღარ მოინდინებდა, მაგრამ რა უნდა ეკეთებინა?

და მეგობრის ამ შეკითხვის პასუხად ამცნობდა იმ გადაწყვეტილებას, რაც თურმე მისი სიცოცხლის საქმედ უნდა ქცეულიყო:

— იმედია, არ დაგვიწყნია ჩემი ორი წლის წინათ გამხელილი ჩანაფიქრი ივრითზე „ვეფხისტყაოსნის“ გადათარგმნის თაობაზე. მექნება საკმაოდ დრო სანადელი საქმის აღსარულებლად.

მეგობარი ფრთხილად გამოთქვამდა ეჭვს: ანალოგი არ არსებობს და ნეტა როგორ განვვებოთ?!

მაგრამ იმას არც გაუკვირდებოდა და არც ეწყინებოდა მიხეილის ეს დაეჭვება, რადგანაც მტკიცედ გადაწყვიტა — ემუშავა თარგმანზე თუნდაც მთელი სიცოცხლე და მიეღწია მიზნისათვის ყოველგვარი სიძნელის მიუხედავად.

მიხეილ ფიზიკიკი სპონტანურად ჩანიშნავდა თავის მატინაში ამ სიტყვათმეთანხმებას: „მთელი სიცოცხლე“ და... შეკრთებოდა ამ უცარი აღმოჩენით:

— ბორისის სიცოცხლე ფაქტობრივად გაგრძელდა იმდენ ხანს, რამდენიც სჭირდებოდა სანადელის მიღწევას — პოემის გადათარგმნას, მის გამოქვეყნებას და საერთაშორისო აღიარებას...

და მკითხველსაც გაუზიარებდა და გადასდებდა ამ განცდას:

— განა არ არის ეს ზენაარისაგან ადამიანის ბედის წინათგანსაზღვრა?!

იმჟამად კი მიხეილს რომ შესთავაზებდნენ, გადასულიყო საავტომობილო ქარხნის საუნჯეებო გაზეთის რედაქციაში, სადაც უფრო მაღალი ხელფასი დაენიშნებოდა, ვიდრე „კუთაისისკაია პრავდაში“ ჰქონდა, მას ლიტერატურული მუშაკის ეს ადგილი თავისი მეგობრისათვის გაემეტებოდა და უზომოდ გაახარებდა — ბორისიც ცოტადნავ სულს მოითქვამდა.

არ გაგვიკვირდეთ, რომ საგაზეთო მასალების თარგმნის პროცესში ბორისის უნარი და ინტელექტი რომ გამოვლინდებოდა და მისი სახელიც მაღლედ გახმაურდებოდა, როგორც ქართულიდან რუსულზე მაღალპროფესიული მთარგმნელისა, ეს ერთგვარი უსიამოვნების მიზეზიც გამხდარიყო.

უსიამოვნება მაინც რას უნდა გამოენვია? რას და:

მიანყდებოდნენ ქუთაისელი პოეტები და პროზაიკოსები, ჩვენი ნაწარმოებებიც თარგმნო. ის კი არა, არაერთი მიხეილსაც მიაკითხავდა შუამდგომლობისათვის. და როდესაც ბორისი ბევრს უარს ეუბნებოდა ჯანმრთელობის მდგომარეობისა ან დროის უქონლობის გამო, წერებოდნენ: თუკი უჭირს, რატომ არ უნდა ფული იშოვნოსო?

ფული, თორემ დიდძალ თანხას კი მოაქუჩებდა იმ მწირზე მწირი ჰონორარებით!..

მაგრამ მიხეილი კარგად იცნობდა თავის მეგობარს და იცოდა, რომ მას არც ჰონორარი იზიდავდა და არც უჰონო-



რარობა ათქმევინებდა უარს, და ისედაც მიხვდებოდა მიზეზს, ბორისს გულახდილადაც რომ არ გაემჟღავნებინა:

— ნუთუ არ ესმის მწერალს, რომ მთარგმნელმა თარგმანი უნდა გაამდიდროს თავისი აზრებით, სიტყვიერი სახეებით. თარგმანი მდიდრდება, მაგრამ „გამცემი მარჯვენა“ ღარიბდება. განა შემიძლია გავფანტო ჩემი პოეტური არსენალი?.. შენ ხომ იცი, რისთვის მჭირდება ის?

და რუსთველურ შეგონებასაც მოადევნებდა: ხამს მელექსე ნაჭირვებსა მისსა ცუდად აბრკობდესო.

ეს ყველასაგან განრიდებული, თავის საქმესა და საფიქრალს მიცემული კაცი გარკვეულ ადამიანთა თვალში რალაც იდუმალის შარავანდით იმოსებოდა და თითო-ოროლა ახალგაზრდას ძალიანაც ეამაყებოდა მისი ნაცნობობა, და შემთხვევიდან შემთხვევამდე შესაძლოა უცნობებიც ეს-

ტუმრებინათ მისთვის.

ბორის გაკონიიას ოთახში ასეთი შემთხვევის წყალობით გივი ალხაზიშვილიც რომ მოხვდებოდა, მაშინ ჯერ სულ რამდენიმე პოეტური პუბლიკაციის ავტორი, წარმოდგენაც არ ექნებოდა, თუ ვინ გახლდათ მისი მასპინძელი, უფრო სწორად, ეგონა, რომ იგი იყო მხოლოდ ავტოქარხნის გაზეთის თანამშრომელი და მოეპოვებოდა ბევრი ძველი წიგნი. და მოგვიანებით, როდესაც აღმოჩნდებოდა, რომ თურმე ბრწყინვალედ ეთარგმნა „ვეფხისტყაოსანი“ და ნაწყვეტებს ამ თარგმანიდან ისრაელის სკოლებში ასწავლიდნენ როგორც საუკეთესოს ენისა და მხატვრობის თვალსაზრისით, მასთან შეხვედრის დღე ძალდაუტანებლად გამოეყოფოდა სხვა დღეებს, ფრთხილად, თანდათან გამოცალკევდებოდა, როგორც არქეოლოგიური გამოცალკევებდნენ ხოლმე ძვირფას ნივთს მიწისაგან ფუნჯისა და თითების ფრთხილი მოძრაობით.

და როდესაც ამ დღის მოსაგონებლად შეიქმნებოდა ესეი „აბრეშუმის შრიალი“, ეს სათაური იქნებოდა კომპოზიციის მთავარი ძარღვი. ახალგაზრდა სტუმარს გაურკვეველი, ძლივს გასაგონი შრიალი თუ შიშინი რომ მოესმოდა, ჰაერი ერთიანად რომ გაეჯერებინა, ნამიერად აბრეშუმის ქვის ხმას მიამაგავსებდა ამ შრიალ-შიშინს, მწვანე ფოთლებს რომ ნთქავდნენ და ნაფლეთებსაც ანადგურებდნენ.

მაგრამ ამ ოთახში აბრეშუმის ქვის ვერსად დალანდავდა. იდგა მხოლოდ ძველი კარადა და წიგნებით გადაჭედული მაგიდა, საითაც გაიხედავდი, წიგნები აკოკოლავებულყო, ოღონდ თითქმის ყველა — ძველი გამოცემა, ვერცერთ ახალ წიგნს ვერ შენიშნავდი. და მერე, გვიან თუ მიხვდებოდი, რომ ეს წიგნები შრიალელებდნენ.

ასე უბრალოდ, ასე ბუნებრივად უნდა გაცხადებულყო, რომ ბორის გაკონიიას ოთახში წიგნები გასულიერებულყოვნენ და, თითქოსდა უძრავად დალაგებულნი, შინაგანად ფეთქავდნენ და ცახცახებდნენ, ლელავდნენ და ანდამატივით მიჯაჭნებდნენ თავისკენ, და ბორის გაკონიიის უნდა ყოფილიყავი, მათ ერთობლივ სიღრმეში რომ ჩაყურყუმელავებულყოფი და ამოგეზიდა და ამოგეზიდა მარგალიტები.

ოთახის ჩაკეტილი და იდუმალად გადახსნილი სივრცე რომ არა, ბორის გაკონიიას ტალანტი და ალლო, გემოვნება და წარმოსახვა ისერივად ვერ ამოქმედდებოდა და აღზევდებოდა, მის პიროვნულ ხასიათსა და ბუნებას სწორედაც ცხოვრების ეს ნესი და ეს სივრცე შეეფერებოდა, მაგრამ ამ — ერთდროულად ჩაკეტილსა და გადახსნილ — სივრცეში არსებობა ბავშვობიდანვე გამოაკლებდა ექსკურსიებსა და

პიკნიკებს და არც შემდგომ იქნებოდა ოჯახურ ღვინოთა მონაწილე, ეს გარემოება კი იმ მხრივ იჩინდა თავს, რომ მისი ფოტოსურათები მცირე რაოდენობით თუ შემოგვრჩებოდა.

მიხეილ ფიზიკის ნიგნი მოგვითხრობს, თუ როგორ დაინტერესდებოდა ცნობილი თბილისელი მხატვარი მიშა (მორდუხ) ჯანაშვილი ბორისის ფერწერული პორტრეტის შექმნით, და ეს მას შემდეგ, რაც „ვეფხისტყაოსნის“ ებრაული თარგმანი საქვეყნოდ გახშირდა. საგანგებოდ ესტუმრებოდა ქუთაისში, მთელ დღეს დაჰყოფდა მასთან და არაერთ ჩანახატს ჩაინახავდა. შეპირდებოდა, კიდევ გესტუმრებოდა, მაგრამ ამასობაში მხატვარი გადაწყვეტდა მუდმივ საცხოვრებლად ისრაელში გადასვლას, ამის გამო კი დიდი სირთულეები შეექმნებოდა და ბორისთან მეორედ სტუმრობისათვის ვეღარ მოიცილდა. და თუმცა განზრახვას — შეექმნა სახელოვანი თვისტომის პორტრეტული სერია — ხორცს ვერ შეასხამდა, ტილოზე ზეთით შესრულებულ ერთ ნახატს მაინც მოასწრებდა, ხოლო მისი რეპროდუქცია „საბჭოთა ხელოვნების“ ფურცლებზე გამომუშურდებოდა (1989, 4). ამ პუბლიკაციას კი მამის არქივში მიაგნებდა ცისანა ჯანაშვილი და მიხეილ ფიზიკის გადასცემდა ბორის გაპონოვის ბიოგრაფიის კიდევ ერთი შტრიხით შევსებისათვის.

თვითონ ცისანა ჯანაშვილიც, უკვე აღიარებული პორტრეტისტი, მამის ნაამბობითა და მიხეილ ფიზიკის გაპონოვი სტატიებით შთაგონებული, შექმნიდა ბორის გაპონოვის პორტრეტს და ორიგინალს გამოუგზავნიდა დავით ბააზოვის სახელობის ქართველ ებრაელთა ისტორიის განახლებულ მუზეუმს თბილისში.

მიხეილ ფიზიკის ამ მხატვრულ-დოკუმენტური თხზულების გარეკანი სწორედ ამ ნახატითაა დამშვენებული.

მაგრამ მამა-შვილი ჯანაშვილები სულაც არ არიან განონაკლისნი, რადგანაც არსებობს ბორის გაპონოვის გრაფიკული პორტრეტიც, შესრულებული კარლო ფაჩულიას მიერ, ერთ-ერთი კოლორიტული და სახიერი ნიმუში მისი განთქმული ციკლისა „ჩემი ებრაელი მეზობლები“.

მხატვარი იმავე უბანში ცხოვრობდა, სადაც „ვეფხისტყაოსნის“ მთარგმნელი და სახითაც იცნობდა და ოთახშიც შეეხედა ქუჩიდან დაუფარავი ცნობისნადილით, რადგანაც მისთვის მეტად ანგარიშგასაწევ პიროვნებათაგან სმენოდა ამ უჩვეულო კაცის განსაკუთრებული ტალანტისა და უმნიშვნელოვანესი პროექტის თაობაზე.

და წლების შემდგომ ებრაულ ციკლში წინასწარვე რომ ივარაუდებდა ბორის გაპონოვის პორტრეტსაც, ის გაუხუნარი განწყობილება აღუვსებდა შთაგონებას. თუმცა მარტოდენ მესხიერებას არ დაენდობოდა და თავის მეგობარ მხატვარს ჯერაჟ ფაჩულიას სთხოვდა ბორისის ფოტოსურათებს, რისი მოძიებაც კი შესაძლებელი გახლდათ.

ნიგნებში ჩაფლულად წარმოგვიდგება ამ ნახატზე „ვეფხისტყაოსნის“ მთარგმნელი, არამარტო კარადები რომ გამოუვსია ათასგვარ გამოცემას, მაგიდაზეც უხვად დაზინულა. ბორის გაპონოვის ზურგსუკან შოთა რუსთველის ვეება პორტრეტი ჰკიდია, მაგიდაზე კი სამოვარი დგას. იმხანად ქუთაისში ყველას ასეთი სამოვარი ედგა და მხატვარი აუცილებლობად მიიჩნევდა ამ დეტალის აღბეჭდვასაც.

შთამბეჭდავი ნახატია, მაშინვე რომ გაგრძნობინებს ამ პიროვნების გამორჩეულობასაც და მის საგანგებო მისიასაც ორ უძველეს და თვითყოფად კულტურას შორის.

და როდესაც კარლო ფაჩულიას „ჩემი ებრაელი მეზობლები“ 1998 წელს გამოიფინებოდა თბილისში, „ძველ გალერეად“ სახელდებულ სალონში, ბორის გაპონოვის პორტრეტიც ერთბაშად შემოგვანათებდა და დაამშვენებდა იქაურობას.

რეალისტური ნახატია, თუმცა ეს სულაც არ გვიშლის ხელს ჯეროვნად შევიგრძნოთ მისი რომანტიკული სული.

იქ კი, მაშინ...

— არსებობს კი გამოსავალი? — შემფოთებული ეკითხებოდა მიხეილი მეგობარს, როდესაც ხედავდა, როგორ აწყდებოდა ის აქეთ-იქით მთარგმნელობითი მეთოდების შესწავლა-შერჩევასა და ვერა და ვერ მიეგნო ყველაზე სასურველი კამერტონისა და სტილისტიკისათვის, ყველაზე ზუსტი და სრულყოფილი მეთოდისათვის, რაც შეაძლებინებდა, რომ მისი იდუმალი ხილვა „ვეფხისტყაოსნის“ გამონყობისა ივრითულ სამოსელში რეალურადაც დადასტურებულიყო.

— არ არსებობს მდგომარეობა, რომლიდანაც არ იყო გამოსავალი, — გვასწავლიან ჩვენი ბრძენკაცნი. უნდა ვეძიო და ვიპოვნო, — მშვიდად, აღუშფოთებლად მიუგებდა ბორისი.

და ეს პასუხი მიახვედრებდა მომავალ ბიოგრაფოსს, რომ ბორისს უკვე მიეგნო გამოსავლისათვის, თანაც სავსებით დარწმუნებულიყო ამ მიგნების სისწორეში და თამამადაც მიჰყვებოდა ამ გზას. დიდი ფანტაზია არ დასჭირდებოდა იმის სავარაუდოდ, რომ იგი შინაგანად შეიგრძნობდა და ესმოდა კიდევ პოემის ცალკეული ტაქებისა თუ სტროფთა უღერადობა მომავალ თარგმანში.

ხოლო რომ სთხოვდა, ბატის ფრთის კონა მიშოვნეო, ეს უჩვეულო თხოვნა კი ძალიან გააკვირვებდა მიხეილს, და მეგობარი განუმარტავდა: მინდა რამდენიმე ფრაგმენტი დავწერო ბატის ფრთის კალმით, ისე, როგორც ოდესღაც წერდნენ, და ჭაშნიკად გავავზავნო ისრაელშიო.

და მიხეილ ფიზიკი აღტაცებით დასძენდა: ვისაც ჰქონია სიამოვნება — ეხილა ისრაელში დაბეჭდილი „ვეფხისტყაოსნის“ გაპონოვისეული თარგმანი, ყურადღებას მიაქცევდა ნიუანსს, რომელიც არცთუ ხშირად გამოიყენება საგამომცემლო პრაქტიკაში. პოემის ტექსტის ნაწილი, უფრო ზუსტად, დასაწყისის პირველი ოთხი სტროფი, წარმოადგენს ქართული დედნის ფაქსიმილურ ანაბეჭდს. მისი იდენტური ივრითული თარგმანიც ფაქსიმილურადაა დაბეჭდილი პოეტის მიერ ბატის ფრთით დაწერილი ტექსტიდანო.

ოღონდ ვიდრე თარგმანს გზა გაეხსნებოდა გამომცემლობაში, ბორის გაპონოვს ის უნდა გაეგზავნა აბრამ შლიონსკისათვის, გამოჩენილი პოეტისა და აღიარებული მთარგმნელისათვის ივრითზე, პუბლიცისტიც რომ იყო, ივრითის აკადემიის წევრიც 1945 წლიდან და გამომცემლობა „მუშათა ბიბლიოთეკის“ ლიტერატურული რედაქტორიც.

ტექსტის სრული ვერსიის გაცნობა ალაფრთოვანებდა ადრესატს და სასწრაფოდ შეუდგებოდა მისი გამოცემის ორგანიზებასაც და წინასიტყვაობის წერასაც, რომლის პათოსსა და სულისკვეთებას განსაზღვრავდა ეს უმაღლესი შეფასება: სასწაულის სასწაულიაო.

მონოგრაფიის ავტორი მოერიდებოდა მკითხველის გონების გადატვირთვას ორიგინალისა და მისი თარგმანის სპეციფიკურ თავისებურებათა ანალიზის მოხმობით — ცხადია, ეს იმის შიშით, მხატვრულ-დოკუმენტური თხზულებისათვის ნიშანდობლივი თხრობის დინამიკა არ დაბრკოლდესო — და იკმარებდა შლიონსკის იმ ზოგად შეფასებებს, რომლის ზოგიერთი ფრაგმენტი აქაც შეიძლება გავიმეოროთ:

— ეს არის მრავალ და სხვადასხვაგვარ სიმორეთა დაახლოების სასწაული, დაახლოება დროებისა და ადგილების, ფორმებისა და სტილების, წარმოდგენების, ტრადიციებისა და სხვა უამრავი თვისებისა, რომელთაგან უმთავრესია ყოველისმომცველი გადაულახავი სიმორე ხალხთა ენებს შორის, რადგანაც პოეზიის სამყაროში ენა წარმოადგენს ერთფერად ერთობლიობას ფორმისა და შინაარსისა...

კიდევ:

— ასეთი სასწაული წილად ხვდა „ვეფხისტყაოსნის“ ებრაულად მთარგმნელს და მისი ღვაწლით ჩვენ პირველად

შეკვლით გაგვეცნო ეს ნაწარმოები და მისი შემოქმედი, რომლებიც მოვიდნენ ჩვენთან გარედან და რვა ასწლეულის სიშორიდან ჩვენს სახლშივე გვესაუბრებიან ისე, როგორც ადამიანი თავის თანამედროვეს ესაუბრება...

და კიდევ:

— აღმოსავლეთი აღმოსავლეთს შეხვდა და იმდენად შეეთვისა, რომ ამ კლასიკური ქართული ნაწარმოების ებრაულად გამოცემის კითხვისას... ხანდახან მგონია, რომ წინ გიდევს ებრაული ხელნაწერი, რომელიც თითქოსდა აღმოეჩინოთ რომელიმე განძსაცავში.

შლონსკის ამ სტატიას ერთად გაეცნობოდნენ მთარგმნელი და მისი მომავალი ბიოგრაფოსი და გაოცებულნი გაუზიარებდნენ ერთმანეთს იმ შთაბეჭდილებას, რომ ადამიანი, რომელმაც არ იცოდა პოემის ენა, არ იცნობდა ამ ენაზე მოლაპარაკე ერს — ქართველებს, მათი ეროვნული ხასიათის თავისებურებებს, ქართულ კულტურას, ისტორიას, ასე ღრმად როგორ ჩანვდომოდა „ვეფხისტყაოსნის“ არცთუ იოლად გასაგებ არსს.

მიხეილ ფიზიკი შემდგომშიც არაერთ ლიტერატურულ-კრიტიკულ ნაშრომს გაეცნობოდა მწერლებსა თუ მთარგმნელებზე და აღიარებს: დედანზე, თარგმანის ორიგინალთან შესატყვისობაზე, თარგმანის მნიშვნელობის ზოგადკულტურულ ასპექტზე ასეთი სტრუქტურული ანალიზის მსგავსი არაფერი მინახავსო.

ის უეცარი, ერთბაში შთაბეჭდილება გამოჰყვებოდა გაუზუნრად და გაუნელებლად, თორემ ჯერ მარტო ბორის გაპონოვის ამ თარგმანზე გამოქვეყნებული ზურაბ კიკნაძისეული ანალიტიკური განსჯა სწორედაც იმ უმაღლეს შეფასებას იმსახურებს, თხზულება ქრესტომათიულ მნიშვნელობას რომ იძენს ხოლმე.

საკვირველი ენობრივი მოვლენაო, — ამ ვრცელ რეცენზიაში აცხადებდა ქართველი მკვლევარი.

და იმასაც კიდევ: დედნის კონგენიალური თარგმანიო.

მისი დაკვირვებით, პირველი, რაც შეიძლება შეემჩნია ქართველ მკითხველს ორიგინალთან თარგმანის ზერელე შედარებისასაც, ეს გახლდათ მატერიალური სიახლოვე.

რალაც უცნაური, მოულოდნელი სიტყვათშეთანხმება?

მაინც რას გულისხმობს ზურაბ კიკნაძე მატერიალურ სიახლოვეში?

ეს სულაც არაა ისეთი რამ, რისი განხორციელებაც უსათუოდ უნდა ევალეობდეს მთარგმნელს. და თუ ეს ფაქტი ქართული ენის არმცოდნე ებრაელი მკითხველისათვის შეუმჩნეველი იქნებოდა და თითქოს მხოლოდ მთარგმნელის საიდუმლოდ რჩებოდა, ქართველი მეცნიერისათვის ის წარმოდგებოდა შიფრად, თარგმანში იდუმალად ჩადებულად, ბორის გაპონოვის მიერ ქართულ ენასთან მჭიდრო კონტაქტისა და მისი სიყვარულის დასტურად.

ეს რომ არა, ორიგინალის ტაეპებს ბგერობრივად რატომ უნდა დამთხვეოდა მათი ებრაული ვერსიები?

ერთ შემთხვევაში დედანს თვითონვე უნდა შთაეგონებინა მთარგმნელი, რა აერჩია სარიტმო სიტყვად: ეს გახლდათ ეზროს, „ბრძენი ეზროს“, რომელსაც ბორის გაპონოვი, რუსთველოლოგიაში გავრცელებული შეხედულების კვალზე, გააიგივებდა XII საუკუნის ებრაელ პოეტთან მოშე ბენ ეზრასთან და, ბუნებრივია, მნიშვნელობას მიანიჭებდა ამ ფაქტს (არ დაგიდევდა, ყველა რუსთველოლოგი თუ არ იზიარებდა ამ მოსაზრებას) და მასზე ააგებდა მომდევნო რითმებს: ბენ ეზრა — ია ეზრა — ეზრა — ეზრა — ეზრა, რაც ფონეტიკურად ასახავდა დედნისეულ დაბოლოებებს: ეზროს, დაცა ეზროს, ტანად ეზროს, იაბ ეზროს.

მთავარი ისაა, რომ ეს გამონაკლისად სულაც არ დარჩებოდა „ვეფხისტყაოსნის“ ებრაულ ვერსიაში, ერთჯერად ეფექტად, და მკვლევარი არაერთ სტროფს აღმოაჩენდა ამ იდუმალად ჩადებული შიფრის კვალობაზე განცობილს.

აგერ თუნდაც ეს სტროფი:

**მას ვახსენებდე, ნუ გიკვირს, თქმა მჭირდეს მიწყვი
ახისა!**

**მზე თუ ვთქვა მსგავსი მისი და ანუ მისისა სახისა,
ვინ უნახავ-ქმნის გონება ყოველთა კაცთა მნახისა;
ვარდი დამჭკნარი ეკალთა შუა, შორს მყოფი, ახ, ის, ა!**

და აგერაც მისი ებრაული ადეკვატის გარეგანი სახე:

**ალ-თითმაჰ ქი-ეხქერენუ ვე-იგნახ ქე-გენახ ოახ,
ლო იდმე ქი-იმ ლა შემემ ლე-ჰადარ ვე-ჰოდ ვა-ხოახ
ქოლ-ადამ, აშერ ირ'ენუ — ეთ ნაფშო იქახ შახოახ,
ვე-ყათთა ნიდდახ ქა-ვერედ ჰან-ნოველ ბე-შეფად ხოახ.**

და მკვლევარი აგვიხსნიდა, რომ აქ ბორის გაპონოვისათვის ბიძგის მიმცემი უნდა ყოფილიყო სუბსტანტივიზებული შეძახილი სასონარკვეთილებისა „ახ“-„ახი“, რაც გამოავლენდა სარიტმო ერთეულად მსგავსი ფლერადობის ებრაულ სიტყვას ოახ — „ჭოტი“ (ხმამიმბძვითი სიტყვა იმავე ახიდან). ამის გამო პირველ ტაეპში ჩნდებოდა ებრაულისათვის ბუნებრივი სახე: „ნუ გიკვირს, რომ მისი ვახსენებისას ჭოტის ხმით ვკენესი“ (ანალოგიური ეფექტი ჰქონოდა თურმე ხმას ტურისას, როგორც ეს დადასტურებულიყო წინასწარმეტყველ მიქას ნიგში: „ამის გამო მოვთქვამ და ვვალალებ (ელილა), უხამური და ტანშიშველი დავდივარ, ტურების ხმაზე ვკვივ“ 1,8).

თარგმანში აისახებოდა ორიგინალისეული მაჯამების უმეტესი ნაწილიც, ხოლო სადაც დედანი არა კარნახობდა ამის აუცილებლობას, მაჯამა სხვა ნებისმიერ სტროფში განხორციელდებოდა და ეს მიიღწეოდა სრულიად ბუნებრივად, ერთი მხრივ, ებრაულ ენაში ისტორიულად შექმნილი ფონეტიკური თავისებურებით და, მეორე მხრივ, ებრაული პოეზიის ტრადიციის წყალობით.

და ზურაბ კიკნაძე კვლავ მოშე ბენ ეზრას ლანდს გამოიხმობდა: მისი ზოგიერთი პოემა მთლიანად მაჯამურადაა განწყობილიო.

ორი ენის სტიქიაში ღრმად შეჭრა და უღრმესი შრეებისა და ფენების გაშინაგანება შეაძლებინებდა ბორის გაპონოვს „ვეფხისტყაოსნის“ გარეგნული მუსიკალურობის შენარჩუნებასაც და, რაც მთავარია, იდუმალი მელოდურობის მიგნება-განმეორებასაც, და ლაღად, ძლდაუტანებლად მომჩქეფარე თხრობა ამიტომაც მიიტანდა ებრაელ მკითხველამდე იმ რელიგიურ, ფილოსოფიურ სულსა და მეტაფორულ თავისებურება-მომხიბვლელობას, რისი უხვი მაგალითიც ასე სახიერად და დამაჯერებლად წარმოდგებოდა ზურაბ კიკნაძის ანალიტიკურ ნარკვევში, რომელიც ამ ან რალაც ამგვარი ფინალით თუ დაგვირგვინდებოდა, ბორის გაპონოვს იმ მოშაირეთა რიცხვს რომ მიაკუთვნებდა, რომელთა გვარიც თვით რუსთველს განესაზღვრა: არ შეამოკლოს ქართული, არა ქმნას სიტყვამცირობა, ხელმარჯვედ სცემდეს ჩოგანსა, იხმაროს დიდი გმირობაო, — და მიედევნებოდა:

— დიდი გმირობაა (ებრაულად რომ ვთქვათ, გევეურა, რაც გამაარჯვე ებახსა ცნიშნავს), ჭემმარიტად, ბორის-დოვ გაპონოვის ღვანლი.

გარდაცვალების შემდგომ ბორის გაპონოვსაც გამოუჩნდებოდნენ „მეგობრები“, თავს რომ დასდებდნენ მის კეთილისმყოფელობაზე და მოჰყვებოდნენ პრესის ფურცლებზე ვაივიშს: თავის თავში ჩაკეტილი, ტრაგიკული პიროვნება იყო; თავის ტალანტსა და უიღბლო ცხოვრებასთან ბო-

ლომდე მარტო დარჩაო; ამქვეყნიდან წავიდა გაუხარლად, როგორც სული ობოლიო...

მწარედ ეცინებოდა ამ სტრიქონების გაცნობისას მიხეილ ფიზიკის: ნეტა წარმოდგენა თუ აქვთ ამ ადამიანებს, ან „ტრაგიზმი“ რას ნიშნავს და ან „მარტოობა“? მაგათ, მგონი, ნიკოლოზ ბარათაშვილის „სული ობოლიც“ არ იცინაო.

ეცინებოდა, რადგანაც ჩინებულად მოეხსენებოდა, რომ ბორისი არავითარ მარტოობას არ განიცდიდა, არც არავითარ ბედის უიღბლობასა და ტრაგიზმს არ შეიგრძნობდა.

რაო, ერთი „მემუარისტი“ რას ირწმუნებოდა?

ბორისს გამოსამშვიდობებლად ვესტუმრე ისრაელში გამგზავრებამდე ორი კვირით ადრე და მასპინძელმა სინანულთვით გამოთქვა აქედან წასვლის გამოო.

არადა, სინამდვილეში სულ სხვაგვარად გახლდათ — ბორისს გაპონოვის შესაძლო ალიის თაობაზე მიხეილმა და კიდევ ორიოდ კაცმა თუ იცოდა და არცერთი ამ თემაზე კრინტსაც არა ძრავდა. თანაც... თანაც იმხანად ბორისს ხომ უკვე დაკარგული ჰქონდა მეტყველება?!

კიდევ კარგი შელამაზებულ, გადასხვაფერებულ, სულაც ყალბ ცნობათა ანაბარა არა ვართ დარჩენილი და მოგვეპოვება ასეთი სრულფასოვანი, ბორისს გაპონოვის სულისაკენ გზის გამკვალავი თხზულება, მიხეილ ფიზიკის სახელით აღბეჭდილი, ის შიშიც რომ კრთის მისი ფურცლებიდან: ხომ არ არის გადაჭარბებული მონოგრაფიის გმირის შეფასება — მისი პიროვნების, მონოდების, დამსახურების, ნიჭისა თუ ცოდნის? ხომ არ არის გაფეტიშებული?

ეს ის შიშია, რაც ყველა ბიოგრაფოსს უნდა ახასიათებდეს და შეფიქრინებული მოელოდეს პროფესიონალი მკითხველის მსჯავრს, რაც ამ შემთხვევაში მხოლოდ და მხოლოდ მონონებით გამოიხატება, რადგანაც შეუძლებელია არ გაიზიარო ის შეხედულება, რომ ბორისს გაპონოვის პიროვნება და შემოქმედებითი მემკვიდრეობა მაგალითად და ეტალონად დარჩება თაობებს, და თუ რაიმე შეპყვრის მის დიდებულ სულს, შოთა რუსთველის ის სტრიქონებიც, მიხეილ ფიზიკის წიგნის დამაგვირგვინებელ აკორდად რომ შერჩეულა: შენ არგატუნა კარგი გჭირს ზენაარისა, ფიცისა, ხამს გასრულება მოყვრისა სიყვარულისა მტკიცისაო!..

არ არსებობს მდგომარეობა, რომლიდანაც არ იყო გამოსავალიო, — ეჭვი არ ეპარებოდა ბორისს გაპონოვს.

ნინო ჩხიკვიშვილი

„ბრონჰოლის მეთოდი“ ანუ დაბრუნება...

ჟორდი გალსერანის „ბრონჰოლის მეთოდი“ ის პიესაა, თემურ ჩხეიძემ „ბდტ“-ს შემდეგ საქართველოში რომ დადგა და ამით ახალი ერა კვლავ დაიწყო ქართულ თეატრში!

...ანუ თემურ ჩხეიძე საქართველოში საბოლოოდ დაბრუნდა და გვეთხრა: მოვედი, სრულიად განსხვავებული, ახალი ესთეტიკით, ახლა ჯერი თქვენზეა, ქართველ მაყურებელზეო! დიახ, ასეთია თემურ ჩხეიძის სტილი — სიახლის (გამაფრებელი) განცდით მოდერნიზმს კლასიკად აქცევს და საეტაპო სპექტაკლებს სთავაზობს (თავის) მაყურებელს. სიტყვა „თავისი“ შემთხვევით არ მიხსენებია, თემურ ჩხეიძეს ნამდვილად ჰყავს ისეთი მაყურებელი, რომელიც ასეთ ესთეტიკას აფასებს, მითუფრო დღეს, როცა, ფსიქოლოგიური თეატრი ჩვენში დიდ ფუფუნებად იქცა, რადგან ქართული თეატრი, ზოგიერთი გამონაკლისის გარდა, ლამის უკონცეფციოდ დარჩა და მხოლოდ გასართობ არენად იქცა.

ფსიქოლოგიური თეატრი ადამიანის სულში გვახედებს. დაფარულ, საგულდაგულოდ დამანულ შრეებს ხსნის, დაკვირვებული ძიების შედეგად რომ ამოტივტივდება ზედაპირზე. თუნდაც ამისთვის ერთგვარი „ფსიქოლოგიური ტესტების“ ამოხსნაც კი დასჭირდეს, როგორც ეს ამ ახალ სპექტაკლში ხდება.

ანონსში ითქვა, რომ ამ სპექტაკლში მრავლადაა სიურრეალისტური მომენტები, ფსიქოლოგიური დეტექტივიც უნოდეს და, თუმც აბსურდად არ მოუნათლავთ, მასში მრავლადაა აბსურდის თეატრისთვის დამახასიათებელი ელემენტებიც. პიესა ეკლექტურია, რაც დამახასიათებელია თანამედროვე ხელოვნებისთვის და ეს განსაკუთრებულ ინტერესს იწვევს.

ცნობილი ესპანელი დრამატურგის ჟორდი გალსერანის პიესის თარგმნა ჩვენმა თეატრალურმა მოღვაწემ თამაზ გოდერძიშვილმა ითავა (სხვაგვარად წარმოუდგენელიც იყო, მისი და ბატონი თემურის ტანდემს ხომ ასე შეეჩვია ქართველი მაყურებელი), მისეული, გამორჩეული ალლოთი მიაგნო სიტყვათა სცენიურ ჟღერადობას (რაც იშვიათობას წარმოადგენს ჩვენს რეალობაში, დღეს სცენიდან დახვეწილ ქართულს, სამწუხაროდ, ხშირად ვეღარ ვისმენთ).

„ბრონჰოლის მეთოდი“ — ეს არის თამაში, თავისი პირობებით. სამი ფსიქოლოგი და პრესტიჟული სამუშაოს მაძიებელი პირი მოქმედი პერსონაჟები არიან. სამუშაოს მაძიებელი ახალგაზრდა მამაკაცი თანდათან ცდილობს გაერკვეს რეალობაში და ყველა მეტოქე ჩამოიშოროს.

თუ თავის დროზე ნიცემე თქვა, ღმერთი მოკვდაო! თანამედროვე, სუპერგანვითარებული ტექნოლოგიების XXI საუკუნე გვაფრთხილებს, ადამიანიც (თანდათან) კვდება და მის ადგილს რობოტები იკავებენო! უახლეს ფსიქოლოგიურ კვლევათა თანახმად, დადგინდა, რომ ტვინი ერთადერთი ორგანოა, რომლის შეცვლა, ერთგვარი ფორმირება შესაძლებელია. შეგვიძლია ისეთები გავხდეთ, როგორებიც გვსურს. ემოციები, გრძნობები ვმართოთ. ერთი შეხედვით, ამაში თითქოს ცუდი არაფერია, მაგრამ... ამ ყოველივეს სიკეთესთან ერთად ბოროტების გაღვივებაც შეუძლია. რაკი ეს მიკრომოვლენა არ გახლავთ, ჩვენშიც აქტუალურია ამ პრობლემის წამოჭრა და... ქართულ სცენაზე სხვაც ვის შეეძლო ასე სასტიკად, დაუნდობლად ეთქვა ეს, თუ არა თემურ ჩხეიძეს?!

რეჟისორი (როგორც მოსალოდნელი იყო) არანაირ გამოგონილ ეფექტებზე არ აგებს სპექტაკლს, პირიქით, ეგრეთწოდებული თეატრალური სანახაობა ლამის უგულებელყოფილია, მთავარი აქცენტი დასმულია ადამიანის სულიერი ასპექტების წარმოჩენაზე. ურთულესი პროცესია, მგონი, ბატონ თემურს ასე მძაფრად, ასე უღმობლად ჯერ არცერთ სპექტაკლში არ გაუშიშვლებია ადამიანის სული... ამის საფუძველს, რა თქმა უნდა, პიესაც იძლევა: სცენაზე თამაშდება ტრაგედია, სადაც, მართალია, არავინ იღუპება ფიზიკურად, მაგრამ სულიერი განადგურება, დაცემა გარდუვალია!

სპექტაკლის დაწყებამდე საინტერესო სცენოგრაფია (არც ამ სპექტაკლში იყენებს თემურ ჩხეიძე ფარდას, მხატვარი გოგი ალექსი-მესხიშვილი გახლავთ) ძუნწი ფერებით, მაგრამ მეტყველი შტრიხებით მიგვანიშნებს, რომ მოქმედება ჩაკეტილ სივრცეში ვითარდება, ამ ჩაკეტილ სივრცეს მხოლოდ ხანდახან „ხსნის“ ზარდახმის სასიამოვნო ჟღერადობა, რომელიც შორეულ სიყმანვილეში გაბრუნებს, მაგრამ

ესეც წამიერია, რადგან ამ „ზარდახში“ დევს არა რელიკვია, ნივთი, რომელიც ჩვენში დადებით (ხშირად სენტიმენტალურ) ემოციებს აღძრავს, არამედ პიროვნების „სამხილი ტესტები“.

სამუშაო ოთახის ფონზე, აიენის (აივანზე გამავალი ორი კარია) მიღმა, მკრთალ ნათელში მწვანე და ცისფერი მოჩანს. ეტყობა, გარეთ ყვავილები ჰყვავიან, ვინ იცის, სადმე ჩიტებიც ცალობენ, მაგრამ შიგნით, ამ ნაცრისფერ გარემოს არაფერი ეტყობა, იმისა, რომ გარეთ ბუნებაა. აქ, ერთ-ერთი პრესტიჟული ოფისის სამუშაო ოთახში, გამალიზიანებული ხელოვნური სინათლის ფონზე ჰაერი ისეთი ბლანტია, სუნთქვაც ჭირს, ეს შეგრძნება განსაკუთრებით ფინალისკენ ძლიერდება, როცა ბოლო აქორდად პროჟექტორის კამკაშა სინათლე, როგორც „დამკვირვებელი თვალი“, ერთ-ერთ პერსონაჟს „ყლაპავს“, მაყურებელთა დარბაზსაც ზვერავს, თითოეული ჩვენგანის სულში ჩახედვას ლამობს და... სწორედ ამ დროს, როცა ფაქტობრივად სცენაზე მოქმედება მთავრდება, ამ უშაერო ვაკუუმში უეცრად კლასიკური მუსიკის ჰანგები შემოიჭრება, არა როგორც იმედი, არამედ როგორც გამანადგურებელი, უკანასკნელი მეცხრე ტალღა.

უანტრაქტო, ორსაათიანი სპექტაკლი მაყურებელს მოდუნების საშუალებას არ აძლევს (საკმარისია ერთ-ერთი პერსონაჟის რეპლიკა გამოგრჩეს და ველარაფერს გაიგებ). ახლაც, ამ შემთხვევაშიც თემურ ჩხეიძე ერთნიშნა პასუხებს არ სცემს იმ კითხვებზე, რომელიც მაყურებელს უჩნდება...

თავიდან გგონია, მთავარი პერსონაჟი არ არსებობს (თუ არ ვიგულისხმებთ, რომ ეჭვი ასპექტაკლის მთავარი პერსონაჟი და ის სათვალთვალ კამერა, რომელიც ფინალში დიდ, კამკაშა პროჟექტორად იქცევა), მაგრამ ერთ-ერთი პერსონაჟი, ფერნანდო — ნიკა თავაძე, მაინც გამორჩეულ, ვიტყვოდი, მთავარ პერსონაჟად წარმოჩნდება. მთელი პიესა მისი პიროვნების ამოცნობისკენაა მიმართული: ფერნანდო ინტელექტუალური ნაძირალაა, რომელსაც მხოლოდ ერთი სურვილი ამოძრავებს — ჰქონდეს პრესტიჟული სამსახური, კარგი ხელფასი, დანარჩენი არ აინტერესებს, ზნეობისგან საკმაოდ შორს დგას, მისთვის არ არსებობს სიყვარული, მშობლების პატივისცემა. თანამობის განცდა ატროფირებული აქვს. გარემო, რომელშიც აღმოჩნდება, როგორც ლაკმუსის ქალაქი, ისე წარმოაჩენს მას. ფერნანდო ყველა ბარიერს გადალახავს, მაგრამ სამსახურში მაინც არ მიიღებენ!

აქ ერთი გარემოება გასათვალისწინებელი: სპექტაკლის ფინალში ერთ-ერთი პერსონაჟის — მერსედესის — ნათქვამი: „ჩვენ არ ვგჭირდება კარგი კაცი, რომელიც თავს ნაძირალად ასაღებს; ჩვენ ვეძებთ ნაძირალას, რომელიც კარგ კაცს ძლიან ჰვავს“ — მთავარი მაგისტრალური ხაზია, რამაც განსაზღვრა სპექტაკლის მორალი: ნუ ვიცხოვრებთ ჯუნგლის კანონით!

პიესაში, როგორც ბოლოს ირკვევა, დანარჩენი სამი პერსონაჟი დამკვირვებელია, ისინიც არანაკლები ნაძირალები არიან: რეჟისორი პიესის ავტორის ჩანაფიქრს უფრო მეტად ამძაფრებს და გვანახებს, როგორ ზვერავენ ფსიქოლოგები ერთმანეთის პროფესიონალიზმს (რადგან აქაც ჯუნგლის კანონი მუშაობს!). ამიტომაც მათი მოჩვენებითი კონფლიქტიც კი ხშირად რეალურს ემგვანება. მხოლოდ სპექტაკლის

ფინალში ხვდება მაყურებელი, რომ ერთადერთი ნიკა თავაძის პერსონაჟი იყო გასაუბრებელზე მისული, დანარჩენები — ფსიქოლოგები — კი მას აკვირდებოდნენ, ამოცანებს სთავაზობდნენ. უცნაურია, მაგრამ ასეა: მხოლოდ ფინალში ირკვევა, თურმე ალექო მახარობლიშვილის პერსონაჟი — ენრიკე — ლამის სცენაზე გამოჩენისთანავე მიანიშნებდა ფერნანდოს, რომ ეს ყველაფერი თამაში იყო და მას და მხოლოდ მას სცდიდნენ. სწორედ ამიტომაც ხაზგასმულადაა ნაჩვენები სცენაზე ის, რომ ფსიქოლოგთა არცერთი სიტყვა არასდროს შესაბამეა მათ ფიზიკურ მდგომარეობასა და მოქმედებას.

პირველივე დავალებისას, ყოველ ნაბიჯზე ფერნანდო თავის ნამდვილ სახეს „აჩვენებს“, ყოველი მომდევნო დავალება უფრო ამძაფრებს მასში აზარტს, თამაშის სურვილს, გამარჯვებისთვის შეუძლია ყველა და ყველაფერი გაანადგუროს. ფინალში ყოველივე კულმინაციას აღწევს, როცა საკუთარ მშობლებზე გამოწვავს ამბავს ჰყვება, ლამისაა ყველაფერი აპატიო, რადგან თურმე პრესტიჟული სამსახური და ხელფასიც მოხუცი მშობლების სანუგეშოდ სდომობია (ამ დროს მაყურებელს ძალიან უნდა, იგი მართლაც კეთილშობილი იყოს). ფერნანდოს — ნიკა თავაძეს საკმაოდ დიდი მონოლოგი აქვს, ცდილობს პარტნიორი (ეკა ჩხეიძე) და მაყურებელი თავის გულწრფელობაში დაარწმუნოს. ამ დროს ხმის ტემბრიც ეცვლება. ჩვენს წინაშეა მოსიყვარულე, მზრუნველი შვილი, მოძრაობაც კი ვათვლილია ამ ემოციის გამძაფრებლად და აქ, ამ სცენაში მსახიობი იყენებს საინტერესო „ნიღაბს“, რომელსაც იოლად შეუძლია, მაყურებლის სათავისოდ გადაბირება, ეს მარტივი ხერხია (თუ ოსტატობაც მოგდევს): თამაშია თამაშის გარეშე!..

საერთოდ, მსახიობებზე საუბრისას შეუძლებელია რომელიმე განსაკუთრებულად გამოყო (რადგან ბატონი თემურის სპექტაკლებში მსახიობთა ანსამბ-



აპოლონ კუბლაშვილი (კარლოსი) ალექო მახარობლიშვილი (ენრიკე) ეკა ჩხეიძე (მერსედესი) ნიკა თავაძე (ფერნანდო)

ლი ისეა შერჩეული, გაგიჭირდება რომელიმეს ნაცვლად სხვა მსახიობი წარმოიდგინო): ალექო მახარობლიშვილი თემურ ჩხეიძის ბოლო პერიოდის თითქოს ყველა სპექტაკლში მონაწილეობს და, ამდენად, მისი გამოჩენა ამ ბოლო დადგამშიც მოულოდნელი არ ყოფილა. ეკა ჩხეიძესა და ნიკა თავაძესაც ბატონ თემურთან მუშაობის საკმაო გამოცდილება დაუგროვდათ. აპოლონ კუბლაშვილი კი პირველად დადგა მარჯანიშვილის თეატრის სცენაზე თემურ ჩხეიძის ძალისხმევით და ორგანულად შეერწყა ამ ანსამბლს. ბატონმა თემურმა პირველად იმუშავა მასთან. ახალი, მოულოდნელი პლასტები აღმოაჩინა მსახიობში და კიდევ ერთხელ დაგვარწმუნა თავისი კონცეფციის უტყუარობაში: როლების განაწილება მისთვის სპექტაკლის განაწილებასაც ნიშნავს და ამიტომაც არ უყვარს დუბლიორთა სისტემით სპექტაკლის დადგმა.

P.S. ბატონმა თემურმა ერთხელ თქვა, როცა სპექტაკლს ვდგამ, ის აუცილებლად უნდა შეესაბამებოდეს უფლის 10 მცნებიდან რომელიმესო.

ეს სპექტაკლი, ჩემი აზრით, უფლის ათივე მცნებას ეხმიანება, რადან მასში ათივე დარღვეულია! რაც მთავარია, უფლის მიერ თავის ხატად და მსგავსად შექმნილი ადამიანია სულიერად განადგურებული, უფლის მეექვსე მცნება კი მოგვიწოდებს, არა კაც ჰკლაო! და ეს მხოლოდ ფიზიკურ განადგურებას არ ნიშნავს!!!

გივი ალხაზიშვილი

დანაშაულით მკვლარი

არ იცის თავისი მომავალი, თუმცა ყველა ვერსია გათვლილი აქვს, ჯერ ლაზიკა მაქვს ასაშენებელი, მერე კი მანამდე ვიქნები, ვიდრე ლაზიკა შავიზღვისპირეთში ყველაზე ბრწყინვალე ქალაქი არ იქნებაო. იგი სიმულაციებით საზრდოობს და ტყუილი მისი ცხოვრების წესია, აუცილებელი პირობაა. სწორედ ამიტომ ჯერ თავს იტყუებს, მერე თავის ტყუილს სიმართლედ ასალებს და მთელი პათოსით გაჰყვირის თუ დაჰყვირის ძალით მორეკიდ სანყალ პედაგოგებს და საბიუჯეტო სამსახურების თანამშრომლებს. მათაც ყელში აქვთ ამოსული ამ ტიპის შემანუხებელი სუპერაქტიურობა. მიუხედავად ჩვენი შეხედულებებისა, ის ნამდვილად ტრაგიკული ტიპია, რადგან უნევს ცხოვრება სიმლეგის და რეალობის ზღვარზე, ამ ორი ნაპირის გამუდმებული მონაცვლეობის რიტმში, და ამიტომაც დახტის მისი ფიქრები ურთიერთგამომრიცხავ უკიდურესობებში. მას არ შეუძლია სიმშვიდე. ეშინია განმარტოებული ფიქრის და სიმშვიდის. არ შეუძლია საკუთარ მეში ჩაეტიოს. მისი ბუნებრივი მდგომარეობა კოლექტიური მეს დამორჩილება და მასზე დაყრდნობით მეგალომანიის დაოკებაა, დროებით მაინც. ახლა კი დადის ორ ნერტილს შორის გაბმულ თოკზე, როდის განყდება, რომ არ იცის, და შიშიც უჩნდება გულში, რადგან იცის მონინალმდეგის დიდი უპირატესობა და ეჭვიც ეპარება, ძალადობით თუ მიაღწევს სანადელს, მაგრამ იხტიბარს არ იტყის და აგრძელებს რეპრესიებს. თვითონ გაეროშია, მისი ზონდერები და პოლიციელები კი დაძრწიან „ქართული ოცნების“ შტაბებთან, ქუჩებში და ოცნების მაისურიან დიდსა და პატარას ცეცხლს და იჭერენ. ასეთი რამ არასოდეს მინახავს, კინოშიც კი, რადგან რაც ჩვენში ხდება, ეს რეპრესიაც კი, როგორცაც პაროდის თუ კარიკატურული სტილისტიკის ელფერს ინარჩუნებს და ალბათ იმიტომ, რომ იგი ამბიციამ და მისმა ქაქანმა გააშარჟა მრავალი ადამიანის თვალსა და ფიქრში. მთელი უცნაურობა სწორედ ესაა, რომ თითქოს იმეორებს რომელიღაც ნერონის მრავალ თვისებას, მაგრამ მაინც არ არის ნამდვილი ნერონი, უფრო ნერონის კარიკატურაა, თუნდაც იმიტომ, რომ იმპერიის კი არა, ჩვენი ბედკრული ქვეყნის დირექტორია და თამაშობს იმპერატორს, თავის გამოჩენის მასშტაბებიც არ აკმაყოფილებს და მსოფლიო პოლიტიკის ელიტასთან სურს მიახლოება, თან ცდილობს როგორმე მსოფლიოს ყურადღების ცენტრში მოხვდეს და საამისოდ ათასნაირ ხრიკებს იგონებს.

მასში ყოველი ნეირონი ნამდვილად არის ნერონის.

სააკაშვილს საქართველო იმდენად ახსოვს, რამდენადაც ის არის მისთვის თავის გამოჩენის მთავარი საშუალება.

გუშინ გაეროს ტრიბუნლიდან გაისმა სააკაშვილის სიტყვა. „ძალადობა არასდროს იქნება ლეგიტიმური და უმრავლესობის ნება ყოველთვის უნდა აღსრულდეს. იარაღი, შანტაჟი და სხვა მსგავსი ღონისძიებები არასოდეს იქნება უმრავლესობის სურვილი. ჩვენი პასუხი ამ ყველაფერზე, ამ შიშებზე და საფრთხეზე არის პლურალიზმის კიდევ უფრო გავრცელება, კანონის პატივიცემის კიდევ უფრო გავრცელება. არც კი შემოძლია ვთქვა, როგორი რთულია ეს პროცესი, მაგრამ მისი ალ-

ტერნატივა არ არსებობს.“ (ინტერპრესნიუსი, რუსთავი 2-ის სინქრონული თარგმანი).

ეს სიტყვა ერთგვარი პრევენციაა, წინასაარჩევნო დარღვევების გადაფარვაა. რაც ეუთომ ორიოდ დღის წინათ აღნიშნა წინასაარჩევნო დასკვნაში და მოუწოდა საქართველოს ხელისუფლებას, შეწყვიტოს ძალადობა კონკურენტი პარტიის აქტივისტებზე. უახლოეს ხანში სამოცამდე ადამიანია დაპატიმრებული სტანდარტული მუხლით — პოლიციისთვის წინააღმდეგობის განწევა.

პრეზიდენტის სიტყვაში, ჩემი აზრით, იმ სიტყვებმა გამოჟონა, რის ჩადენასაც აპირებს ხელისუფლება. იგი ახსენებს იარაღს სრულიად ულოგიკოდ, რადგან ოპოზიცია აბსოლუტურად უიარაღოა და შემოდინებული ფულიც მითია, როგორც იარაღი, და ეს ყველაფერი იმ ვერსიის ნაწილია, რაც ერთხელ პრეზიდენტმა შეთხზა და დღემდე ცდილობს მსოფლიოს სიმართლედ შეასალოს საკუთარი გამოწვანება.

ამიტომ არის მწირი და პლაგიატური მათი წინასაარჩევნო პროგრამა და ბიუჯეტი საექვო დეფიციტური, როგორც სარმშუო წყაროები იუნყებიან.

რადგან იარაღი ახსენა მიშამ, ე.ი. უახლოეს ხანში სადმე იპოვიან თავის გადამალულ იარაღს, რაზეც ქართულმა ოცნებამ უკვე ხმამაღლა განაცხადა. მიუხედავად ამისა, უარგუმენტოდ, პრეზიდენტის ფანტაზიაზე დაყრდნობით, ისევე შეთხზვენი არჩევნებამდე იარაღის შემოტანის ფაქტს და სახელმწიფო გადატრიალების ალბათობას, როგორც გოგა ხაინდრავას გამოუგონეს საფრანგეთის ჟანდარმერიის სახელით მათივე შეთითხნილი ბრალდება, და ამის საბაზად იქცა ხაინდრავას სტუმრობა პარიზში კანონიერ ქურდ რეზო ლორთქიფანიძესთან. ნაჩვენებია ორიოდ კადრი, რომელშიც ხაინდრავა ორჯერ ჩნდება, საფრანგეთის ჟანდარმერია ადასტურებს მის შესვედრას ქართველ კანონიერ ქურდთან, ხოლო დანარჩენი, სახელმწიფოს გადატრიალებისთვის მზადება და შავების ჩართვა ამ საქმეში, იმის გამოწვანება, ვისაც ძალიან სურს გაუსწორდეს ხაინდრავას. პრეზიდენტის შურისძიების გამოწვევი მიზეზი ხაინდრავას დოკუმენტური ფილმია, რომელმაც მოიარა მრავალი ქვეყანა და ჩამოხსნა ნიღაბი დემოკრატიის შუქურად წოდებულ სააკაშვილს და მისი ნამდვილი სახე გამოაჩინა. ამ ფილმში შეკრებილია ნულოვანი ტოლერანტობის სისხლიანი შედეგები გირგვლიანის მკვლელობიდან, ვაზაგაშვილის, რობაქიძის და სხვათა ჩახოცვით გაგრძელებული. დახოცილთა სულელები არ მოასვენებს ამ ცრუპენტელა კარიკატურას. არსებობს მეორე მიზეზიც, ახლახან მავსტროში სტუმრადმყოფმა ხაინდრავამ პირდაპირ ეთერში აგინა პრეზიდენტს, ცხადია ესეც გაიგო მიშამ და ალივსო შურისძიების დაუოკებელი სურვილით და მისი დაპატიმრება გადაწყვიტა.

გუშინ, 25 სექტემბერს პროკურატურამ დაკითხა ხაინდრავა და იმავე დღეს გამოუშვა. როგორ ფიქრობთ, გამოუშვებდა ხაინდრავას პროკურატურა, რამე მტკიცებულების-მაგვარი რომ ხელთ ჰქონდეთ?? მტკიცებულებად ვერ გამოდგა მიშას ტვინში დაბადებული რიტორიკა, რომელიც მიაბეს საფრანგეთის ჟანდარმერიას და საერთოდ, ფრანგული ჟანდარმერიის სახელით ილაპარაკეს ეს სისულელეები. როგორც ყოველთვის, ახლაც „ტყუილს მოკლე ფეხი აქვს“.

შსს-ს მორიგ სერიაში, ვიდრე იარაღი გამოჩნდება ან გაისვრის, მანამდე, უნდა გათამაშდეს ეპიზოდი იმ სცენარიდან, რაც მის ავადმყოფ ტვინში იბადება. ასე ცდილობს იგი საკუთარი ფანტაზიის კორექციას და მის არგუმენტად გამოყენებას. გუშინ მთელი ფეისბუქი ლადაობდა ამ ფილმებსა და მის მთხვევლებზე.

როგორც ინტერპრესნიუსი იუნყება, გოგა ხაინდრავას დაკითხვის მეორე სერია 27 სექტემბერს არის დანიშნული. სწორედ ამიტომ იგი ვერ მოახერხებს კიევში წასვლას, სადაც მისი ფილმის ჩვენება გაიმართება.

* დასასრული. იხ. „ჩვენი მწერლობა“ №19

რიკარდო მილიორი — ევროპის უშიშროებისა და თანამშრომლობის ორგანიზაციის საპარლამენტო ასამბლეის პრეზიდენტი — შემოფოთება გამოხატა საქართველოში წინასაარჩევნო პერიოდში მომხდარ ფაქტებზე და განაცხადა: „სერიოზული მიდგომა სჭირდება დაკავების ფაქტებსა და მხარეების მიერ გაკეთებულ ბრალდებებს, რომელთა საფუძველზე წინასაარჩევნოდ პოლიტიკური აქტივისტების თამაშიდან გათიშვა ხდება“.

ამონარიდი, ნინო ქადაგიძის ინტერვიუდან „ზურაბ ჟვანიას სიკვდილი ახალაიას, ალანიას და მელნიკოვს უკავშირდება“ (ნათია დოლიძე, გაზეთი „ყველა სიახლე“)

„2004 წელს ზურას დაბადების დღეზე ჩვენთან სტუმრად იყვნენ: სააკაშვილი, მერაბიშვილი, ოქრუაშვილი და ადვიშვილი. ბევრი სტუმარი გვყავდა. ესენი გვიან მოვიდნენ და ცალკე მაგიდის ვაშლა დაგვჭირდა. მოკლედ ისე მოხდა, რომ ერთ სუფრასთან მოუწიათ ჯდომა. მახსოვს, მათმა საუბარმა როგორ შემამოფოთა. ამას წინათ ტელევიზიით მიხეილ სააკაშვილისა და ვანო მერაბიშვილის სატელეფონო საუბრის ჩანაწერი მოგვასმენინეს, რომელშიც ფოტოგრაფების საქმეზე ლაპარაკობდნენ, რომ ვიღაც უშლიდათ ხელს, ამბობდნენ, მოვიშორეთ, ამას ჩაუფრებთ, იმას დავაჭერინებთ... მაშინ ვიფიქრე, დავილუპეთ-მეთქი.“

ნინო ქადაგიძის მონათხრობი მაფიქრებინებს რომ ყველა ძალადობის ავტორი მხოლოდ მიხეილ სააკაშვილი კი არა, მისი გარემოცვა იყო სააკაშვილთან ერთად. ასე რომ, უახლოეს დროში მათაც მოუწევთ კუთვნილი ხვედრის განაწილება. ლხინში თანაზიარები ჭირშიც თანაზიარები უნდა იყვნენ...

„საკაშვილისთვის ადამიანი არასდროს ყოფილა მნიშვნელოვანი. ვისაც ამ კაცთან ოდესმე შეხება ჰქონია, ეს უგრძობია. ჩვენს სახლში სააკაშვილი ოჯახით ცხოვრობდა გარკვეული პერიოდის განმავლობაში. ვუყურებდი მის ურთიერთობას მეუღლესთან, შვილთან, მერწმუნეთ, ეს მართლაც უცნაური ურთიერთობები იყო... ვფიქრობდი, შესაძლოა სხვისი თანდასწრების გამოა ეს ურთიერთობები ასეთი-მეთქი.. ეს კაცი ოჯახის წევრების მიმართაც კი არ გამოხატავდა სითბოს და ყურადღებას. თითქოს მის პიროვნებაში ეს ნაწილი საერთოდ არ იყო. არ არის ეს კაცი ჯანმრთელი, რაღაც ემოციები აკლია. დაუნდობლობაც აქედან მოდის, თუნდაც ის, რაც ზურას მიმართ, მისი ოჯახის მიმართ გამოიჩინა (ნათია დოლიძე).“

ნინო ქადაგიძის ინტერვიუში ზუსტად არის ნაჩვენები სააკაშვილის სულიერი პორტრეტი, ანუ როგორია იგი შინაურ გარემოში. ადრევე ვამბობდი, დავწერე კიდევ, რომ იგი მიზანთოპია, ნინო ქადაგიძეც ამასვე ამბობს თავის ინტერვიუში. ეს ფსიქოტიპი, გლობალურ ძვრებზე ფიქრობს და ავიწყდება ყოველგვარი ადამიანური, გარდა პირადი სურვილებისა და აკვიატებისა, რისთვისაც იგი მზად არის დაიკიდოს მთელი საქართველო და თავისი ახირება ხალხის ნებად გამოაცხადოს. ბაგრატიის ტაძრის ხელახალი აშენება და გადახურვა გაიხსენეთ თავისი მწვანე სახურავით. სამწუხაროდ, ალბათ, იუნესკო თავისი სიიდან ამოიღებს ტაძარს, მხოლოდ იმიტომ რომ სააკაშვილი უარი თქვა რესტავრაციის მიღებულ ნორმებზე და სხვა არქიტექტურული ძეგლი შექმნა. არ ვიცი, არქმევს თუ არა სახელს იგი თავის გატაცებას, მაგრამ, ჩემი აზ-

რით, ის კიჩის თაყვანისმცემელია. ორი მაგალითის დასახელებაც კმარა — წმინდა გიორგის რომელიღაც ასლი თავისუფლების მოედანზე, ბაგრატიის ტაძრის გადახურვა და სახურავის მწვანედ შეღებვა — მის გემოვნებაზე მეტყველებს.

ამაზე 2008 წლის ომისდროინდელ დღიურში ვწერდი: ეს ჩვენი ვითომ-ლიბერალი პრეზიდენტი ფეოდალური სამყაროს გადმონაშთით საუბრობს და აზროვნებს, მისი ლექსიკაც ნაციონალ-პატრიოტულია და შუასაუკუნეების გმირების მაგალითების მიბადვას გვიკიჟინებს, პარალელურად ჯეო-ბარით მოაქვს თავი, თან ნაციონალ-ბოლშევიკობაც სცადა ხანგრძლივი დროის მანძილზე, კულტურა საკუთარი მხარდამჭერების დონეზე აინტერესებს და ისიც სხვათაშორის და მის კიჩურ გემოვნებას ეწირება მთელი ქვეყანა. რჩება შთაბეჭდილება, რომ იგი თამაშობს სახელმწიფოებანას, რომელსაც პრეზიდენტი კი არა, თავისი შოუმენი სჭირდება, რათა ხალხს შეუქმნას კეთილდღეობის ილუზია. ამ თამაშს იმედგაცრუება და მოვალათასიანი მიტინგები მოჰყვა შარშან ნოემბერში, ხელისუფლებამ რომ სასტიკად დაარბია, რაც ვადამდელ საპრეზიდენტო არჩევნებში გადაიზარდა და მორიგი ფიქციის შედეგად მივიღეთ ის, რაც პროფანაციას უნდა მოჰყოლოდა.



თავისუფლების მოედანზე, საქართველოს ბანკის სიახლოვეს, მიწისქვეშა გადასასვლელის მოპირდაპირე კედელთან, ალბათ გახსოვთ, რამდენიმე ქალბატონი ჩამოჯდებოდა ხოლმე და ჩამვლელებს მიადევნებდნენ: — ოქროს ვიბარებ! ოქროს ვიბარებ! ოქროს ვიბარებ!

ბშირად მიწვედა აქეთ ჩავლა და დადევნებულმა ინფორმაციამ — ოქროს ვიბარებ — ამახედა მოოქრული წმინდა გიორგისკენ და გავიფიქრე: ნუ გეშინია, შენ თუ ჩავიბარებენ ოქროთი მოვაჭრენი ან მეჯართეები, შენი ასლებით მოფენილია მთელი მსოფლიო და მაინც გადარჩები, რადგან შენ ერთ-ერთი მათგანი ხარ, ე.ი. ერთდროულად მრავალ ადგილზე დგახარ და, ამავე დროს, არსად არ ხარ, როგორც ქვეყნის ბელოვენების ნიშნები...

90-ანი წლებიდან მოყოლებული ოცდამეერთე საუკუნეშიც, თავისუფლების მოედანზე ზურაბ ნერეთლის გამოჩენამდე და მოგვიანებითაც, საქართველოს ბანკის შორიახლოს, პუშკინზე, შინიდან მოტანილ დასაკეც სკამებზე ისხდნენ ქალები და მიახლოებისას, იმის მიხედვით, ვისგან რას მოელოდნენ სავარაუდოდ, შესაბამისი სიძლიერის ხმით თითო-თითოდ, ცალ-ცალკე, ზოგჯერ ჯგუფურადაც — ამოიძახებდნენ — ოქროს ვიბარებ, ოქროსო!!!

ვიდრე იქაურობას გაცვლებოდა მგზავრი, რამდენჯერმე მაინც მინვდებოდა ქალების ამოძახილი. — ოქროს ვიბარებ!

წმინდა გიორგის მოოქრული ძეგლი მზეზე ბრწყინავდა და ეს ბრწყინვა ნამდვილად მოტივირებული და კიჩური გახლდათ ძეგლივით. ერთხელაც ამ გზაზე მიმავალ დანიელს აეკვიატა ნულოვანი ტოლერანტობის მძიმე შედეგები, სრულიად უდანაშაულოდ დახოცილი ახალგაზრდები და თვალი აუცრემლიანდა. მერე მეგობრის ის ლექსიც გაახსენდა, ასე რომ ეხმინებოდა არამართო მის სატიკივარს, არამედ საზოგადო ტყვილს, რომლის მიჩქმალვა და მიჩუმათებაც ვადანყვიტა ხელისუფლებამ და თუ უფლებადამცველები ამ თემას შეეხე-

ბოდნენ, საშინლად ბრაზობდა ხელისუფალი და მისი დაქვემდებარებული „სასტავი“. დღესაც შეამჩნია დანიელმა ფაშფაშა ქალები, ასაკეც სკამებზე აღარ იყვნენ მოკალათებულები და, ცხადია, აღარც მათი ხმა ჩაესმოდა, მაგრამ მის მესხიერებაში მაინც გამოვლინდა ოდესღაცინდელი ექო:

—ოქროს ვიბარებ! — თუმცა იქ უკვე არავინ იყო, მხოლოდ მეეზოვეები ფუსფუსებდნენ და საგულდაგულოდ გვიდნენ თუ ამტვერებდნენ ტროტუარს.

ქაბლთან

პუშკინის ქუჩაზე ფაშფაშა ქალები იუნყებიან, რომ ოქროს იბარებენ, თავს ოქროდ ასაღებ და ისევ მიწა ხარ, ის მიწა, ახლა რომ გაზონში იბარება.

თავს ვერ შეატყუებ, არ ჩაგებარებენ, ეს შენი სახეა თუნუქის გეორგინა, ჩემი ოქრო კი ოქროს მხედარია, ჩემი ოქროსფერი გეორგუნა.

საქართველოს ბანკთან ჰყვავიან ცაცხვები, ცაცხვებმა არ იციან სად არ იყვავილონ, მახსოვს მეგობრის მწარე შეხუმრება, ნლები მომავალში გამოიყვავიანო

გვამებს ჩამალულებს დარდების მორევში, რომ წამოედება ხსოვნის ბადეები, შენ კვდები თანდათან, ასევე თანდათან, ვერც იგრძნობ, დღე-ღამეს ისე გადაები,

რომ გიჭირს წასვლა წარსულის გასათიხად, არ გინდა ქუჩაში გამოცალკევება, ნაცნობი დეკორატი — ჩიხი პირობითი და მშიერ თვალების გამოსარკევებას

უკვირს, რომ ქალები ოქროს იბარებენ, მხედარი მიხედება თვალის გაპარებით, რომ ეიმედება ასლების სიმრავლე და თან ეშინია ჯართში ჩაბარების.

17. 6. 2008 წ.

„ინერპრენსიუსში“ 27 სექტემბერს გამოქვეყნებული სტატიის მიხედვით თიკა კანდელაკი აღნიშნავს: „ჩემი ინფორმაციით, რუსეთთან მოლაპარაკებაზე მოსკოვში საქართველოს უშიშროების საბჭოს მდივანი გიგა ბოკერია ჩამოფრინდა. ვნახოთ, რით დამთავრდება შეხვედრა.“ სტატიაში გაქარწყლებულია მითი დემოკრატიის შუქურად წოდებულ სააკაშვილზე და წარმოჩენილია მისი რეალური სახე. სიმართლე გითხრათ, არ მახარებს ჩვენი პრეზიდენტის დაკნინება, მაგრამ სიმართლეს ვერსად დამალავ. ციხის კადრების შემდეგ მისი რეპუტაცია და იმიჯი გაქრა. გაეროში სააკაშვილის გამოსვლისას, ცარიელ დარბაზში რამდენიმე აფრიკელი ლიდერი თვლემდა.

ახლა, წინასაარჩევნო ციებ-ცხელებისას, ხმა ამოიღო მერაბიშვილმაც. ვიდრე დუმდა, დუმილი ისეთ იდუმალებას სძენდა, რომ ზოგიერთები მის სიჭკვიანეზე ალაპარაკდნენ.

მერაბიშვილი აქტიურად იმეორებს მისი პირადი დირექტორის ფრაზებს, რომ ოცნების ლიდერი არაფერს ამბობს პუტინზე, საქართველოში ქურდების ჩამოყვანა უნდა, საქართველო უნდა აქციოს რუსეთის ღარიბ გუბერნიად და ათასი სიყალბე, ანუ ის, რაც ნაცვებმა შეთხზეს და თვითონ და მისი თუთიყუშები ხშირად იმეორებენ. მათი მიზანი ერთია, ამ ლეგენდებით დააფრთხონ ადამიანები და ხმები წაართვან

„ქართულ ოცნებას“. მათ რიტორიკაში ასეთი გეგმა გამოიკვეთა: ივანიშვილის ხელისუფლებაში მოსვლა არ უნდა დავუშვათ, რადაც უნდა დაგვიჯდეს. ეს პრიმიტიული აზრი თუ გადანყვეტილება საკუთარმა ტყავმა უკარნახათ და ახლა ათას სისულელეს ტენიან თავიანთი არხების მსმენელებს ისევ და ისევ თავის გადარჩენისთვის. ამკარად ჩანს, რომ არჩევნების გაყალბება საკუთარი პერსონების გადარჩენის ერთადერთ რეალურ გზად მიაჩნიათ და თავიანთ თავს აიგივებენ საქართველოსთან. პირდაპირ ამბობენ: არ დავუშვებთ საქართველო რუსეთის გუბერნიად აქციონ! ეს ტექსტი სინამდვილეში ასე იკითხება: არ შეიძლება ჩვენ აღარ ვიყოთ საქართველოს ხელისუფლებაში, თორემ მძიმე დღეები მოგველის.

ვინ შეაგროვა ამდენი ყბედი, შეწუხებული სამშობლოს ბედით?!

90-იან წლებში დანერგილი ეს ორსტრიქონედი, ახლაც გამომადა.

იგი საკუთარ ბედზე მოფიქრალია და თითქოს სამშობლოზე წუხს. საკუთარი დანაშაულების მიჩქმალვა სურს, მაგრამ თუ ხელისუფლებაში არ იქნება, როგორ გადაირჩენს თავს? აი, მთელი ფილოსოფია თუ მთავარი სატიკვარი, რაც ამათ უნიჭო ლეგენდებში იკითხება.

ასე რომ, თიკა კანდელაკმა გაამხილა გიგა ბოკერიას სავარაუდო საიდუმლო ვიზიტი მოსკოვში. მანამდე რობერტ სტურუამ განაცხადა: მოსკოვში შეხვედრებს მართავს ბოკერიაო...

ესენი ხელებს შლიან, რა სისულელეა, რეებს იგონებენო?! თავის გადარჩენის უნაპირო მსურვილმა მოსკოვში აფრინა დესპანი, გვიშველეთ, ვილუპებიო! ერთ ხელს ივანიშვილისკენ იშვერენ, გვარწმუნებენ: პუტინის ერთგულია, ერთხელ არ მოიხსენია აუგადო... ხოლო მალულად მოსკოვში გააპარეს დესპანი პუტინთან მოსალაპარაკებლად, ან იქნებ მირონოვთან. რა მნიშვნელობა აქვს ვისთან... მთავარია, რომ ეს ნაბიჯი შიშმა გადაადგმევინა ნაცმოძრაობას. მართლა ბრძანდებოდა ბოკერია კრემლში?! რომელ შიშს ვგულისხმობთ, აბა, რა საკითხავია?! თვითონაც ხედავთ, შავ დღეში არიან... უზნეობის პიკი. ტოტალური სიცრუე, რომელიც ქამელეონივით ცვალებადია და გამუდმებით ფერს იცვლის... არსებობს ძველი და ახალი ტყუილები, საჭიროების მიხედვით ტყუიან.

ახლა მათი აუდიოკომპრომატებზე საუბარიც ზედმეტია. ადანაშაულებენ ხაინდრავას, სანიკიძეს და არჩვენებენ კადრებს თუ როგორ ამოიცნეს ნაცმოძრაობის ერთ-ერთი კოორდინატორი, რომელსაც შსს კრიმინალურ ავტორიტეტად ასაღებებს. მერე სხვა ფოტოს არჩვენებენ, შეგვეშალაო. ირკვევა, რომ გუბაზ სანიკიძის საუბარი უშიშროების ყოფილ მინისტრთან დიდი ხნის წინათ გაიმართა და რომ თანამოსაუბრე მრავალი წელია მშვიდად ცხოვრობს ქუთაისში. ამკარად გამოჩნდა ამ უნიჭოთა არაპროფესიონალიზმი. არაკომპეტენტურობა და მორიგი სიცრუე დადასტურდა აგრეთვე საფრანგეთის ჟანდარმერიასთან ურთიერთობაში, რაც აისახა საფრანგეთის საგარეო საქმეთა მინისტრის დელიკატურ ნერილში. საფრანგეთის ჟანდარმერიის უწყების ორწინადადებიანი დასახელება აქციეს ბრალდებად, თითქოს ქართული ოპოზიცია ცდილობს საფრანგეთში მცხოვრები ქურდების დახმარებით დაამხოს საქართველოში ხელისუფლება. ეს უკვე შსს ფანტაზიაა. ისინი დავალებას ასრულებენ და ამიტომ აყალბებენ საბუთებს და იგონებენ ცრუ არგუმენტებს.

საკაშვილს ძალიან სურს ხაინდრავას დაპატიმრება. არ გამოვრიცხავ, რომ მაინც დაიჭიროს ამ განუკითხაობაში. პროკურატურა და სასამართლო უსიტყვოდ დაუდასტურებს და შეუკერავს საქმეს. ხაინდრავამ მოასწრო და საფრანგეთის საელჩოს ყველაფერი შეატყობინა. არ ვიცი, როგორ დაიცავს ფრანგული კანონმდებლობა ჩვენებური ნერონისაგან.

„საქართველო მუდმივად დგება ფერფლიდან, რამდენჯერაც არ უნდა სცადონ მისი წაქცევა,“ — განაცხადა სააკაშვილმა ქუთაისში დავით აღმაშენებლის სახელობის საერთაშორისო აეროპორტის გახსნისას. პირველი ფრაზა პასუხია ნინო ჟვანიას ახლახან გამოქვეყნებულ ინტერვიუზე, სადაც ნინო ქადაგიძე გაკვირვებულია ...როგორ ახერხებს სააკაშვილი, სრულიად უიმედო ვითარებიდან ფენიქსივით ფერფლიდან აღდგეს... მიშას თავის ტექსტში „აღდგეს“ იქცა „ადგება“-დ, რაც თავისთავად რამდენიმე საინტერესო ნიუანსს შეიცავს.

ასე უპასუხა სააკაშვილმა არამარტო ნინო ქადაგიძეს, არამედ მთელ საქართველოს. საქართველო მე ვარ და ნებისმიერ ვითარებაში აღდგები ფერფლიდან, ასე თქვა!

თავისი თანამებრძოლის ქვრივს ასე უპასუხა. ჩვენ კი შეგვახსენა, რომ იგი ყველაფერს კითხულობს და ფრთხილად ვიყოთ, რამე ისეთი არ წამოგვცდეს, მერე რომ არ ვინანოთ.

ფენიქსი ფერფლიდან ჩვენს თვალწინ პირველი ოქტომბრის არჩევნებზე უნდა აღდგეს, როგორც მიშა წერდა, უნდა ადგეს!

მხარდამჭერები კი სააკაშვილს ბევრად ნაკლები ჰყავს, ვიდრე ივანიშვილს, მაგრამ იძალადებს და გააყალბებს. ხელს ვინ შეუშლის?! ის ხომ ძალიან, ძალიან თავისუფალია.. თან იმასაც იტყვის, საქართველოს რუსეთის გუბერნიად ველარაოდეს გადააქცევთ, ვერ მოგართვით!!! ნურას უკაცრავადო!!!

რამდენიმე არასასურველ ადამიანსაც ჩააყუდებს, თუ რა თქმა უნდა ეუთო და სხვა დამკვირვებლები არჩევნებს ლეგიტიმურად ჩათვლიან.

თუ ახლაც გაგვიყვანა დასავლეთმა, მე არ ვიცი, რა გვეშველება...

დღეს როგორც იქნა გამოჩნდა ბოლო დღეებში, ქართული ოცნების კოორდინატორების, საუბნო თუ სხვა საარჩევნო უბნების დამკვირვებელთა უკანონო, სერიული დაპატიმრებების სამართლებრივი შეფასება.

Human Rights Watch – „ადმინისტრაციული დაკავების წესის ბოროტად გამოყენებით საქართველო არღვევს საერთაშორისო ვალდებულებას.“

გერმანული კვლევითი ცენტრი ორსა—კვლევის თანახმად, „ხვალ რომ საპარლამენტო არჩევნები იყოს, გამოკითხულთა 65% „ქართულ ოცნებას“, 25% კი ნაციონალურ მოძრაობას მისცემდა ხმას...“

ორსა-ს წარმომადგენლის განცხადებით, აგვისტოს კვლევასთან შედარებით, „ქართული ოცნების“ პროცენტული მაჩვენებელი 16%-ით გაიზარდა, „ნაციონალების“ „18“-ით შემცირდა...

აღნიშნული კვლევა 20-დან 25 სექტემბრის ჩათვლით პერიოდს მოიცავს.

29 სექტემბერს თბილისსა და ქუთაისში გაიმართება კოალიცია „ქართული ოცნების“ მანიფესტაცია. დარწმუნებული ვარ, უამრავი ადამიანი მოვა თბილისსა და ქუთაისში.

მიშამ დაასწრო ბიძინას და დღეს 28 სექტემბერს გამართა ნაცემოდრობის შეკრება დინამოს სტადიონზე, მაგრამ რად გინდა, ერთი სტადიონი ხალხიც ვერ მოაგროვა და ისინიც ძალით, სულ ბუზლუნ-ბუზლუნით წამოვიდნენ ექსკურსიაზე. ჩამოიყვანეს პედაგოგები, რაიონებისა და სოფლების გამგეობების თანამშრომლები, რეზერვისტები, პრობაციონერები, მასწავლებლები და მესხანძრეები, მუნიციპალიტეტის მუშები, მესაფლავეები, ახალი სასაკლაოდან ყასბები, ბენზინგასამართი სადგურების თანამშრომლები, ანუ ყველა იმ ბიზნესის ხალხი, რომელიც მიშას ექვემდებარება, მექსიკის გოგირდის აბანოდან, მზარეულები და მიმტანები რესტორნებიდან, დღიური მუშები გზათა მშენებლობებიდან, ზონდერები, სექს-ინდემ-

ნარმეები მთელი საქართველოდან და რა თქმა უნდა სოდი და კუდი, სამოქალაქო ტანსაცმელში გამოწყობილი პოლიცია სრული შემადგენლობით, ოჯახის წევრებთან ერთად; ავტოსადგურების და რკინიგზის მუშაკებს რეისები გაუუქმეს და დინამოზე უკრეს თავი..

ერთი სტადიონი ხალხით უნდა არჩევნებში გამარჯვება??

რაც ხდება, მკაცრი ლოგიკის შედეგია. უმრავლესობამ უარი უთხრა ჩამოშლილ ხელისუფლებას. დაგროვდა უამრავი ამაზრზენი ფაქტი; აღარ ჩამოვთვლი, მაგრამ ყველა და ყველაფერი გადაფარა პატიმართა წამებამ, პატიმრების ცეპამ და ცოცხებითა და დუბინკებით გაუპატიურების საშინელომ პრაქტიკამ, რაც მშვენივრად იცოდნენ გათავისუფლებულმა მინისტრებმა და ყინჩად მზირალმა პრეზიდენტმა, რომელიც მთელ ძალ-ღონეს დებდა გამეჩხერებული ნაცემოდრობის წინასაარჩევნო საქმიანობაში. დაპეპილილი მამალივით დადის, ჩაილაპარაკა დანიელებმა და ხელი ჩაიქნია..

მაინტერესებს აეროპორტში საზღვარგარეთის რეისებზე ბილეთების შეძენის დინამიკა.

მისი/მათი ბოლო იმედი პირველ ოქტომბერს მასტ ქერის გამორთვაა. არ გამოვრიცხავ პროვოკაციებსა და ტერორს. ასე თუ მოხდა, ეს იქნება მათი სასიკვდილო გაფართხალება. სააკაშვილმა სხვაზე ბევრად უკეთ იცის, როგორ აკონინებენ და კრებენ ხალხს იძულებით მთელ საქართველოში, მაგრამ იხტიბარს არ იტყვის: „აბა, შეხედეთ რამდენი ვართ?!“ ეს სპექტაკლი თანამოაზრეების და მერყევი ადამიანების გადმოსაბირებლად სჭიდება, და კიდევ იმის არგუმენტად, რომ აუ, რამდენი ვართ, შესძახოს ცრუ სიამაყით. სიცრუეს ხმის ტემბრი ამჟღავნებს, გასცემს და ინფორმაციას შინაარსს უცვლის.

ბრალი ამ ხალხისა, ვინც ამის მხარეზეა და ენერება ცრურწმენას, ბრალი იმათი, ვინც შიშმა, სამსახურის დაკარგვის შიშმა მოიყვანა აქ და საერთოდ, რა საბრალოა ეს მიტინგების და წინასაარჩევნო შეკრებების კოორდინატორ-აქტივისტები... ვინ გაუბედავს და ვინ ეტყვის სიმართლეს, რომ ახლა სააკაშვილის მექანიკური მოძრაობები და უაზრო ქაქანი კიდევ უფრო დაბლა სცემს ნაცემოდრობის რეიტინგს. ვინც მას მიეკარა ყველა ჩაიძირა. ეს არის ლიდერის დეველგაციის უდაბლესი საფეხური, ზღვის დონიდან რამდენიმე მეტრის ქვეშ, საიდანაც ცდილობს ამოძვრეს, მაგრამ საკუთარი ურთიერთგამომრიცხავი მოძრაობები ისევ დაბლა ეწევა ჭაობის სიღრმეში. ჭაობმა ჩასჭიდა მკლავები და ისე ჩაიხუტა გულში, რომ თავს ველარ აღწევს. მაინც ცდილობს დაუსხლტეს საკუთარ თავს, გამუდმებით ერთპარტიულ ჭაობს რომ ეყრდნობა და სადაც იძირება დღითიდღე...

„ამომრჩეველთა ლიგა“

„ამომრჩეველთა ლიგის“ წარმომადგენელი საქართველოს მასშტაბით 1200 საარჩევნო უბანზე ხმებს პარალელურად დაითვლის. გარდა ამისა, „ამომრჩეველთა ლიგა“ 400 უბანზე საეგზიტპოლო გამოკითხვას ჩაატარებს ყველა წესის დაცვით. გამოკითხება ყოველი მეშვიდე ამომრჩეველი. გამოკითხვა ანონიმურობის სრული დაცვით განხორციელდება“, განაცხადა კოკა გუნცაძემ.

„ამომრჩეველთა ლიგა“ ეგზიტპოლის შედეგებს 1 ოქტომბერს, 20. 00 საათზე გამოაქვეყნებს, ხოლო პარალელური დათვლის შედეგებს 1 ოქტომბერს, დღის ბოლოს შეაჯამებს.

29 სექტემბერი

ყველაზე სახიფათო დღე ორი ოქტომბერია. თუმცა შესაძლოა პირველ ოქტომბერსაც გვიან ღამით გამოვარდეს და თავი გამარჯვებულად გამოაცხადოს. აბა, რუსებს ხომ ვერ დაუტოვებს მის აშენებულ ქვეყანას?! აუცილებლად გააყალბებს, ეჭვიც არ მეპარება, ფეხზე ჰკიდია უცხოელი დამკვირვებლები

ბი. შეიძლება ბელორუსიდან მოწვეული მონიტორები გამაზოს და მათ ცრუ დასკვნებს დაეყრდნოს. ტყუილად ხომ არ გააბრუნა ამერიკელ დამკვირვებელთა რომელიღაც ჯგუფი და ჩაანაცვლა ბელორუსებით. ეს გათვლილი ნაბიჯებია, რომელსაც ცრუ შედეგი უნდა მოჰყვებოდეს.

„ამომრჩეველთა ლიგა“ თუ პარალელური დათვლის შედეგებს – პირველ ოქტომბერს დღის ბოლოს გამოაქვეყნებს, ხოლო მეორე ოქტომბერს გაცილებით ადრე, მაშინ თუ რამეს აპირებენ ნაცები, თადარიგს ადრე დაიჭერენ.

ხელისუფლება არჩევნების შემდეგ გათიშავს ოპოზიციურ მაუწყებლებს და მოსახლეობის დიდი უმრავლესობა დარჩება ინფორმაციულ წყვედიდ. ეს დრო ყველაზე მოსახერხებელია იმ ხალხზე შურისძიებისთვის, ვინც სავარაუდოდ გაყალბებული ხმების დასაცავად გამოვა ქუჩაში. სათუო სცენარის შედეგი ამ ხელისუფლების სრული კრახი იქნება. მერე წავლენ და გაიკრიფებიან ქვეყნიდან, მაგრამ...

მინაწერი: ვინ გაარჩევს ჭორსა და მართალს? დეზიმფორმაციის წაგებულები ავრცელებენ. თუმცა არ გამოვრიცხავ სააკაშვილისგან ცალკეულ შურისმაძიებელურ, დაუნდობელ ქმედებებს.

ზეიმი

დღეს თავისუფლების მოედანზე მივედი ადრინადა და წერეთლის წმინდა გიორგის კიჩთან დავეყუდე... ჩემსავით უამრავი ადამიანი მოქცეულა და მოედანი, რუსთაველის გამზირი გადაჭედლი იყო და უწყვეტად გრძელდებოდა ხალხის სხვადასხვა ნაკადის შემოდინება და ბოლოს ფეხისმოსაცველი ადგილიც აღარ დამრჩა.

მე არ მახსოვს ამდენი ადამიანის თავშეყრა ცხრა აპრილის საპროტესტო აქციისა და ზვიად გამსახურდიას პრეზიდენტობის პერიოდის გარდა, ასეთი გრანდიოზული მანიფესტაცია არასოდეს ყოფილა. ბედნიერი, გაღიმებული ადამიანები, ძალადობას გამორიდებული ხალხი სახეგანათებულები მოინვედნენ რუსთაველის გამზირისკენ და ყველა ცდილობდა ტრიბუნასთან მიახლოებას, მაგრამ უადგილობის გამო თანდათან სეგუბად დინება და ლამის ზემელამდე გადაიჭედო მთელი სივრცე, როგორც თვითმხილველები ამბობენ.

ახლა ამათი შეკავება, შეჩერება, მათი გადაწყვეტილების ჩაკვლა აღარავის შეუძლია. ასეთი მშვიდობიანი ფერისცვალება არასოდეს მინახავს.

მახსენდება დაუფინყარი თოთხმეტი აპრილი, 9 აპრილი და საქართველოს დამოუკიდებლობის გამოცხადების დღე, მაშინაც გადაჭედლი იყო მთელი რუსთაველი და ასეთივე შემართება მეფობდა. ხალხის ოდენობას ვერ შევადარებ, რადგან ასე ზუსტად შეუძლებელია მეხსიერებით აღვიდგინო მაშინდელი სურათი, თან მაშინ ვინ ითვლიდა გუგლის შემყოფით მომიტინგეებს. ეს საქმე კავებეს ხელში იყო და ალბათ მათი მეხსიერება ინახავს ასეთ ფაქტებს. მე მახსოვს უამრავი ადამიანი და განათებული გულები. ახლაც, გულანთებული ადამიანები ეშურებოდნენ აქეთკენ, ყველა თავის ადგილს პოულობდა, თუმცა საყრდენი ერთი ჰქონდათ მოლოდინით დამუხტულებს.

მოვიდა ბიძინა და გუგუნმა გადაუარა მთელ ქალაქს, შეძახილვებმა და ყიჟინამ გადაუარა მომიტინგეებს.

მივხვდი, რომ სააკაშვილის ბაირამობა დასრულდა, მაგრამ შიშის განცდა მაინც არ მტოვებდა. შიში — არა საკუთარი ბედის, არამედ ამ ხალხის გამო, რომელიც ხელცარიელი, იმედით გამსჭვალული, მშვიდობიანად გამოხატავდა თავის ნებას და ამ ნებას ველარავინ წაართმევდა. დევნიდნენ, აპატიმრებდნენ, სამსახურებიდან აძევებდნენ, ოჯახის წევრებს უსამსახუროდ უტოვებდნენ და ასე უსახსროდ და რეჟიმის წინააღმდეგ გამომდინარე ადამიანები თავს იყრიდნენ თავისუფლების მოედანზე, რუსთაველის გამზირზე, სადაც უნდა დამთავრებულიყო სააკაშვილის ტრაგიკომიკური მმართველო-

ბის რეჟიმი. უცნაურია, მაგრამ მისი ყოველი ქმედება — სასტიკიც კი — რატომღაც იძენდა გროტესკის ელფერს და არასერიოზული განწყობა ეუფლებოდა ყველას, დიდსა თუ პატარას, ინტელექტუალს თუ მევენახეს, კაცს თუ ქალს. გროტესკი ჩაუდგა კვალში სააკაშვილის გაავებულ ქმედებებს და დაუნდობლად დასცინოდა ნაკლულ რეჟიმს, რომელსაც ადამიანურობა არათუ აკლდა, არამედ არც მოიაზრებოდა მათ საქციელში და ემგვანებოდნენ დაქოქილ რობოტებს, მუტანტურ არსებებს, რადგან ადამიანობადაკარგული ტიპები კარგავენ ყველაფერს, რასაც მათთვის სიბრალული, თანადგომა ან თანაზიარება ერქვა ოდესმე. პარტიული ბრძოლა ელიტარული კორუფციის თანხლებით უამრავ დანაშაულს სჩადიოდა მთელი ერის წინაშე და სტატისტიკის მანიპულაციით და უახლესი მითების გამოგონებით იოლად გადიოდა ფონს, მაგრამ ვირტუალური რეალობა — სინამდვილეში ფუტურ და არარეალური — მალე იფშვებოდა ადამიანების თვალწინ და კომპიუტერული თამაშების პერსონაჟებად წარმოგვნილი ასიათასები თანდათან აზრზე მოვიდნენ და შეიზიზღეს ის, ვინც თოჯინებით ექცეოდა ადამიანებს და თავის ნებასურვილზე აზურთავებდა მათ ბედსა და მომავალს. ისინი ახლა ამ მოედნისკენ მოედინებოდნენ ყველა ქუჩით, რუსთაველს და თავისუფლების მოედანს რომ შეერთვის. ამდენი ხალხის იმედების აღსრულება უძიმესი ტვირთია და ძნელად შესასრულებელი. მივხვდი, რომ ჩემი შიში სწორედ ამ ალბათობას უკავშირდებოდა და წინმსწრები დასკვნების გამოტანას და დახვავებას თავი ვანებე, მაგრამ უფრო გვიან, საზეიმო მიტინგის დასრულების შემდეგაც არ მომეშვა დაეჭვების ეს განცდა, თუმცა სიხარულიც თავისას მკარნახობდა. პირველად ვნახე ბერას სიმღერაზე აცეკვებული მოხუცები და თვალი ამიცრემლდა, ცოტაც და უკონტროლო ბგერები ამოაღწევდა ხორხიდან და თავს ძალა დავატანე, არ ავლმუვლებულიყავ. მათი გაბრწყინებული თვალები არასოდეს დამავინყვდება. მივხვდი, რომ სიცრუით გადაღლილი ხალხი სიმართლეს, ღირსების დაბრუნებას, იმედს და დაუმადლებელი ლუკმაპურისთვის დასაქმებას თხოულობდა, სხვას არაფერს, სრულიად არაფერს.

დანიელის მინაწერი: თუ ხვალ არჩევნები კიდევ გაყალბდა და თუ კიდევ ჩააფურთხეს ხალხს სულში, და თუ ამის შემდეგ კიდევ ერთხელ დაუკანონეს სიყალბე, მაშინ ჩათვალეთ, რომ საქართველო საბოლოოდ გატყვევდა წელში და ყოველგვარი შეთქმულების თეორიის აკვიატების გარეშე, შეიძლება ითქვას, რომ ჩვენი მენტალობის ნაშლას, ჩვენს სამუდამო დაბეჩავებას, გაქრობას აღასრულებენ. ამაზე დაფიქრებაც არ მინდა. ვერ წარმომიდგენია მთელი საქართველოს გაცუცურაება, დაიცინვა, აბურხად აგდება, დამცირება, გაპარტახება, დაკნინება, უარყოფა, მიფურჩევა, მიყურისძირება, კედელთან მიჭყლეტა, ბალახით მოცველა, გაბითურება, დაჩოქება...

მაინც ვერ დავგაჩოქებთ! თქვენი დედაც...! და აქ გამოიკვეთა ქართული ფონეტიკური -ტყ- კომპლექსი, როგორც სიცოცხლის ჩასახვის და აღორძინების უ-ტყ-უარი სამუალება.

ტყ-უილად არ უსწავლებია მზექალა შანიძეს ჩემთვის ძველი ქართული ენის გრამატიკა და არამარტო ჩემთვის. თუმცა გრამატიკის ცოდნის გარეშეც იოლად ახერხებენ ქართველები მოძალადის მამა-პაპურად შეკურთხებას და დაკიდებას!

ყველაზე გასაკვირი, რაც დღეს დანიელს თავს გადახდა, ერთი ქალბატონის განინმატება და გაუნონასწორებელი რეაქცია იყო, არჩევნებში ივანიშვილის კოალიციის მოსალოდნელ გამარჯვებაზე რომ სიტყვა დაძრა დანიელმა, ეს ქალბატონი კინალამ ტანსაცმლიდან ამოძვრა, მაგრამ დანიელმა ხელი შეუშალა მთლიანად გაეძრო გახუნებული ძონძები. რამდენიმე არგუმენტი შეაგება ქალბატონს პრეზიდენტის ქვეყებისა და ქმედების უზარმაზარი კოლექციიდან, და რომ ვერ უპასუხა დანიელს, წამოწილდა, ხმა აუკანკალდა და დაბალ ხმაზე ჩაი-

ლაპარაკა, თანამოსაუბრის გასაგონად, ისე, რომ ზედაც არ შეუხედავს სიბრაზით ანთებულს: “ვაიმე, როგორ მჭირდებოდა სააკაშვილის ერთპარტიული პარლამენტის შენარჩუნება. ახლა მოვლენ ისინი, გოიმები და ზედმეტად ტრადიციონალისტები და არავინ იცის, რას გააკეთებენ, რას ჩაიდენენ...” დანიელი ვერ მიხვდა, რაში უნდა დაჭირებოდა ამ სააკაშვიან ქალბატონს, შვიდ ათეულ წელს გვარიანად გადაცილებულს, ნაცმოძრაობის უმრავლესობის შენარჩუნება პარლამენტში, რაც უკვე შეუძლებელი იყო, როგორც თვითონვე თვლიდა. ისიც კი იცოდა, რომ საკონსტიტუციო უმრავლესობა აღარ ეყოლებოდა სააკაშვილს და ის სხვები, ბიძინას კოალიცია რითი ემუქრებოდა, ვერაფრით ახსნა. სამარშრუტო ტაქსში გაუნათდა გონება და ლოგიკურად დალაგდა მიზეზი, რისთვისაც წუხდა დედა. მისი შვილი ხომ ცისფერია თუ რაღაც მსგავსი ან უარესი?! ე.ი. ახალი ხელისუფლების ლოიალობის არ სჯერა სექსუალური ურთიერთობის მიმართებაში.. აა, ხედავ რა ხდება?! მთელი ქალაქი ჭორაობდა მის ვაჟიშვილზე — „გვი კი არა, მგონი უარესიაო“. ეს უარესი რას ნიშნავდა, ვერ ხვდებოდა...

**30. 09. 2012
ნაცმოძრაობის განცხადება**

„ერთიანი ნაციონალური მოძრაობა“ ხვალ ამომრჩეველთა მოწვევის კამპანიას განახორციელებს. მის შესახებ დღეს „ნაციონალების“ პრესსპიკერმა ჩიორა თაქთაქიშვილმა პარტიის ოფისში გამართულ ბრიფინგზე განაცხადა. მისი თქმით, „ერთიანი ნაციონალური მოძრაობა“ ამომრჩევლის მობილიზაციისა და მოწვევის კამპანიის ფარგლებში მხარდაჭერების ავტორიზაციის რეჟიმით უზრუნველყოფასაც გეგმავს. თანხები კი მოძრაობის საარჩევნო კამპანიის ფონდიდან იქნება გაღებული.“

ამ მოძრაობებს ალბათ კარგად დააკვირდება ათასობით დამკვირვებელი. ამ განცხადების და მაჭავარიანის მიერ გავრცელებულ ინფორმაციას, რომ ნაციონალურმა მოძრაობამ აღიდგინა, უფრო შეივსო ამომრჩეველთა რიგები და ტოლს არავის დაუდებს, შემდეგ კიდევ ერთხელ გამიმტკიცდა ვარაუდი, რომ ესენი ხვალ არჩევნებს აუცილებლად გააუქმებენ, ან ტოტალურად გააყალბებენ, თუ მიუშვებს, ცხადია. ამ ეჭვს ამყარებს პარტიის წევრებისა და აქტივისტების უზნებზე გადაყვანა და უზნების მისადგომებთან განლაგება, როგორც გვაუწყებენ განცხადებით.

პ. ს. რამდენიმე დღეა ტელევიზიებით აცხადებენ, რომ არ არის ავტოსადგომებში საკმარისი ტრანსპორტი, მოქალაქეები რომ თავიანთ რაიონებში გადაიყვანონ. მიზეზი ის გახლავთ, რომ სამარშრუტო ტაქსების უმრავლესობა დაქირავა ნაციონალურმა მოძრაობამ „ამომრჩეველთა მობილიზაციისა და მოწვევისათვის.“

გვიან ღამით შემზარავი ამბავი გავრცელდა მეცხრე არხით. გურჯაანის რაიონში, სოფელ კოლაგში, ცხრა თვის ჩვილი ვერ ნახეს ოთახში, სადაც დედამისმა დააძინა, და ბოლოს, ძეხვის შემდეგ, წყლით სავსე ქვევრში იპოვეს ჩამხრჩვალნი. ვინ ჩაიდინა ეს გაუგონარი დანაშაული, არავინ იცის. მანანა ბერეკაშვილი, გურჯაანის რაიონის მაჟორიტარობის კანდიდატი, ავრცელებდა ინფორმაციას, რომ იმავე ოჯახში, სადაც ეს უბედურება მოხდა, დილით მოლოტოვის კოქტილი შეაგდეს, რამაც ხანძარი გააჩინა ბინაში. ოჯახის დიასახლისი, როგორც ამბობდნენ, „ქართული ოცნების“ კოორდინატორია.

არ ვიცი, ძიება რაიმეს მიაკვლევს და გამოაშკარავებს დამნაშავეს, თუ ამ უცოდველი ჩვილის მკვლელსაც ხელს დააფარებს...

ღირს კი მაჟორიტარის მანდატის მოპოვება ჩვილის სიცოცხლის ფასად?! წარმოუდგენელი დაუნდობლობა და სი-

სასტიკე გამოემჟღავნა, რომელსაც ჰყავს თავის შემკვეთი და აღმსრულებელი.

როგორც ირკვევა, ჩვილის მამა მეორე დღეა პოლიციამში დაკითხვაზე და არ ჰყავს ადვოკატი. ასეთი გაუგონარი ძალადობა სუფევს გურჯაანში.

ძალადობა, ძალადობა, ძალადობა...

1 ოქტომბერი

მოულოდნელად საარჩევნო უბანთან შეკრებილ ადამიანებს, თავის ხმებს რომ იცავდნენ გამყალბებლებისგან, თავს დაესხა სპეცრაზმი და ცრემლსადენი აირით და რეზინის ტყვიებით მიმოფანტა. ამაზრუნეი სანახავია ხალხის დარბევის კადრები, არადა უამრავჯერ შევსწრებივარ მსგავს ძალადობას 9 აპრილიდან მოყოლებული დღემდე, ან უკვე დამოუკიდებელ საქართველოში. ხაშურში ხდებოდა ეს საშინელი ამბავი და, როგორც გაირკვა, საარჩევნო უბანში არსებული შედეგების გაუქმება იყო ნაბრძანები. აქ კენჭს იყრიდა ვალერი გელათვილი — პრეზიდენტ სააკაშვილისგან დასჯილი და საქართველოდან გაძევებული სუბიექტი. მახსოვს, ნიღბიანებმა რომ სცემეს ქუჩაში, ისე სცემეს, ხელახლა ააწყეს ნაწილ-ნაწილ დაშლილი ადამიანი. ამ სისასტიკის ავტორი, როგორც ქვეყანა ამბობდა, სააკაშვილი იყო. ...და აი, ახლაც გამორჩნდა ცნობილი ფიგურანტი, სათავისოდ რომ ვერ შეცვალა არჩევნების ბედი და ახლა სპეცრაზმის მეშვეობით შეეცადა ასე თავხედურად დაერბია ამომრჩეველების თავშეყრა და გაუქმებინა იმ საარჩევნო უბნის მონაცემები, სადაც ვალერი გელათვილი გაიმარჯვა. ეს ჭირვეული ადამიანი, რომელიც სისასტიკით და დაუნდობლობით გამოირჩევა, ნებისმიერი საქმის კეთებისას თამაშობს არასრულწლოვანი ბავშვით. არ უყვარს არავითარი რჩევის მოსმენა, საერთოდ რაიმეს გაგონება და დამოუკიდებლად პოულობს გადაწყვეტილებას და თავნებობს.

ხაშურში სპეცრაზმის გამოჩენა მისი ისტერიის ექოდ გაისმა, რომელმაც მიაღწია გორს, ქუთაისს, საქართველოს არაერთ რეგიონს, დასავლეთ თუ აღმოსავლეთ საქართველოში, სადაც ხმებს იცავდნენ ამომრჩეველები გამყალბებლებისგან, ეს კი, მთავარი გამყალბებელი, ცდილობდა ძალადობით შეეცვალა, გადაენერა არჩევნების მოსალოდნელი შედეგები. ვფიქრობ, გარკვეულწილად მოახერხა კიდევ და თავის პარტიას დამატებითი ხმები არგუნა.

თავად განსაჯეთ, როგორი გადაწყვეტილება მიიღო უფროსმა: ყველა საარჩევნო უბანში, სადაც მისთვის არასასურველი შედეგები დაფიქსირდა, „სპეცრაზმის“ გამოყენებით, ე.ი. ძალადობით შეეცვალა სურათი ან საერთოდ ფანჯრიდან გადაეყარა დანაკუნებული საარჩევნო ბიულეტენები და კიდევ ერთხელ დაეკიდათ ხალხის ნება.

ერთი შეხედვით, რა მედიდურად საუბრობენ ეს ტიპები, ახლა უკვე ოპოზიციის წარმომადგენლები. „ჩვენ ხალხის ნებას ვცემთ პატივს, თორემ თქვენ ვინ ხართ. ეს მშვიდობიანი არჩევნები და ძალაუფლების მშვიდობიანი გადაცემა ჩვენი დამკვიდრებულია“. ტრახახობენ, რომ არჩევნების შედეგებს პატივს სცემენ და რომ ასეთი საქციელით დემოკრატიის დამკვიდრებას შეუწყვეს ხელი. როცა ასე საუბრობენ, დიდკაცური შემართებით აგრძელებენ, ხალხის ნებას ვცემთ პატივს, თორემ...

სულ აღარ ახსოვთ საპარლამენტო უმრავლესობის მხარდაჭერით ჩადენილი დანაშაულებები, ქუჩაში დახვრეტები, წართმეული საკუთრებები, ნულოვანი ტოლერანტობით ნახალისებული მკვლევები, ჩახოცილი ახალგაზრდები და ამავე ნულოვანი ტოლერანტობით ნაქეზებული ჯალათები, დუბინკებით და ელექტრო-შოკით აღჭურვილები.

რეზინის ხელკეტებით და ცოცხებით გაუპატიურებული და ნანამები ადამიანები, ხელს რომ აფარებდნენ ეს გაზულუქებული ტიპები და ახლაც რომ გაფხორილები ბურტყუნებენ,

ჩვენ დამსახურება ასეთი არჩევნები რომ ჩატარდაო. დემოკრატიას ჩვენ ვამკვიდრებთო. იძალადეს, მაგრამ არაფერი გამოუვიდათ. უცხოელმა დამკვირვებლებმაც გაიგეს და გაბაზრდა, თუმცა ესენი არაფერს დაგიდევნენ. „ხალხის ნებას ვცემთ პატივს“, ეს ფრაზა მოგზაურობს ბაგიდან ბაგეზე, ტელეეკრანებზე, სახლებსა და ქუჩებში და ბოლოს, იმასაც გვარჩვენებენ, როგორ შეკრთნენ, დაიბნენ, უთვალავი ადამიანის პროტესტის ხმა რომ მისწვდა მათ დახშულ ყურთასმენას, ბედნიერი ცხოვრების ოაზისებს. მანიფესტაციიდან გავრცელებულმა ყოყინამ შეაშფოთა და დააფრთხო.

1 ოქტომბერს „სპეცრაზმის“ ღამეული რეიდები საარჩევნო უბნებზე გახლდათ სააკაშვილის რეჟიმის მიერ დამკვიდრებული დემოკრატიის ბოლო აკორდები. რამდენად ბოლო, ეს კიდევ დასადგენია.

მეცხრე არხმა პირდაპირ ეთერში აჩვენა ხაშურის ერთ-ერთი უბნის დარბევა, ფარებით, ჩაფხუტებით, ხელკეტებით და ავტომატებით შეიარაღებული სპეცრაზმელები. ხალხის შეძახილები, კივილი: მსუთავი გაზიი! ისვრიან! სპეცრაზმმა გადააბოტა ადამიანებს, მიფანტ-მოფანტა და გზა საარჩევნო უბნისკენ გაკვალა. ეს კადრები დაუფინყარია ისევე, როგორც ხარატიშვილის განცხადება, რომ არ იცის, რა მოხდა ხაშურში და არ აქვს ინფორმაცია, როცა მთელი საქართველო მისჩერებოდა ღია ეთერში საარჩევნო უბნისა და მოდარაჯე ამომრჩევლების ბარბაროსულ დარბევას.

ხალხსა და სპეცრაზმს შორის ჩადგენენ მღვდლები და დანიცვეს ადამიანები. ნიღბიანები არც მათ ეუუებოდნენ, მაგრამ შედარებით გაუბედავად ძალადობდნენ. უცნაური რამ მოხდა ჩვენში, ეკლესიაც კი ღამის ორად გაიყო, ხელისუფლების მხარს იჭერდნენ ის სასულიერო პირები, რომელთაც დასაკარგი გააჩნდათ — ან მთავრობის ნაჩუქარი ჯიპებით დაქროდნენ ან საბჭოეთიდან გადმოყოლილი ჩეკისტური წარსულის გახსენება აფრთხობდათ. სასულიერო პირთა უმრავლესობა ხალხთან იდგა. ხელისუფლების აპოლოგეტთა შორის განსაკუთრებით გამოირჩეოდა ქუთათელ-გაენათელი ეპარქიის წინამძღოლი და ფოთისა და ხობის მთავარეპისკოპოსო ბერბაქაშვილი, რომელმაც ფოთის ეკლესიის კედელზე წინასაარჩევნო პლაკატებზე პრეზიდენტის ფოტოები გააკრა. მიუხედავად ასეთი პრეცედენტებისა, მრევლის ერთგული მღვდლები ბევრად ჭარბობდნენ და მათი ვაჟკაცობა, ხელჩართულ მიწვევ-მონევაშიც რომ გამოიჩინეს, დაუფინყარია.

ცესკო ფეხს ითრევდა და ზოზინით ითვლიდა ხმებს, იმიტომ რომ მისატაცებელი იყო ის უბნები, სპეცრაზმმა რომ გაიტაცა ბიულეტენები და იძულებით ხელმონერილი საუბნო ოქმები. დავალებას მშვიდად ასრულებდა ხარატიშვილი და კუსავით მოძრაობდა, სიტყვებს ვერ წარმოთქვამდა, მხოლოდ ეძებდა და ვერ პოულობდა. მე ვერედავი მძევალს, რომელიც იძულებული იყო ფეხი აეთრია და პროცესი გაეჭიანურებინა.

მთელი ძალაუფლება ისევ პრეზიდენტის ხელშია, რადგან ახალ პარლამენტს ვერ უფლებამოსილება არ გააჩნია და, არც არავითარი ბერკეტი. სწორედ ამიტომ ნიშნის მოგებით ქირქილებენ ოპოზიციონერები, მაგალითად ბ-ი ბაქრაძე, ყოფილი სპიკერი: „ძალიან მაინტერესებს, როგორ შეასრულებს კოსლიცია იმ სოციალურ დაპირებებს, რომელსაც ასე უხვად გასცემდა საარჩევნო კამპანიის პერიოდში. დამერწმუნეთ, ჩვენ სათითოდ ჩავუჯდებით ყველა დაპირებას, რამდენად შეასრულებს ოცნება.“

ამ განცხადებაში იკვეთება მოსალოდნელი დესტრუქცია, რასაც შესმატბილებულად „მოახერხებს“ პრეზიდენტი და მისი ყოფილი უმრავლესობის გაოპოზიციონერებული წარჩენები. ყველა ქორი მათ რიგებშია და მე უკვე ვგრძნობ, ხელს როგორ შეუშლიან ისინი ახალარჩეულ პარლამენტს საქმიანობაში. ეს რომ მოსალოდნელია, არ უნდა გაგვიკვირდეს, და რევანშის აღებას რომ ეცდებიან, ესეც მოსალოდნელია.

არ ვიცი, როგორ გაართმევს თავს „ქართული ოცნება“ ამ მეტად რთულ რეალობას.

რამე უნდა ილონონ, უნდა შეძლონ, აბა, რასაც პირდებოდნენ ამომრჩეველს, როგორ შეასრულებენ დანაპირებს?! იმედი მაქვს რომ თანდათან ყველაფერი დალაგდება. ხელოვნური კრიზისიც მოსალოდნელია, რადგან ეგენი თუ რამეში არიან ძლიერები, ეს შავი პიარი და დესტრუქციაა.

მე ერთხანს ველარ გავადევნებ თვალს მიმდინარე პროცესებს, რადგან ისევ მწერლობას უნდა მივუბრუნდე. თუ რამე ჩავინერე, მხოლოდ იმიტომ რომ, მკითხველამდე მიაღწიოს ამ უაღრესად დაძაბული დღეების ექომ და არასოდეს განმეორდეს ერთპარტიული ჯოჯოხეთი, როცა ზედმეტი ძალაუფლება აშლეგებს და გადაავარებს, სახეს უკარგავს ანადგურებს, ნებისმიერ ლიდერსა და რიგით წევრს, და, რაც მთავარია, ხალხს, რომელსაც დენზე მიბმული ნაგავივით მობეზრდა დენზე მიბმული ავტოკრატის ისტერიული ქაქანი.

ვიდრე დავბრუნდები, გადაიკითხეთ რას ფიქრობს სააკაშვილი ბავშვებზე და ახალ საპატიმროზე.

კატუა ტერეზას მომზადებული კოლაჟი პრეზიდენტის გამოსვლებიდან;

„ყველაზე მეტად ჩვენი ბავშვები მიყვარს, რადგან მათ მთლიანად ესმით ჩემი“...

„ხშირად მეც, ბავშვების მსგავსად, მიყვარს ფანტაზია და ლამაზი რაღაცების დახატვა, ოღონდ ამას მერე ვასრულებ ხოლმე. მე ვისურვებდი, რომ ყველა ამ ბავშვის ფანტაზიაც კი ასრულებულიყო. მე მინდა, ყველა მათგანს შთავაგონოთ, რომ საქართველო თვითუფლებო ჩვენგანს გეკუთვნის“...

„მაგრამ მთავარი მოთხოვნა არის ის, საქართველოში მცხოვრები ყველა ბავშვი ინგლისურენოვანი გახდეს“...

„ყველაზე პოპულარული ბავშვებში ვარ. ჩემი მთავარი ელექტორატი სწორედ ბავშვებია. პარლამენტში კანონის გატანის შანსი თუ გამოიჩინდა, სამი-ოთხი წლის ბავშვებს აუცილებლად უნდა მივცეთ ხმის უფლება. მაშინ სულ „ნაციონალური მოძრაობა“ გაიმარჯვებს. ვსუმრობ, ამას ნამდვილად არ ვაპირებ“...

ნ ნოემბერს, ინტერპრესნიუსის ცნობით, რუსთავის ქალთა საპატიმროს გახსნისას პრეზიდენტმა დააგეგმონა პატიმართა საკვები და ბრძანა: ასე შესაძლოა საქართველოში ბევრი ოჯახი ვერ იკვებებოდესო... ასეთი სიმართლე წამოსცდა პრეზიდენტს რუსთავის საპატიმროს გაპიარებისას. როგორც ჩანს რუსთავის ქალთა საპატიმროში უკეთესი საყოფაცხოვრებო პირობებია, ვიდრე დანარჩენ საქართველოში.

პ.ს. საქართველოს თითქმის ყველა ქალაქსა და სოფელში, ყველა უბანში თითო-თითო ჭიკოკონა დაინთო შეღამებისას. როგორც გაირკვა, გამგეობების, საკრებულოების, საარჩევნო უბნებიდან მორჩენილ, არასასურველ დოკუმენტაციას წვავდნენ უცნობები. ტელეობიექტივი რომ მიუახლოვდა ერთ-ერთ კოცონს, უცნობები უფრო აჩქარდნენ და ბენზინი დაუნანებლად მიახსეს მოგიზგიზე ცეცხლს. ფერფლად უნდა ქვეყნიყო ყველა საბუთი, რომელთა გამოჩინება, გამჟღავნება ასე საშიში იყო იმ ჩინოვნიკებისა და მათი ზემდგომებისთვის, ამჟამად რომ ქამელონივით ფერს იცვლიან და ახალ რეალობასთან მორგებას ან ქვეყნიდან დათესვას აპირებენ.

როგორც ზუგდიდის მაგალითზე დადასტურდა, ამ საბუთებში ჭარბობდა პრობაციონერთა და ზონდერების სიები და მათი სამავნებლო, დესტრუქციული დავალებები: საარჩევნო პროპაგანდის ჩაშლის გეგმები სხვადასხვა რაიონებში, პრობაციონერთა გამოყენება საარჩევნო სომხურ თუ ქურთულ კარუსელებში, ოპოზიციური ლიდერების ცემა, ნებისმიერი

საშუალებით მათი პროვოცირება, გამოწვევა და არეულობის მოწყობა, ქვების დაშენა დამიზნებით და ა.შ.

დანიელმა წარმოიდგინა მთელს საქართველოში გამყალბებელთა მჩხიბაობით შედგენილი საზიზღარი მაკულატურით გაჩენილი ჭიაკოკონები და თავისთვის ჩაილაპარაკა: არული კუდიანებს! არული კუდიანებს! არული კუდიანებს!

2 ოქტომბერი

გამოიკვეთა „ქართული ოცნების“ სრული უპირატესობა თბილისში, მაჟორიტარულ საარჩევნო ყველა ოლქში და მთლიანად საქართველოში — პროპორციული არჩევნების ეგზიტპოლებში!

არჩევნების შედეგებმა ძალიან გამახარა... გაცილებით უკეთ, თავისუფლად ვსუნთქავ და მსუბუქად დავაბიჯებ. ამასვე ამბობს თითქმის ყველა ადამიანი, ვისაც ვიცნობ და ვინც შეხვედრისთანავე მილოცავს გამარჯვებას და ვერ მალავს უსაზღვრო თავისუფლებით და საერთო ბედნიერებით მონიჭებულ ალფრთოვანებას. მიხეილ სააკაშვილმა რესპუბლიკის მასშტაბით მაჟორიტარული და პროპორციული წესით არჩევნებში თავი დამარცხებულად სცნო. სახენაშლილი საუბრობდა. ჩემს და მრავალთა გასაკვირად თავი ოპოზიციონერად გამოაცხადა. კი, ასე თქვა: ოპოზიციამი მივდივარ! ადრე, როცა უმრავლესობაში იყო, თვითონ მხოლოდ უმრავლესობის პრეზიდენტად მიიჩნევა თავს, ახლა, როცა შეიცვალა ვითარება, იგი მხოლოდ ოპოზიციის ანუ ნაცმოს პრეზიდენტია.

წინასაარჩევნო პერიოდიც ამ ნიშნით მიმდინარეობდა, მოყოლებული კარალეთიდან კახეთით დასრულებული. ნაცმოქვის ხანის მეთოდებს იყენებდა და მათი აქტივისტები ქვებს დამიზნებით ესროდნენ მონინალმდეგებს. ჩაქოლვის მცდელობა გათამამდა კარალეთში და იგივე განმეორდა სიღნაღსა და კახეთის ზოგიერთ რაიონში. ნაცმო ალისტრახობების ინსტიტუტს დაეყრდნო და ხალხზე ზეგავლენის, უფრო სწორად რომ ვთქვათ, ძალადობის ახალი გზა მოიძია. სააკაშვილი თავისი უწყვეტი და სახიფათო რიტორიკით შეეცადა შეგნებულად ორად გაეხლიჩა ქვეყნის მოსახლეობა არჩევნებამდე გაცილებით ადრე, და თავის სიმპატიებს არც მალავდა, როცა მორჩილ, პირობით უმრავლესობას ხვდებოდა ქუჩაში თუ შენობაში, სტადიონსა თუ სპორტის სასახლეში, რთველში, როცა სიმბოლურად მოინახულებდა სოფლის მეურნეობის სავარგულებს, რაც მისთვის იმდენად უცხო გახლდათ, რომ ერთი სული ჰქონდა, იქაურობას გასცლოდა, სადმე გადაკარგულიყო. ახალი ადამიანის იდეით შეპყრობილი ნაცმო ცდილობდა მენტალური რევოლუცია უჩქარესი ტემპით მოეხდინა და, ნაცვლად ნებაყოფლობითი პროცესისა, თავს მოხვეული, ძალადობრივი მეთოდებით ჭრიდა და კერავდა ყველაფერს, დანყვებული პირველი კლასიდან მეთორმეტს ჩათვლით. ახალი ადამიანის ჩამოყალიბების ფორსირება ხელოვნური და მტანჯველი პროცესი გახლდათ, ხოლო უმაღლეს სასწავლებლებში ნაციონალური მოძრაობის ახალგაზრდული ფენა შექმნეს, ყველა პრივილეგიით რომ სარგებლობდა, განსხვავებით მათგან, ვინც თვითმართველობიდან თავს შორს იჭერდა. ამათ ანაკლიაში დაატარებდნენ გასართობად და დასასვენებლად, ხოლო მეორე, განზეგამდგარი, სხვაგვარად მოაზროვნენი გარიყული ჰყავდათ და რა იცოდნენ, რომ მთელი საღი აზრი სწორედ იქ მნიშვნელოვან და რომ საპყრობილში გამოამკარავებულ სადისტურ ნამებებსა და ხელკეტებით გაუპატიურების ამაზრუნენ კადრებს სწორედ ეს სტუდენტები გააპროტესტებდნენ და მათი მეშვეობით ჩაეყრებოდა საფუძველი ახალ, პოლიტიკარტიებისაგან შორს მდგომ სტუდენტურ მოძრაობას. ყველაზე მეტად მათი გამოჩენა გამიხარდა, თუ არ ვცდები, „ლაბორატორიად“ იწოდებოდნენ, მათთან ერთად იყვნენ თანამოაზრეები და აგრეთვე ნაცმოს დაქვემდებარებული თვითმართველობის წარმომადგენლები ცდილობდნენ მათთან შერევას, ერთად გამოსვლას, მაგრამ ახლოს არ გაიკარეს.

რამდენი წელი გავიდა, რაც სტუდენტური მოძრაობა აღარ გამოჩენილა ქალაქში?! სხვა ქარი, სხვა ძალა, სხვა იმედი მოიტანეს და ეს განცდა იმდენად გადამდები აღმოჩნდა, რომ მუხჯმა ენა ამოიღვა, შემინებული გათამამდა და პროტესტით აღივსო და შიშის დაძლევის თანდათანობითი პროცესი, ივანიშვილმა რომ დაიწყო, მთელმა საქართველომ აიტაცა.

სნობი ცალკე დარჩა — სნობის ესთეტიკაში ჩაძირული, ეგოისტური ზრახვების მომსახურედ, ყველაფერზე მოქირქილედ, ყველაზე მაღლა მდგომად, რადგან განათლებული ათეიზმი საკუთარ ხელობას აღმერთებს და ნარცისობა მისი ბუნებრივი მდგომარეობაა.

ნეობოლშევიკურ პარტიას გაუჩნდა ნეოკომკავშირული ორგანიზაცია და, რაც ყველაზე საოცარია, შემთხვევითი კონტაქტისას ყველა დიდგულა, მედიდური, საკუთარ ძალაუფლებაში დარწმუნებული ახვარი ბრძანდებოდა.

გაორებული საზოგადოება, გაორებული სტუდენტობა, გაორებული მწერლობა, გაორებული სპორტსმენები, გაორებული ნებისმიერი პროფესიის ადამიანები, გაორებული პოლიტიკური ნიშნით, ცუდებად და კარგებად, ჩარეცხილებად და სანიშნურობად. ასეთი ახალგაზრდების სანიშნურობა ტიპი გახლდათ ამხანაგი ვარძელაშვილი. ამათ გამოზარდეს და ამათ ერთგულებდა. არჩევნებისას თავის ამფსონებთან ერთად დარბოდა სამტრედიის რაიონში დავალების შესასრულებლად. კახი კალაძის, მაჟორიტარობის კანდიდატის, დამარცხების კამპანიას ხელმძღვანელობდა. ახლდა კიდეც თანყოფილი მოკრივეები, კახი კალაძის მომხრეები რომ უფრო ადვილად ეცემათ და წესრიგი დაემყარებინათ. იგი უფრო ზონდერი იყო, ვიდრე მინისტრი. ჯერ ყურმოჭრილ მონად მუშაობდა პარტიის ბოსებთან, სიგარეტზე ან სხვა წვრილმანზე აგზავნიდნენ და ასე თამამ-თამამ მინისტრად მოგვევლინა, „ზონდერკამანდრობას“ რომ ითავსებს და დასასჯელს სჯის, ასრულებს პარტიულ დავალებას. ეს ფსევდოინტელექტუალები თბილ ოთახებში სხედან და ბუფუბუფებენ, კონფორმისტულ ნეხვზე ამოსული გოგრიბივით უჩანთ ამოჩრილი თავები და საკუთარ კეთილდღეობაზე მზრუნველებს აღარაზენ და არსებული პარტიის დესპოტურ ქმედებათა გამართლების გარდა. ესენი ყვერებით უნდა დაკიდოს შთამომავლობამ, ეს ნეხვის ჭიები, რა თქმა უნდა ყვერები თუ გააჩნიათ... დანიელმა რაც გაიფიქრა, ფიქრშივე წაშალა, შეკრთა, შურისძიება ხომ არ მალაპარაკებსო, მაგრამ წამონყებული წარმოსახვა მექანიკურად გაგრძელდა: ადვილი შესაძლებელია, რომ დაკიდების პროცედურას უიმისობის მარტივი მიზეზის გამო გაუჩინენ განსაკუთრებულად ნაზი ინტელექტუალები. ინტელექტუალეთი — კიდეც ერთხელ გავიხსენებ ამ სიტყვას, აბა, სხვაგვარად რა ვუნოდო საკუთარ ამქართან მოკეკლუცე ტიპებს, რომელთაც სათავისო პუბლიკის ცრურიტორიკით ალფრთოვანება ასაზრდოებთ.

საშინელი ამბავი მოხდა გუშინ ზუგდიდში. მოედანზე, სადაც საპროტესტო აქცია მიმდინარეობდა, გაჩერდა ტაქსი, ცოტა ხანში დაიძრა და წავიდა. აღმოჩნდა, რომ უყურადღებოდ დარჩენილი სამი წლის ბავშვი, ვიდრე დედა მოიძიებდა, მანქანის ქვეშ შემძრალა. ვერც მძღოლი ხედავდა, ვერც დედა, ვერც სხვა ვინმე ღვთისნიერი და ასე უბედურად დაიღუპა ბავშვი ბორბლებქვეშ.

ქვევრში ნაპოვნი ცხრა თვის ჩვილი გამახსენდა — გურჯაანის რაიონში. ეს ორი ტრაგედია ერთმანეთს ემატება და სიმწარით მავსებს. ჩნდება ცდუნება, სიმბოლური დატვირთვა ვეძებო ორი უმანკო ბავშვის ბრმა სიკვდილში, მაგრამ სპეკულაციისგან თავს ვიკავებ, რადგან ზუსტად ვერავინ იტყვის, რა მოხდა, რატომ გაიწირა ორი პატარა არსება?! ერთი დაუდევრობას ემსხვერპლა, მეორე კი, ცხრა თვის ბავშვი, გაურკვე-

ვეველ ვითარებაში აღმოჩნდა წყლით სავსე ქვევრში. შეუძლებელია ამ ცოდვამ არ შეანუხოს, არ დატანჯოს ის, ვინც ეს ჩაიდინა. დამნაშავეს ძებნას არ ვაპირებ, რადგან ზოგადად იგი ცნობილია და მისი სახელია საყოველთაო ფსიქოზი, რომელსაც თავისი ავტორი ჰყავს.

არ მინდა დავიჯერო, რომ ჩვილი ქვევრში ვილაცამ ჩაახრჩო, და რომ ეს შემზარავი ეპიზოდი ირიბად მაინც უკავშირდება საარჩევნო ბატალიებს. გამოძიების შედეგი უცნობია ყველასთვის და პოლიციურ ვერსიებსა და კულისებში ჩაიკარგა. ვერასოდეს გავიგებთ, რა მოხდა გურჯაანში, თუმცა რჩება კი რაიმე დაფარული მზისქვეშეთში?!

არის რალაც ბედისწერული ამ ორ შემზარავ შემთხვევაში. უნდა დავფიქრდეთ და ყველამ საკუთარი ცოდვა იდარდოს და მოინანიოს. თითქოსდა მშვიდობიანად ჩატარებულ არჩევნებს წინ უძღოდა მაშინდელი ოპოზიციის სადისკუსიო მეთოდებით შევიწროება, ცემა-ტყეპა, ქვების დაშენა, ანგარიშების დაყაღდება, სატელიტური თევზების დაპატიმრება და გაუფონარი ჯარიმები, დანარჩენი ცივილიზებული სამყარო რომ გააოცა და მათი რეაქციით შემკრთალებმა შეამცირეს, კი არ შეწყვიტეს ძალადობა, უბრალოდ შეცვალეს ძალადობის ფორმები და მეთოდები.

ალისტრახო და მისი და-ძმანი ნაცმოს შვილები არიან. ყველას ერთად ალისტრახოები ჰქვია, რადგან მათი სახელების აქ ჩამოჭიკჭიკებას არავითარი აზრი არ აქვს და ისტორიული მეხსიერებისთვის კოლექტიური ალისტრახოს სახელით უნდა დარჩეს.

ნაციონალური პარტიის ბოლო შეხვედრა, ალბათ, მათი პარტიის და პარტიული ლიდერების ბედს ეხებოდა. ვინ გაიგებს რაზე საუბრობდნენ. არსებული კონსტიტუცია აჩენს რევანშით ცდუნების საშუალებას, მეტადრე მაშინ, როცა პრეზიდენტმა განაცხადა, რომ იგი ოპოზიციაში მიდის. როცა ქვეყანას ოპოზიციონერი პრეზიდენტი ჰყავს და იგი საქართველოს ერთი ნაწილის, უმცირესობის პრეზიდენცია და მეორე ნაწილს, უმრავლესობას, როგორც ადრე, ახლაც მტრად მიიჩნევს; ხომ წარმოგიდგენიათ რა ტიპის მმართველობა იქნება ჩვენში...

ზოგი გასაქცევად ემზადება, ნაწილი ჩადენილი დანაშაულის შიშით ქვეყნიდან გადახვეწას აპირებს, რადგან მიეცა საშუალება გაერიდოს საკუთარ დანაშაულს. იგრძნო, ახალი ხელისუფლება რომ ჯერ ფორმალურად არსებობს და დასამალად უკეთესი დღეები შეიძლება აღარც გაუთენდეს?!.. ხოლო მეორე ნაწილი, მოჩვენებითად უდანაშაულო კონფორმისტები, ცხადია, დარჩებიან საქართველოში და პარლამენტის წევრობანას ითამაშებენ და იოცნებებენ ყოფილი პრეზიდენტის ხელახალ რეანიმაციაზე.

ეს ტიპი შურისმაძიებელი და გულნამცეცია, ვიდრე ოპოზიციაში უდგას ამომრჩეველთა უმრავლესობას, ანუ ხალხს, ყოველთვის შეეცდება მის ხელში არსებული საშუალებებით იხიმანდროს და სარევანშოდ იჩაღიროს. ვიდრე ოპოზიცია ხბოს აღტაცებით, ხმამალა ფიქრობდა, რომ პოლკოვნიკი ჯანჯღავა დაენიშნა თავდაცვის სამინისტროს გაერთიანებული შტაბის უფროსად, ამასობაში სააკაშვილმა ამ პოსტზე ბრიგადის გენერალი კალანდაძე გაამწესა და ამით ოპოზიციას უთხრა: „მე ვარ და ჩემი ნაბადი, რასაც მინდა, იმას გავაკეთებ.“ ყველაფერი მოსალოდნელია მისგან, მეტადრე იმ კონსტიტუციით აპელირება, მისთვის რომ შეეკერეს პალიკოვმა და სხვა მჩხიბავებმა. არ ვიცი, რა მოხდება პრეზიდენტისა და პარლამენტის მოსალოდნელი დაპირისპირების შემდეგ, ერთი რამ კი ნათელია — გამუდმებული ხელისშეშლა გაგრძელდება მანამ, სანამ სააკაშვილი ხალხის ოპოზიციაში დარჩება. ოპოზიციის ნაცვლად მე ვერ ვიფიქრებ გამოსავალზე, იმიტომ კი არა, რომ ჩემთვის სულერთია, არამედ იმიტომ, რომ

საშინლად მომბეზრდა პათოლოგიის კარნახით განხორციელებული შიზოიდური ეპიზოდებით შეკონინებული ცხოვრება, რომელიც დაუსრულებელ ავადმყოფურ პროცესს ემსგავსება.

მას შემდეგ, რაც „ქართულმა ოცნებამ“ გაიმარჯვა, ყოველდღიურად ვიგებთ ემიგრაციაში მინისტრების გაქცევის ამბავს. თითქმის ყველა ძალოვანი მინისტრი გაიქცა. კუდის და სოდის მალაჩინოსნებზე აღარაფერს ვამბობ, არც რკინიგზის დეპარტამენტის ეზუზბაიაზე ვლაპარაკობ. წარმოიდგინეთ პრეზიდენტი, რომელსაც თითქმის ყველა მინისტრი გაექცა საზღვარგარეთ, თვითონ კი პრეზიდენტად ზის და მამა აბრამის ბატკანივით თვალებს აცეცებს, თითქოს არაფერი ხდება. ყველაზე ადრე იუსტიციის მინისტრი ადვიშვილი დაითესა. ჯერ თქვეს, რომ გერმანიაში ნახეს, მერე კი გაასწორეს, არა, ავსტრიაშიაო.

პრეზიდენტმა ახალი ბრძანება გამოსცა და ყველა ქართველ მალაჩინოსანს, დარჩენილ მინისტრებს და გაქცეულებსაც, გენპროკურორსა და უზენაესი სასამართლოს თავმჯდომარეს და სხვებს, მათ ბრწყინვალეებს ერთნაირი დიპლომატიური პასპორტები ჩამოურიგა. ერთი წელი ხომ დასჭირდებოდა სახლ-კარის შესაძენად და მოსაწყობად, ბიზნეს გარემოს გასათავისებლად ან სულაც უკან დასაბრუნებლად, თუ რევანში შედგება. კი, რევანში ფიქრი არ ასვენებთ, მაგრამ პარტია ყინულივით შემოადნათ და ფეისბუქზე გამწარებულები უხმობენ პარტიაში შესვლის მსურველებს. მეტი არაა ჩემი მტერი, იქ ვინმე შევიდეს. თუ შევა და ალალი იყოს!

დღეს, 21 ოქტომბერს, ქუთაისში, ახალ, ნაწილობრივ დასრულებულ შენობაში ჩატარდება ახალი პარლამენტის პირველი სხდომა. დაესწრება ძველი და ახალი მთავრობა, პატრიარქი, დიპლომატიური კორპუსი და ა.შ. სხდომას გახსნის ოპოზიციონერი პრეზიდენტი სააკაშვილი და იგი წარადგენს ქვეყნის პრემიერ-მინისტრს, ბიძინა ივანიშვილს, რომლის დათხოვნის გეგმებს აქედანვე აწყობს და საჭირო ვითარებას ელოდება. ბიძინა ივანიშვილს წარადგენს ის პრეზიდენტი, რომელმაც მომავალ პრემიერ-მინისტრს მთელი წელი მოქალაქეობა არ აღიარა და დაუყადალა საქართველოში არსებული თითქმის მთელი ქონება, ვისი ბრძანებითაც „ზონდერები“ იბრძოდნენ ქვევრით და ხელკეტებით და მთელმა საქართველომ ნახა ბიძინას თავგატეხილი და დასისხლიანებული მხარდამჭერები ქართლსა თუ კახეთში, იმერეთსა თუ სამეგრელოში, სრულიად საქართველოში. პრეზიდენტი დაბეჯითებით აცხადებს, რომ მისი პოზიციები რადიკალურად განსხვავდება „ქართული ოცნების“ შეხედულებებისგან. სადაც კი სიტყვის თქმის საშუალებას იპოვის, აუცილებლად აღნიშნავს შეუთავსებლობას ახალგამარჯვებულ კოალიციასთან. თითქმის მომხრეებს უტოვებს რევანშის იმედს და ისინიც მიმალულები, მიყურებულები ელიან სანატრელ უამს.

დიდი დილმის ხეივანებში სეირნობისას ასეთ ფრაზას მოვკარი ყური: საქართველო დალუპვის გზაზეა, საქართველო აუცილებლად დაილუპება. — თქვა უცნობმა ქალბატონმა და გადაიკისკისა.

— ვინ თქვა, რომ საქართველო დაილუპება? ყოყმანის შემდეგ ქალბატონმა გამომხილა: ბენდუქიძემ თქვა „მაესტროზე“, თქვენ არ მოგისმენიათ?!

— არა, არ მომისმენია. ბენდუქიძის დალუპვას უფრო დავიჯერებ ვიდრე საქართველოს დალუპვას!

— ბენდუქიძეს რა დალუპავს?? აბა ვნახოთ, თუ არ დეილუპება საქართველო ამგენის ხელში?! — ქალმა ისევ გადაიკისკისა, მანამდე მოასწრო ჩემი გაკენწლვა, მაგრამ არ აცვივი.

— თუ მართლა გჯერათ, რომ საქართველო დაილუპება, თქვენ რა გინახიათ, თქვე უბედურებო?!

— ამათ ხელში აუცილებლად დეილუპება. ვნახოთ თუ გინ-

და.. ისევ ხითხითი... ძლივს ვიპოვე პაუზა და შეველრინე: "ნავხოთ!" რატომღაც ზემოიმერულად მოვუქციე, ალბათ დედანჩემის ბაბუის, კორბეულელი ანტონ კაპანაძის სულმა მიკარნახა.

ეს ქალბატონი დამარცხებული პარტიის აქტივისტი გამოდგა. აქტივისტებს ხომ აფინანსებენ და პრივილეგიებს ურიგებენ ნეობოლშევიკები და ესენიც თავგადაკლულნი იცავენ საკუთარ ჯიბეს და ფეხზე ჰკიდიათ სამართლიანი არჩევნები და ქვეყნის მომავალი. დამარცხების შემდეგ ისლა დარჩათ ცრუგანგაშით დააშინონ არასმცოდნეები. ავისმომასწავებელ ინფორმაციას ავრცელებენ, თესავენ, ცვლიან, აუარესებენ, თხზავენ და იცინიან ჩაკეცვამდე.

თავი იჩინა სოციალური პროექტების მხარდაჭერამ ხელი-სუფლებსგან, ლამის რეალური გახდა, თუმცა ვნახოთ, რამდენად რეალური იქნება კომუნალური ხარჯების შემცირება და პენსიის გაზრდა სტაჟისა და დამსახურების მიხედვით. ეგრევე აფუთფუთდნენ ბენდუქები: ეგენი დალუპავენ ქვეყანას. დალუპვისკენ მიჰყავთ საქართველო. მალე საქართველო აღარ იქნება!

პანიკას ჰყავს თავისი დამკვეთი და შემსრულებელი და ეს ფარული დირიჟორი რევანშისტული ვნებაა, რომ არ ჩამცხრალა ოპოზიციონერი პრეზიდენტის მხერასა და გულში, მეტადრე მექანიკურად წამოსროლილ წინადადებებში, რომ ვედარ აკონტროლებს. რა, იმის დაინწყება შეუძლებელია, პირველის გადასახვას რომ ცდილობდა სახენაშლილი სააკაშვილი. შუბლის ნაცვლად მხარზე ისახავდა ჯვარს და ამას უკვე პირველი კი არა, მხარჯვარი უფრო ერქვა. რელიგიასა და ყოველგვარ მეტაფიზიკურს, ყოველგვარ ზნეობრივ კატეგორიებს გარიდებული პრეზიდენტი თავს კომფორტულად გრძნობდა ნაცსექტაში, სადაც თვითონ იყო ბელადი და ნებისმიერი სურვილის იოლად ამსრულებელი. ამენა ახალგაზრდული ბანაკები. ზაფხულობით მიერეკებოდა სტუდენტებს ეროვნულ-პატრიოტული თემატიკის გაძლიერებული თანხლებით, თან ბუჩქებისკენ მოუწოდებდა და თან ანტიქართულ საქმეს ხლართავდა სინამდვილეში. ბურების, ინდოელების, ჩინელების და სხვათა ჩამოსახლება დაინყო ქართლსა და კახეთში. თემქაზე ჩინური ქალაქის მშენებლობა დაიგეგმა — იქვე საგარეუბნო სოფლებიანა, და ეს ბედნიერი სააკა არც მოგვიზარებს სააკაოში. ის ხომ გავარკვიეთ, რომ საქართველოში პატიმრებით კარგად ბევრი ოჯახი რომ არ იკვებება, ახლა იმასაც უნდა შევეგუოთ, რომ მთელ საქართველოში წარმატებით განხორციელდეს დანარჩენი მსოფლიოს მრავალი ეთნოსის ჩასახლება და გული მშენებარე ლაზიკით დავიიმედოთ.

ლაზიკის იდეაც ვილაცისთვის აუცანცლია და არ იმჩნევს ქურდობას, უბრალოდ ხელს გააყოლა ის, რისი განხორციელებაც თვითონ მოინდომა ბავშვური ალტკინებით.

პანკისის სასაკლაო ასე არ ჩაივლის!!

რამდენიმე ხანია, რაც ვანო მერაბიშვილი სამი დღით დაგვემშვიდობა და საზღვარგარეთ გაეშურა „მივლინებით“, კვალიფიკაციის ასამაღლებლად. აღარ ჩამოდის. გაშპა, უფრო სწორად – გაიცურცლა სხვებით. შაშკინმა რეკორდი მოხსნა, უკანმოუხედავად, თავქუდმოგლეჯილი გავარდა, ისე, რომ არაფერი დაუბარებია მშობელი ხალხისთვის, მოცოცხა და შეძვრა ინტერპოლის სიაში... თუმცა, კი არ შეძვრა, შეიპარა და ავი ბედის მომლოდინედ ჩამოყალიბდა ეს წარმატებული მინისტრი, მიშას ხომ მზე და მთვარე მაგაზე ამოსდიოდა?! ვითომ არაფერი ხდება, დამნაშავე მინისტრები გარბიან, მათი პრეზიდენტი კი თავის ადგილას ზის და, თვითონაც რომ არ სჯერა, ისე „განაგებს“ ქვეყანას კი არა, საკუთარ უმცირესობას ანუ უმცირესებს და სააკოს, ასე დავარქვათ მის სამეფოს! ესეც მიჰყვება გაქცეულებს.. არა მგონია, ცოლეურებთან შეაფაროს თავი და მშვიდ სიბერეს დაელოდოს ეს დაუდევარი,

ესა!!! კრწანისში ხომ არ დაგუმეზობლოთ ბატონ ედუარდს, მაინც მისი გამოზრდილია?!

ვანო აღარ ბრუნდება. მე კი მეგონა, ეს პატიოსანი კაცი მაინც დარჩებოდა შინ და თავჩაქინდრული რამდენიმე სიტყვას ჩაილულულეებდა. არა, ესეც თვალს მიეფარა. გაუჩინარდა. საზღვარგარეთ მივიღივარ და, რომელ ქვეყანაში გაიცურცლა — არ დაიბარა, თითქოს საზღვარგარეთი ვანოს საზეზობლოს არ აღემატებოდეს, და თვითონ უნდა მივხვდეთ, ისე თქვა: ორი-სამი დღით მივიღივარ აქვე, საზღვარგარეთ და მალე დავბრუნდებიო. ბევრი ვეძახე, მაგრამ არ ბრუნდება, საყოფაცხოვრებო საკითხს იგვარებს და სად სცალია ჩვენთვის. მოკლედ, მთელი ფეისბუქი მკითხაობს: ჩამოვა, არ ჩამოვა, ჩამოვა, არ ჩამოვა, და ვინ რას იგლეჯს, არავინ იცის, აბა, ამ შემოდგომაზე გვირილას ვინ იშოვის სამკითხაოდ?!

იქნებ აბასთუმნის ტყეში დაბინავდა და სულაც არ იმალება, უბრალოდ სიმარტოვე მოენატრა და დაეყუდა ბერივით სულის განსანმენდად.

მართლა რომ დაბრუნდეს, რას ვინახისებ...

საკაშვილმა ხომ დაურიგა თავის ხელქვეითებს დიპპასპორტები, დააფრთიანა და უცხოეთში გასაფრენად შეამზადა...

წინარე პოლიტიკური ემიგრაციები 1921 წელს და 1991-92 წლებში ბევრად უფრო არაკომფორტულად გამოიყურება, ვიდრე 2012 წლის ძალოვანი მინისტრების კოლექტიური თუ ინდივიდუალური დათესვები. ჟორდანიას და გამსახურდიას მთავრობებისგან განსხვავებით, ესენი არ არიან პოლიტიკური დევნილები, ჩვეულებრივი კრიმინალები ბრძანდებიან.


ვანო დაბრუნდა! ანი რალა გვიჭირს. რეჟიმის დემონტაჟი გრძელდება.

პ.ს. ვშიშობდი, მმართველ ძალას არ წარემართა საკუთარი ქმედებები ისე, როგორც პინოჩეტმა არგენტინაში, როცა დაამხეს ლეგიტიმური ხელისუფლება, მოკლეს ალიენდე, ათასობით ტყვე დაყარეს უზარმაზარ სტადიონებზე, ბევრი დახვრიტეს და მანამდე მართავდა სამხედრო დიქტატურა ჩილეს, ვიდრე მეტ-ნაკლებად არ დამშვიდდა ვითარება ქვეყანაში და ვიდრე არ ჩატარდა არჩევნები, რის მერეც სამოქალაქო ხელისუფლებას დაუბრუნეს ნართემიული ძალაუფლება.

მიმავინწყდა ჩილეს მაგალითი, რადგან ვთვლიდი, რომ ვერ გაბედავდნენ და არც რესურსი ეყოფოდათ, მაგრამ როგორც კი გია ნოდის წერილი — „რა შეეშალა ნაციონალურ მოძრაობას“ — წავიკითხე ელექტრონულ ჟურნალში „ტაბულა“, მაშინ აღვიდგინე ჩემი ვარაუდები, რაც ნოდის წერილშიც გაისმა: „პინოჩეტიშვილის“ გზა, როგორც დანუნებული, თუმცა ამ გზას ჰყავდა თავისი მხარდამჭერები. ამ თემაზე ჩვენში არსებობს აღიარებული ვერსია იმის თაობაზე, რომ პინოჩეტის გზა ამართლებს და შეიძლება ავითვისოთ, როგორც სანიმუშო მაგალითი და ვაქციოთ სტადიონები კონცლაგერებად, როგორც ჩილეში მოხდა თავის დროზე. ამ გზის მომხრენი მიიჩნევდნენ, რომ ღირს ათასების სისხლის დაღვრა უკეთესი მომავლისთვის.

ეს გეგმა გულდასმით შეენახათ ნაციონალური პარტიის ლიდერებს, მაგრამ ვერ გაბედეს მისი განხორციელება, ან უბრალოდ საამისო რესურსი ნამდვილად არ გააჩნდათ, თორემ უკან არ დაიხევდნენ. სამაგიეროდ, მოახერხეს კარგად დამარცხება ანუ არჩევნების იმ დონეზე წაგება, რომ მხათა 40% მაინც მიიღეს, თუმცა, სავარაუდოდ, 20 % აცანცლეს კოალიციას, როგორც ირწმუნებიან.

საყრდენი წერტილი, რითაც შეიძლება და სააკაშვილის ამოტრიალება, თვითონ სააკაშვილმა შექმნა ცხრანწლიანი დაუღალავი შრომის შედეგად. როგორც ჩანს, მისი გარჯა მისთვის და ჩვენი ქვეყნისთვისაც უაღრესად ნეგატიური გამოდგა. ფაქტი ჯიუტია! სამწუხაროდ, მას და მის მომხრეებს უჭირთ ამის აღიარება, თუმცა ძალიან კარგად იცინან...



ნობელის პრემიის ლაურეატი, ირლანდიელი პოეტი შეიმას ჰინი მიიჩნევს, რომ პოეტობა მშობლების კონტრასტულმა თვისებებმა გადააწყვეტინა: მამას ლაპარაკი არ უყვარდა, დედის ენაწყლიანობაზე კი ლეგენდები დადიოდა.

შეიმასის პოეზია ამ ნიადაგზე ამოზრდილი „კამათია საკუთარ თავთან“. ჯერ ქალაქ დერიში, ირლანდიის ჩრდილოეთში არსებული წმ. კოლუმბას, ირლანდიელი მისიონერის (VII ს.), სახელობის კოლეჯი, შემდეგ კი დედოფლის სახელობის ბელფასტის უნივერსიტეტი დაამთავრა. იქ შესწავლილმა ლათინურმა და ირლანდიურმა დიდწილად განაპირობა მისი პოეტური აქტივობა, ეთარგმნა ვერგილიუსი და შუა საუკუნეთა ირლანდიური ტექსტები, და ყოფილიყო აშშ-ს ყველაზე სახელგანთქმულ უნივერსიტეტთა პროფესორი.

მეოცე საუკუნის სამოციან წლებში გაჩენილი ინტერესი მისი პერსონისადმი დღემდე არ დამცხრალა. არც 1995 წელს გამოსატული ნობელის პრემიის კომიტეტის მოტივაცია გაქარწყლებულა: „ლირიკული მშვენიერებითა და ღრმა ეთიკურობით გამორჩეული თხზულებებისათვის, რომლებშიც განდიდებულია ყოველდღიური სასწაულები და ცოცხალი წარსული“.

შეიმას ჰინი

ოსრა

თითს და ცერს შორის მოქცეული ჯმუხი კალამი, იარაღივით გამოცდილი და კომფორტული, ისვენებს ახლა. ფანჯრებში აღწევს შეურყენელი ხმაური მიწის — მამაჩემია.

ვხედავ იმის დაძაგრულ სხეულს; ყვავილთა მწკრივებისკენ როცა იხრება, ოცი წელი აკლდება თითქოს — მაშინაც ასე იხრებოდა სწრაფად, რიტმულად და კარტოფილს თხრიდა და თხრიდა. ტალახი ისე ჩაჰკვდომია უხემ ფეხსაცმელს, როგორც ნიჩაბი, მუხლების წინ განოლილ მიწას.

ფესვიანად თხრის მამაჩემი დაძაგრვულ ღეროს, ასუფთავებს პრიალა ბოლქვებს, ცვივა ახალი კარტოფილი და ხელებს მოსწონთ მათი ცივი, ცივი სიმყარე. ღმერთს გეფიცებით — კაცს უპყრია ხელში ნიჩაბი, როგორც — ღირსება საკუთარი მამაკაცური. ბაბუაჩემი დღეში თურმე იმდენ ტორფს ჭრიდა, რამდენსაც ერთად თუ შეძლებდნენ სოფლის კაცები. ერთხელ რძით სავსე ბოთლი წავუღე, თავდაცული გაჟღენთილი ქაღალდის კორპით. წამოიმართა დასალევად და იმავე წამს დაენარცხა ტორფის სველ და

ვეება ნაჭრებს,

მხრებზე მიწაშერჩენილი ჩასრიალდა ქვევით, სულ ქვევით ხარისხიანი ტორფის საძებნად. ერთი სიტყვით, ბაბუაც თხრიდა. ობზოდებული კარტოფილის ცივი სურნელი, მყრალი ჭაობის ნუმპე სველი ტორფის მოკლე ნაჭრები ცოცხალ ფესვებად ინასკვება და ჩემს თავში იღვიძებს თითქოს. მაგრამ არა მაქვს ნიჩაბი, რომ მეც მათ გზას მივყვე. თითს და ცერს შორის მოქცეული ჯმუხი კალამი ისვენებს ახლა. მე ამით გავთხრი.

პურიტანების რაკვიანი

ანაფორათა ჯიბეები სავსეა ქერით, საჭმელი არ გვაქვს, არ გვახურავს თავზე არც ჭერი, ჩვენს ქვეყანაში მივდიოდით — ვინ გვაჩქარებდა! მღვდლები თხრილებში ღამეს ვტეხდით მანანწალებთან. დარბაისელი ხალხი სულ რომ გართობას ითხოვს, მათ მსგავსად, მიწყვი ბედისწერას ვხედებოდით თითქოს! თირკმელს გვიწყლულებს და მხედარი შუბით გვეცემს ლაღად, ჩვენ კი ქვეითი ჯარისათვის საქონელს ვდაღავთ.

კავალერიას გზას ვუკაფავთ, ვიდრე მოგვკლავენ, ვინეგას მთაზე შეიყრება ვიდრე კონკლავი. ვილაც მტრის ტყვიას ემალება, ვილაც ტყვედ არი, არტილერიის ნაკვალევზე ჩნდება ცხედარი. ჩვენ — არც სუდარა და არც კუბოს დაბალი ჭერი... ჩვენს სამარეზე აგვისტოში იზრდება ქერი.

ოღენისკა

ჯოზეფ ბროდსკისადმი

გულის სიმებდახლეჩილს გწვავდა ძველი ტაეუი და ოდენის მახეში შენი ნებით გაეუი. მაგ მარცვლებით ცვარავდი ლექსს — უგრძესს და უნათლესს, მათ იეითსს მარადი სავანე გაუნათეს. ახლა შენთვის მოვმცდარვარ, ალაპზე ვარ წვეული — დგას იანვრის 28, ოცდარვაჯერ წყეული... მეც მაგ საზომს ვიპოვნი სათაყვანო ხატებად, შენეული სტრიქონი ისეე დაიბადება. ან შენსავით, მეც ვიხმობ გულის ხმას და გონებას: ჯოზეფ, კარგი ლექსი ხომ ამით აინონება. დროს სევედა ჰყავს ძმობილად. სევედა არც ლექსს შორდება. რაც ოდესლაც ყოფილა, ისეე განმეორდება. ყინვა — ყრუ და მუდმივი სდევს პოეტის შარავგას, აეროპორტს დუბლინის ხელმეორედ ჩარავავს. ხელმეორედ მოედო სუსხი გულის ნათურებს და შენს მკერდში, პოეტო, ყინვა დაისადგურებს. ყინვა თითქოს ცულია და მის დარტყმას მოველი, ბრუნავს მიწა სრულიად, მეორდება ყოველი. სულს წინ სევედა მიუძღვის, ლექსს რომ იხვევს ნისლებად, წიგნი ჰორაციუსის ისეე გადაიშლება, სუსხი ისეე ეცდება, რომ სიცოცხლე განდევნოს, სითბო შემოეცლება გოროზ მთავარანგელოზს, ხელახლა გაგვაცურებს ორპირი თვის ანკესი, კვლავ მოგვისევს ავსულებს ჯოჯოხეთი დანტესი. მასაჩუსეტსს ვიხსენებ, რომ გამლემე არაყით, გული ძლივს რომ ვიჯერეთ სმითა და ლაპარაკით... თუმც გონება ხურდება, თითქოს ახლაც შევეთვერი, შენ არ დაგიბრუნდება ძველებური ელფერი. შენთან ერთად ჩაკლულა შეკუროთება კაცური, გალექსილი სხარტულა, მჭახე და უნმანური. გახსოვს, ფინეთს ვენვიეთ — უცნაურად მხიარულს, კინალამ შევეჩვიეთ ლენინის გზით სიარულს! ან წიგნს ველარ გადაშლი ველური გამშაგებით, გონებასთან თამაშით ველარ დაიდაგები, ან ველარ გაცხარდები ენით, სათაყვანებით, სიტყვის ავტოსტრადებით, ლექსის ავტობანებით, შენ ინგლისურს ტანჯავდი, ტანკად გესხა ჯავშანი, ბოლო წუთებს ხარჯავდი თურმე სუნთქვაგამშრალი. შენს გზას, ალბათ, დრო ასცდა, ყველა ფეთქავს შენსმეტი,

ენას არ აღმოაჩნდა შენთვის წამი ზედმეტი.
არ ახსოვდი იმ ღამეს... იქნებ დღესაც მტერია?
გაგახსენებ გილგამეშს — იქ ხავსი და მტვერია.
ტკბილი და სათაყვანო გელის შენი ოდენი...
სიკვდილია სამყარო, მტვერი მარტოოდენი.
ვერ იქნები მდუმარი... შენ ხომ ენას თან ახლდი!
გახდი მისი სტუმარი! მისი პურით დანაყრდი!

სურვილის ხე

ვფიქრობდი მასზე, ვით სანუკვარ სურვილის ხეზე,
რომელიც მოკვდა.
ვხედავდი, როგორ გადავიდა სასუფეველში მისი ფესვები,
დაძარღვეული მისი რტოები...
ძირს ეფინება ანარეკლი ყველაფერი იმის,
რაც გარდასულა მკვრივი ვარჯით, პრიალა კანით:
ფული, სარჩები და ფრჩხილები რომ იღვრებთან,
ვით — კუდიანი ვარსკვლავები ცის სამჭედლოდან.
და მე ვიხილე ხე, ღრუბლებში ამოწვერილი,
ხე, რომლიდანაც მიცქეროდა ათასი სახე.

მიმღვარი

მამაჩემი მუშაობდა ცხენით და გუთნით,
დიდ გუთანსა და წვრილ კვალს შორის იმისი მხრები
აფრებივით გაჭიმულიყო.
კუთავდა ცხენი, დასძაბოდა რომელსაც ენა.

ო, მამაჩემი ქვემარტივი ექსპერტი გახლდათ.
გადახრილიყო ქარის მიმართულებით და ფოლადის სოლს
ამაგრებდა.
სახეზე სველი ოფლის გუნდი ტრიალდებოდა და ტაბათი
ძირს ეშვებოდა.
მზერა მიწისკენ მიემართა, ზუსტ კვლებს ავლებდა.
როდესაც ლურსმანს თუ რაღაც მის მსგავსს ფეხს წამოგკრავდი,
დროადადრო ზურგზე შემისვამდა.
მაყვინთინებდა თავის მძიმე სამუშაოში და კვლავ ზევით
მექაჩებოდა.

და მე მსურდა, გავზრდილიყავი,
მეც დამეხნა, მეც მომესინჯა მასავით მკლავი...
მაგრამ მხოლოდლა ის შემეძლო, რომ გავყოლოდი
მის ფართო აჩრდილს ფერმის გარშემო.
და მე ვიყავი აბეზარი, სწრაფი და ანცი,
ხან ვტლიკინებდი, ხან მორჩილად ძირს ვვარდებოდი.
მაგრამ დღეს კი მამაჩემია,
ვინაც ჩემს უკან მობარბაცებს და აღარ წავა.

ღამის გზა

ჩვეულებრიობის სურნელი ასდის საფრანგეთისაკენ
მიმავალ ღამეულ გზას: ნვიმა და თივა მანქანიდან
გამობოლქვილ ქაფქაფა ნაკადს ჰაერში ისვრის.
გზის მაჩვენებელს ფერი ადევს თეთრი, სასტიკი:
მონრეალი, აბევილი, ბიუვო ...
ის ადგილები, შენი სახელის წარმოთქმას რომ ითვალისწინებს...
ღამეულ გზაზე კომპანიი მილოლავს ოხვრით.
ცეცხლი, ტყისპირებს მოდებული, ტაბათი ინვის.
ციცქნა კაფეებს ერთმანეთის ნაბაძვით ხსნიან.
მე გამუდმებით ვფიქრობდი შენზე.

სამხრეთისაკენ,
ათასობით კილომეტრი როცა გავლიე,
და იქ მივედი, სადაც იტალიას თავისი ბარძაყი მიუდია
საფრანგეთისთვის,
შენ ჩემთვის გახდი ჩვეულებრივი.

ორაკული

ფუტურო ხეებს ნება-ნება კანს ააცლიან,
და ეს ხმა უფრო ნაცნობია, ვიდრე — ძახილი,
შენი სახელი, ჩვეულებრივ, კორდებს რომ წვდება.
შენ შეგიძლია კანის აცლის ხმა გაიგონო,
როცა ხეები გეჯარვიან და გეძახიან:
მათი ყოველი ნაპოზიდან გამოკრთის პირი და ყურები,
ჭაობებში კი მათ მუშტებს და ხორხსაც შეამჩნევ.

სიმღერა

ელავს ცირცელი ვით ასული ტურშელებილი.
ბილიკებსა და მთავარ გზას შორის
წვიმამოფრქვეულ მანძილიდან
თხმელის ხეები ლერწმებს შუა ჩარიგებულან

როგორც დიალექტს, ტალახიანს შევამჩნევ ყვავილს,
ხოლო უკვდავას, როგორც მჭევრ და სრულყოფილ სიტყვას
და სწორედ იმ წამს ჩიტის ჭიკჭიკი
დაემსგავსება იმ მუსიკას, აქ რომ იღვრება.

უცხო ნაყოფი

აი, გოგონას თავი ვით ამოთხრილი გოგრა
მრგვალსახიანი, მოიისფრო კანით და ასეთივე ქვებით —
კბილებით.

მის თმას მოაცილეს სველი მრავალძარღვა
და მისი სპორების შესწავლას შეუდგნენ
განიავეს მისი კანის მშვენიერება,
ცხიმი მოაშორეს მალეხრწნად საუნჯეს:
მისი გატეხილი ცხვირი ტორფის ბელტივით მუქი იყო,
თვალის ფოსოები ისეთი ცარიელი ვით აუზი მიტოვებული.
დიოდორე სიცილიელმა აღიარა.
თანდათან შვება როგორ იპყრობდა და მოსწონდა იმის ყურება,
მოკლული,
დავინყებული,
უსახელო,
საშინელი თავნაკვეთილი გოგონა
თუ რარიგად ჩაშტერებოდა
მოღერებულ ცულს, მომავალ განმინდანებას
და ამის მხილველი როგორ გრძნობდა პატივისცემას.

ადრეული განწყობა

ექვსი წლის ვიყავი, როდესაც ჩემ თვალწინ კნუტები ჩაახრჩვეს.
დენ თეგართს აღმოჰხდა: „გაძვალტყავებული ნეხვის
გუდურები!“
სათლში რომ ძირავდა. ლითონის ზრიალმა მათი ხმა ჩაახშო.
უსუსურ ბრჭყალებით ბოლომდე წვალობდნენ და
სუნთქვას ნაპარავს

წყვეტდნენ საბრალონი, წყალსაქარ ტუმბოზე როს
ენარცხებოდნენ.

ბოლოს კი დამფრთხალი კნუტების ფართხალი
წყლის ჭავლმა დაფარა.
„ასე ურჩევნიათ, რასაკვირველია!“ — თქვა დენმა მღელვარედ.
ხელთათმანებით ღვიოდნენ ისინი, წყლიდან რომ იღებდა
და იქვე, მახლობლად, ყრიდა სანეხვეზე, უძრავთ და ელვარეთ.

უცებ შემეშინდა, როცა გარს ვუვლიდი შეფოთილ მწვანე ხეს
და როცა ეზოში სისველედ განტოტვილ სამ ნარჩენს ვუცქერდი,
ხატულა ლაქებდა, რომლებიც ხვატაინს შერწყმოდნენ სანეხვეს.

მერე დამავინყდა. თუმცა წვერს იმახავდნენ კვლავ შიშის ისრები,
დენი რომ ხაფანგით ხან ვირთხებს იჭერდა, ხან ყვავებს ხოცავდა,

ხანაც ნაყულფარი ბებერი ქათმების ცვიოდა კისრები.

ყალბი სენტიმენტი კვლავ უადგილოა. უტყვად და ურისხვოდ
მხრებს თუ ავიჩეჩავ, როდესაც ლეკვები წყალს ეტანებიან,
„ცალტვინა ძუკნები“, ვფიქრობ, და აგიხსნით,
თუ რასაც ვგულისხმობ:

ქალაქმა იქნება შეძლოს აცილება სასტიკი მითების
და იქნებ, სიკვდილი მთლად არაბუნებრივ ქმედებად ჩათვალოს,
სოფლად კი, ფერმებში, უნდა შევაჩეროთ
ზრდა პარაზიტების.

ინგლისურიდან თარგმნა
ბნა ჯონსაქმა

„უნივერსიტეტის კვარტეტი“ — ასე მოვიხსენიებთ მომღერალთა ჯგუფს, რომელსაც 30 წელზე მეტია არ უმღერია, მაგრამ მათთვის, ვისაც ახსოვს ეს მშვენიერი მანდილოსნები, ისინი დღესაც მღერა. შემთხვევითი არ არის, რომ კვარტეტის კონცერტის შესახებ დანერა ვთხოვეთ თამარ მიქაძეს — მწერალს, ფილოლოგიის მეცნიერებათა დოქტორს, ილია ჭავჭავაძის კვლევის ცენტრის უფროს მეცნიერ-თანამშრომელს, დიმიტრი ყიფიანის სახელობის მედლის მფლობელს... მის თვალწინ დაარსდა კვარტეტი, მის თვალწინ ჩაიარა მისმა ისტორიამ. და, რაც მთავარია, თამარ მიქაძეს მიჰყავდა ის მშვენიერი საღამო დედა-უნივერსიტეტის სააქტო დარბაზში.

თამარ მიქაძე

ჩვენს სამღერალს ვინ იმღერებს...

ამა წლის 9 ივლისი ლამაზი და განსხვავებული დღე იყო მათთვის, ვინც თბილისის ივანე ჯავახიშვილის სახელობის სახელმწიფო უნივერსიტეტის სააქტო დარბაზში, საღამოს 7 საათზე კონცერტს დაესწრო. შეიძლება მონატრებაც დავარქვათ ამ შეხვედრას.

საღამოს მასპინძლობდა უნივერსიტეტის ფილოლოგიის ფაკულტეტის, ადრე გოგონათა, ამჟამად, — ქალთა კვარტეტი, რომელიც 1976 წელს შეიქმნა და რომელმაც განუმეორებელი ჟღერადობით, შესანიშნავი რეპერტუარითა და შესრულებით დაარსებისთანავე დაგვამახსოვრა თავი. ამ თვისებების წყალობით იმ წლებში ფილოლოგიის ფაკულტეტი პირველობას არავის უთმობდა. გოგონათა კვარტეტს ხშირად იწვევდნენ სხვადასხვა კონცერტსა თუ ღონისძიებაზე.

ყველა თაობას თავისი სათქმელი აქვს, რომელსაც ზოგი წერით გამოხატავს, ზოგიც ხატვით... გოგონებმა სიმღერით თქვეს... და ეს იყო ჩვენი თაობის სიხარულის, ტკივილის, ყველანაირი ემოციის გამომხატველი სათქმელი.

საღამო უნივერსიტეტის 95-ე წლისთავს მიეძღვნა, გვინდოდა, როგორც უნივერსიტეტელებს, გაგვეხსენებინა 75-80-იანი წლები, როცა სტუდენტები ვიყავით და ყველაფერთან ერთად მის კედლებში მეგობრობას, ურთიერთპატივისცემას, მოყვასისა და ქვეყნის სიყვარულს ვსწავლობდით.

მას შემდეგ 35 წელი გავიდა... ისტორიისათვის წამის ნამი, ადამიანისათვის მნიშვნელოვანი ნაწილი ცხოვრებისა...

ეს ყველაფერი კი 1975 წელს დაიწყო, როცა საუნივერსიტეტო ფესტივალზე მონაწილეობის მისაღებად მიიწვიეს ფილოლოგიის ფაკულტეტის ორი გოგონა — ნატო შარვაძე და გულიკო ქსანდოპული; ხოლო მეორე წელს, უნივერსიტეტის პროფესიულ დღეს, უნივერსიტეტის კაფეში მონვეულნი იყ-

ნენ ყველასათვის ცნობილი ჩიქოვანთა მომღერალი ოჯახის წევრები — მარიკა და გიგლა ჩიქოვანები. მათთან ერთად კი უჩვეულო ხმის ნატა გუნციკიძე. გოგონებმა სწორედ აქ აღმოაჩინეს ერთმანეთი. ეს იყო საქმის კეთილი დასაწყისი.

კვარტეტის შექმნის იდეა გულიკო ქსანდოპულს ეკუთვნის. რა თქმა უნდა, მარტო სურვილი არ იყო საკმარისი. ამ საქმეში გადამწყვეტი როლი ზურაბ ჩიქოვანმა ითამაშა, რომელმაც თავისი სტუმართმოყვარე ოჯახის კარი უშურველად გაუღო ახალგაზრდებს და ნამდვილ საშემსრულებლო ხელოვნებას აზიარა.

ხმათა ნაირფეროვანი პალიტრა იყო ის მასალა, რომელმაც კვარტეტის რეპერტუარი განსაზღვრა. მარიკა ჩიქოვანის ლირიკული სინაზით გამორჩეული ხმა, ნატო შარვაძის დაბალი, ხვეწვადობით, შესანიშნავი ბანი, რომელიც ქალის კვალზე დღიერად, მყარად და საიმედოდ ჟღერდა, გულიკო ქსანდოპულის გასაოცარი რაკარაკა, უნატიფველი, მაღალი ჟღერადობით გამორჩეული და ნატა გუნციკიძის დაბალი, უჩვეულო ობერტონებით გაჯერებული ხმა.

კვარტეტის პირველი სიმღერა იყო კომპოზიტორ ნუნუ გაბუნიას „მგონია ყველა კოკობი“, რომელიც ბატონმა ზურაბმა მათ თავადაც შეასწავლა და რომლის შესრულებასაც თავის დროზე დიდი წარმატება ხვდა წილად. კვარტეტის რეპეტიციები უმეტესწილად ჩიქოვანთა ოჯახში ტარდებოდა. საოცარი სითბოთი და ხელგამლილობით ხვდებოდნენ მასპინძლები სტუმრად მისულ გოგონებს. ბატონი ზურაბის ხელმძღვანელობით თანდათან იხვეწებოდა საშემსრულებლო მანერა და ისინი წარმატებას წარმატებაზე აღწევდნენ.

35 წლის განმარების შემდეგ მოგვეცა შესაძლებლობა მოგვეხსენა როგორც ძველი რეპერტუარი, ისე ახალი სიმღერები, რომლებიც წლების განმავლობაში მხოლოდ მეგობრების ვინრო წრეში თუ გაჟღერებულა...

კონცერტის ჩატარების იდეა ჩვენს თანაკურსელსა და მეგობარს ნინო ჭუმბურიძეს ეკუთვნის. მოგვეხსენებათ, იდეა საქმის ნახევარია. მანვე ითავა ამის ორგანიზება. საღამოს ნაყვანა მე შემომთავაზეს...

კონცერტი დაიწყო...
საღამო უნივერსიტეტის ჰუმანიტარული ფაკულტეტის დეკანმა დარეჯან თვალთვაძემ გახსნა, სცენაზე მოიწვია



მარიკა ჩიქოვანი, ნატა გუნციკიძე, ნატო შარვაძე და გულიკო ქსანდოპულო

კვარტეტის წევრები და აკომპანიატორი ზურაბ ქურდაძე. ზურაბმა — თავისი პაპის, ზურაბ ჭუმბურიძის ნიჭიერმა და ღირსეულმა მოსახელემ, რეპეტიციებზე ძალიან შეგვაყვარა თავი და ახალგაზრდული ენერჯიაც შემოიტანა.

შესრულდა იშხნელების რამდენიმე სიმღერა.

მარიკა ჩიქოვანმა მისთვის ჩვეული სიღარიბისლით მოგვითხრო, როდის დაამშვენა იშხნელთა სიმღერებმა მათი რეპერტუარი; დიდი სიყვარულით ისაუბრა ნამყვანზე — თქვენს მონა-მორჩილზე. გაიჟღერა დიმიტრი ყიფიანის სახელმაც, რასაც, ჩემდა სასიხარულოდ, დარბაზი მქუხარე ტაშით გამოეხმაურა.

ნატა გუნციკიძემ გამორჩეული სიტოთი გაიხსენა ჩიქოვანის ოჯახის თავკაცი — ზურაბ ჩიქოვანი, რის შემდეგაც შესრულდა ვფიქრობ, დღის საპროგრამო სიმღერა „ჩემს სამღერალს ვინ იმღერებს“.

სიმღერა „მარწყვის ტუჩა“ ფილოსოფოსმა თამაზ ბუაჩიძემ უძღვნა თავის მომავალ მეუღლეს. ამ საინტერესო ისტორიაზე ამომწურავად ისაუბრა **ნატო შარვაძემ**.

სალამო დაამშვენა მომღერალმა **გია ნაცვლიშვილმა**, რომელმაც მოიგონა კვარტეტთან ერთად გატარებული დღეები და იმღერა კიდევც.

თავისი შთაბეჭდილება გაგვიზიარა პოეტმა, ლიტერატორმა **ანდრო ბუაჩიძემ**, რის შემდეგაც შესრულდა მისი მეუღლის **ნატა გუნციკიძის** საავტორო ნაწარმოებები.

ვისაუბრე ნატას შექმნილ სიმღერებზე, გავიხსენე ჩვენი შეხვედრა ორი წლის წინათ ქვიშხეთში, სადაც პირველად მოვუსმინე მას და აღფრთოვანებული დავრჩი. ისიც აღვნიშნე, როგორ ჩუმად მიპასუხა კითხვაზე: „ვინ არის ავტორი?“ — „მე“. ეს „მე“ — ისე უპრეტენზიოდ გაისმა ამ ამბიციებით გაჯერებულ სივრცეში, რომ კიდევ ერთხელ დავრწმუნდი საზოგადოებრივი აზრის გაძლიერების აუცილებლობაში. უფრო მეტად მოვეფეროთ ერთმანეთს, ცოტა მეტი... შემოქმედებით ადამიანებს... ეს მხოლოდ სიკეთით დაგვიბრუნდება-მეთქი — მივმართე დარბაზს.

ტკივილის გარეშე არც ცხოვრება არსებობს, არც შემოქმედება...

გულიკო ქსანდოპულომ ძალიან თბილად ისაუბრა აფხაზეთზე, გაიხსენა ნატა და თამაზ ბაძალუების ოჯახი... შესრულდა აფხაზური სიმღერა „ვარადო“.

შეიძლება ადრე გოგონების ხმებში მეტი უღერადობა იყო, მაგრამ დღევანდელ დღეს ეს ხმები დიდი გამოცდილების მატარებელია... პირადი თუ ქვეყნის ჭირ-ვარამით გაჯერებული.

გასაკვირი არ არის, რომ ფილოლოგთა რეპერტუარის ტექსტები ასე გემოვნებითაა შერჩეული: გალაკტიონი, ანა, ალექსანდრე საჯავია, ფილოსოფოსი ზურაბ კაკაბაძე...

შესრულდა ნიჭიერი პოეტის, უდროოდ ნასული ახალგაზრდის დათო კვიციანიშვილის ტექსტზე შექმნილი სიმღერა „ორი ციციანათელა“. დარბაზში იმყოფებოდნენ დათოს ოჯახის წევრები, მამა — ბატონი ემზარი და და — ნინო.

როგორც ნამყვანმა იმ დღის შესაჯამებლად ანდერსენის ზღაპრიდან გავიხსენე პასაჟი, როცა პრინცესა იწუნებს სურნელოვან ვარდს, შემდეგ მაგალობელ ჩიტს, იმ მიზეზით, რომ ნამდვილია, ბუნებრივი.

სამაგიეროდ, მოსწონს ბრჭყვია-

ლა, ხელოვნური ნივთები.

ვფიქრობ, იმ დღისა და საერთოდ ცხოვრების არსიც ესაა — განვასხვავოთ ნამდვილი ყალბისაგან; სიცრუე — სიმართლისაგან. არ მოგვატყუოს ბრჭყვიალა, გამოგონილმა ფერებმა.

იმ დღეს რაც სცენაზე ხდებოდა, ყველაფერი გულწრფელი, ნამდვილი და გულიდან გამოსული იყო...

სალამო ისევე ლამაზად დასრულდა, როგორც დაიწყო, იშხნელების სიმღერით — „ლაჟვარდ ცაზე“.

კონცერტი დამთავრდა, ემოცია არა ცხრებოდა... სცენაზე კურსელები, მეგობრები, უცნობებიც კი ამოდიოდნენ...

იყო სიხარული, სიყვარული, ცრემლი. ჩვენი თაობის ერთ-ერთმა პოპულარულმა წარმომადგენელმა ფილოლოგმა ზურა გოშაძემ ექსპრომტად ლექსიც დაწერა, რომელსაც ავტორის ნებართვით შემოგთავაზებთ:

ექსპრომტი ფილოლოგების კვარტეტს

ამდენ შულსა და ამდენ მტრობაში
ამდენ ბოროტში, ამდენ ავსულში,
თქვენ დაგვაბრუნეთ სტუდენტობაში,
გადაგვასახლეთ ლამაზ წარსულში.

გავვიხალისეთ ისევ ის ბალი
ის ძველი სცენაც გაათბეთ ჰანგით,
კვლავ მოგვეფერა ცხოვრება ლალი,
უდარდლობის შეგვასვით ბანგი.

სულ სხვანაირად აძგერდა გული
შეჩერებული წამიც ჩვენია
და გაგვასხენდა ის სიყვარული,
დღეს რომ ჭაღარად შემოგვრჩენია.

თითქოს გაიხსნა ცა მოგონებად
ზოგსაც ცრემლები სდიოდა ღვარად,
რისი ქალობა — თქვენ გოგონებად
უბერებელნი დარჩებით მარად.

სხვაგვარი იყო ის დღე ივლისის
და თქვენთან ერთად მღეროდა მთვარეც,
თქვენით ხარობდა ჩვენი თბილისიც
თქვენ გაგიმარჯოთ, თქვენ გენაცვალეთ!!!

დაე ეს დღე ყოფილიყო დასაბამი მომავალი შეხვედრებისა, 80-იანი წლების თაობის სათქმელის გამოხატვისა... ჩვენ თუ არა, ჩვენს სამღერალს ვინ იმღერებს?!

ვარლამ შალამოვი

ბუკინისტი

ლამის მორიგეობიდან დღისაზე გადამიყვანეს — ნაღდი დანინაურებაა, ფეხმოკიდება, ილბალი სახიფათო, მაგრამ მხსნელ გზაზე, სანიტარს („სნეულთაგან“) რომ ერგება ნილადა. არც კი შემინიშნავს, ჩემი ადგილი ვინ დაიკავა — იმხანად ძალ-ლონე აღარ დამრჩენოდა ცნობისმოყვარეობისათვის. ჩემს ყოველ შერხევას ვზოგავდი, ფიზიკურსა თუ სულიერს — მეტი რაღა გინდათ, უკვე მომიწია მკვდრეთით აღდგომა და მშვენივრად ვიცოდი, რაოდენ ძვირი გიჯდება არაფრის მაქნისი ცნობისმოყვარეობა.

მაგრამ ღამეულ ძილ-ბურანში მაინც მოვკარი თვალი ფერმკრთალ, ტურტილიან პირისახეს, წითური, გაბარდული ჯაგარი რომ მოსდებოდა, განურჩეველი ფერის თვალთა ღრმულეებს, მოკრუნჩხულსა და მოყინულ თითებს, რომლებიც გამურული ქვაბუნის სახელურს ჩაბლაუჭებოდნენ. საავადმყოფოს ბარაკში ჩამონოლილი ღამე ისეთი ბნელი და ბლანტი იყო, რომ ბენზინის ღამპის მოლიფლიფე ალს, თითქოსდა ქარით შეჯანჯღარებულს, არ ძალუძდა გაენათებინა ტალანი, ჭერი, კედელი, კარი, იატაკი და გამოსტაცებდა წყვილად მთელი ღამის მარტოოდენ პანია ნაფლეთს: ტუმბოს კუთხეს და ზედ ჩაქინდრულ ფერმკრთალ სახეს. ახალ მორიგეს ეცვა იგივე ხალათი, რომლითაც მე ვმორიგეობდი, ბინძური და დაფლეთილი ხალათი, საზიარო ხალათი სნეულთათვის. ეს ხალათი დღისით საავადმყოფოს პალატაში ეკიდა, ღამით კი მორიგე სანიტარი „სნეულთაგან“ დაბამულ ქურთუკზე ნამოიცვამდა ხოლმე. ფლანელი უჩვეულოდ თხელი იყო, სინათლე ატანდა — და მაინც არ სკდებოდა: ავადმყოფები შიშობდნენ თუ ვერ ახერხებდნენ განძრევ-გამონძრევას, თორემ ხალათი ნაკუნ-ნაკუნ დაირღვეოდა.

შუქის ნახევარწრე ქანაობდა, ციმციმებდა, ცვალებადობდა. გეგონა, რომ სუსხი, და არა ქარი, და არა ჭავლი ჰაერისა, არამედ თავად სუსხი აქანავებდა ამ შუქს მორიგე სანიტარის ტუმბოზე. სინათლის ლაქაში ქანაობდა შიმშილით შელახული სახე, მოკრუნჩხული, წვირიანი თითები დაფათურობდნენ ქვაბუნის ფსკერზე — დაეძებდნენ იმას, რასაც კოვზით ვერ ჩაავლებდი. თითები, თუნდაც მოყინული, უგრძობელი თითები უფრო ეიმედებოდა, ვიდრე კოვზი — მე მივხვდი ფათურის არსს, უესტის ენას.

ეს ყველაფერი რათ უნდა მცოდნოდა — მე ხომ დღის სანიტარი ვიყავი.


მაგრამ რამდენიმე დღე გავიდა და — ნაჩქარევი გამგზავრება, მოულოდნელი აჩქარება ბედისა უეცარი გადაწყვეტილებით — სატვირთოს ძარა, ყოველი ძრაობა რომ ანჯღრევდა იმ ავტომანქანისა, რომელიც მიფორთხავდა უსახელო მდინარის მოყინულ კალაპოტში, ის კი ტაიგის ნაზამთრალით მიიზლაზნებოდა მაგადანისაკენ, სამხრეთისაკენ. ორნი სატვირთოს ძარაში მალა ავარდებიან და მერე კაკუნით ეცემიან ფსკერზე, შუშის ნაპობივით გადაგორ-გადმოგორდებიან. ბადრაგი კაბინაში ზის და მე არ ვიცი, ვინ მირტყამს — ფიცარი თუ ადამიანი. ერთ-ერთი დაპურებისას მეზობლის ხარბი წკლაპური მეცნო და ისიც ვიცანი — მოკრუნჩხული თითები, ფერმკრთალი და წვირიანი პირისახე.

ჩვენ უბრად ვიყავით — მეც და ისიც ვშიშობდით, რომ არ დაგვეფრთხო ჩვენი ილბალი, პატიმრის ილბალი. მანქანა ჩქარობდა — გზამ ერთი დღე-ღამე იკმარა.

ორივენი საფერშლო კურსებზე მივემგზავრებოდით, ლაგერიდან გაგვამწესეს. მაგადანი, საავადმყოფო, კურსები — ყოველივე ეს თითქოს ნისლში იყო, თეთრ კოლიმურ ბინდუნდში. არის რაიმე ნიშანსვეტები, საგზაო ნიშანსვეტები?

ორმოცდამეტვრამეტე მუხლს იღებენ? მხოლოდ მეათე პუნქტს იღებენ. და მანქანის ძარაში ჩემს მეზობლად მყოფი რომელი პუნქტია? ისიც მეათე — „ანტისაბჭოთა აგიტაცია“.

გამოცდა რუსულ ენაში. კარნახი. ნიშნებს აცხადებენ იმავე დღეს. ხუთიანი. წერიტი სამუშაო მათემატიკაში — ხუთიანი. ზეპირი გამოცდა მათემატიკაში — ხუთიანი. „სსრკ კონსტიტუციის“ სიფაქიზენი მომავალ კურსანტებს არ გვეხებოდა — ეს ყველამ წინასწარვე იცოდა... ვინეკი ნარებზე, ტურტილიანი, ჯერ ისევ საეჭვოდ ტილიანი — სანიტრად მუშაობა ტილებს ვერ სპობდა, — ან ეგებ მეჩვენებოდა და ეგ იყო. ტილიანობა — ერთ-ერთი ფსიქოზია ლაგერში ყოფნისას. ტილები დიდი ხანია აღარ გყავს, მაგრამ თავს ვერაფრით ვერ აიძულებ, რომ მიეჩვიო არა აზრს (აზრი რა არი?), არამედ გრძნობას, რომ ტილები აღარა გყავს; ასე იყო ჩემს ცხოვრებაში ორჯერაც და სამჯერაც. ხოლო კონსტიტუცია, ან ისტორია, ანდა პოლიტიკონომია — ყოველივე ეს ჩვენ არ გვეხება. ბუტირკის ციხეში, ჯერ კიდევ გამოძიებისას, კორპუსის მორიგე დაგვეყვიროდა: „რამი გეკითხებათ კონსტიტუცია? თქვენი კონსტიტუცია — ესაა სისხლის სამართლის კოდექსი“. და კორპუსის მორიგე მართალი ბრძანდებოდა. დიახ, სისხლის სამართლის კოდექსი იყო ჩვენი კონსტიტუცია. მას შემდეგ რამდენი ხანი გასულა. თითქოს ათას წელს ჩაუვლია. მეოთხე საგანი — ქიმიკი. ნიშანი — სამიანი.



ახ, როგორ მიაწყდნენ ტუსალი კურსანტები ცოდნას, სადაც ფსონად იდო სიცოცხლე. და სამედიცინო ინსტიტუტთა ყოფილი პროფესორები აზვავდნენ, რათა მხსნელი მეცნიერება ტვინიჩი ჩაეტენათ უზირთათვის, რეგვენთათვის, რომლებიც მედიცინით არასოდეს დაინტერესებულან — მეკუჭნავე სილაიკინიდან თათარ მწერალ მინ შაბაიმიდე...

ქირურგი, თხელი ტუჩების ბრეცვით, გვეკითხება:

— ვინ გამოიგონა პენიცილინი?

— ფლემინგმა! — ამას მე როდი ვპასუხობ, არამედ — ჩემი მეზობელი რაიონული საავადმყოფოდან. წითური ჯაგარი გაუპარსავს. ავადმყოფურად ფუნთუშა ლოყები კი დარჩენია (ალბათ სუფს მიაძღა — გამიღვებებს თავში).

წითური კურსანტის განსწავლულობამ გამაოგნა. ქირურგი დალხენილ „ფლემინგს“ აკვირდება. ვინა ხარ შენ, ღამის სანიტარო? ვინა ხარ, ვინ?..

— რას აკეთებდი, ვიდრე დაგიჭერდნენ?

— მე კაპიტანი ვარ. საინჟინრო ჯარების კაპიტანი. ომის დანყებისას გამაგრებული რაიონის უფროსი გახლდით. საჩქაროდ ვაგებდით სიმაგრეებს. ორმოცდაერთი წლის შემოდგომაზე, დილის ბური რომ გაიფანტა, უბეში დავინახეთ გერმანული რეიდერი „გრაფ ფონ შუე“. რეიდერმა ჩვენი სიმაგრეები მიჯრით დატყობილა. და წავიდა. მე კი ათი წელი მომისაჯეს.

„თუკი არ გჯერა, იყო და არა იყო რაო“. მჯერა. ვიცი აქაური აუთ-ნესები.

ყველა კურსანტი ღამეებს ათენებდა მეცადინეობაში, მთელი ვნებით სიკვდილმისჯილისა, უცებ სიცოცხლის იმედი რომ უწყალობეს, ცოდნას ისრუტავდა, ისისხლხორცებდა.

მაგრამ ფლემინგი უფროსობასთან რაღაც საქმიანი შეხვედრის შემდეგ გამხიარულდა, ბარაკში მეცადინეობაზე რომანი მოიტანა, მოხარულ თევზს მიირთმევდა — ნასუფრალს სხვისი ლხინიდან, და წიგნს დაუდევრად ფურცლავდა.

ფლემინგმა ჩემი ირონიული ღმილი დაიჭირა და თქვა:

— სულერთია — უკვე სამი თვეა, რაც ვნათლდებით, — ყველას, ვინც კი კურსებს მოერგო, გამოშვება ყველას ერგება, დიპლომებს ყველას დაგვირიგებენ. თავი რისთვის უნდა გავიგიჟო? დამეთანხმე!

— არა, — მივუგე პასუხად, — მე მინდა ვისწავლო მკურნალობა ადამიანისა. ნამდვილი საქმე შევისწავლო.

— ნამდვილი საქმე ისაა, რომ იცხოვრო. ამჯერად გამოირკვა, რომ ფლემინგის კაპიტნობა — მხოლოდ ნილაბია, კიდევ ერთი ნილაბი ამ ფერმიხდილ ნაციხარ სახეზე. ნილაბი კაპიტნობა როდი იყო — ნილაბი გახლდათ საინჟინრო ჯარები. თურმე ფლემინგი, კაპიტნის ჩინით, გამოძიებლად მსახურობდა შინსახკომში. ცნობები გადმოიწერებოდა, წვეთ-წვეთად გროვდებოდა — უკვე რამდენიმე წელია. ეს წვეთები დროს ითვლიდნენ, მსგავსად წყლის საათისა. ანდა ეს წვეთები გამოძიებაში მყოფის შიშველ კეფას ეცემოდა — წყლის საათები ოცდაათიანი წლების ლენინგრადის დილეგებში. ქვიშის საათი ტუსაღთა სეირნობის დროს ითვლიდა, წყლის საათი — ალიარების დროს, გამოძიების დროს. ქვიშის საათების მოჩქარება, წყლის საათების აუტანლობა. წყლის საათი წუთებს როდი ითვლიდა, წუთებს როდი ზომავდა, არამედ — ადამიანის სულს, ადამიანის ნებისყოფას და, ანდაზისა არ იყოს, წვეწვეთობით ანადგურებდა, ღრღინდა როგორც კლდე. გამომძიებელთა ამ ფოლკლორს ოცდაათიანი წლებში, ეგებ ოციანებშიც, დიდი გასავალი ჰქონდა.

სიტყვები კაპიტან ფლემინგისა წვეთწვეთობით შეგროვილიყო და განძი გამოდგა ფასდაუდებელი. თავად ფლემინგიც ფასდაუდებლად მიიჩნევდა მას — რატომაც არა!

— შენ იცი, ჩვენი დროის ყველაზე დიდი საიდუმლო რა არი?

— რა არი?

— ოცდაათიანი წლების პროცესები. როგორ ამზადებდნენ. მაშინ ხომ ლენინგრადში ვიყავი. ზაკოვსკისთან. პროცესების მომზადება — ესაა ქიმია, მედიცინა, ფარმაკოლოგია. ნებისყოფის დათრგუნვა ქიმიური ხერხებით. ასეთი ხერხები — რამდენიც გნებავს. და ნუთუ შენ გგონია, თუკი ნებისყოფის დამთრგუნველი ხერხები არსებობს — მათ არ გამოიყენებენ. უჩვენის კონვენცია დაუშლით თუ რა?

ნებისყოფის დამთრგუნველ ხერხებს ფლობდნენ და გამოძიებისას, „შინაგან ფრონტზე“, არ გამოიყენო — ეს უკვე უზომო კაცთმოყვარეობა იქნებოდა. ესე ჰუმანიზმი დაიჯერო მეოცე საუკუნეში — შეუძლებელია! აქა და მხოლოდ აქ ოცდაათიანი წლების პროცესთა საიდუმლოება, ღია პროცესთა, ღია რომ იყო უცხოელი კორესპონდენტებისათვის და ნებისმიერი ფოიხტვანგერისათვისაც. ამ პროცესებზე არავითარი „ორულეში“ არა ყოფილა. პროცესთა საიდუმლოება გახლდათ საიდუმლოება ფარმაკოლოგიისა.

...მე ვინეკი ორსანოლიანი სისტემის მოკლე, მოუხერხებელ ნარებზე დაცარიელებულ კურსანტთა ბარაკში, მზის სხივებით რომ იყო გამჭოლილი, და ფლემინგის აღსარებებს ვუსმენდი.

დაიხ, ცდები ადრეც იყო — მაგალითად, მავნებელთა პროცესებზე. რამზინისეული კომედია კი ფარმაკოლოგიას მხოლოდ ოდნავ ეხება.

თხრობა ფლემინგისა წვეთ-წვეთად ჟონავდა — მისივე საკუთარი სისხლი ხომ არ ეწვეთებოდა ჩემს გაშიშვლებულ მუხსიერებას? ეს სადაური წვეთები იყო — სისხლისა, ცრემლისა თუ მელნისა? არა, არც მელანი ყოფილა და არც ცრემლები.

— რა თქმა უნდა, იყო შემთხვევები, როცა მედიცინა უძლურია. ან ხსნარის დამზადება არასწორად უანგარიშობათ. ანდა მავნებლობაა. მაშინ — ორმაგი დაზღვევა. წესისამებრ.

— ახლა ნეტა სად არიან ეგ ექიმები?

— ვინ იცის? ალბათ, მთვარეზე...

საგამოძიებო არსენალი — ეს უკანასკნელი სიტყვაა მეცნიერებისა, უკანასკნელი სიტყვა ფარმაკოლოგიისა.

ეს არ ყოფილა კარადა „ა“ — Venena — სანამლაგები და არც კარადა „ბე“ — Heroica — „ძლიერმოქმედი“... კაპიტან ფლემინგის მედიკამენტები კი ნეტა სად ინახებოდა? დანაშაულთა კარადაში თუ სასწაულთა კარადაში?

კაცმა, რომელიც განაგებდა დანაშაულთა და სასწაულთა კარადებს, მეცნიერების უმაღლეს მიღწევათა კუთვნილებას, მხოლოდ ლაგერის საფერშლო კურსებზე შეიტყო, რომ ადამიანს ღვიძლი აქვს ერთი, რომ ღვიძლი წყვილი ორგანო არაა. შეიტყო სისხლის მიმოქცევის შესახებ — ჰარვეიდან სამასი წლის შემდეგ.

...საიდუმლოება იმალებოდა ლაბორატორიებში, მიწისქვეშა კაბინეტებში, აქოთებულ ვივარიუმებში, სადაც ცხოველები ზუსტად ისევე ყარდნენ, როგორც მაგადანის ბინძური ტრანზიტის პატიმრები ცხრაას ოცდათვრამეტ წელს. ბუტირკის ციხე, ამ ტრანზიტკასთან შედარებით, ქირურგიული სისუფთავით კრიალებდა, იქ სუნი იდგა საოპერაციოსი და არა — ვივარიუმისა.

მეცნიერებისა და ტექნიკის ყველა აღმოჩენა მონმდება, უპირველეს ყოვლისა, მათი სამხედრო მნიშვნელობით — სამხედროთი — სამომავლო აზრითაც კი — ვარაუდის შესაძლებლობაში. და მხოლოდ ის, რასაც გენერლები განთესავენ, ომს რაც არა სჭირდება, გადაეცემა საერთო მოხმარებას.

მედიცინა და ქიმია, ფარმაკოლოგია დიდხანია სამხედრო აღრიცხვაზე იმყოფებიან. ექსპერიმენტის, დაკვირვების გამოცდილება მუდამ გროვდებოდა მთელი მსოფლიოს ტვინის ინსტიტუტებში. ბორჯიას სანამლაგები მუდამ იყო პრაქტიკული პოლიტიკის იარაღი. მეოცე საუკუნეში მოიტანა ფარმაკოლოგიურ, ქიმიურ საშუალებათა უჩვეულო აყვავება, ფსიქიკისა რომ განაგებენ.

მაგრამ შიშის მოსპობა თუკი წამლით შეიძლება, ათასჯერ მეტად არის შესაძლებელი სანინალმდეგო — ადამიანის ნებისყოფა დათრგუნო ნემსებით, სუფთა ფარმაკოლოგიით, ქიმიით, ყოველგვარი „ფიზიკის“ გარეშე, რომელიც გულისხმობს ნეკნების ჩალწვასა და ფეხქვეშ ამოღებას, კბილების ჩამსხვრევასა და პაპიროსის ჩაქრობას გამოძიებაში მყოფის სხეულზე.

ქიმიკოსები და ფიზიკოსები — ასე ეძახდნენ გამოძიების ამ ორ სკოლას. ფიზიკოსები — ესენი არიან, ვინც ფიზიკურ მოქმედებას ქვაკუთხედად მიიჩნევდა — სამყაროს ზნეობრივი სანყისის გაშიშვლების ხერხს ცემა-ტყეპაში ხედავდა. გაშიშვლებული სიღრმე ადამიანური არსისა — და ეს ადამიანური არსი რაოდენ ბილნი და უვარგისი აღმოჩნდებოდა ხოლმე! არა მარტო ნებისმიერ ჩვენებათა მიღება იყო შესაძლებელი ცემა-ტყეპით. მათრახქვეშ ჩნდებოდა გამოგონებანი, აღმოჩენები მეცნიერებაში, წერდნენ ლექსებს, რომანებს. შიში ცემა-ტყეპისა, ულუფის კუჭისმიერი სკალა დიდ მიღწევებს ქმნიდა.

ცემა-ტყეპა საკმაოდ საფუძვლიანი ფსიქოლოგიური იარაღია, საკმაოდ ეფექტური.

ფრიად სასარგებლო იყო სახელგანთქმული და ფესვგადგმული „კონვეიერი“, როდესაც გამოძიებლები ერთიმეორეს ენაცვლებოდნენ, პატიმარს კი ძილს არ აცლიდნენ. ჩვიდმეტი დღე-ღამე უძილოდ და კაცი ჭკუაზე შეიშლება — ეს სამეცნიერო დაკვირვება გამოძიებელთა კაბინეტებიდან ხომ არ ამოუხაპიათ?

მაგრამ ქიმიური სკოლაც არ ნებდებოდა.

ფიზიკოსებს შეეძლოთ, რომ სათანადო მასალით მოემარაგებინათ „საგანგებო თათბირები“, ყველანაირი „ტროიკები“, მაგრამ ფიზიკური მოქმედების სკოლა ღია პროცესებისათვის არ გამოდგებოდა. ფიზიკური მოქმედების სკოლა (გგონებ, ასე ამბობდა სტანისლავსკი) ვერ შეძლებდა დაედგა ღია, სისხლიანი თეატრალური სპექტაკლი, ვერ შეძლებდა მოემზადებინა „ღია პროცესები“, რომლებმაც თავზარი დასცა მთელ კაცობრიობას. მსგავს სანახაობათა მომზადება ძალუძდათ ქიმიკოსებს.

მაშინდელი საუბრიდან ოცი წლის შემდეგ ჩემს მონათხრობში უნდა ჩავწერო საგაზეთო სტატიის სტრიქონები:

„ზოგიერთი ფსიქოფარმაკოლოგიური აგენტების გამოყენებისას შესაძლებელია, რომ გარკვეული ხნით ადამიანს სავსებით ვაგუქროთ, მაგალითად, შიშის გრძნობა. ამასთან, რაც განსაკუთრებით მნიშვნელოვანია, მისი ცნობიერების სიცხადე სრულიადაც არ ირღვევა...“

კიდევ უფრო მოულოდნელი ფაქტები გამომჟღავნდა შემდგომში. იმ ადამიანებს, რომელთა ძილის „ბე-ფაზებს“ ხანგრძლივად თრგუნავდნენ, მოცემული შემთხვევისას ზედიზედ ჩვიდმეტი ლამის განმავლობაში, დაეწყით ფსიქიკური მდგომარეობისა და ქცევის სხვადასხვა დარღვევათა წარმოქმნა“.

რა არის ეს? ნაფლეთები შინსახკომის რომელიმე სამმართველოს რომელიმე ყოფილი უფროსის ჩვენებიდან მოსამართლეთა გასამართლების სასამართლო პროცესზე? თუ სიკვდილისწინა წერილი ვიშინსკისა ან რიუმიანისა? არა, ეს გახლავთ აბზაცები სსრკ მეცნიერებათა აკადემიის ნამდვილი წევრის სამეცნიერო სტატიიდან. მაგრამ ყოველივე ეს — და ასევე მეტიც! — ცნობილია, შემონმბეულია და გამოყენებულია „ღია პროცესების“ მომზადებისას ოცდაათიან წლებში.

ფარმაკოლოგია იმდროინდელი საგამოძიებო არსენალის ერთადერთი იარაღი არ ყოფილა. ფლემინგმა დაასახელა გვარი, რომელიც ჩემთვის კარგად იყო ცნობილი.

ორნალდო!

აბა რა: ორნალდო იყო ცნობილი ჰიპნოტიზიორი, ოციან წლებში ხშირად რომ გამოდიოდა მოსკოვის ცირკებში, და არა მარტო მოსკოვისაში. მასობრივი ჰიპნოზი — ორნალდოს სპეციალობა გახლდათ. არსებობს ფოტოსურათები მისი სახელმძვვლელი გასტროლებისა; ილუსტრაციები წიგნებში, ჰიპნოზის რომ ეძღვნება. ორნალდო — რა თქმა უნდა, ფსევდონიმი. მისი ნამდვილი გვარია სმირნოვი ნ. ა. ეს იყო მოსკოველი ექიმი. აფიშები და ფოტოსურათები მრგვალი ტუმბოს მთელ სიგრძე-სიგანეზე. სვიშჩევ-პაოლოს იმხანად ფოტოსალონი ჰქონდა სტოლენიკის შესახვევში. ვიტრინაში ეკიდა ადამიანის თვალთა ვეება ფოტოსურათი ასეთი წარწერით: „ორნალდოს თვალები“. დღემდე მახსოვს ეს თვალები, მახსოვს ის სულიერი აფორიაქება, რომელიც მეუფლებოდა, როდესაც ვუსმენდი ან ვხედავდი ორნალდოს საცირკო გამოსვლებს. ჰიპნოტიზიორი გამოდიოდა ოციანი წლების დამლევამდე. არსებობს ორნალდოს გამოსვლათა (ბაქო, 1929) ფოტოსურათები. მერე შეწყვიტა გამოსვლები.

— ოცდაათიანი წლების დამდეგიდან ორნალდო — საიდუმლო სამუშაოზეა შინსახკომში.

ამოხსნილი საიდუმლოების ყრუანტელმა დამიარა ტანში. ხშირად, ყოველგვარი საბაბის გარეშე, ფლემინგი აქებდა ლენინგრადს. უფრო სწორად, აღიარა, ძირძველი ლენინგრადელი არა ვარო. როგორც ირკვევა, ოციანი წლების შინსახკომის ესთეტიკმა იგი პროვინციიდან გამოიხმეს, როგორც ესთეტიკა ღირსეული ცვლა. მას დახვეწილი გემოვნება ჩაუნერგეს — ჩვეულებრივ სასკოლო განათლებაზე ფართო. არა მარტო ტურგენევი და ნეკრასოვი რომ სცოდნოდა, არამედ ბალმონტიც და სოლოგუბიც, არა მარტო პუშკინი, არამედ გუმბელიც.

— „და თქვენ, მეფის ნაგაზებო, ოქროს რომ ინახავდით ბნელ ნავსადგურში“. არ მეშლება?

— არა, ყველაფერი სწორია.

— მერე აღარ მახსოვს, როგორაა. მე — მეფის ნაგაზი ვარ? სახელმწიფო ნაგაზი?

უღიმოდა — თავის თავსა და თავის წარსულს — და მონიწებით მიაბნო, როგორც პუშკინისტი გვიამბობს იმას, თუ როგორ ეჭირა ხელში ბატის ფრთა, რომლითაც დაწერილია „პოლტავა“, — ფლემინგი თურმე შეხებია „გუმბელიოვის საქმის“ საქაღალდეებს და ამ საქმეს „ლიციისტა შეთქმულება“ უწოდა. ეგებ გეფიქრა, თითქოს მან ხელი მიაკარა ქააბას ქვას

— ისეთი ნეტარება, ისეთი განწმენდა ჩანდა მისი სახის ყოველი ნაკვთიდან, რომ ჩემდაუნებურად გავიფიქრე — ესეც ხომ გზა არის, რომელიც პოეზიას გაზიარებს. გასაოცარი, უიშვიათესი ბილიკი ლიტერატურულ ფასეულობათა შეცნობისა... გამომძიებლის კაბინეტში. პოეზიის ზნეობრივ ფასეულობებს ამ გზით, რასაკვირველია, ვერ ჩასწვდები.

— წიგნებში, უწინარეს ყოვლისა, ვკითხულობ შენიშვნებს, კომენტარებს. მე შენიშვნათა კაცი ვარ, კომენტართა კაცი.

— და ტექსტს კი არ კითხულობ?

— ხანდახან, როცა მოვიცლი.

ფლემინგისა და მისი თანამშრომლებისათვის კულტურის ზიარება შესაძლებელი იყო — რაგინდ მკრეხელურადაც არ უნდა ჟღერდეს — მხოლოდ საგამომძიებლო მუშაობაში. ლიტერატურული და საზოგადოებრივი ცხოვრების ადამიანებთან ნაცნობობა შერყენილი, მაგრამ რაღაც მაინც ნამდვილი, ნაღდი რამ არის, ათასი ნიღბითაც კი არ იქმნალება.

აი, მთავარი მაუწყებელი იმდროინდელი მხატვრული ინტელიგენციის საქმეებზე, ყოველგვარი „მემორანდუმებისა“ და მწერალთა ცხოვრების მიმოხილვების მუდმივი, დაკვირვებული, კვალიფიციური ავტორი იყო — და ეს სახელი მხოლოდ ერთი შეხედვითაა მოულოდნელი — გენერალ-მაიორი იგნატიევი. ორმოცდაათი წელიწადი მწყობრში. ორმოცი წელიწადი საბჭოთა დაზვერვაში.

— ეს წიგნი „ორმოცდაათი წელიწადი მწყობრში“ მაშინღა ნავიკითხე, როდესაც მის მიმოხილვებს გავეცანი და თავად ავტორთანაც წარმადგინეს. თუ ის წარმიდგინეს, — დაფიქრებით ლაპარაკობდა ფლემინგი. — „ორმოცდაათი წელიწადი მწყობრში“ ურიგო წიგნი როდია.

ფლემინგს გაზეთები, საგაზეთო ცნობები, რადიოგადაცემები მაინცდამაინც არ უყვარდა. საერთაშორისო მოვლენები ნაკლებად იტაცებდა. სულ სხვა საქმეა — მოვლენები სამინაო ცხოვრებიდან. ფლემინგის მთავარი გრძნობა იყო — გულბნელი ჯავრი იმ პირქუშ ძალაზე, რომელიც გიმნაზისტს შეჰპირდა, უსასრულობას მოიცავო, მაღლა ატყორცნა და მერე ურცხვად და უგზოუკვლოდ გადმოსროლა უფსკრულში, — მე ვერაფრით ვერ დამემახსოვრებინა მართებული დასასრული ჩემი ბავშვობისდროინდელი სიმღერისა „გრაალეზა, ბრიალებდა მოსკოვური ხანძარი“.

ზიარება კულტურასთან — თავისებური იყო. რაღაც ხანმოკლე კურსები, ექსკურსიები ერმიტაჟში. კაცი იზრდებოდა და წამოიზარდა გამომძიებელი-ესთეტი, რომელიც შოკში ჩააგდო იმ ტლანქმა ძალამ, ოცდაათიან წლებში „ორგანობს“ რომ მოაწყდა; კაცი, რომელიც აღგავა, გაანადგურა „ახალმა ტალღამ“, უხემ ფიზიკურ ძალას რომ ეთაყვანებოდა და არა მარტო ფსიქოლოგიური დახვეწილობანი ეზიზღებოდა, არამედ „კონვეიერებიც“ კი ანდა „ფეხმდგომელი“. ახალ ტალღას უბრალოდ მოთმინება არა ჰყოფნიდა რაღაც სამეცნიერო გამოთვლისათვის, უმაღლესი ფსიქოლოგიისათვის. თურმე ჩვეულებრივი ცემა-ტყეპით უფრო მარტივად შეგიძლია მიიღო შედეგები. ზოზინა ესთეტიკა თავად წავიდნენ მთვარეზე. ფლემინგი შემთხვევით დარჩა ცოცხლებში. ახალ ტალღას ლოდინის დრო არ მოეპოვებოდა.

მშვიერი ბრჭყვიალება ფლემინგის თვალებში ცხრებოდა და პროფესიონალის დაკვირვებულობამ ისევ ამოიღო ხმა...

— გესმის, კონფერენციის დროს გიყურებდი. შენ რაღაცას შენსას ფიქრობდი.

— მე მხოლოდ მინდა ყველაფერი დავიხსოვო, დავიხსოვო და აღწერო.

რაღაც სურათები ირწეოდა ფლემინგის უკვე დასვენებულ და დაწყნარებულ ტვინში.

...ნერვულ განყოფილებაში, სადაც მუშაობდა ფლემინგი, იყო გოლიათი ლატიველი, რომელიც სრულიად ოფიციალურად სამმაგ ულუფას იღებდა. ყოველთვის, როდესაც გოლიათი ჭამას იწყებდა, ფლემინგი პირისპირ მიუჯდებოდა ხოლმე

და მისი მძლეთამძლე თოხლაობის შემყურე აღტაცებას ვერ მალავდა.

ფლემინგი ვერა და ვერ შელეოდა თავის ქვაბუნას, სწორედ იმ ქვაბუნას, რომელიც ჩრდილოეთიდან ჩამოიჭანა... ეს ავგაროზი არისო. კოლიმური ავგაროზი.

ნერვეულ განყოფილებაში ბლატარებმა კატა დაიჭირეს, დაკლეს და მოხარშეს. ფლემინგი, როგორც მორიგე ფერშალი მიიპატიჟეს — ტრადიციული „მოქონვა“ — კოლიმური ქრთამი, კოლიმური კალიმი. ფლემინგმა ხორცი მიირთვა და კატაზე არაფერი უთქვამს. ეს კატა ქირურგიული განყოფილებიდან იყო.

კურსანტებს ეშინოდათ ფლემინგისა. მაგრამ ესეცაა, ნეტა ვისი არ ეშინოდათ? ფლემინგი უკვე ფერშლად, შტატიან „ლეპილად“ მუშაობდა საავადმყოფოში. ყველას მტრული განწყობა ჰქონდა მის მიმართ, უფრთხოდნენ ფლემინგს, გრძნობდნენ, რომ იგი უბრალოდ ორგანოთა მუშაკი როდი ბრძანდებოდა, არამედ — რაღაც უჩვეულოდ მნიშვნელოვანი, საზარელი საიდუმლოების მფლობელი.

მტრული განწყობა გაიზარდა, საიდუმლოება უფრო გასივდა ახალგაზრდა ესპანელ ქალთან შესახვედრად ფლემინგის მოულოდნელი გამგზავრების შემდეგ. ესპანელი ქალი ნაღდი ესპანელი იყო, ასული ესპანეთის რესპუბლიკის მთავრობის რომელიღაც წევრისა. მზვერავი, პროვოკაციების ქსელში გახლართული, ვადამისჯილი და გადმოსროლილი კოლიმაზე სულის ამოსახდელად. მაგრამ გამოირკვა, რომ ფლემინგი მის ძველ და შორეულ მეგობრებს, მის უწინდელ თანამშრომლებს არ დავიწყებოდათ. მას რაღაც უნდა გაეგო ესპანელი ქალისგან, რაღაც დაედასტურებინა. სწული კი არ ელოდებოდა. ესპანელი ქალი გამოკეთდა და ეტაპით გაგზავნეს ქალთა საბადოზე. უცერად ფლემინგი საავადმყოფოში მუშაობას წყვეტს, ესპანელ ქალთან შესახვედრად მიემგზავრება, ორი დღე-ღამე დაძრნის ათასვერსიან საავტომობილო ტრასაზე, სადაც მანქანები ნაკადად მიედინებიან და ყოველ კილომეტრზე ოპერატიულ მუშაკთა საუშუალოებია. ბედი უღიმის ფლემინგს და შეხვედრიდან სრულიად მშვიდობიანად ბრუნდება. ეს საქციელი რომანტიკულად მოგეჩვენებოდათ, ლაგერში გაჩენილი სიყვარულით რომ იყოს შთაგონებული. ვაგლახ, ფლემინგი სიყვარულის გულისათვის არ მოგზაურობს, გმირულ საქციელს სიყვარულის გამო არ სჩადის. აქ მოქმედებს ძალა, სიყვარულზე გაცილებით ძლიერი უმაღლესი ვნება და ძალა იგი ფლემინგს უვნებლად გაატარ-გამოატარებს ლაგერის ყველა საგუშაგოებზე.

ფლემინგი მრავალგზის იხსენებდა ცხრაას ოცდათხუთმეტ წელს — მკვლელობათა უეცარი ნაკადი. სავინკოვის ოჯახის დაღუპვა. ვაჟიშვილი დახვრიტეს, ხოლო ოჯახი — ცოლი, ორი ბავშვი, სიდედრი — ლენინგრადიდან გასახლებას უარობდა. ყველამ დატოვა წერილები — სიკვდილისწინა წერილები ერთმანეთს. ყველამ თავი მოიკლა და ფლემინგის მესხიერებამ შემოინახა სტრიქონები ბავშვის ჩანაწერიდან: „ბებია, ჩვენ მალე მოვკვდებით“.

ათას ცხრაას ორმოცდაათ წელს ფლემინგმა მოათავა თავისი ვადა „შინსახკომის საქმის“ მიხედვით, მაგრამ ლენინგრადში არ დაბრუნებულა. ნებართვა ვერ მიიღო. ცოლი, რომელიც მრავალი წელია ინახავდა „ფართობს“, ლენინგრადიდან მაგადანში ჩავიდა, მაგრამ ვერსად ვერ მოეწყო და უკან გაემგზავრა. მეოცე ყრილობის წინ ფლემინგი ლენინგრადში დაბრუნდა — სწორედ იმავე ოთახში, სადაც კატასტროფამდე ცხოვრობდა...

მაგარ ხლაფორთში იყო ჩაბმული. ათას ოთხასი — პენსია ნამსახურობისათვის. „სპეციალობით“ სამუშაოს რომ დაბრუნებოდა, საფერშლო განათლებით გამდიდრებულს მაინც ვერ მოუხერხდა. გამოირკვა, რომ ძველი „მუშაკები“, ამა საქმეთა ყველა ვეტერანი, ყველა ცოცხლად დარჩენილი ესთეტი დაუთხოვიათ და პენსიაზე გაუშვიათ — უკანასკნელი შიკრიკის ჩათვლით.

ფლემინგმა სამსახური დაიწყო — წიგნების გადამრჩევლად ბუკინისტურ მალაზიაში ლიტინი პროსპექტზე. ფლემინგი თავს მიიჩნევდა რუსული ინტელიგენციის ღვიძლ შვილად, თუმცა ესოდენ თავისებურ ნათესაურ კავშირსა და ურთიერთობაში იმყოფებოდა. ფლემინგს არ ენადა, რომ თავისი ხვედრი ბოლომდე გამოეყო რუსული ინტელიგენციის ხვედრიდან, შესაძლოა გრძნობდა, რომ მხოლოდ ურთიერთობა წიგნთან შეუნარჩუნებდა საჭირო კვალიფიკაციას, თუკი უკეთეს დღეთა დადგომამდე მიანევდა.

კონსტანტინ ლეონტიევის დროს „საინჟინრო“ ჯარების კაპიტანი, ალბათ, მონასტერში აღიკვეცებოდა. მაგრამ წიგნის სამყაროც, სახიფათო და ამაღლებული სამყარო — მსახურება წიგნისა შეფერადებულია ფანატიზმით, — როგორც ყოველგვარი მნიშვნელოვანი მოყვარულობა, განმმენდის ზნეობრივ ელემენტს შეიცავს. გუმილიოვის ყოფილი თავყვანისმცემელი, გუმილიოვის ლექსებსა და მისსავე ბედს დართული კომენტარების მცოდნე, აბა ვახტორადა ხომ არ გამწესდებოდა! ანდა ახალი სპეციალობით — ფერშლად? არა, ბუკინისტობა სჯობსო.

— ვხლაფორთობ, დღემუდამ ვხლაფორთობ. რომი!

— არა ვსვამ.

— ახ, როგორი უიღბლობაა, როგორი უხერხულია, რომ არა სვამ. კატია, ის არა სვამს! გესმის? ვხლაფორთობ, მე კიდევ დავბრუნდები ჩემს სამუშაოზე.

— თუკი შენ დაბრუნდები შენს სამუშაოზე, — გალურჯებული ტუჩებით ამოთქვა კატამ, ფლემინგის ცოლმა, — მე თავს ჩამოვიხრჩობ, ხვალვე თავს დავიხრჩობ.

— ვხუმრობ. სულმუდამ ვხუმრობ. ვხლაფორთობ-მეთქი. დილიდან დაღამებამდე ვხლაფორთობ. რაღაც განცხადებანი შემაქვს, ვდავაქარობ, ჩავდივარ ხოლმე მოსკოვში. მე ხომ პარტიაში აღმადგინეს. მაგრამ რომ იცოდე როგორ...

ფლემინგის უბიდან თავი ამოყო დაჭმუჭნილი ფურცლების გროვამ.

— ნაიკითხე. ეს — დრაბკინას მონმობაა. ივარკაზე მყავდა. „შავი ორცხობილების“ ავტორის მონმობას თვალი გადავავლე:

„ლაგაუნქის უფროსად ყოფნისას კარგად ეპყრობოდა ტუსალებს, რის გამოც მალე დააპატიმრეს და ვადა მიუსაჯეს“. ვფურცლავდი ჭუჭყიან, განუბილ, უფროსობის დაუდევარი თითებით მრავალგზის გადაფურცლულ დრაბკინას „ჩვენებებს“...

ფლემინგი თავზე მადგა, პირიდან რომის სუნი ამოსდიოდა, ხრინინანი ხმით ამიხსნა, ლაგერში არ გაეფუჭებულვარო — აგერ, — დრაბკინაც კი ამას ადასტურებსო.



მხატვარი ალექსანდრე სლოვინსკი

— შენ ყოველივე ეს გჭირდება?
 — საჭიროა. ამით ცხოვრებას ვავსებ. ანკი ეგებ, ეშმაკმა უწყის... დავლიოთ?
 — არა ვსვამ-მეთქი.
 — ეს! ნამსახურობისათვის. ათას ოთხასი. მაგრამ ეს კი არ მჭირდება...
 — გაჩუმდი, თორემ თავს ჩამოვიხრჩობ, — დაიყვირა კატიამ, ფლემინგის ცოლმა.
 — ეგა გულით სნეულია, — ამიხსნა ფლემინგმა.
 — თავი აიყვანე ხელში. წერე. სიტყვა გემარჯვება. წერილებს ვატყობ. და მოთხრობა, რომანი — ეს ხომ სწორედ გულახდილი წერილებია.
 — არა, მე მწერალი არა ვარ. ვხლავფორთობ-მეთქი.
 დორბლით დამიშხეფა ყური და რალაცას, მთლად აბდაუბდას ჩამწერულეზბდა, თითქოსდა არავითარი კოლიმა არ ყოფილა და ოცდაჩვიდმეტ წელს ფლემინგმა თავად გაატარა ჩვიდმეტი დღე-ღამე გამოძიების „კონვეიერში“ და მის ფსიქიკას შესამჩნევი ბზარები გაუჩნდა.
 — ახლა ბლომად გამოსცემენ მემუარებს. მოგონებებს. მაგალითად, იაკუბოვიჩის „გარდაცვალება სამყაროში“ გამოვიდა. კარგია, რომ გამოსცემენ.
 — შენ მოგონებები დანერე?
 — არა. მე მინდა, რომ ერთი წიგნი ვურჩიო გამოსაცემად. იცი, რომელია? ლენინბატმი შევიარე — მითხრეს, შენი საქმე არ არისო...
 — მაინც რომელ წიგნს ამბობ?
 — სანსონის ჩანაწერები, პარიზელი ჯალათისა. აი, ეს იქნებოდა, რაც იქნებოდა — მემუარი!
 — პარიზელი ჯალათისა?
 — დიახ. მასსოვს — სანსონმა თავი მოკვეთა შარლოტა კორდეს და ლოყებზე ხელს უტყავაუნებდა. მოკვეთილ თავს კი ლოყები შეეფაკლა. და კიდევ: მაშინ „მსხვერპლთა მეჯლისებს“ აწყობდნენ ხოლმე. ჩვენში „მსხვერპლთა მეჯლისებს“ არ აწყობენ?
 — „მსხვერპლთა მეჯლისები“ — ეს თერმიდორს მიეკუთვნება და არა საერთოდ ტერორისშემდგომ ხანას. სანსონის ჩანაწერები კი — ნაყალბეგია.
 — განა მაგაშია საქმე — ნაყალბეგია თუ არა. იყო ასეთი წიგნი. დავლიოთ რომი. უამრავი სასმელი მიგემია და რომი ყველაზე უკეთესია. დიახ, რომი. იამაიკური რომი.
 ცოლმა სადილი „გაანყო“ — ზვინები რალაც მსუყე ხორაგისა, რასაც გაუმადლარი ფლემინგი თითქმის თვალის დახამხამებში ნთქავდა. დაუცხრომელი ღორმუცელობა ფლემინგს სამარადისოდ ჩაუსახლდა სხეულში, როგორც ფსიქიკური ტრავმა — ათასობით სხვა ყოფილი ტუსაღის მსგავსად — სამარის პირამდე.
 საუბარი რალაცნაირად შეწყდა, ჩამონოლილ ქალაქის ბინდ-ბუნდში ჩემს ყურთან მომესმა ნაცნობი კოლიმური ნკლაპუნი.
 მე ვფიქრობდი სიცოცხლის ძალაზე — ჩამალული რომ იყო ჯანსაღ კუჭსა და ნაწლავებში, ჩანთქმის უნარში — კოლიმაზე სწორედ ეს იყო ფლემინგის დაცვითი რეფლექსი სიცოცხლისა. განურჩევლობა და სიხარბე. განურჩევლობა სულისა, გამოძიების მაგიდასთან რომ შეიძინა, ესეც სამზადისი იყო, თავისებური ამორტიზატორი ამ კოლიმურ დაცვებაში, სადაც არავითარი უფსკრული ფლემინგს არ აღმოუჩენია — ყოველივე ეს ადრეც ხომ იცოდა და ამან გადაარჩინა — ზნეობრივი ტანჯვა-წვალება შეუსუსტა — თუკი ეს ტანჯვა-წვალება გააჩნდა! არავითარი დამატებითი სულიერი ტრავმები ფლემინგს არ განუცდია — უარესიც უნახავს, გვერდით მყოფთა დაღუპვას გულგრილად უყურებდა და მზად იყო, მარტოდენ საკუთარი სიცოცხლისათვის ებრძოლა. სიცოცხლე გადარჩენილ იქნა, მაგრამ ფლემინგის სულში დარჩა რალაც მძიმე კვალი, რომელიც უნდა ნაეშალა, მონანიებით

განენმინდა. მონანიება კი — ნამონაცდენია, ნახევრადმინინება, თავის თავთან საუბარი ხმამაღლა, სინანულის გარეშე, გამობის გარეშე. „უბრალოდ არ გამიმართლა“. მაგრამ მონათხრობი ფლემინგისა მაინც მონანიება იყო.
 — ნიგნაკს ხედავ?
 — პარტიბილეთია?
 — დიახაც. ახალთახალი. მაგრამ ყველაფერი მარტივად როდი აეწყო. მარტივად არ მომხდარა-მეთქი. ნახევარი წლის წინათ ოლქოში განიხილავდა ჩემი პარტიული რეაბილიტაციის საკითხს. სხედან, მასალებს კითხულობენ. ოლქოში მდივანი, ეგ ჩუვაში ეგა, ამბობს, უნდოდად ეგრე, ტლანქად: „მამ ყველაფერი ცხადია. დანერეთ გადანყვეტილება: აღდგენილ იქნას სტაჟის განყვეტი“. პირდაპირ გული დამენვა: „სტაჟის განყვეტილი“. თავში გამიელვა — თუკი ახლავე არ განვაცხადებ, რომ გადანყვეტილებას არ ვეთანხმები, შემდგომში მუდამ დამამუნათებენ — „ნეტავი რატომ დუმდით, როდესაც თქვენს საქმეს განიხილავდნენ? თქვენ ხომ პირადად გიბარებენ განიხილვაზე სწორედ საიმისოდ, რომ დროულად განაცხადოთ, გამოთქვათ თქვენი...“ მე ხელსა ვწევ.
 „აბა, რა გინდა?“ — უნდოდად ეგრე, მკვახედ. მე ვამბობ: „გადაწყვეტილებას არ ვეთანხმები. მე ხომ ყველგან, ყოველ სამუშაოზე ამ ნყვეტილობის ახსნა-განმარტებას მომთხოვენ“. „დახე, როგორი ცქვიტი ყოფილხარ, — ამბობს ოლქოში პირველი მდივანი. — შენ იმიტომ ხარ ასე თამამად, რომ მატერიალური ბაზა მოგეპოვება — ნამსახურობისათვის რამდენს იღებ?“ ის მართალს ბრძანებს, მაგრამ სიტყვას ვანყვეტინებ და ვამბობ: ვითხოვ სრულ რეაბილიტაციას სტაჟის გაუნყვეტილად. ოლქოში მდივანი უცებ ამბობს: „შენ რაო, რას გვანვები? რას ცხარობ? შენ ხომ ხელები იდაყვამდე სისხლში გაქვს ამოსვრილი!“ სისხლმა ტვინში ამასხა.
 „თქვენ კი რაო, — ვეუბნები, — თქვენ არა გაქვთ სისხლში ამოსვრილი?“ ოლქოში მდივანი ამბობს: „ჩვენ აქ არ ვყოფილვართ“. „და იქ, სადაც ოცდაჩვიდმეტში იყავით, იქ სისხლში არ ამოვისვრიათ?“ პირველი მდივანი ამბობს: „კმარა ლაქლაქი. ჩვენ შეგვიძლია, რომ კენჭი ხელახლა ვყართ. გაბრძანდი აქედან“. ტლანქში გამოვდი და გადანყვეტილება გამომიტანეს: „პარტიულ რეაბილიტაციაზე უარი ეთქვას“. ნახევარი წელიწადი ვხლავფორთობდი მოსკოვში. გადანყვეტილება გააუქმეს. მაგრამ მხოლოდ ის — თავდაპირველი ფორმულირება მიიღეს: „აღდგენილ იქნას სტაჟის განყვეტილი“. იმან, ვინც მოახსენებდა ჩემს საქმეს პარტკონტროლის კომიტეტს, მითხრა: ოლქოში არ უნდა გეყეფაო. სულ ისევე ვხლავფორთობ, ვდავაქარობ, მოსკოვში ჩავდივარ ხოლმე და ვცდილობ, რომ ჩემი გავიტანო. დალი!
 — არა ვსვამ-მეთქი.
 — ეს რომი არ გახლავთ, კონიაკია. ხუთვარსკვლავიანი კონიაკი. სპეციალურად შენთვის.
 — მოაშორე ბოთლი.
 — ეგეც მართალია, მოგაშორებ, ნავილებ, თან ნავიყოლიებ. ნუ გენყინება.
 — არ მენყინება.
 გავიდა კიდევ ერთი წელიწადი და ბუკინისტისგან უკანასკნელი წერილი მივიღე:

„ლენინგრადში ჩემი არყოფნისას უეცრად გარდაცვლილა ჩემი ცოლი. ნახევარი წლის შემდეგ ჩავედი. ვნახე საფლავის ბორცვი, ჯვარი და სამოყვარულო ფოტო — კუბოში მწოლიარე. ნუ დამძრახავ სისუსტისათვის, საღ-სალამათი ვარ, მაგრამ ვერაფერი გამინწყია — ვცხოვრობ, როგორც სიზმარში, ცხოვრების ინტერესი დავკარგე.“

ვიცი, ეს გამივლის — ოღონდ დროა საჭირო. იმ საბრალომ სიცოცხლეში რა ნახა? ციხე-ციხე სიარული ცნობებისა და

ამანათებისათვის? საზოგადოებრივი ზიზლი, ჩემთან ჩამოსვლა მაგადანში, — გაჭირვებული ცხოვრება, და ახლა კი — ფინალი. მაპატიე, მერე უფრო მეტს მოგწერ. დიახაც მე ჯანსაღი ვარ, მაგრამ განა ჯანსაღია ის საზოგადოება, რომელშიც მე ვცხოვრობ?

სალამი“.

რუსულიდან თარგმნა
თამაზ ნატროშვილი

ადა ნემსაძე

პოეზია — „დუმილი, რომელიც ლაპარაკობს“

(მირიან ებანოიძის
ახალი პოეტური რკალი)

უმბერტო ეკო თავისი „ვარდის სახელის“ ბოლოტექსტში წერს: „პოსტმოდერნისტულ მანერას ისე ვუყურებ, როგორც შეყვარებული კაცის საქციელს, რომელსაც უადრესად განათლებული ქალი უყვარს და იცის, ვერ ეტყვის „თავდავინწყებით მიყვარხარო“, რადგან იცის, რომ ქალმა იცის (და ქალმაც იცის, რომ კაცმაც იცის): ეს სიტყვები ღიადაა დანერგული. თუმცა გამოსავალი მაინც არსებობს. შეუძლია უთხრას: „როგორც ღიადა იტყობა, თავდავინწყებით მიყვარხარ“.

იტალიელი მწერლისა და სემიოლოგის ეს სიტყვები, ალბათ, ერთ-ერთი საუკეთესო განმარტებაა პოსტმოდერნისტული ლიტერატურის პოეტიკისა იმით შორის, რაც დღესდღეობით არსებობს. სამყაროში ახალი არაფერია, ყველაფერი უკვე დიდი ხანია ითქვა. პოსტმოდერნისტი ავტორი ამ უკვე ნათქვამს გვეუბნება ხელახლა, სხვისი სიტყვისა და საკუთარის სინთეზით. სწორედ ეს აზრი გებადება, როცა მირიან ებანოიძის ლექსებს კითხულობ, თან იმის განცდაც გიპყრობს, უკვე ნაფიქრისა და ნათქვამის ახლებურად თქმის რა უსაზღვრო შესაძლებლობანი აქვს მხატვრულ სიტყვას.

ასე, ერთი შეხედვით, ნაცნობ, ხშირად ნაფიქრ პრობლემებს დასტრიალებს იგი. ლექსში „ომი“ საკუთარ თავთან, ადამიანის მიერ საკუთარ ქვეცნობიერთან გამართული ჭიდილია ასახული, ადამიანებს, ცასა და მიწას შორის დაპირისპირებაა ნაჩვენები. „ეს არის ომი, მაგრამ მტერი არსად არა სჩანს...“ — აცხადებს ავტორი. სწორედ ამიტომაც ეს ყველაზე მნიშვნელოვანი და რთული ომია... რეალობასა და საზღვარს მიღმა სამყაროშიც კი, სადაც ადამიანის გონება მხოლოდ წარმოსახვით თუ შეაღწევს, გრძელდება ეს დაუსრულებელი ომი.

მირიან ებანოიძის ლექსებში, ერთი შეხედვით, თითქოს ყველაფერი ბურუსშია გახვეული, ნათელი ფერები აქ იშვიათად გამოკრთება. მის მხატვრულ სამყაროში თითქოს ორი რეალობაა მოცემული, ერთი ის, რაც „ნახატზე ხდება“, „ღრუბლებს მიღმა“ ანუ მიღმურ სამყაროში, ხოლო მეორე, აქვე, ჩვენ გვერდით არსებული რეალობაა. მაგრამ, ყველაფერის მიუხედავად, ორივე სამყაროში ძალადობა და ტყვიანობა გამეფებული, „მარჯვნივ, მარცხნივ, ფლანგებისკენ ყველგან ომია...“ ამ უსასრულო და უსაზღვრო ომში, სადაც „ყველგან თავდასხმა“ და არსად დაცვა, მითუფრო ძნელ-

დება გამარჯვება, გამარჯვების იმედიც კი ნელ-ნელა ინავლება, თუმცა უნდა შევნიშნოთ, რომ ავტორი ყოველთვის ინარჩუნებს იმედისა და რწმენის პანანინა მარცვალს, რომელიც უსასრულო სევდით გადაღლილ ადამიანს (კაცობრიობას) უნუგემოდ არ მიატოვებს:

წმინდა გიორგი გვეხმარება მივუახლოვდეთ —
ეს ქმნილებაა
შენს წინ დგას და სიკვდილთან მიდის...
ის არასოდეს ამბობს — გუშინწინ
ხელოვნური ნათურის შუქზე საკუთარ სისხლს
წვალებით და ზეიმით აქცევს...

სწორედ ეს იმედია, სიცოცხლის არსებობას აზრს რომ ანიჭებს და ადამიანს კვლავ სწყურია იგი, თუმცა, ავტორის ღრმა რწმენით, ამ ჭიდილს, ამ მარადიულ დაპირისპირებას — ომს — დასასრული არასოდეს ექნება, ეს კანონზომიერებაა, რომელსაც სამყაროს ფილოსოფიური ჭკრეტის შედეგად შეიცნობს ადამიანი:

გულებში ადგილს მოძებნის თოვლი... ეშვება ფარდა...
საგამოფენო დარბაზებში თოვს სინათლეზე ირიბად,
ნაზად
მოხუცმა პლენი შეიბერტყა, ნელა წამოდგა, გაუყვა
ქუჩას...
ომი გრძელდება ვარსკვლავებში, უხმაუროდ, ჩუმად,
ფარულად...

განსხვავებული პოეტური დისკურსი გვხვდება ლექსებში „ყვავი“ და „სამზარეულოს საგა“. „ყვავი“ ტიპური პოსტმოდერნისტული ნიმუშია, რომელშიც ავტორი აქტიურად მიმართავს ინტერტექსტუალობას. მის მხატვრულ ქსოვილში ჩანს სხვადასხვა ეპოქის ავტორთა ფრაზები, რომლებიც ერთგვარი ხიდის ფუნქციას ასრულებს, ოღონდ ამით მთავარი სათქმელი პოსტმოდერნიზმისთვის დამახასიათებელ ირონიულ-პაროდულ ელფერს იძენს და არა რეალურ დროთა კავშირს, არამედ მის პაროდულ ვარიაციას წარმოადგენს:

ღმერთო, სამშობლო მიცოცხლე, რათა ვიყო ყვავი
და სიგარეტს ვენოდე.
ჩვენ ამ ჩხავილში სამშობლოს დუმილს ვაყურადებთ
ცა ერთ ნერტილში შეგუბდა და ჩამოყალიბდა.
აყვავდი ტურფა ქვეყანავ.

ლექსში ყვავის ჩხავილი და დუმილი ის ოპოზიციიაა, რომელიც სამყაროს დასაბამიდან იღებს სათავეს. ღრმა ტროპული სახე ყვავის ჩხავილი მიგვანიშნებს მის ამოუწურავ კონოტაციურ მნიშვნელობებზე. ზოგადად, სიმბოლური აზროვნება იმითაა განსაკუთრებით მიმზიდველი პოეტებისათვის, რომ ის შეიძლება შეიცავდეს ერთმანეთისაგან განსხვავებულ მნიშვნელობებს, ხშირად ერთმანეთთან დაპირისპირებულსაც. მაგრამ აღნიშნული სიმბოლო — ყვავის



მირიან ებანოიძე

ჩხავილი — ნარმოუდგენელია დადებით კონოტაციებს აღძრავდეს. ის შავის, სიბნელის, ბოროტების, უბედურების მომასწავებელი წინასწარმეტყველებაა თითქოს და ლექსშიც სწორედ ამგვარ ილუზიას აჩენს. ემოციურ დაძაბულობას აძლიერებს ის ფაქტი, რომ ამ უბედურების საპირისპიროდ მხოლოდ დუმილია და არა ქმედება, თუნდაც ძალზე პასიური. ამგვარი გააზრება ინვეს უაღრესად ტრაგიკულ გა-

ნცდას ლექსის კითხვისას, რაც თანდათანობით უფრო და უფრო მაღალ რეგისტრში გადადის:

გკითხულობთ, გხედავთ, გამარჯობა ყვავო, ჩვენა ვართ. საკუთარ ჩრდილში შემეშალე, ვეღარ გიცანი. თვალს გარიდებ — ვერა, ვერ ვხედავ, არც არსებობ — სხვა თავის თავთან, არაფერი, უმნიშვნელო, როგორც სამყარო...

ყველაზე ყურადსაღები აქ მნიშვნელობათა კრიზისია, რომელიც პედალირებულია ფრაზაში. ლექსის ლირიკული გმირი წუთიერად, მაგრამ მაინც იგივეობის ნიშანს სვამს ყვავსა და საკუთარ თავს შორის — „საკუთარ ჩრდილში შემეშალე, ვეღარ გიცანი“ — მიმართავს იგი ყვავს. ეს XXI საუკუნის საკუთარ ყოფიერებაში დაეჭვებული ადამიანის სულიერი კრიზისის მაჩვენებელიცაა და პიროვნული თვითიდენტობის შეუძლებლობის ნიშანიც, ან სიგნალი მაინც, რომელიც განგაშის ზარივით გაისმის ლექსში.

თუმც ავტორი უსაშველობის განცდას ანელებს ფინალისკენ: ის, რომ ყვავი „ვერ იქცა ბედისწერად, ყორნად ვერ შედგა, გმირი ვერ გახდა, ისტორია არსად ახსენებს...“, მინიშნებაა — ბოროტების საზღვრები დაუსაბამო და ყოვლისმომცველი არ არის. სამყაროში გადარჩენისათვის კიდევ არის შანსი, თუკი ადამიანი ბრძოლის სურვილს არ დაკარგავს და თუკი დუმილზე ხელს აიღებს. მაგრამ ის ქარი, რომელიც გამუდმებით ქრის ლექსის დასაწყისიდანვე, მკითხველს არ უტოვებს დამშვიდების საშუალებას, პირიქით, თითქოს მის გამოსაფიზილებლად უფრო და უფრო ძლიერდება. ლექს ასევე ტიპური პოსტმოდერნისტული დასასრული აქვს, სადაც შევნიშნება ირონია როგორც საკუთარი თავის, ისე სამყაროს მიმართაც.

პირობას გაძლევ — იქროლებს ქარი საქართველოს ყველა ტექსტებში. შენი მზერა დაისერება ტყის უთვალავი ბილიკებით და ნანგრევებში ისტორია ამოიჩნავლებს.

როგორც ყველა პოსტმოდერნისტული მანერით დაწერილი ტექსტი, „სამზარეულოს საგაც“ აღბეჭდილია მარადიულ პრობლემათა ირონიულ-პაროდიული დამუშავებით. უსისტემობა, იერარქიის მოშლა, რაც თანამედროვე ადამიანისთვის მონესრიგებელი სამყაროს ნანგრევებად ქცევამ და დეფორმირებამ გამოიწვია, შესაბამისად გადავიდა მხატვრულ ტექსტშიც. სტრუქტურას ჩაენაცვლა რიზომა, ტექსტს — ინტერტექსტი, თხრობის მონესრიგებულობასა და ერთგვაროვნებას — ეკლექტიზმი. ამ ყველაფრის მიღმა კი შეიმჩნევა იმ დიდ ტკი-

ვითა და პრობლემათა ხაზგასმა, რაც დრომ მოიტანა. ლექსის სათაურიც — „სამზარეულოს საგაც“ — ამაზე მიუთითებს.

საგა, თავდაპირველად ისლანდიური და ნორვეგიული ლიტერატურის ჟანრი, რომელიც მოგვითხრობდა სკანდინავიის ხალხთა ლეგენდარულ გმირებზე, შემდგომ კი ევროპულ ლიტერატურაში რომანის ერთ-ერთ მნიშვნელოვან სახედ იქცა, თანამედროვე ეპოქაში დაუკავშირდა ყველაზე ნაკლებად ლიტერატურულ და შემოქმედებით ადგილს — სამზარეულოს. ეს ერთი მხრივ, დიდი ლიტერატურის კულინარიულ, მდარე ხარისხის პროდუქციად ქცევაზეც მიგვითითებს, ხოლო, მეორე მხრივ, უზუსტესად გამოხატავს ეპოქის სულისკვეთებას. ამიტომაც პოსტმოდერნისტულ ლექსში ხშირად წავანყდებით ასეთ ფრაზებს:

სალამოს სკამზე ჩამოჯდება თავად ელენე და ტროას ამბებს გაიხსენებს ჭიქა ყავაზე.

ან კიდევ:

განჯინის კარებს შორის დუმილი ჩაეჭედა და მოვიყვანეთ ხელოსანი, რათა აეხსნა ხმა როგორ უნდა ამოგველო ისე, რომ არსად გამქრალიყო, რასაც ვიტყვოდით, კარადა რომ არ დაერღვია უსარგებლოდ გაღებულ ბეგრას, ტრადიცია რომ არ დაგვმხოზოდა. და სწორედ მაშინ ჩვენ ვიპოვეთ მურაბები გადამალული.

ფილოსოფიური პოეზია ბარათაშვილისა და ვაჟას ქვეყანაში, რა თქმა უნდა, გასაკვირი არ არის. თუმც ამ ორი პოეტის შემოქმედებაც საუკეთესო ნიმუშია, თუ როგორი ზომიერი გამოყენება სჭირდება ფილოსოფიურ პრობლემებს („წყევლა-კრულვიან საკითხავებს“, ილიას რომ დავესესხოთ), რათა მათ ლექსს სიმსუბუქე და პოეტურობა არ დაუკარგონ. ეს „ბენვის ხიდი“ ურთულესი გასავლელია და შეუმცდარად მასზე გავლა მხოლოდ ძალზე ნიჭიერ შემოქმედთ ძალუძთ. მირიან ებანოიძის ლექსებს ეტყობა, რომ ავტორი ცდილობს ამას, მაგრამ ხანდახან მაინც წაუცდება ხოლმე ხელი (ამაში „დამნაშავე“, შესაძლოა, ბატონი მირიანის ფილოსოფოსობაც იყოს), რის გამოც პოეტური ფრაზა ზოგჯერ მოქნილობასა და ელასტიკურობას კარგავს.

უდავოდ ხაზგასასმელია მირიან ებანოიძის პოეზიის მეტაფორული სამყარო. მისი მხატვრული სახეები მოგწონს და გაოცებს მოულოდნელობით, შეიძლება ვთქვათ, „პოსტმოდერნისტული“ მოულოდნელობით („ნისლში კივილი იგუდება, თავის თავს კოცნის“, „მარტოობის კედლებიდან აივანზე გადარბის კატა“, „ლუდი აიას სარეკლამო აბრაზე ვჯდები და მლაშე ცრემლებს შენს სახეზე გადავაგორებ“, „ჭალის სინათლე ნალექივით დარჩა სიზმრებში“, „მისმა მარცხენა ყვრი-მალმა სინანული შემოგვთავაზა“...). ამ ყველაფერთან ერთად კი არ შეგვიძლია, გულისტკივილით არ აღვნიშნოთ: თანამედროვე პროზისა და პოეზიის ერთ-ერთ ძირითად სუსტ ნერტილად რჩება ენასთან დამოკიდებულება, რაც ენობრივი ნორმებისა და სწორი გრამატიკული ფორმების უგულბელებოებაში გამოიხატება („ნაუსმევს კარაქს“, „დადევნი ბურთი“...). რაც უნდა მნიშვნელოვან სათქმელს ინახავდეს მხატვრული ტექსტი და ღრმა ტროპული სახეობრიობით იყოს რეალიზებული, ერთი გაუმართავი სიტყვაც კი ზოგჯერ ლაზათს უკარგავს მთელ ფრაზას. კარგი იქნება, თუკი დღევანდელი შემოქმედნი, რომელთაც მრავალსაუკუნოვანი ქართული სამწერლო ტრადიციის გაგრძელება და მომავალი თაობებისთვის გადაცემა იტვირთეს, ამ ნიუანსსაც მიაქცევენ ყურადღებას.

* * *

ალექსანდრ ლისენკოს მემუარისტულ ჩანაწერებში გახსენებულია, თუ როგორ მიიწვიეს ბორის სპასკი ირლანდიის ერთ ქალაქში ერთდროული თამაშის სეანსის ჩასატარებლად. როდესაც მანქანა მინდორში გავიდა, მსოფლიოს ექს-ჩემპიონი გაჩერებას ითხოვდა, გადავიდოდა და ცოტას გაისეირნებდა.

უკან მობრუნებული ასე აუხსნიდა თანამგზავრებს თავის ამ მოულოდნელ საქციელს:

— მხოლოდ მაშინ მიმაჩნია თავი ამა თუ იმ ქვეყანაში მყოფად, როდესაც მიწაზე დავედგამ ფეხს და არა ასფალტზე.

რომანტიკული ბუნებისა რომ გახლდათ!..

და ქრესტომათიულ გაკვეთილსაც რომ დაგვიტოვებდა.

თბილისში რომ მოუნევედა ყოფნა მიხაილ ტალთან პრეტენდენტთა მატჩის დროს, ალბათ რას იფერებდა გულს ბალებსა თუ პარკებში სიარულით, რათა მინა ძალუმად შეეგრძნო და საქართველოში ყოფნაც ბოლომდე შეეთვისებინა.

ჯერჯერობით არავის მემუარული ჩანაწერები ამის თაობაზე არაფერს გვამცნობს.

თუმცა ჯერ კიდევ ვინ იცის, სად რა აღმოჩნდეს და რომელიმე მემუარულ ჩანაწერსა, დღიურსა თუ კერძო წერილში ამოვიკითხოთ, თუ რა აღტაცებული გაიძახის ბორის



* * *

ავტობიოგრაფიულ რომანში „ცამეტი წელიწადი კინოში“ აკაკი ბაქრაძე იხსენებს, რომ მის შეკითხვაზე: ახლა რომ შემოგთავაზონ, რაც გნებავთ და როგორც გნებავთ გადაიღეთო, რის გადაღებას ისურვებდითო? — მიხეილ ჭიაურელს ასე მიუგია:

— ავიღებდი პარტიის ისტორიის მოკლე კურსს და რომელიმე თავს ფილმად დავდგამდი.

ამას კარგად მოეხსენებოდა, თუ როგორ შეალია წლები სერგეი ეიზენშტეინმა „კაპიტალის“ ფილმად გადაღების ოცნებას, მაგრამ არაფერი გამოუვიდა. და ახლა ქართველი რეჟისორის პასუხი რომ გააკვირვებდა და — თუმცა თქმით არაფერს ეტყოდა — გაოცება სახეზე აესახებოდა, ის გაიცინებდა და უამბობდა ბავშვობისდროინდელ ამბავს, თუ როგორ იქირავა მამამისისაგან ცხენი სოფლის მღვდელმა, რათა ბალდახინში შეება, მაგრამ როდესაც პროცესია სასაფლაოსაკენ გასწვდა და გზად ამათ სახლს ჩაუვლიდა, ცხენი, არც აციებდა და არც აცხელებდა, შემოუხვევდა და თავის ბალდახინ-მიცვალებულიანად ეზოში შემოვიდოდა, გაჩერდებოდა და გაქირზე დადგებოდა. რას აღარ იღონებდნენ — ხან ეფერნენ, ხან ურტყეს, ხან გამოსხნეს, ხან შეაბესო — მაგრამ არა და არა, ცხენი ეზოდან ფეხს არ მოიცვლიდა. ბოლოს, მეტი ჩარა რომ აღარ იყო, სასახლეს მხრებზე შეიდგამდნენ და ისე წაასვენებდნენ მიცვალებულს სასაფლაოზე.

— იმ ცხენივითა ვარო, — დასძენდა მონათხრობს სახელოვანი რეჟისორი, — რაც უნდა შემომთავაზოთ, რა უფლებაც მომცეთ, რა ასპარეზიც გინდა გამიშალოთ, ჩემი ეზოდან ფეხს უკვე ვეღარ გადავდგამო.

აკაკი ბაქრაძე თავის მხრივ დაურთავს: მართალს ამბობდა. განა მისი ნათქვამის უტყუარი დასტური არ არის ფილმი — „ამბავი ერთი ქალიშვილისაო“? — და მეტად საგულისხმო ფსიქოლოგიურ ვითარებად განაზოგადებს რეჟისორის

სპასკი: ახლა კი ნამდვილად საქართველოში ვარო.

ეს რომ მომხდარიყო, ყოვლად წარმოუდგენელია, ქართველ თანამგზავრთაგან რომელიმეს ძალდაუტანებლად არ წამოჰგონებოდა გალაკტიონის სტრიქონები: ცვრიან ბალახზე თუ ფენშიშველა არ გავიარე, რაა მამულიო?! — და კიდევ უფრო აღფრთოვანებინა სახელოვანი სტუმარი; და ასეთი რომანტიკული ბუნების კაცს შეუძლებელია ეს სურვილიც არ გასჩენოდა: ცვრიან ბალახზე აქამდეც კი უნდა გამევილო ფენშიშველას, მაგრამ გვიანი არც ახლა იქნებო...
ეგებ მის ჩანაწერებშიც მიაგნოს ვინმემ ამ სურვილის რეალობად ქცევას: გული ვიფერე ცვრიან ბალახზე ფენშიშველა სიარულით, ერთი ქართველი პოეტის თქმისა არ იყოსო.

ნუ გავამტყუნებთ, სახელი რომ არც დამახსოვრებოდეს.

ეს ყველაფერი ოცნებაა, როდესაც ძალიან გინდა შენი მწერლები სხვებზეც ახდენდნენ დიდ შთაბეჭდილებასა და ზეგავლენას, ვაჟა-ფშაველათი აღენ დელონის აღტაცებისა არ იყოს, მაგრამ ის საგულისხმო დეტალი ხომ მაინცაა რეალობა, მინდორში ლაღად გავილი ბორის სპასკი თანამგზავრებს თავის სიხარულს რომ უზიარებს: ახლა კი ნამდვილად ირლანდიაში ვიმყოფებიო!..

ისე... დეტალი ვითომ?!

სიტყვებს, მაგრამ ამჯერად საგულისხმო ისაა, მიხეილ ჭიაურელი პარტიის ისტორიის მოკლე კურსის რომელიმე თავის გადასაღებადაც რომ გახლდათ მზად.

სადამდე შეიძლება მივიდეს მორალურად გატეხილი ადამიანი!..

და თურმე ამგვარი აბსურდული აზრი მხოლოდ მას არც გასჩენია.

ვახტანგ ჭელიძის ჩანაწერებში („ტკბილ-მწარე ამბები“) გახსენებულია, რომ ვასილ მჟავანაძის დროს ერთ-ერთ პარტიულ კონფერენციაზე როგორ გამოვიდა სიტყვით აკაკი ხორავა — სახელოვანი მსახიობი და იმჟამად რუსთაველის თეატრის დირექტორი — და როგორ აღუთქვა კონფერენციას ხანგრძლივი და მგზნებარე ლაპარაკის შემდეგ: პარტიის ისტორიის მოკლე კურსის მიხედვით დავდგამ სპექტაკლების ციკლს — რვა თავს რვა სპექტაკლადო.

საცოდაობა იყოო, — დასძენს მწერალი, — შეშინებული კაცის უზნეო მოქმედება. აკაკი ხორავა არა ყოფილა ისეთი უჭკუო, რომ არა სცოდნოდა ამ განცხადების გაუგონარი აბსურდულობა. ეს იყო შიში, დიდი ხნიდან გამოყოლილი შიში (ამბობდნენ, მენშევიკების გვარდიაში იყო და ძლივს გადარჩაო). შიშმა მიიყვანა ამ დღემდეო.

მთლად ის დროც აღარ იყო, მაინცდამაინც აუცილებელი ყოფილიყო პარტიის ისტორიის მოკლე კურსის ამეტყველება ფილმად თუ სპექტაკლად, თორემ ამათ იქნებ ცილაობაც მოსვლოდათ, რომელი დაასწრებდა და პირველად შეასხამდა ხორცს ამ ჩანაფიქრს, წვეთივით რომ აირეკლავს ეპოქის საზარლობასა და აბსურდულობას, ერთი მხრივ, და მონურ მორჩილებას, მეორე მხრივ.

ოღონდ აქ ერთ გარემოებასაც დავუკვირდეთ. მიხეილ ჭიაურელი და აკაკი ხორავა ხომ ის ხელოვანნი არიან, სტალინის დავალება მთელი თავიანთი შემოქმედებითი

უნარის გამოყენებით რომ აღასრულეს და კინოფილმი „გიორგი სააკაძე“ ისეთ ემოციურ ქმნილებად აქციეს, ზეგავლენა რომ მოახდინეს ადამიანების ფსიქიკაზე და გაორებული, მოღალატე კაცის სახე გმირად და იდეალად ჩაუბეჭდეს.

ფილმმა გადამწყვეტი როლი შეასრულა ამ საბჭოური მიზნის აღსრულების გზაზე, ნამდვილი გმირის ცრუგმირით ჩანაცვლება რასაც ჰქვია.

ვერც ისტორიის სახელმძღვანელოში ტენდენციურად მოთხოვნილი ბიოგრაფია დიდი მოურავისა იქონიებდა ასეთ ზემოქმედებას საზოგადოებრივ ცნობიერებაზე.

ვერც ანა ანტონოვსკაიას უზომოდ განელილი და ბუტაფორიული რომანი, უფრო კი რომანების სერია.

ფილმს ამ მხრივ მეტი ზეგავლენის ძალა მოეპოვება ხალხის დასაბნევადა და... აჰა, კიდევ ერთხელ დადასტურდა ეს აზრი „გიორგი სააკაძის“ მაგალითზე.

* * *

თელავის სახელმწიფო უნივერსიტეტში ტრადიციადქცეული სამეცნიერო რესპუბლიკური კონფერენცია იმართება — „კლასიკოსთა გაკვეთილები“.

გიორგი გოგოლაშვილისა და იოსებ ჭუმბურიძის გარეშე აღარც ჩატარდება ახალი და ახალი თავყრილობებიც — აგერ, ნიკო ლორთქიფანიძისადმი მიძღვნილიც მათმა მონაწილეობამაც უნდა დაამშვენოს.

თელავის უნივერსიტეტიდან ოთარ ჩხეიძისა და ჩემს წიგნებს ითხოვენ ბიბლიოთეკისათვის და ბარემ ამათ ვატან. ცხადია, ნამდვილ მკითხველებად აღიარებული ლექტორებისთვისაც წინასწარვე მაქვს გადაღებული ეგზემპლარები.

ესენი ყუთს რომ გადმოიღებენ მანქანის საბარგულიდან, ნიკო ოთინაშვილიც დაინტერესდება, კონფერენციის მონაწილეებს გორიდან რომ შემატებია. — ეს წიგნები არც მე მაქვსო, — განაცხადებს და მოინდომებს თავისთვის გადაწყობას. გიორგი და იოსები აუხსნიან, რომ ეს ცალკე თელავისთვისაა გამიზნული და აქედან ვერცერთს ვერ შეეღვეიან. მაგრამ ნიკოს გული ნუ დაწყდება — გორის უნივერსიტეტისათვის წიგნების გადარჩევისას მისი მხურვალე მონაწილეობა აუცილებლად იქნება გათვალისწინებული. თანაც, დიდხანს არ მოუწევს ლოდინი. აგერ ცოტა ხანში გორის უნივერსიტეტში ხომ უნდა გაიმართოს იაკობ გოგებაშვილისადმი მიძღვნილი სამეცნიერო კონფერენცია, ეს ორნი იქაც აუცილებლად მიიღებენ მონაწილეობას, ჯერ მარტო როგორც იაკობ გოგებაშვილის სახელისა და ღვანლის დიდი მოამაგენი, და ბარემ თვითონვე ჩაუტანენ იქაურებისათვის საჩუქრად შერჩეულ წიგნებსაც.

ნიკო დიდად გახარებულია.

სხდომა ჩამთავრდება და მონაწილეებს ისეთ სუფრასთან იწვევენ, თელაველებს რომ სჩვევიათ.

იოსებ ჭუმბურიძე ხელებს იბანს და ნიკოც წამოადგება თავზე:



ყალბმა ბიოგრაფიამ სრულიად გადაყალბა გიორგი სააკაძის ტრადიციული ცხოვრების ქვეყნარტი ქარგა და გაორებული კაცი ასე წარმოსდგა მონუმენტურ ფიგურად და სწორედაც იდეალად, ერთბაშად რომ გადაფარა ქვეყნარტი გმირები და ზნეობრივი ღირებულებანი და საზოგადოების ერთი ნაწილი ჯერაც ვერ გამოკვლეულა ამ საბჭოურველიდან.

ეს საბურველი კი ვისი შექმნილია?

უშუალოდ იმ ადამიანების, რომელნიც... პარტიის მოკლე კურსის ამტყვევლებზეც კი ოცნებობდნენ ფილმად და სპექტაკლად.

ვაი და ვაგლახ!..

ისე ნეტა მოესწროთ და გვეხილა აბსურდის კიდევ ერთი ზემიმი — სხვა ზემიმებზე კიდევ უფრო აღმატებული...

ხომ უნდა გკონდეს საშუალება იხილო, სადამდე შეიძლება დაეცეს ხელოვანი.

— ბატონო სოსო, როგორ გაგიბელოთ და... იქნებ „შავი ჩოხაც“ წამოგედღვანიებინათ...

ჩემს ბიოგრაფიულ რომანს გულისხმობს ქაქუცა ჩოლოყაშვილზე, იოსებს ძალიან რომ მოსწონს, მაგრამ ამ წუთს ვერ ივარაუდებს, თანამოსაუბრე რას სთხოვს. ზეპირმეტყველებისას, მოგესხენებათ, წინწკლები არ დაისმის. და ნიკოს ნათქვამს პირდაპირ მიიღებს. და პირდაპირ რომ მიიღებს, ირიბულადაც ჩაეკითხება:

— ვერცხლის სირმებით გნებავს თუ?..

და როდესაც გაირკვევა, თუ რის წამოღებას სთხოვენ, ბევრსაც იცინებს და სუფრაზეც მოჰყვება ხალისით.

მასპინძელთა შორის როინ ჭიკაძეცაა — ამ კონფერენციების ერთ-ერთი სულისჩამდგმელიც და უცვლელი მონაწილაც, ამ ქალაქის კოლორიტული პიროვნება, იუმორითაც რომ დიდად გამოირჩევა. აი, ის, მოკლე ბარათსაც რომ დაურთავდა „ჩვენი მწერლობის“ რედაქციაში გამოგზავნილ ნაწილი კუპატაძის სტატიას „ცხადი და სიზმარი

ზაირა არსენიშვილისა“: ერთი ძველი სიმღერისა არ იყოს, — „ცოლი გამიდიდგულდაო“, მე კიდევ უარესი დამემართა — ბიოლოგი ცოლი გამილიტერატორდა, თუმცა არცთუ უსაფუძვლოდ, ვინაიდან ამ მხრივ მას უკვე აქვს მცირე გამოცდილება.

ეს ფრაზები ერთ რამედ ღირდა და სტატიასთან ერთადაც დაიბეჭდებოდა ჩვენი ჟურნალის 2011 წლის მე-19 ნომერში.

და ახლა იოსების მონაყოლზე სუფრაც რომ გამხიარულდება, ბატონი როინი მეტად სერიოზული იერით განუცხადებს:

— „შავ ჩოხას“ რა უშავს, კიდევ კარგი „თეთრი დათვი“ რომ არ მოგთხოვა.

„თეთრი დათვი“ მატთან ქართლისას 24-წიგნიანი ციკლის ერთ-ერთი რომანია და... ამ წუთას — კომიკური ეფექტისათვის — ყველაზე შესაფერისი გასახსენებლად.

როინ ჭიკაძეც იქნებოდა, რომ ამისთანა შემთხვევა ხელიდან გაეშვა!..



მატყარი ზაალ სულაკაური

კომუნისმი მიჭეჭივით გაქრება

მასპინძელიც გაცემაზე შეიპყრო და სტუმარიც.

მასპინძელი იყო ნითელი არმიის ახალგაზრდა ოფიცერი, რომელიც იმ დღეს მორიგეობდა იუგოსლავიის დედაქალაქ ბელგრადში დაბინავებულ საბჭოთა სამხედრო მისიაში.

ხოლო სტუმარი გახლდათ რუსი ემიგრანტი, სამოცდაათ წელს მიღწეული გაჭაღარავებული კაცი ანონილი ფიგურით, რომელიც ნებაყოფლობით ტყვედ ბარდებოდა ნითელ არმიას.

იღვა 1945 წლის მაისი. მთელი ევროპა ზეიმობდა განთავისუფლებას ფაშისტური ულღიდან.

ნითელი არმიის ოფიცერი გაოგნებით შეჰყურებდა სტუმარს, დაჟინებით რომ იმეორებდა: ახლავე დამაპატიმრეთ, მე ვასილი ვიტალიევიჩი მულგინი გახლავართო.

მასპინძელი გულდასმით კითხულობდა ძებნილ პირთა სიებს, მაგრამ მულგინის გვარი იქ არსად ჭაჭანებდა. ახალგაზრდა ოფიცერმა უმნოდ გაშალა ხელები, როგორ უნდა დაგაპატიმროთ, როდესაც თქვენი დანაშაული არ ვიცით. შეგიძლიათ აქედან წაბრძანდეთ, ჩვენ არ გიცნობთ და თქვენთან არაფერი გვესაქმებაო.

სტუმარი უსიტყვოდ დაემორჩილა თავაზიან განკარგულებას. სხვა რა გზა ჰქონდა — რევოლუციამდელ რუსეთში სახელგანთქმულ პოლიტიკურ მოღვაწეს ოცდაათი წლის შემდეგ, ჩანს, სამშობლოში აღარ იცნობდნენ.

მაგრამ ასე იოლად ვერ შეეღებოდა თავის გულისწაღილს. ბედი მორღო დღესაც სცადა და ამჯერად გაუმართლა. იცნეს, დააფასეს!

სანერ მაგიდასთან იჯდა არცთუ ახალგაზრდა პოლკოვნიკი. როგორც კი მულგინმა თავი წარუდგინა, იგი ზეზე წამოიჭრა, ჯიქურ მივარდა სტუმარს, საყელოში მოქაჩა და დაულრიალა:

— ეს თქვენა ბრძანდებით მულგინი?! „პოგრომების“ ორგანიზატორი და საბჭოეთის მოსისხლე მტერი?

— როგორც იქნა, მიცნეს, — შვებით აღმოხდა სტუმარს.

სასწრაფოდ ჩასვეს თვითმფრინვაში და მოსკოვს გაისტუმრეს.

როგორც გამოირკვა, საბჭოთა კავშირზე თავდასხმის წინ ჰიტლერის დამქაშებმა რუსულ ემიგრანტულ წრეებში ესოდენ პოპულარული ფიგურა, სტაჟიანი „ანტისოვეტნიკი“, დაუყოვნებლივ მიიპატიჟეს ბერლინში, ჩვენი ჯვაროსნული ლაშქრობა აკურთხეო. მაგრამ თავის სამშობლოში მოფაშისტო რეაქციონერად შერაცხულმა მულგინმა, სულით და ხორციტ ანტიკომუნისტმა, ნაცისტებს ანუ მამალ ანტიკომუნისტებს, სრულიად მოულოდნელად, ცივი უარი სტკიცა. მისი აზრით, გერმანელთათვის სულერთი იყო, ნითელი იქნებოდა რუსეთი თუ თეთრი, ისინი მხოლოდ ვრცელი ტერიტორიების დაპყრობას ესწრაფოდნენ და რუსეთი რუსებისათვის, ცხადია, არ ემეტებოდათ.

ომის წლები მულგინმა შეუმჩნევლად, უხმაუროდ და განმარტოებით გაატარა იუგოსლავიის ერთ მივარდნილ, პატარა სოფელში. ომის დამთავრების შემდეგ გადაწყვიტა დაბრუნება საბჭოთა კავშირში, რომლის გამარჯვებაც სასტიკი, სისხლისმღვრელ ომში ფრიად ესალბუნებოდა მის ველიკოდერჟავულ სულისკვეთებას. დიახ, მტკიცედ ჰქონდა გადაწყვეტილი, რომ თავისი სიცოცხლე დაეთმავრებინა სანატრელ სამშობლოში — თუნდაც საპყრობილეში.

მოსკოვში ჩაფრენილს მყისვე ლუბიანკაზე უკრეს თავი და საქმის გამოძიებას შეუდგნენ.

მულგინმა ასე მიმართა — ვისაც ჯერ არს:

— ტყუილბრალოდ დროს რატომ კარგავთ? ცალკე საკანში დამაბინავეთ, ქალაქი და კალამი მიბოძეთ, ჩემი ცხოვრების ისტორიას თავადვე დავწერ, თქვენ არ შეგანუხებთ, დანვრელებით მოგიტხრობთ ყველა ჩემს დანაშაულს საბჭოთა ხელი-სუფლების წინაშე.

თხოვნა შეუსრულეს. რამდენიმე ასეული ფურცელი შეავსო. ეხერხებოდა წერა. თავის დროზე ხომ პოპულარულ გაზეთს რედაქტორობდა.

სხვათა შორის, მულგინი იყო ყოფებოდა იმ დელეგაციაში, რომელიც ეახლა რუსეთის უკანასკნელ იმპერატორს უმორჩილესი

თხოვნით — გადადექიო! ახლა იხსენებდა, რომ იმპერატორი სრულიად რუსეთისა ნიკოლოზ II ჭადრაკის თამაშით იყო გართული და როცა სტუმართა ვიზიტის მიზანი შეიტყო, გახარებულმა წამოიძახა: ღმერთო ჩემო, ბოლოს და ბოლოს, ეს დამთავრდა!

მულგინის სიტყვით, ის იყო „ყველაზე დიდი კრეტინი რომანოვების დინასტიიდან“. მემარჯვენე ნაციონალისტი და თავგადადებული მონარქისტი, რასაკვირველია, ვერ იტანდა იმ უნიათო გვირგვინოსანს, ვისი წყალობითაც რევოლუციების უფსკურულში გადაიჩნა ვეებერთელა იმპერია.

გასული საუკუნის 20-იან წლებში მოსკოვში გამოცემულ იქნა ემიგრანტ მულგინის სამი ნიგნი: „დღეები“, „1920 წელი“ და „სამი სატახტო ქალაქი“. საოცარია, მაგრამ საბჭოთა ცენზურამ ამ უკანასკნელსაც მისცა ვიზა — მიუხედავად ჩხვლეტისა სტალინის მისამართით: „მართალია სტალინზე ამბობენ, რომ ვარდისფერი ვირის პოვნა უფრო იოლია, ვიდრე ჭკვიანი ქართველისა, მაგრამ სასონარკვეთას არ ვეძლევი. ხომ შევასწავლეთ ლენინს „ახალი ეკონომიკური პოლიტიკა“?“

...იჯდა ბოსფორის პირას სამშობლოდან გაქცეული, დამარცხებული და დევნილი მულგინი. იჯდა ბოსფორის პირას მჭმუნვარე და უიმედოდ, უნუგეშოდ ეგებებოდა ახალ 1921 წელს. იჯდა ბოსფორის პირას და თავს იქცევა ნინასწარმეტყველებით. როგორც ირკვევა, ნინასწარმეტყველის ნიჭითაც იყო დაჯილდოებული, ემარჯვებოდა.

ნინასწარმეტყველება პირველი: „ნითლებს მხოლოდ ეჩვენებათ, რომ ისინი იბრძვიან „ინტერნაციონალის“ საიდებლად. სინამდვილეში, გაუცნობიერებლად, ისინი სისხლს ღვრიან საიმისოდ, რათა აღადგინონ „ღვთიეკურთხეული სახელმწიფო რუსეთისა“. ისინი თავიანთი ნითელი არმიებით მოძრაობენ ყოველმხრივ მანამდე, ვიდრე მიაღწევენ მყარ მიჯნებს, სადაც დაინყება სხვა სახელმწიფო ორგანიზმთა მტკიცე ნინააღმდეგობა. და ეს იქნება ბუნებრივი საზღვრები მომავალი რუსეთისა“.

ნინასწარმეტყველება მეორე: „ბოლშევიკები მოამზადებენ სრულიად რუსეთის თვითმპყრობელის მოვლინებას. ეს არ იქნება არც ლენინი და არც ტროცკი. მათი ბაგაჟი, მათი ხუნდები — სოციალიზმი. ისინი ვერ უარყოფენ სოციალიზმს, რომლის მეოხებით მოიპოვეს ძალაუფლება და ზურგით უნდა ათრიონ ეს ტომარა. და მაშინ მოვა ვინმე, რომელიც აიღებს მათ სისასტიკეს, მაგრამ არ აიღებს მათ ტომარას. ის იქნება ჭეშმარიტად ნითელი თავისი ნებისყოფით და ჭეშმარიტად თეთრი — დასახული ამოცანებით. ის იქნება ბოლშევიკი თავისი ენერგიით და ნაციონალისტი თავისი მრწამსით. და ყველაფერი, რაც ახლა ხდება, მთელი ეს საშინელებანი, რაც თავს დაატყდა რუსეთს, ეს მხოლოდ მშობიარობაა — საზარელი, ძნელი, უზომოდ მტანჯველი. დიახ, მშობიარობა თვითმპყრობელისა! განა იოლი საქმეა შობა სრულიად რუსეთის ჭეშმარიტი თვითმპყრობელისა?!“

ეს სტრიქონები დანერვილა 1920 წლის დამლევს სტამბოლში, დაბეჭდილია 1927 წელს ლენინგრადში — გრიფით „ბიბლიოთეკა ყველასთვის“.

თავად განსაჯეთ, აუხდა თუ არა ნინასწარმეტყველებანი მულგინს. უკვე სამშობლოში დაბრუნებული 1945 წელს ასე უცხადებდა ლუბიანკაზე თავის ზედამხედველებს, ჩინიანთა თუ უჩინოთ: „სტალინის ნინამძღოლობით ჩვენი ქვეყანა გახდა მსოფლიო იმპერია. სწორედ მან მიადნია იმ მიზანს, რისკენაც ისწრაფოდა რუსთა არაერთი თაობა. კომუნისმი მეჭეჭეჭით გაქრება, მაგრამ იმპერია იცოცხლებს! ინტერნაციონალი ჩაირეცხება, მაგრამ საზღვრები დარჩება! სამწუხაროა, რომ სტალინი არ არის ნამდვილი მეფე — საამისოდ მას ყველა მონაცემები გააჩნია. თქვენ, კომუნისტები, რუსულ სულს არ იცნობთ. ხალხს აქვს თითქმის რელიგიური მოთხოვნილება, რომ წინ წაუძღვეს მამა, ვისაც შეიძლება ენდო“.

1956 წელს მულგინი ციხიდან გამოუშვეს. კიდევ 20 წელიწადი იცოცხლა. გარდაიცვალა 98 წლისა...

ციხეში — 365 წლით

ოდესმე თუ გასმენიათ, რომ მოსამართლეს თავისი განაჩენი, მკაცრი და უღმობელი, ლექსად დაენეროს? რასაკვირველია, არაფერი ამის მსგავსი არც არასოდეს მომხდარა და არც არასოდეს მოხდება. დიახ, განაჩენის ლექსად დაწერა, რა თქმა უნდა, წარმოუდგენელია, მაგრამ ბუნებაში მოიპოვება მძაფრი პათეტიკით შემკული ტექსტი, რომელიც ამერიკელ მსაჯულს შეუთხზავს თავისი განაჩენის ორნამენტად და რომელიც გააფიქრებინებს, მისი ავტორი შექსპირის შორეული შთამომავალი ხომ არ არისო? აბა თავად განსაჯეთ, როდესაც ბრალდებულის ამგვარ პორტრეტს იხილავთ: „ეს ადამიანი წარმოადგენს ბოროტების ბანალურ განსახიერებას, ესაა არარაობა სულით ხორცამდე, ვისაც არაფერი გააჩნია წმინდა; ვისი მთელი ცხოვრების დაზნის ისაა, რომ დროულად იყნოსოს, თუ საით უბერავს ქარი, რათა უმაღლესი მოიხვეჭოს სარგებელი მოახლოებული ქარიშხლიდან; ვინც ერთგულად მისდევს ერთადერთ მცნებას: ჩემს შემდეგ ქვა ქვაზე წულარ დარჩენილო, ჩემს შემდეგ თუნდაც წარღვამ ნაილოს მთელი ქვეყნიერებაო...“

მამ ასე, ბრალდებულის სკამზე ზის ჯონ უოკერი, აშშ სამხედრო-საზღვაო ძალების ოფიცერი (გადამდგარი), დაპატიმრებული 1985 წელს. ბრალად ედება შპიონაჟი საბჭოთა კავშირის სასარგებლოდ. ჩამოყალიბებული ჰქონდა მსტოვართა ჯგუფი შემდეგი შემადგენლობით: თავისი ვაჟი, უმცროსი გადამწერილი მაიკლ უოკერი; თავისი უფროსი ძმა, კაპიტან-ლეიტენანტი არტურ უოკერი და უოკერის ოჯახგარეთა პირი, უფროსი რადისტაი ჯერი უიტკორთი.

ყველანი მსახურობდნენ აშშ სამხედრო-საზღვაო ძალებში. უოკერის საქმე (უფრო ზუსტად — უოკერთა საქმე) ყველაზე მსხვილი საჯარო საქმე იყო აშშ სამხედრო-საზღვაო ფლოტის ისტორიაში, ხოლო სამშობლოსთვის მიყენებული ზარალი ყველაზე სერიოზული გახლდათ. ჯონ უოკერმა ოჯახის ორი წევრი (ძმა და ვაჟიშვილი) არ იკმარა და სხვა წევრთა ჩაბმასაც ლამობდა, მაგრამ ამაზე — ცოტა ქვემოთ, მანამდე კი...

ჯონ უოკერი ამ სარფიან, მაგრამ უაღრესად სახიფათო გზას დასდგამდა ვერ კიდევ 1967 წელს, როდესაც თავისი ფეხით გამოცხადებულა საბჭოთა საელჩოში, ვაშინგტონში რომ არის გამწვანებული, და ნებაყოფლობით შეუთავაზებია თავისი სამსახური.

არავინ აშანტაჟებდა, როგორც ხდება ხოლმე, არავინ დამუქრებია, დედას მოგიკლავთო, შენს ცოლს შენს თვალწინ ნამუსს ავხდითო, შვილებს წაგართმევთო, სახლ-კარს გადაგიბუფავთო, თუკი ბოროტების იმპერიის სამსახურში არ ჩადებებიო...

არავინ აცდუნებდა ლამაზ-ლამაზი რუსი ალქაჯებითა თუ სხვა ამქვეყნიური სიამეებით.

არაფერი ამის მსგავსი! უბრალოდ კაი ცხოვრება წყუროდ, ტკბილი ცხოვრება, ჰოლივუდის შედეგებთან რომ იცოდა. იმაზე უკეთესი ეზმანებოდა, ვიდრე ერგებოდა წილად სან-დიეგოს სამხედრო-საზღვაო სასწავლო ცენტრში არსებული რადისტთა სკოლის დირექტორის მოადგილეს (მანამდე ატომურ წყალქვეშა ნავზე მსახურობდა).

ხელი მიუწვდებოდა ზესაიდუმლო კრიპტომასალებზე და საბჭოთა გასამრჯელო უხვად ჩაუყაჭეს ჯიბეში. სასრაფოდ გახსნა ორი კომერციული ფირმა, აგრეთვე — ბარი და რესტორანი.

აინყო ტკბილი ცხოვრება ჯონ უოკერმა, ხოლო გამოძიების ფედერალურ ბიუროს (ფე-ბი-აი) ამასობაში ტკბილად ეძინა.

ცოლი ვერ წამოაგო ანკესზე და მერე თავისი ასულის გადაბირება სცადა. ლორა უოკერ-მნაიდერი მსახურობდა აშშ არმიამში. ერთ მშვენიერ დღეს დაორსულდა და სამხედრო სამსახური უნდა მიეტოვებინა. მამა ჩასჩინებდა, ახლავე გაიკეთე აბორტი, რომ არმიამი დარჩე და ჩემი დავალებანი შეასრულო. არწმუნებდა, მომავალში მაინც არა-

ფერი გეჭყანება სახიერო, სხვა არაფერში ვარგინარ, იშვიათი მტერი ხარო.

უფრო წარმატებული გამოდგა ვაჟიშვილის გადაბირება. 1982 წელს მაიკლი, მამის კარნახით, სამხედრო-საზღვაო ფლოტში გამწვანდა, ავიამზიდ „ამერიკა“-ზე, უმცროსი გადამწერილად. მისივე ამდენი მამას, რომ საიდუმლო მასალებზე მიუწვდებოდა ხელი. მამამ: ზედმეტი ფული არაფერს დაგიშვებს. სადაც მე ფულს მიხდინა, იქ ბლომად აქვთო.

ერთხელაც მაიკლმა კიტელქვემ ჩაიკუჭა საიდუმლო დოკუმენტები და უწვებლად გამოიტანა ხომალდიდან. მამამ ასწავლა ფოტოაპარატის ხმარება მიკროფოტოგრაფირებისათვის. ნამდელსუმ აფრთხილებდა შველს: დედამ არ იყნოსო, თორემ გაგვკიდებო.

ჯონ უოკერი ამაცობდა თავისი არალეგალური მოღვაწეობით. თავის რუს მეპატრონეებს სწერდა: „ჩვენი ორგანიზაციის მოქმედ თუ პოტენციურ წევრთაგან არც ერთი არ განიცდის იმ კლასიკურ პრობლემებს, რომლებიც აწვალეზენ მრავალთ, მსგავსი საქმიანობით რომ არიან დაკავებული. ჩვენს შორის არ არიან არც ნარკომანები, არც ალკოჰოლიკები, არც ჰომოსექსუალები. ჩვენ ფსიქოლოგიურად განწონანსორებული მონიფული ადამიანები ვართ და გავგაჩნია შესაძლებლობანი, რომ უშიშრად გამოვიშუშავოთ ჩვენი გასამრჯელო“.

1984 წლის ნოემბერში უკვე გაყრილმა ცოლმა, ქალბატონმა ბარბარამ (ქალბატონ ლორას დაჟინებით) ყოფილი ქმარი დააბოხლა გამოძიების ფედერალურ ბიუროში.

უოკერზე თვალთვალი დაანესეს. ხოლო 1985 წლის 10 მაისს დააკავეს დანაშაულის ადგილზე, როდესაც ვაჟიშვილის მიერ აწაპნილ დოკუმენტებს ათავსებდა საშალავში. იქვე შენიშნეს საბჭოთა ვიცე-კონსული ალექსეი ტკაჩენკო, რომელიც იძულებული გახდა, რომ სამ დღეში სამუდამოდ დაეტოვებინა ნეტარი შერეთებული შტატიკი.

აშშ თავდაცვის მინისტრმა კასპარ უაინბერგერმა, ჯონ უოკერის საქმესთან დაკავშირებით, განაცხადა: „რუსებმა მოიხვეჭეს ინფორმაცია ჩვენი შეიარაღებისა და ელექტრონულ მოწყობილობათა შესახებ, ჩვენი სანაცხრო, წყალქვეშა და საჰაერო ძალების სასწავლო მომზადების შესახებ, ჩვენი საბრძოლო მზადყოფნისა და საომარი ტაქტიკის შესახებ. ჩვენ უკვე ვხედავთ იმის აშკარა ნიშნებს, რომ რუსებმა იციან ყველა ასპექტი ჩვენი დოქტრინისა, ზღვაზე საბრძოლო მოქმედებათა წარმოებას რომ ხეხება. და ჩვენთვის ახლა ნათელია, რომ ყოველივე ზემოთქმული პირდაპირ უკავშირდება უოკერთა ჯამშურ საქმიანობას“.

ბარბაქალა, ამხანაგო ჯონ უოკერი! ხუმრობა საქმეა, შენი მოღვაწეობით თვით თავდაცვის მინისტრი უძღვევლი სუპერსახელმწიფოსი შეაშფოთო და შეანრილო?!

ბარბაქალა, ძვირფასო ამხანაგო ჯონ უოკერ! ხუმრობა საქმეა, შენი მოღვაწეობით ისე ააღვლეო თავდაჭერილი მსახური თემიდასი, რომ ჰომეროს-შექსპირივით ამეტყველდეს და ცივისსახლიანი ვერდიტი ლამის წვევლა-კრულვას დაამსგავსოს, ხანდახან ბაზრის დედაკაცებს რომ სჩვევიათ. ალბათ ბრძანებთ, ეს თქვენი უცნაური სათაური რაღას ნიშნავსო? ეს ჩვენი უცნაური სათაური კი იმას ნიშნავს, რომ უოკერთა საოჯახო ბიზნესის ფრიად წარმატებულ სულისჩამდგმელსა და ორგანიზატორს, მისტერ ჯონ უოკერს მიუსაჯეს პატიმრობა, არც მეტი და არც ნაკლები, 365 წლით.

რაო, არ ეკუთვნოდა? სამას სამოცდახუთი კი არა, ათჯერ სამას სამოცდახუთიც ეკუთვნოდა!

ისე, რავარია?! როგორ მოგწონთ ესოდენ ბრძნულად აწონ-დაწონილი და უკიდურესი სიზუსტით გამოთვლილი ვადა პატიმრობისა? და რომც არ ვიცოდეთ, სად მოხდა ეს, რომელ ქვეყანაში, მაინც მივხვდებით უჭოჭმანოდ, ვინაიდან — არის ასეთი ქვეყანა, მას ამერიკა ჰქვია...

„მედიათეკას“ ორიგინალურ გარემოში, ვაკის პარკის სიმწვანით შემოსუდრულში, გაიმართა ზაალ სამადაშვილის ნოველების, მოთხრობების, მინიატურებისა და დღიურების დიდტანიანი კრებულის „60“ („ბაკურ სულაკაურის გამომცემლობა“) წარდგინება. ეს საერთო სახელწოდება პირდაპირ მიანიშნებს ავტორის ასაკს, წიგნში კი თავმოყრილია მწერლის 30-წლიანი შემოქმედებითი გზის ნაყოფი, უფრო ზუსტად ერთი რკალი — თბილისური სურათები და ანარეკლები 80-90-იანი და ახალი საუკუნის ათწლეულის საზოგადოებრივი, პოლიტიკური და ლიტერატურული ცხოვრებისა. კრებულის კომპოზიციური სტრუქტურა სწორედ ამ სამ ათწლეულს ეყრდნობა და ხელშესახებად წარმოაჩენს მწერლის სტილურ ძიებებსა და დაუოკებელ სწავლას წიგნის კულტის დასამკვიდრებლად. წარდგინება უჩვეულოდ მალე მოთავდა. ავტორმა ორიოდ სა-

მადლობელი სიტყვა წარმოთქვა და წაიკითხა ანა კორძია-სამადაშვილის მცირე ესეი, შეთხზული კრებულისაგან მოგვრილი სახელდახელო შთაბეჭდილებებით.

ეს იყო და ეს. ზოგიერთ ლიტერატორს აშკარად გულს დააკლდა, ახალი წიგნის — ამ მართლაც არაორდინარული მოვლენის — განსჯისა და შეფასების საშუალება რომ არ მიეცა, თუმც შეუძლიათ თავიანთი მოსაზრებანი წერილობით ჩამოაყალიბონ, რათა „60“ ერთი მცირე გამოხმაურების ამარა არ დარჩეს. ჩვენ გვაქვს იმ რანგის სალიტერატურო კრიტიკა და გვყავს ისეთი კრიტიკოსები, რომ ასეთი წიგნების მხატვრული ღირსებანი შესაფერისადც წარმოაჩინონ და ისეთივე სანდო მეგზურები იყვნენ მკითხველისათვის ამ კრებულის გააზრებაში, როგორი სანდო მეგზურიც თვითონ ზაალ სამადაშვილია ლიტერატურის უკიდევანო სავალეზე.